



6

75-1

6



HOMERI ODYSSEA

LATINIS VERSIBUS EXPRESSA.

HOMERI ODYSSEA
LATINIS VERSIBUS EXPRESSA
A BERNARDO ZAMAGNA
R A G U S I N O
A D
OPTIMUM PRINCIPEM
PETRUM LEOPOLDUM
A U S T R I A C U M
&c. &c. &c.



SENIS CIO. IDCC. LXXVII.
EXCUDEBANT FRATRES PAZZINII CARLII.

PRAESIDUM PERMISSU.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 100 PART 1 2000

PETRO LEOPOLDO

AUSTRIACO

FRANCISCI I. ET MARIAE THER.

AUGG. FILIO

IMP. AUG. JOSEPHI II. FRATRI

ARCH. AUSTR. PRINC. REG. HUNG. BOH. M. D. ETRURIAE

EXIMIO VIRTUTUM OMNIUM CULTORI

BONARUMQ. ARTIUM PATRONO MUNIFICENTISSIMO

SE SUAMQUE LATINAM ODYSSEAM

BERNARDUS ZAMAGNA

DEVOTUS NOMINI MAJESTATIQUE EJUS

O. D. Q.



*Armina, non saevi memorant
quae praelia Martis,
Luctificamque iram Pelidae et nescia flecti
Pectora; sed nullo virtus queis fracta periclo,
Ingeniumque sagax magni celebratur Ulissey,
Qui*

*Qui varios hominum mores inspexit, et urbes
 Factatus pelago longisque erroribus actus,
 Accipe jam Leopolde: tuo sunt carmina digna
 Ingenio laudumque heic omnia plena tuarum.
 Fortis erat belloque acer Laërtius heros
 Ad virides Xanthi ripas, ubi Graecia quondam
 Barbaricas evertit opes populata Pelasgis
 Ignibus Hecloreo male Pergama robore tuta.
 Non Tydei gnato, geminisque Ajacibus, ipsi
 Aut valido Aeacidi subversae gloria Trojae
 Debetur. fugiens denos infida per annos
 Capta boni stetit arte Ithaci victoria Grajum,
 Nec post firma pedum retulit vestigia retro.
 Haud tamen hinc magnum fama super aethe-
 ra notus*

*Ille viget. cedunt aliis Mavortia bella
 Laudibus, insignem quae caeli ad sidera tollunt.
 Olli aderat semper custos Tritonia virgo,
 Atque animi motus omnes sensusque regebat
 Consiliis dea magna suis. non blanda voluptas
 Edomitum vicit; non Circe, et vafra Calypso
 Illeclum potuere cavo retinere sub antro
 Et patrias sedes optantem et conjugis ignes.
 Non Cicones illi nocuere, aut turbidus armis
 Antiphates, nec Scylla rapax, nec vasta Carybdis.*
 Hor-

*Horrisco refluos eructans gurgite fluctus.
 Quin victae doliuere, maris gens improba, blandae
 Sirenes dulci frustra late omnia cantu
 Litora complentes; doluitque oppressus opaci
 Rupe sub horrenda scopuli, Neptunia proles,
 Ille Cyclops vivos artus depascere morfu
 Suetus, et effuso fera spargere limina tabo.
 Sic durum per iter ludando interritus ibat
 In patriam caroque ferens solatia gnato,
 Desertoque diu felicia tempora regno.
 Jam rediit: periire proci, pulcherrima gaudet
 Penelope, plaudunt laeta inter gaudia cives,
 Aureaque aeternam promittunt saecula pacem
 Per populos Ithacae. felix, cui numina tantam
 Adnuerunt laudem, qui rerum vincere monstra
 Tam varia, ac tantos potuit superare labores,
 Non sibi, sed quaerens regnis, queis praesidet
 aequus
 Commoda. fama illum nunquam defessa per ora
 Fert hominum late volitans, atque inserit astris.
 Tu quoque jam gaude Leopölde: haec scilicet una
 Cura tibi residet vernanti in flore iuventae
 Imperiis subiecta tuis ut floreat usque
 Thuscia dives opum variarum, et nescia fraudis.
 Non tibi vis animi, non firmo in pectore robur,
 In-*

*Invidæque manus deerunt, si Martia quando
Bella vocent, trepidasque acuat discordia gentes:
Sed melior te pacis amor tenet; hic tibi certa
Dona parat. quaerant alii sibi nomen ab armis,
Et referant partos devicto ex hoste triumphos;
Tu faciles aditus populis, tu mollia perge
Pectora supplicibus praebere, et fervidus insta
Tendere, quo virtus, quo te tuus advocat ardor.
Vera placent, falsisque obdis rumoribus aures,
Nil tibi adulantum cum turba, nec tua livor
Corda rapit transversa, animumque erroribus
implet*

*Regifico assuetum luxu. jamque omnis abacta
Dira lues fugit vitiorum, atque abdita nigras
Eumenidum petiit latebras, amnemque severum.
At superis delapsa plagis illa aurea virgo
Aequato laeva geminas examine lances
Fulmineumque tenens dextra ensen pendet ab ore
Usque tuo. procul abde minas, procul abjice ferrum
Dira manu: quid tela juvant, ubi crimina nulla,
Nullae ubi sunt scelerum facies, quas aspera
plectas?*

*Cana fides, pietasque, et mcrum candida regnat
Simplicitas, largaque manu sub principe tanto
Copia didit opes, et praemia laudibus aequat.*

Non

*Non gemitus resonant miserrorum ; at gaudia
pennis*

*Purpureis risus inter volitantia ludunt.
Legibus id, dux magne, tuis Etruria debet,
Providus imperii queis mollia frena gubernas,
Damnaque sollicitus reparas, quae longa vetustas
Intulit illa hominum corrumpere sueta labores.
An memorem stratasque vias, molesque superbas
Arcibus impositas summis, et pontibus amnes
Marmoreis domitos, frustra indignantibus undis?
Anne lacus ripis clausos, lateque vagantes
Torrentum quondam in morem decurrere jussos
Agmine pacato fluvios, siccataque stagna,
Atque graves frugum versas in culta paludes,
Emulsa tellure, et apertis vomere glebis?
Jamque adeo agricolae et pastorum rustica turba,
Corpora ubi hibernum perflantibus aethera ven-
tis*

*Ponere vix poterant: sese tam pestifer aër
Perpetuas inter densae caliginis umbras
Vallibus ex udis supera ad convexa ferebat ;
Nunc aestu in rabido mediisque caloribus audent
Ducere securos per amica silentia somnos
Sub platano strati aut umbrosae tegmine fagi,
Quin metuant nebulas, et noxia flamina membris.*

* *

Ergo

*Ergo molle pecus circum balatibus auras
Implet, et in pratis attondet mollibus herbas,
Dum Dryadas inter gracili Pan ludit avena.*

*At formosa Ceres laeto sociata Lyaeo
Ruricolisque diis, quoquo vestigia portas
Visurus tua dona, parant tibi debita ferta,
Atque iterant laudes, tolluntque ad sidera nomen.
Tu vero, collesque altos camposque patentes
Arboribusque satisque vides dum sponte virere,
Quae tacitum sentis tentantia gaudia pectus?
Scilicet his quondam fortes crevere Sabini
Artibus, his caelo Romana potentia vires
Extulit, his etiam sub te nunc Thuscia surgit.
Cuncta vigent jam laeta: gemunt sub pondere
plaustra*

*Pressa gravi, fructusque ferunt dum ruris amici
Quo libitum domino, tuto praeit aurea calle
Libertas longo post tempore cognita terris.
Hanc sequitur Maja genitus dator ille bonorum,
Atque acuens hominum corda auri ardentis
amore.*

*En hujus cuncti auspiciis felicibus acti
Incumbunt operi, variis atque artibus instant
Noctes atque dies, certantque ingentibus orfis
Pro se quisque viri turpem depellere longe*

Paupere

Pauperiem. secat ille salum, mercesque petitas
 Finibus ex aliis secum vehit, atque morantes
 Increpitat zephyros: ille altam exscindere silvam
 Antiquas volucrum latebras sedemque ferarum
 Gaudet, et impresso cogit mollescere ferro
 Pinguia telluris non tactae viscera, ut almos
 Vivacis truncos oleae malosque feraces
 Ponat, ubi steriles surgebant frondibus alni.
 Hic vivos aera in vultus spirantiaque ora
 Mutat, hic effingit varias in marmore formas,
 Atque novos tabulis inducit ab arte colores
 Vincere naturam certans. hic serica pingit
 Stamina, vel tenuem texens imitatur Ara-
 chnem,

Ornatusque parat molles curamque puellis.
 Jamque alius propior scandens fulgentibus astris
 Ventorumque vias superans, et nubila celsa,
 Omnia per magnum late radiantia mundum
 Sidera metitur radio, viresque trabentis
 Solis, et implexos astrorum dispicit orbes,
 Defectusque ortusque docet variosque meatus.
 Quot lux se scindat fila in diversa? quis illam
 Impetus in terram solis detrudat ab axe
 Tam celeri lapsu? quae vis inducere cogat
 Omnigenos rebus forma variante colores.

Nec

*Nec minus et Triviae imperium super aequoris
undas,*

*Quo fluit Oceanus refluitque immensus, et aestu
Alterno fervet, certus notat, omniaque alto
Quae caelo terrisque videt miracula rerum,
Ingenio subdit, numerisque atque arte revincit.
Ast alius leges, aeternaque munera clarat
Iustitiae, queis alma Themis, queis candida
gaudet*

*Illa hominum custos Astraea. hic Paeonis artes,
Hic colit Aonidas Phoebumque, et tempora myrto
Cinctus hyanteo perfundi flumine gessit
Invidiamque premens et inania murmura vulgi.
Fervet ubique labor: ceu sudo vere per agros
Quum pictae glomerantur apes, et florea libant
Germina, pars ceras condit, pars dulcia stipat
Mella cadis, reparatque hyemis durissima damna.
Nec mora, nec requies ulla est: late omnia circum
Prata sonant fontesque ultro citroque meantum
Agmine. stat medius rex ipse, et limine ab alto
Observans damnatque moras, laudatque laborem.
Talis et ipse, licet si res componere parvas
Grandibus, insinuans populorum in corda tuorum
Vimque animosque novos, eadem torpere veterno
Haud sinis, at pulcro famae succendis amore.*

Q Flo-

O Flora, o Thuscae caput ipsa et gloria gentis,
Nunc licet aetherias tibi frontem attollere in
auras,

Tyrrhenasque urbes inter contendere primum
Et decus et laudis nomen. tu scilicet una
Ante alias sentis benefacta ingentia tanti
Principis. ecquis bonos, ecqua est laus omnibus oris
Per terras late, quam non pulcherrima jactes?
Dic age, sic vitreo laeteris flumine semper,
Naturaque soli, caelique tepentibus auris,
Industrique hominum cultu, dic unde profecta
Haec adeo secura quies, cui commoda vitae
Debes tanta tuae? num te Jovis inclita proles
Illa omnes inter divas sapientior una
Pallas amica regens tranquilla per otia servat?
Quid loquor? ab valeant nunc vana insomnia
vatum.

Falsaque pierii celebrata in vertice Pindi
Nomina. non Pallas, non quidquid Graecia divum
Extudit hinc ullam laudis decerpere partem
Audeat, aut comitem tantis sese addere rebus.
Austriacae hoc virtutis opus, quae maxima sese
Extulit augustis nutrita in sedibus olim,
Vindobonam qua lambit aquis argenteus Ister.
Illic caesareo (a) regina e sanguine creta

Seu

(a) Maria Theresia P. F. A. Caroli VI. Imp. Filia, & Francisci I. uxor &c.

Seu dea, seu mulier, dis certe aequanda vel ore
 Vel magnis animi virtutibus inclita floret,
 Cui non ulla parem viderunt secula, neque ulla
 Credo equidem seris quondam volventibus annis,
 Tempora Saturni redeant si laeta, videbunt.
 Illa opibus dives fortunae ac ditior alto
 Ingenio omnigenis excellere laudibus omnes
 Optavit gnatos, sceptrisque hanc provida avitis
 Praeposuit semper curam: nec maxima bella
 Armorumque vices potuere avertere mentem
 Progenie a dulci, quin pulchrae semina laudis
 Cum primo infereret natorum in pectora lacte.
 Et nunc illa quidem, qualis Berecynthia mater
 Quum vehitur curru magnum turrita per orbem
 Felix prole deum caeli supera alta tenentum,
 Gaudet ovans, natisque videt late undique laetam
 Europam florere suis, et tollere ad alta
 Sidera laetitiae tanto pro munere voces.
 Aspice, Lutetiae qua magnae Sequana magnus
 Moenia tranquillis labens interfuit undis,
 Inter plaudentum populorum vota corusco
 Reginam (b) in vectam curru. quae gratia vultu
 Majestasque sedet; matris quantum instar in
 illa est!

(b) Maria Antonia Arch. Aust. Ludovici XVI. Galliarum Regis conjux.

*Circumstant Charites, et pubes Gallica sese
Fundit in occursum, nec lilia spargere cessat
Mixta rosis, quacumque oculos pulcherrima
vertit.*

*Quando erit, et gnatis ut gaudeat? o bona caeli
Numina, queis ingens Gallorum gloria curae,
Hoc quoque muneribus tantis super addite munus,
Parvulus augusta ludat Delphinus in aula.*

*Aspice et Euboico pulcrum qua litore tollit
Parthenope frontem. viget illic candida (c)
nympha*

*Austriaca de stirpe, atque educat aurea regi
Illustres gnatos, qui quondam ingentibus orsis
Implebunt Italas annis felicibus urbes*

Magnanimo genitore armis nec pace minores.

Illam Nereides, illam admirantur euntem

Najades effusae Sebethi e gurgite, et illam

*Ipsa etiam Siren, ipsa et colit umbra Ma-
ronis.*

*Quo me Parma vocat? quo me rapit avia longe
Pannonia? Austriadis magnae illic altera (d)*

proles

Borbonio juncta est juveni; juncta (e) altera forti

Saxo-

(c) Maria Carolina Ludovica Arch. Austr. uxor Ferdinandi IV. utriusque Siciliae regis. (d) Maria Amalia Arch. Austr. nupta Hiss. Inf. Ferdinando I. Duci Parmae, Placentiae &c. (e) Maria Christina Arch. Austr. uxor Princ. Reg. Sax. Alberti Casimiri Ducis Tesch. &c.

*Saxonidum de gente viro, maternaque late
Per populos dat jura, viamque affectat olympo
Utraque. quid fratres? quid te jam maxime (f)*

Caesar

*Praetereo indictum, sacras cui laurea cingunt
Serta comas, subditque suas Germania vires?
Hic vir hic est, nullus quo dextra fortior olim,
Clarior aut virtute ultra Garamantas et Indos
Proferet imperii nomen, celebrataque vincet
Facta patrum, dignus cui tellus serviat, et se
Julia gens tanto victam fateatur alumno;
Viderit Augustum quondam licet, et sua longe
Signa per immensum ferri victricia mundum,
Qua sol exoritur, quaque idem mergitur undis.
Theutonicos (g) equites alter regit aemulus ar-
mis,*

*Aemulus et claris (h) patrui virtutibus, ingens
It dices cujus Belgarum fama per urbes.
Belligeros alter (i) populos, quos flumine magno
Eridanus, quos et placidis perlabitur undis
Mincius argutos pascens in gurgite Cycnos,
Imperio frenat facili, servatque potenti*

Iusti-

(f) Imp. Caes. Josephus II. P. F. semper Aug. (g) Maximilianus Arch. Austr. Coad. M. Magistri Ord. Theut. (h) Carolus Alex. Loth. & B. Dux, Gubern. Belgii Austriaci &c. (i) Ferdinandus Carolus Arch. Austr. Guber. Mediolani, totiusque Insubriae Austriacae &c. Maria Beatrix Estensis Arch. Austr. ejus uxor.

*Iustitia: Estensis tollit quo vindice sese
Gens antiqua, potens, Italas celebrata per oras.
Di, quibus imperium terrarum est, vota precantis
Jam faciles audite, et vestro munere tellus
Ut sit laeta diu, tantam servate parentem
Incolumem: seros videat longaeva nepotes
Assimiles gnatis, magnumque in nomen ituros.
Servate et diae sobolem genitricis in annos
Nestoreos, longumque ipsam succurrere terris
Ne prohibete boni: nondum sensere sat omnes
Auxilium praesens et amicae munera dextrae;
Multa licet tulerint jam praemia, plura super
sunt.*

*Interea Leopoldè (tibi sic aurea (k) conjux
Illa deum cura, et claro sata sanguine regum,
Penelope melior, quam casto pectore vincit,
Omnigenisque bonae studiis exculta Minervae;
Sic vigeant cari, soboles pulcherrima, gnati,
Quos ubi muscoso florentes Arnus ab antro
Aspicit, ingenti plenus dulcedine mentem
Vix sese capit ipse, nova et sibi gaudia sperat:)
Adsis o, facilisque juves, dum carmina Graji
Moconidae Latias jam nunc vulgare per urbes
Aggredior. sine te vastum nec vela per aequor*

a

Ten-

(k) Maria Ludovica Hisp. Inf. Arch. Aust. Caroli III. Hisp. Regis Fi-
lia &c. quam D. O. M. cum viro optimaque prole incolumen diu servet Etruriae.

*Tendere, nec fyrtes, tentare borrentiaque ausim
Monstrafali ventorum inter caelique fragorem.
At tecum placidas Zephyris ludentibus aequor
Sternet aquas, proramque manu Portumnus e-
untem*

*Subtrahet a scopulis et acutis cautibus urgens
Ipse citam, qua tuta silent maria alta, nec ulla
Saxa vagos turpi nautas formidine terrent.
Tu mollem et Phoebum facies et mollia corda
Pegasidum, lauroque dabis circumdare frontem
Aonia inspirans vires ingentibus ausis,
Desuetamque acuens stimulis ad grandia mentem.
Jam mihi Moeonides referat sua munera, et oras
Ferre per Ausonias Grajum jubet orgya; jam me
Virgilius thiaso nympharum septus orantem
In secreta vocans Pindi loca, flumina monstrat,
Condidit aeternam queis olim Aeneida potus.
Ipse mihi dulces numeros, artemque ministrat,
Et varias ostentat opes, queis cultus Ulisses,
Auspiciis dux magne tuis dum surgit in auras,
Nil timeat socium pulcro sese addere Achilli
Per Latium incedens patriasque oblitus Athenas.*

RATIO OPERIS

LECTORI AB INTERPRETE REDDITA



Etus est, amice lector idemque erudite, opinio jam usque ab Ennii Terentiiq; ducta temporibus, eaque & Italorum deinceps, & omnium cultarum gentium firmata consensu, eos litteris praesertim humanioribus prodesse plurimum, qui, quae praeclare aliena lingua fuere scripta, in aliam aequè rectè transferunt, id est, res pulcherrimas paucis cognitâs, & exploratas intellectui plurimorum atque usui accommodant. Nam quum omne humanitatis studium duabus rebus maxime constet, exercitatione nimirum & imitatione, fieri nequit, quominus sit perutilis ille labor, quo & necessario stili elegantiam diligenter exercemus, & optimum exemplar, cujus tamquam formam scribendo exprimere conamur, aliis ad imitandum lingua conversum usitatore proponimus. Sed quoniam plerosque viros summos vel ipsius rei difficultas, quae certè magna est; vel ipsa molestia, gravis profecto, in alienis semper insistendi vestigiis, decursu temporis ab hoc descriptionis genere avocavit, factum est, ut homines nec ingenio florentes nec satis litteris perpoliti hanc sibi arrogarint provinciam, eamque laudem, quae hinc olim a doctis tantum viris ingenioque abundantibus petebatur, male vertendo corruerint omnem atque foedaverint. Quicumque enim poterat quidpiam a se ipso excogitatum proferre, malebat auctor, quam interpretes haberi; qui vero per se ipse nihil valebat, aliena potius corrumpere amabat, quam omnino quiescere. Quamvis etiam inter sapientes exorta est dissensio magna de toto hoc genere interpretandi. Etenim alii putant, exstingui omnem in scribendo ardorem in iis oportere, qui libere nequeunt excurrere, quo eisdem mentis imperus ingeniiq; vis trahit quodammodo ac proripit: alii autem affirmant, servari omnino non posse, si elegans velit esse interpretes, sententias easdem verborumque proprietatem, quibus auctor usus est. Itaque consequi necessario, ut omnia aut encrivia sint, aut multum ab exemplari discrepent. Latine vero qui id faciat, eum non hominibus, quibuscum vivit, sed mortuis nihilque jam sentientibus scribere vociferantur. Quid quod etiam inventi sunt, qui vetera verentes, ne verbum credo pro verbo non redderent, profa oratione poëtas non versibus interpretati sunt, rerum vi-

delicet solliciti magis, quam vocum numerique suavitatis? Quod quidem quam recte fecerint, ipsi videant; mihi certe summopere displicet. Cur enim conari non debemus, si efficere possimus, ut & eodem igne mentisque calore, quibus auctor aestuabat, correpti videamur; & eadem versuum elegantia, qua graece scriptae sunt, latine (ea nimirum lingua, quae adhuc & florentissima est, & in tanta linguarum diversitate habetur una tamquam communis hominum conciliatrix, ac veluti quoddam doctrinae vinculum) res interpretatas exhibeamus? Cur unam tantum rerum utilitatem, non etiam verborum venustatem perfequamur, solumque animi, non aurium quoque voluptati serviamus? Id quidem cum alii multi litterati homines egregie praestiterunt, tum praeclarissime Raymundus Cunichius vir doctissimus mihiq[ue] familiarissimus. Et quoniam tu, amice lector, anno proxime elapso latinam ab eo Homeri Iliadem habuisti editam, tantaque felicitate perfectam, ut nata in Latio, non inserta, videatur; Odyssëam nunc habe latinis itidem versibus a me expressam, eaque, qua potui tanti viri & exemplo & aemulatione incensus, diligentia perpolitam. Utrumque certe dignum est opus, quod multorum cura & explicetur & convertatur. Ac si in Iliade singularem quamdam magniloquentiam & divinam granditatem es admiratus; magnam atque incredibilem prope rerum varietatem in Odyssëa mireris necesse est. Equidem illam, quum sit fere tota in describendis Graecos inter Trojanosque atrocissimis praeliis, si immenso cuiusdam flumini saxa inter rupesque maximo cum fragore decurrenti comparvero, nihil alienum ab ejus natura me dixisse arbitrabor. Hanc vero, quae in varia Ulyssis itinerum errorumque per tot annos narratione versatur tota, fluvio aequè magno, sed tranquillo pacatoq[ue] cursu labenti similem dicere non dubitabo: ut mihi in utrumque poemata intuenti summus ille Graecorum poetarum princeps Homerus videatur voluisse nobis duo genera epici carminis ad imitandum proponere, alterum sublime ac magnificum, aequabile alterum ac temperatum. Quod & vidiſſe prius videtur & probasse Virgilius, qui cum semper ante oculos inter scribendum habuit Homeri carmina, tum suam ita partitus est Aeneidem, ut priores sex libri ex duodecim, quibus tota continetur, Odyssëam referrent; posteriores Iliadem. Neque vero timuit vir divino ingenio praeditus atque arte maxima, ne cuiquam in mentem veniret, priores Aeneidis libros propterea languidiores ac prope senium redolentes judicare, quod non obstreperent tubarum armorumque sono. Novcrat enim omnem poetæ vim atque adeo laudem in eo sitam esse, ut quamque rem convenienter tra-

ctet

Etet: id qui fuerit a principio ad finem usque assequutus, illum egregie muneri officioque suo satisfecisse. Quamobrem dicant per me licet cum Longino fastidiosiores quidam ac morosiores poetarum iudices, quidquid ipsis collibuerit: nullius erit apud me auctoritas tanta, ut quod ego videam poema omni semper antiquitati summopere placuisse, mihi quoque ceterisque recte mecum sentientibus non probetur, praesertim etiam quum & Aristoteles & Q. Horatius Flaccus poeticae facultatis disceptatores acerrimi ex utroque Homeri carmine & inveniendi & disponendi & ornandi exempla promiscue defumant, aliisque imitanda proponant. At Ilias magis quodammodo tragica est, Odyssea pacatior. Sit ita sane; & Achilles furiosior, quam Ulysses. Illic caelum ac tellus, mare & sidera, dii atque homines, omnis tandem rerum natura ardere interdum & conflagrare videtur: heic vero sedata omnia, crebrae narrationes, fictionesque rerum personarumque, quae nec fuerunt usquam terrarum nec fortasse esse potuerunt. Atqui ita esse conveniebat; iique omnes, quos laudes bellicae magis delectant, quam quae in pace prudenter sapienterque gesta aut audimus aut legimus, Ulyssi Achillem praepondere non dubitabunt. Quibus vero mira quaedam providentia in periculis praevidendis, summa in vitandis fugiendisque dexteritas, ac maxima in rebus omnibus aggrediendis conficiendisque alacritas placet, nae illi Odysseam adamabunt magnoque habebunt in pretio, eamque ut delictum exosculabuntur suum. Sit igitur nobis fixum hoc atque certum, nec ea, quae in Iliade continentur, neque ea, quae Odyssea complectitur, aliter debuisse tractari, quam sunt ab Homero descripta atque exornata. Si enim alterius laudes alteri fuissent eadem datae, non duo quidem generis diversi, sed ex duobus unum atque idem ferme poema diversi nominis coaluisset. Et sane Horatius, postquam Lollio familiari suo graecisque litteris erudito affirmasset, Homerum quid sit pulcrum, quid turpe honestumque docuisse plenius ac melius philosophis & Stoicis & Academicis, inquit:

*Fabula, qua Paridis propter narratur amorem
Graecia Barbariae lento collisa duello,
Stultorum regum & populorum continet aestus.
Antenor censet belli praecidere causam.
Quid Paris? ut salvus regnet, vivatque beatus,
Cogi posse negat. Nestor componere lites
Inter Peliden festinat & inter Atriden:*

Hunc

Hunc amor, ira quidem communiter urit utrumque.

Quidquid delirant reges, plectuntur Achivi.

Seditione dolis scelere atque libidine & ira.

Iliacos intra muros peccatur & extra &c.

Haec quidem de Iliade vir ille acerrimus in judicando; clarissimeque patet cuique haec carmina legenti, eum voluisse nobis significare totam Iliadis fabulam, quum inter fortissimos reges agatur res, maxime ad concitandos inflammandosque animorum motus valere. Quid vero de Odyssea dicat, audiamus:

Rarus quid virtus & quid sapientia possit,

Utile proposuit nobis exemplar Ulyssem:

Qui domitor Trojae multorum providus urbes

Et mores hominum inspexit, latumque per aequor,

Dum sibi dum sociis reditum parat, aspera multa

Pertulit, adversis rerum immersabilis undis.

Sirenium voces, & Circes pocula nosti,

Quae si cum sociis stultus cupidusque bibisset,

Sub domina meretrice fuisset turpis & excors.

Vixisset canis immundus, & amica luto sus;

& cetera, quae nosti opinor. Videſne igitur rem heic aliter omnem procedere: nullas eſſe potentiffimorum regum inimicitias, populorumque diſſenſiones, nullos armorum ſtrepitus praeliorumque aeſtus, nullas heic denique cauſas, quibus aut concitati ſedantur, aut incenduntur pacati legentium animi? In eo totus poëta eſt, ut abſolutiſſimum cuiusvis hominum generi variae cujuſdam admirandaeque virtutis ac ſapientiae ſpecimen exhibeat; atque idcirco Ulyſſem ille ſuum per omnes fere acerbiffimae fortunae calamitates graviffimas ſalvum tandem atque incolumem deducit in patriam multis atque magnis obſeſſam periculis, ut nullam eſſe oſtendat rerum adverſarum vim tantam, quae ab homine ſapiente atque induſtrio vinci ſuperarique non poſſit. Itaque & Ilias grandiori ſtilo, quum magis ſit, ut graece dicam, *παινικὴ*; & temperatiore, quum ſit magis *ιδιὰ*, deſcribenda erat Odysſea. Vitia enim ut fugiamus, praecipitesque animi motus, omni verborum copia ac ſententiarum gravitate eorundem deformitas eſt demonſtranda: contra ut virtutem ſequamur, quae ipſa per ſeſe valet plurimum, ſufficit ejus pulcritudinem nativis quibuſdam coloribus deline-

lineatam ponere ob oculos; eamque qui sit usus eadem, felicem consequi debuisse finem, multarum rerum ad id facientium apta dilucidaque narratione ostendere. Atque ego quidem, an hoc non multo sit difficilius recte facere, quam primum illud, vehementer dubito. Illic enim, quam mens furore illo poetico aut potius igne incaluit, plena etiam virium ac nervorum quodammodo oratio ipsa feratur necesse est: heic vero, quam pacatior sit ac tranquillior animus, ut sunt remissiores commiserationis quam iracundiae motus, ne langueat oratio atque concidat, maxima cavendum est providentia. Quod etsi Homero feliciter contigisse omnes harum rerum periti aestimatores ultro fatentur; tamen ne mihi ejusdem caemina latinis verbis interpretanti non aequae feliciter contingat, magnopere formido. Cujus enim ingenii tanta vis esse possit, ut in hoc ipso, in quo ille totius antiquitatis consensu incredibili excelluit, se cum illo conferre & quasi certare non dabitur? Atqui ita profecto est: qui aut orationem interpretatur aut poema, in quibus non tantum sententiae explicandae suscipiuntur, sed virtus omnis atque forma exprimenda est, ille id pollicetur, sibi que proponit, ut, si fieri possit, eadem semper cum dignitate atque elegantia tum verborum tum figurarum, qua sunt ab oratore vel poeta dicta, interpretes efferat. Ac proinde nemo non videt summa illi esse opus, praeter omne artificium ejus rei, qua de agitur, utriusque linguae & facultate & copia: quo instructus praesidio possit optime pervidere, quam vim quaeque habeat vox; sententiasque singulas, tamquam si auctor illa ipsa, quam tu ad scribendum selegeris, utatur lingua, liberaliter ac generose enunciare. Nihil in ulla parte servile, nihil hiulcum, nihil absonum, nihil per vim intrusum; omnia esse debent libera, omnia plena, omnia suavia, ac suo loco suoque in lumine collocata: color denique, ut ita dicam, atque habitus & verborum & sententiarum tamquam succus quidam atque sanguis per totum operis corpus ille idem transfusus appareat. Hoc illud nimirum est, in quo dicebam hujus sermoni initio nobis esse elaborandum, si placere velimus; neque aliam esse causam duco, cur in tanta interpretum copia paucissimi sint dignique habeantur, quorum res scriptae cum utilitate ac voluptate legantur, nisi quod aut laboris impatientia aut virium inopia id efficere vel neglexerunt, vel non potuerunt. Imo fit saepe, ut quem auctorem sua lingua disertissime loquentem fueris paullo ante admiratus, ejusdem te misereat foedissime balbutientis ignavia interpretis aut potius socordia, vel quod singulas voculas atque adeo apices putidius consecutatur, vel contra effrenata quadam libidine multa detrahit, multa

multa addit, sus deque vertit omnia. Itaque volo in interprete iudicium acre, atque eximiam in ea facultate scientiam; volo maximam & ejus linguae, qua usus est auctor, & ejus, in qua ipse scribit, peritiam; volo denique non festinationem in illo, sed obstinati quamdam animi perseverantiam: potissimum vero haec duo generatim caveat, nihil ut addat, nisi quod satis jam dictum sit. Haec opinor qui adjumenta attulerit, & in poetarum lectione fuerit exercitatus, nae ille ad hunc laborem paratus accedet, optimamque literis navabit operam, ac tandem illud Euripideum apud Ciceronem sibi crebro repetet:

Suavis laborum est praeteritorum memoria.

Ain vero? Pergin tu tantum studii, tantum diligentiae, tantum facultatis in interprete requirere? Ego vero omnia haec debere illi inesse, & multo etiam plura censeo, ob eamque causam jam me ipsum ferme imprudentiae ac temeritatis condemno. Age vero, ipsum Odysseae initium contem-
plare: facillene tibi esse negotium videtur, primos illos graecos versus latinis aequae elegantibus exprimere? At si stilum ad scribendum advertas, profecto longe majorem, quam suspicaris, difficultatem experire. Herculi clavam facilius extorqueas, quam Homero versum, ajunt. solitum fuisse dicere suis Virgilium obrectatoribus: quod quam verum sit, tute ipse per te videas, volo. En primos Odysseae versus:

Ἄδρα μὴ ἴμμι μῦθε τελέεσται, ὅς μάλα πολλὰ
Πλάγχθη, ἐπεὶ Τροίης ἱερὴ πτολίεθρον ἔκρυπτε.

*Virum mihi dic musa versutum, qui admodum multum
Jaclatus est, postquam Trojae sacram urbem evertit.*

Haec graeca verba latinis singula respondent: quid dubitas? manum admove atque experire. Ego vero, inquit, me & facile expediam & sine vitio: ita enim dicam cum Horatio.

*Dic mihi musa virum, captae post tempora Trojae
Qui mores hominum multorum vidit & urbes.*

Praeclare vero dixeris ita, si ad id, quod eo loci Horatius facere instituerat, animum advertas; si autem Homeri verba acutius introspicias, fortasse non recte. Dii boni! tantamne etiam feremus arrogantiam? arrogantiamne dicam an impudentiam singularem? Tu ut Horatium illum Flaccum, quem et quantum poetam, sancte Juppiter ac Minerva! non probes; tu ut illius
versus

versus reprehendas, tu ut respuas? At ego nihil istorum; et qui hosce versus ex libro XII. de Sirenarum cantu a M. Tullio ita conversos:

*Nemo haec transvectus caerulea navi est,
Quin prius adfiteris vocum dulcedine captus;
Post variis avido satiatus pectore musis
Doctior ad patrias lapsus perveneris oras.
Nos grave certamen belli clademque tenemus,
Graecia quam Trojae divino numine vexit,
Omniaque e latissimis rerum vestigia terris &c.*

ex ejus libro V. De Finibus vel furari vel rapere non dubitavi, ut me alienis, tamquam illa vetus cornicula, coloribus ornarem; multo minus duos versiculos a tanto poeta mutuos accipere dubitarem. Dicam clarius: illos ego versus & vehementer probō, & omni laude ac commendatione dignos existimo; tamen justa causa est, cur illorum mihi usum interdixerim. Quid enim, rogo, tum agebat Horatius? Objurgabat nempe ineptum quemdam scriptorem Cyclicum, qui quoniam turgidius esset poema ita auspicatus:

Fortunam Priami cantabo & nobile bellum &c.

ingens nescio quid ac magnificum, quum meras ageret nugas, sibi dixisse videbatur: illi proinde sic Horatius subjungit:

*Quid dignum tanto feret hic promissor biatu?
Parturient montes, nascetur ridiculus mus.*

deinde ait continuo:

*Quanto rectius hic, qui nil molitur inepte:
Dic mihi musa virum, captae post tempora Trojae
Qui mores hominum multorum vidit & urbes.
Non fumum ex fulgore, sed ex fumo dare lucem
Cogitat, ut speciosa dehinc miracula promat
Antiphatem Scyllamque & cum Cyclope Carybdim.*

Videae hunc optimum ac sapientissimum & effectorem artis poeticae & magistrum hoc loco non Homeri Odysseam ea, qua par erat, diligentia interpretari, sed ampullas & sesquipedalia verba fundentem illum Cyclicum coarguere exemplo ab initio Odysseae desumpto? Huc illa spectant:

Non fumum ex fulgore &c. Imo mihi dedita opera ipsum illud principium,

pium, quo magis inepti hominis factum ac tumorem ridiculum exhiberet, extenuasse videtur ita, ut nihil humilius, nihil pressius, nihil esse possit modestius. *DIC*: Monosyllabon invenit, quo & nullus initio epici carminis usus est poeta, & nihil esse potest gracilius. *DIC MIHI*: littera *I* nulla vocali alia interposita, mirum quantum faciat ter repetita ad exilitatem soni. Perbelle quidem ad rem vates prudentissimus: ac si graeca verba cum latinis conferas, quamvis idem utraque significant, non eodem certe modo etiam auribus sonant.

Δίχ' μιν ἄντι ποῖρε &c.

plenum habent nescio quid ac sonorum, nec multum discrepant ab iis Virgilio:

Arma virumque cano &c.

Contra vero haec:

Dic mibi musa virum &c.

minutulum quiddam, sur ad summum molle & pasteritium, nisi vehementer fallor, videntur sapere. Quid plura? putasne, si interpreteris partes heic tuendas suscepisset Horatius, vocem illam *ποῖρε*, cujus multiplex est apud Eustathium significatio, & latine aut experientem aut gnarum & industrium ac ad tempus atque locum accommodantem semper ingenium dicere possumus, fuisse relicturnm quasi supervacaneam, atque ad explendum versum ab Homero appositam? Itane illum parum intelligentem arbitraris, ut non videret homo sagacissimus eandem non posse sine flagitio contemni ac preteriri? Est enim ea vox tamquam character quidam aut nota, quae illius viri, cujus poeta res gestas narrandas pollicetur, naturam atque ingenium designat. Quid quod & illa, *ἡ μὲν πρὸς πολέμῳ*, quae plurimum ad commiserationem valent, omnino praetermissa sunt? Mitto ea, *Captae post tempora Trojae*; ubi quamquam Homerus rei bene gestae potissimam Ulyssi laudem videatur tribuere; non tamen nescio posse subaudiri *a se captae* aut aliquid aliud hujusmodi, quemadmodum & ego ipse in mea versione subaudiri volo *sibi*; dixi enim: *post eruta Trojae Pergama*. Cur ista quaeso omnia, quae incurrunt in oculos, si non peccata ac vitia, certe non laudanda maxime & probanda in duobus hisce versiculis summus poeta sibi quodammodo passus est excidere atque effugere? Non aliam profecto ob causam, nisi queniadmodum initio dixi, quod non latine vertendam sibi proposuerat Odyssaeam ut fidus interpres, sed turgidiorem reprehendendum poetam

poëtam ut artis magister optimus. Ceterum haec minutius ac fortasse plus aequo religiosius persequentem quum videris, nolim ex eorum secta atque haeresi me esse arbitrere, qui nefas atque scelus continuo clamant, commissum esse ab interprete, si unam tantum litterulam mutet, si relinquat voculam, si apicem detorqueat. Apoge istas nugas, quae a semidocto aliquo Graeculo & vocularum quasi venatore fortasse possunt laudari; ab hominibus cordatis vereque sapientibus magnopere vituperantur, quaeque optimarum suavissimarumque rerum non ornamenta, sed pestis, quaedam acerbißima ac venenum esse dicendae sunt. An, ut alios omittam, illum summum eloquentiae principem M. Tullium dignum praeter ceteros, quod in omni recte dicendi ratione & praecepta & exempla porantur, viderimus ita vertisse illas Demosthenis atque Aeschynis orationes, vere Atticas, ut magis orator, quam interpret esse videretur? Eisdem ille sententias & earum formas tamquam figuras servavit; verba ad latinam consuetudinem apravit, ut nimirum essent eadem quod spectat ad genus atque vim, non vero quoad numerum atque speciem; *non enim, ait, ea me adnumerare lectori putavi oportere, sed tamquam appendere.* Itaque statuamus oportet, si tanti viri quidquam auctoritas apud nos valet, ut debet valere plurimum, eum qui hoc pacto in aliorum scriptis interpretandis, praesertim si ad litteras humaniores pertinent, se gerat, praeclare fungi munere officioque interpretis. Atque in eum jam locum me esse paullatim delapsum video, ut mihi necesse sit pauca de me ipsa dicere, deque hac mea, qualiscumque est, Odyssae latina interpretatione. Ego quidem, quamvis ab ineunte jam adolescentia graeca semper cum latinis conjunxerim, quamvis & Homerum & Virgilium seu natura seu casu aliquo primae institutionis prae omnibus semper poëtis adamaverim, assidueque triverim manibus; tamen video, quantum mihi adhuc optimarum artium praedidii desit, ut laudabiliter eum, in quem fortasse temere, sed libenter certe, sum ingressus, peragere cursum. Dicam tamen confidentius, sed vere, nullum me laborem subterfugisse, quominus si non perfectus, essem saltem ceteris interpret diligentior; proptereaque illos Horatii versus;

*Nec virtute foret clarifve potentius armis,
Quam lingua Latinum, si non offenderet unum.
Quemque poëtarum limae labor & mora &c.*

mihi esse dictos judicavi. Itaque omnem in eo posui curam diligentiam;

que, ne quisquam posset jure me negligentiae ignaviaeque condemnare. Nihil ergo in te reprehendendum? Imo multa atque magna, quae non satis mea potuit cavere prudentia: aperte autem profiteor atque affirmo, me nullam umquam fugisse limae molestiam, versus omnes & multa die & multa coërcuisse litura, atque adeo eruditorum amicorum arbitrio non tantum decies, sed centies etiani, si opus erat, castigavisse. Interpretes ple-rosque consului, Eustathium vidi & Strabonem: in primis latina ne discrepa- rent a graecis summopere cavi; ubi potui, non vim tantum verborum, quod M. Tullius se fecisse dicebat, sed ipsum paene numerum atque speciem red- didi; genus certe ubique, opinor: breviter brevia, gravia graviter, leniter le- nia dixi; omnia denique, ut erant poetica, poetice conatus sum exprimere. Ad- dam etiam, fuisse mihi ita semper P. Virgilium ante oculos propositum, ut quod scribebam, nisi illam ejus carminum elegantiam suavitatem colo- remque aliquo modo referret, omnino respuerem ac reiicerem. Quantum vero his rebus omnibus sim consequutus, non est meum judicare: hac de re tuum erit aliorumque judicium, quod fieri velim potissimum ex illo- rum comparatione, qui hoc eodem in stadio sese exercuerunt, id est lati- nis versibus sunt Odysseam interpretati. Habes, quod sciam, nonum-deci- mum undecimum duodecimumque Odysseae librum latino carmine elegia- co redditum a Joanne Prassino; habes octo priores libros a Francisco Flo- rido Sabino latinis item versibus conversos; habes denique integram Ho- meri Odysseam latine heroico carmine redditam a Simone Lemnio Rhe- to, dicatamque ab eodem Francorum regi potentissimo Henrico II. Horum duos primos mittamus oportet, & quod partem tantum, non opus totum perfecerunt, & quod eorum labores numquam aspicere potui. Scio equidem Franciscum Floridum magnam spem expectationemque sui admirabilem in animis litteratorum hominum, ac praecipue illius amplissimi optimarum ar- tium maecenatis Francisci I. Galliarum regis, cui suos dedicarat libros, excitavisse. Sed vir singulari doctrina atque industria praeditus immaturo fato praereptus nequivit opus, quod inceperat, absolvere: qui si diutius vixisset, nec esset florente adhuc aetate inimicorum fraude sublatas, ma- gna me fortasse cura molestiaeque liberasset. Nam quem fuisset egregie suo functus labore, me ab hoc opere suscipiendo deterruisset: multoque melius ille fortasse mihi, quam ego & otio & meae consului famae, con- suloisset. Restat igitur unus Simon Lemnius, qui cum ego committendus sum. Hic qualis sit, quidque valeat, non ex me audias, sed ex ejus versibus videas licet. Verum prius Homeri ipsius aliquot carmina recite-
mus,

mus, & ea quidem, quae prima sunt, & in quibus nondum labore defatigatus solet diligentior esse interpres atque accuratior.

Ἄνδρα μὲν ἴσμεν μῦσα πολύτροπον, ὃς μάλα πολλὰ
Πλάγχθη, ἐπεὶ Τροίης ἠρώϊοις πρὸς Ἀχαιοὺς ἔπερσε.
Πολλῶν δ' αἰδρώπων ἰδὲ ἄσπετα, καὶ τόσσον ἔργον·
Πολλὰ δ' ὅγ' ἐν πότει πάντιν ἀλγεια ἐν κατὰ θυμῷ,
Ἀργείοιοις πρὶν ψυχῇ καὶ τόσσον ἑταίροι.
Ἄλλ' ὡς ἱέρως ἱρρῶσατο ἰέμενος περ.
Αὐτῶν γὰρ σφιστέρων ἀπαθάλιστον ὄλοντο,
Νέπτιοι, οἳ κατὰ βῆς ὑπὲρ ἡλίου τέλειον
ἦν δειν. αὐτὰρ ὃ τοῖσιν ἀφάλοισι τόστιμος ἦμαρ.
Τῶν ἀμείδων γὰρ διὰ θυγάτηρ Διὸς εἶπε καὶ ἡμῖν.
Εἴθ' ἄλλοι μὲν πάντες ἔσσι φύγει αἰπὺν Ὀδυσσεύς,
Οἴκῳ ἔσσι, πόλει μάλιστα περιφρονέτις ἰδὲ θάλασσῃ.
Τὴ δ' εἶπ' ὅς τε.

En verba verbis latine respondentia ex versione Bergleriana, qualiscumque ea sit, exscripta.

*Virum dic mihi musa versutum, qui admodum multum
Jactatus est, postquam Trojae sacrae urbem evertit.
Multorum vero hominum vidit urbes, & mores cognovit;
Multosque idem in mari passus est dolores suo in animo
Juxta aestimans suamque vitam & reditum sociorum.
Sed neque sic servavit socios tametsi cupiens:
Sua enim ipsorum insipientia perierunt,
Stulti, qui boves sublimis solis
Comederunt: ille vero eis abstulit reditus diem.
Haec aliqua ex parte dea filia Jovis dic & nobis.
Jam alii quidem omnes, quotquot effugerunt saevam mortem,
Domi erant belloque elapsi atque mari.
Hunc solum &c.*

Audiamus jam Simonem Lemnium haec eadem versibus adornantem.

*Dic mihi Musa virum, qui postquam Pergama Trojae
Celsa sacrae evertit, populatus moenia flammis,
Classe diu raptus, variisque erroribus actus;
Qui mores hominum multorum vidit & urbes,
Multa quoque & ponto passus, tot adire labores*

Com-

Compulsus fuerat, tristes sub corde dolores
 Dum premit, atque suam defendit puppe salutem,
 Eripiens animam, sociosque per aequora vestos;
 Et patriae reditus quaerit sub gurgite vasto
 Pellax & vario iugeio praeclarus: & armis.
 Non tamen ille suos casu pelagique ruinis
 Incolumes Ithacae socios deduxit in arva.
 Invisi fati subiere pericula mortis
 Ob scelera atque famem. mactarunt litore tauros,
 Prostratosque boves solis, qui sidera lustrat,
 Quique globum caeli transit super aethera veclus,
 Absumpserunt nefas: illis rex ipse negavit
 In patriam reditus Titan; merisque sub nudas.
 Vix e conspectu siculae telluris in altum
 Vela mari dantes, spumasque sub aere ruentes
 Obruit, & pelagi disjecit in aequore uantes.
 Horum igitur casus memora mihi musa canenti
 Calliopea, Jovis proles: exordia cursus
 Erroresque sacro revocabo carmine Grajum.
 Argolici rediere duces & Dorica pubes,
 Jamque domi laeti, libabant pocula Bacchi
 Grajorum procures, quicumque ferocia fata,
 Interitumque viri, Trojae sub moenibus altis,
 Assaracaeque duces immania praelia gentis,
 Undosofque aestus atque aequora celsa carinis
 Evasere domos repetentes, patria rura.
 Cum solum gelidis Ithacum &c.

Audisti, amice lector? Bene est; quid igitur tibi de his versibus Lemnianis videtur: placentne illi, an aliquid melius desideras? Nihil dices, opinor, de primo versu; nam & Horatii sunt priores voces, & posteriores non displicent, nisi forte requiras illud ~~versum~~ ^{versum} ~~omissum~~ ^{omissum}, cujus loco irrepsit; *populatus moenia flammis = classe diu raptus &c.*

Multa quoque & ponto passus &c.

praeclare: nam ita & Virgilius, cujus ubique vel invitos ac reluctantes versus in suas partes cogit concedere. Sed quod sequitur: *tot adire labores compulsus fuerat*; quamvis aequae Virgilianum, nullum heic tamen locum habet.

Tri.

tristes sub corde dolores
Dum premit, atque suam defendit puppe salutem
Eripiens animam, sociosque per aequora vectos &c.

Dixerat jam ante & quidem recte Virgilius de Aenea :

Spem vultu simulat, premit alium corde dolorem.

Sed Homerus nihil heic simulantem aut prementem corde Ulyssē inducit; sed affirmat simpliciter multa cum in mari tulisse incommoda. Quod vero malum est illud: *defendit puppe salutem, eripiens animam* &c. Vereor ne parum eleganter sit dictum, *salutem defendere puppe*; nam mitto quod sit alienum a verbis Homeri. Non intelligo etiam, quid hoc loci velit, *eripere animam*. Scio quidem admodum recte dici, eripere animam hosti, ac idem valere, quod hostem occidere; item eripere animam ex orci faucibus, esse liberare a morte, aut salvare; & hoc fortasse voluit dicere Lemnius. Sed quod addendum erat necessario, reliquit; Ulyssēque nobis nescio plane quam animam eripientem exhibuit. Hoc vero admirandum ac portentum simile:

Et patriae reditus quaerit sub gurgite vasto &c.

Reditum in patriam quaerere scio quid sit; *patriae reditus* mehercle nescio. Male etiam *sub gurgite vasto*; namque aut mari, aut mare navigamus, aut per mare: Urinatorum proprium est quaerere aliquid sub gurgite.

Pellax & vario ingenio praeclarus & armis &c.

Haec omnia praepostera: nam quavis & pellax fuerit Ulysses & vario praeditus ingenio & praeclarus armis, nihil heic istorum Homerus dixit.

Invisi fati subire pericula mortis

Ob scelera atque famem. macularunt litore tauros,

Prostratosque boves solis &c.

Equidem minime puto, *subire periculum mortis* idem valere ac *mori*. At vates, Ulyssē, ait, suos non potuisse comites servare, non quod fuissent *invisi fati*, sed quod ipsi sua ipsorum culpa dementiaeque perierunt occisis nimirum bobus solis, a quibus ut abstinere, etiam atque etiam admoniti erant a duce sapientissimo. Illud; *ob scelera atque famem*, erit fortasse simile illi, *pateris libamus & auro*, nimirum ob famem scelestam. Sed quorsum haec;

Qui

. qui sidera lustrat,
Quique globum caeli transit super aethera vectus.

Aut nihil addendum erat, aut aliquid, quod esset tolerabilius. Qui etiam sol transeat globum caeli, non satis video.

Vix e conspectu Siculae telluris in altum &c.

Maeste Simon hoc pulcherrimo Virgilii versiculo! sed quae sequuntur,

Vela mari dantes, spumasque sub aere ruentes;

multum distant ab iis ejusdem Maronis, duabus tantum a te voculis mutatis :

Vela dabant laeti, & spumas salis aere ruebant &c.

Tu enim dixeris *in altum*: quare superfluum est illud *mari*. Elegantissimum hoc *spumas salis aere ruebant*: tuum illud *spumasque sub aere ruentes*, obscurum absonum atque uno verbo deterius factum. Quomodo autem dixisti, *obruit*, idest *demersit*; quum idem dicas statim, *disjecisse in aequore nantes*. Nabantne postquam obruti fuere pelago? Id credo fieri non posse: vide igitur, quid scripseris.

*Horum igitur casus memora mihi musa canenti
 Calliopea &c.*

Haec profecto quicumque legent, quum praecesserit, *disjecit in aequore nantes*, nihilque fuerit modium inter vocem *nantes*, & hanc *horum*, intelligent poetam heic orare musam, ut sibi casus memoret sociorum Ulyssis; quum tamen velit, ut eas res omnes, quas proposuerat, aliqua ex parte etiam sibi ipsi musa det posse dicere. Jam haec:

. exordia cursus,
Errorisque facto revocabo carmine Grajum;

& quae sequuntur, quantum apta sunt ad augendam libri molem verbumque numerum, tantum valent ad omnem Homeri dignitatem eloquentiamque corrumpendam. Sed infinitus sim, si persequar cetera, quae tibi, & cuius vel mediocriter graecis litteris latinisque erudito vehementer in his Lemnianis versibus, qui plurimis aliis ejusdem interpretis multo sunt meliores, displicebunt. Nihil enim queror, quod nullam Lemnius adhibeat limam in poliendis male tornatis versibus, quod nullum verborum dele-

dele-

delectum, nullamque latini sermonis vensitatem sequatur; quod contorte, implexe, obscure, ac non raro etiam sine ratione syllabarum scribat: hanc illi do veniam; est enim hominis peccatum contra illud Horatii Flacci praeceptum:

*Sumite materiam vestris, qui scribitis aequam
Viribus &c.*

Cujus vero est, & quantae audaciae illa effrenata ac ullo sine modo licentia aut potius libido sententias Homeri ita saepe amplificandi, ut illis, quae interpret adjungit nova, ea, quae dicta sunt ab auctore, omnino obruantur? Quidni? Poëta senem illum Proteum, in quarto libro haec inducit Menelao vaticinantem, quae heic latine ad verbum expressa exscribo.

*Tibi vero non est fatale divinae o Menelaë
In Argo equos pascendo mori & fatum obire.
Sed te in Elisium campum & fines terrae
Immortales mittent; ubi flavus Rhadamanthus est,
Ubi facillima vivendi ratio est hominibus:
Non nix, neque hyems multa, neque umquam imber;
Sed semper zephyri suaviter spirantes auras
Oceanus emittit ad refrigerandum homines,
Eo quod babes Helenam, & ipsius Jovis gener es &c.*

Eadem ego sic verti,

*Te vero nec fata sinent Menelaë, nec ipsi
Caelicolae quondam patriis occumbere in Argis.
Elisii longe in campos, qua meta recessu
Ultima terrarum, vivum te numina ducent,
Flavus ubi Rhadamanthus, ubi est placidissima vita,
Nec glacies, nec saeva riget nix ulla, nec imber,
Sed zephyros semper spirantes mollibus auris
Sufficit oceanus lactae solatia genti.
Haec te certa manet sedes, haec debita sponso
Tyndaridis generoque Jovis felicia regna &c.*

Haec mea, de quibus nihil ego dicam. At quanta heic dii boni! effundit loquacissimus pulcherrimi Homerici hujus loci interpretisne an corruptor? Audi, & patienter, si potes, ferto hanc tantam laureati poëtae loquacitatem.

Nunc ad te & tua magna lubens ad fata revertor.
 Non te fata sinunt Menelaë o maxime regum,
 Ab Jove progenies, proavito occumbere leto,
 Atque Argis obiisse diem, generator equorum
 Heic ubi ager pinguis, floretque ex ubere glebae.
 Te elisos divi campos iurare jubebunt,
 Elisasque domos: virides mittere per oras,
 Heic ubi terrarum liquidis est terminis undis,
 Heic ubi flave comas judex Rhadamanthe gubernas.
 Heicque locos laetos cernes; & amoena vireta
 Fortunatorum nemorum sedesque beatas:
 Heicque ferax agris per se fert omnia tellus,
 Sponte ferunt homini fruges viridantia rura:
 Heic faciles victus arbor praedives opacis
 Laeta comis, fulvis semper diuturne pomis.
 Heicque nives numquam pluviaeque hyemesque rigentes.
 Heic semper zephyri molles & leuiter aurae
 Spirant oceano missae; recreantur ab illis
 Corpora tacta levi afflatu, & florentia nutrit
 Membra homini, meliorque heic curus, & aether incerrat,
 Largior & campos heic aër lumine vestit
 Purpureo, solemque suum, sua sidera norunt.
 Amissum ne crede diem: sunt altera caelo
 Sidera; sunt orbes alii, lumenque videbis
 Purius, elisosque magis mirabere campos,
 Cultoresque pios, illic pretiosior aetas,
 Aurea progenies habitat, semperque tenebis,
 Quid superi meruere semel, nec mollia desunt
 Prata tibi; zephyris illic melioribus balant
 Perpetui flores, quos nec tua protulit aetas,
 Nempe quod es conjux Helenae, Jovis & gener alii, &c.

Ohe jam fatis est? pol me occidisti, inquis. Quae solis octo versiculis
 Homerus, ut cetera, belle comprehendit; quae novem tu, uno scilicet
 plus, fatis commode expressisti; ille, ut triginta versibus vix explicet, at-
 que interpretetur? Quid hocce aliud, nisi illud apud veterem poetam

. quod Sysphu' versat

Saxum sudans nitendo, neque proficit bilum.

Sto-

Stoniachati jam te video, amice lector, ac mihi jure subitasci, quod in his diutius, quam necesse erat, immotatus sim. At ego verebat, ne si dixissem mihi Lemniam improbari versionem, nihilque ex ejus versibus protulissem, magis invidere quam vere id a me quisquam dictum arbitraretur. Quare quum ea satis me culpa & invidiæ suspitione liberatum jam videam; hanc totam orationem relinquamus, ac tedeamus, unde discessimus. Peto igitur abs te, ut si Lemnii *Odyssæa* latina, (quod de petveriti quadam *Odyssææ* versione in Bruto dicit Tullius) est sic, tamquam opus aliquod Daedali, & Livianæ fabulæ non satis dignæ, quæ iterum legantur; laborem hunc meum aequo bonoque animo excipias, videndumque judices prius, quam omnino contempnas, quid ipse feram. Nec sane dubito, quin multa futura sint hoc in opere præfatum tam longo tamque impedito, quæ multo melius elegantiusque dici potuisse pronunciabis: ita tamen statuamus oportet, ut, si minus ceteris peccasse videbor, aliquam mihi gratiam habeas, quod in omnium maximo latine interpretando poeta si minus eam, quæ perfectissima est, referte laudem potuerim; majorem tamen, quam ceteri, tuo etiam judicio gravissimo atque optimo sim consecutus. Quod si tribueris mihi, amplissimum laborum omnium ac vigiliarum fructum me cepisse existimabo.



RAYMUNDI CUNICHII
AD SUAM ILIADEM
DE BERNARDI ZAMAGNAE ODYSSEA
EPIGRAMMA. (*)

*I mea nunc Latias tantisper sola per urbes
Ilias, adveniat dum tua pulcra soror
Compta mei studio cura & praestante Zamagnae.
Illi ego te sociam jungier inde volo,
Cui pater est idem, quam cultu ornavit eodem
Vir mibi Thebesa junctus amicitia.*

BERNARDI ZAMAGNAE
DE SUA ODYSSEA
AD ILIADEM CUNICHIANAM
EPIGRAMMA.

*Non Latias ito florens jam sola per urbes
Ilias: en sociam quaerit ubique soror.
Da timidæ dextram; neu cultu elata superbo
Nomen Odysseæ noscere sacra neges.
Tu prior es meliorque; usque est me cedere dignum
Cunichio, cedit sic minor ipsa tibi.*

(*) Hoc epigramma legitur ad finem Iliadis Latinae, quam anno proxime elapso vir Cl. Raymundus Cunichius edidit Romae impressam eadem forma, qua nunc Odysseæ hanc impressa est.

ARGUMENTA

SINGULORUM LIBRORUM SINGULIS DYSTICHIS

AB INTERPRETE COMPREHENSA.

I.

*Juppiter Aegisthum memorat , sed Pallas Ulysses ,
Telemachumque Pylon tendere diva monet.*

II.

*Concilium cogit , queriturque infanda procorum
Facta Itbaco forti natus , iterque parat.*

III.

*Excipit hospitio venientem Nestor , Achivum
Fata docet , noscit Pallada , sacra facit.*

IV.

*Excipit & Menelaus . at illi nigra parantur
Funera , dum Protei noscere dicta cupit.*

V.

*Ogygias tendit Cyllenius ales in oras :
Dux Itbacae primum navigat , inde natat.*

VI.

*Dat requiem fesso tellus Phaeacia : natam
Alcinoi supplex in sua vota trahit.*

VII.

*Urbem adeunt ; sed nympba prior subit alta parentis
Atria ; mox Itbacus scandit , opemque petit.*

VIII.

*Laeta dies agitur vario certamine , & heros
Invitus , valeat quid tamen ipse , docet .*

IX.

*Lotophagos, Ciconasque refert, saevosque Cyclopas,
Inque cava caecum te, Polypheme, specu.*

X.

*Aeoliam his addit, ventosque, & avara juventae
Pectora; dein vafrae pocula saeva deae.*

XI.

*Cimmerias etiam fauces, vatemque petisse
Tiresiam; & manes eliciuisse refert.*

XII.

*Hinc & Sirenas, Scyllamque, atramque Charybdim,
Pro vetita & comitum funera caede boun.*

XIII.

*Jamque Ithacam tendit: fit navis saxea: at illi
Pallas adest, firmat voce, senemque facit.*

XIV.

*Tum petit Eumaeum, nec se dat nosse; sed astu
Dissimulans audit multa, refertque seni.*

XV.

*Telemachum interea patrias Tritonia ad oras
Ire monet; donis auctus at ille redit.*

XVI.

*It celerans Eumaeus in urbem, & nuncia portat
Reginae. cernit gnatus adesse patrem.*

XVII.

*Rure adeunt urbem, non una. pastor Ulysssem
Increpitat, melior quem colit ipse canis.*

XVIII.

*Inter se pugnant Ithacusque Irusque; capitque
Penelope a cupidis munera missa procis.*

XIX.

*Cum nato pater arma abdit: signata cicatrix
Illum prodit, anus dum bona fonte lavat.*

XX.

*Fausa duci dat signa deus: terrentur Achivi,
Parca quibus dirum funus acerba parat.*

XXI.

*Fert arcum regina: proci vos praemia frustra
Quaeritis, ignota missa sagitta manu est.*

XXII.

*Gliscit atrox jam pugna, Ithacus cum Pallade vincit.
Telemachi dextra turba nefanda cadit.*

XXIII.

*Penelope gaudet conspecto conjuge: at ille
Multa putans nato junctus ab urbe fugit.*

XXIV.

*Insequitur fera turba: iterum pugnatur in agris;
Nox placidi sanctae foedera pacis amant.*

RURSUS, QUID VIRTUS ET QUID SAPIENTIA POSSIT.

UTILE PROPOSUIT NOBIS EXEMPLAR ULYSSEM.

Horat. Ep lib.I. Ep II.



HOMERIODYSSEAE

LIBER PRIMUS.



Ufa virum memora , varium qui
pectore versans

Ingenium, erravit longum post eru-
ta Trojae

Pergama . multorum mores inspe-
xit, & urbes

Ille hominum , multa & pelagi
mala passus in undis,

Dum sibi , dum fociis reditum molitur : at illos

Providus haud valuit nigro subducere leto ;

Nam culpa periere sua , dementibus ausis .

Aggressi niveos Solis violare juvencos ,

Quos propter vetuit reditu deus ipse potiri .

Ergo harum & nobis da rerum evolvere partem 10

Diva, precor , magni Jovis o pulcherrima proles .

Jam Danai, quotquot leti crudelia fata

Incolumes fugere, & ponto & marte soluti

Attrigerant Patriam. solum hunc arcebat amato

A

Con-

Conjugis a gremio, magnoque ardebat amore
 Rupe sub excisa scopuli formosa Calypso.
 Quin ubi jam tempus venit, volventibus annis,
 Quo superis reditumque viro concedere visum,
 Optataeque Ithacae sedes, nondum ipse labores
 Finierat, saevo fortunae exercitus aestu, 20
 Scilicet & caros infelix inter amicos.
 Illum omnes pariter duos tot volvere casus
 Caelicolae miserati: unus dominator aquarum
 Usque gravis pulso instabat, maria omnia circum,
 Dum patrios fines, & dulcia tangeret arva.
 Aethiopas at forte pios tum visere gaudens,
 Extremos hominum Aethiopas, pars altera quorum
 Solis ad occasum, pars altera vergit ad ortum,
 Cesserat, atque illic sollemni more sacrorum
 Ante suas laetus conviva adfederat aras. 30
 Di Jovis in sedes alii advenire frequentes
 Sidereum per iter: solio quicis orsus ab aureo
 Ipse hominum summus fari pater atque deorum
 Aegisthi tum forte animo crudelia volvens
 Fata, agamemnonides leto quem strarat Orestes.
 Haec memorans, cunctis dis ille silentibus, infit:
 Proh superi! immerito sanctos mortalia culpant
 Secla deos. per nos mala nascier omnia dicunt,
 Quum tamen ultro homines dementi arcessere corde
 Triste sibi, nulla fatorum lege coacti, 40
 Exitium properant. an non Aegisthus Atridae
 Eripuit nuper thalamos, ipsumque necavit
 Infcius haud cladis, quam nos praediximus olli
 Adfore, Mercurius retulit quum talia dicta:
 Parce torum violare, & parce Agamemnona ferro
 Laedere; namque aderit patriae ultor cecidis Orestes,
 Ut

Ut primum flava sparget lanugine malas.
Talia Mercurius : monitis parere sed ipse
Dum negat, infando persolvit sanguine poenas.
Juppiter haec. subito coepit sic cacrula Pallas : 50
O pater, o divum rector, saturnia proles,
Ille jacet merito parcarum funere merfus,
Flagitia atque utinam molitur talia quisquis,
Sic pereat. sed tale meus quid fecit Ulysses
Infelix, qui nunc patriis procul angitur oris
Insula in undifona, medio quae consita ponto
Horret opaca jugis frondentibus ? intus Atlantis
Filia, qui pelagi tractus atque omnia novit
Antra vaser, longas immania saxa columnas
Ipse gerens humeris connixus, quois sola terrae 60
Distinet atque aptum stellis fulgentibus axem,
Intus habet sedem. lacrimis heic ora rigantem,
Fundentemque imo gemitus e pectore, blandis
Detinet inlecebris mulcens, atque omnia tentat,
Ne qua Ithacae oblitum subeat jam cura. sed ille
Surgentem ut noto tantum de culmine fumum
Aspiciat, certa malit cum morte pacisci.
Nullane finis erit? necdum miserebere tandem
O genitor ? tibi dona quidem, tibi semper Ulysses
Divite sub Troja sacravit vota per aras : 70
Cur, pater, heu tantum tu contra irasceris olli ?
At genitor, quem nimborum domus alta tremiscit,
Reddidit oranti. quid te sic vana fatigas,
Quidve tibi Pallas, sanguis meus, excidit ore ?
Mene umquam clari capiant oblivia Ulyssæi,
Qui supraque homines mente est, disque omnibus unus
Ante alios fert dona volens ? non Juppiter hostis,
Sed ferus exercet miserum regnator aquarum

Carum Cyclopem propter , cui lumen ademit
 Fronte olim e media latebroso inclusus in antro , 80
 Dis similem Polyphemum , omnes qui robore vincit
 Aetnaeos fratres . hunc quondam nympha Thoosa
 Filia Phorcynos genuit , postquam aequoris alti
 Sedibus in glaucis Neptuni exarsit amore .
 Ex illo infensus semper germanus Ulyssēm
 Insequitur ; nec fata struit , sed distinct alma
 A patria , errantem terris , ac fluctibus actum .
 Sed jam agite , & cunctis placeat sententia nobis ,
 Ut redeat tandem ; saevus nec cedere frater
 Abneget , o superi . quid enim contendere solus 90
 Audeat , aut omnes possit pervincere contra ?
 Sic ait ; atque olli virgo Tritonia subdit :
 O genitor , cui summa hominum rerumque potestas ,
 Omnibus id superis si nunc placet , exsul Ulysses
 Ut repetat sua regna , lares & visat avitos ,
 Fac age Mercurius properet jam nuncius oras
 Missus in Ogygias , nymphaeque edisserat omne
 Consilium , reditum ne certum ignara moretur .
 Ipsa Ithacae interea descendam ad litora gnato
 Auxilium roburque ferens , quo fretus Achivos 100
 Concilio in magno socios sibi jungere possit
 Multa procis minitans , olli qui plurima caedunt
 Et pecora & nigros ingentia corpora tauros .
 Mox etiam Pyliasque oras , Spartamque jubebo
 Tendere , si qua suas veniat genitoris ad aures
 Fama , vel ipse virum claro celebretur honore .
 Dixerat , ac pedibus primum talaria vinxit
 Pulcra , aeterna , auro fulgentia , queis super aequor
 Par levibus ventis , terram & volat ardua supra .
 Corripit hinc hastam praefixam cuspide athena

Fortemque ingentemque, domat qua densa virorum
Agmina, queis magno fata patre irascitur olim.
Tum summo aërii descendit vertice olympi
Prona ruens, Ithacenque adiens levis adstat Ulyssæi
Vestibulum ante ipsum surgentiaque atria sedis;
Hastam habet, ac Taphium regi par omnia Mentæ est.
Heic genus invisum juvenes prope limina cernit
Sese inter talis ludentes, mollia stratos
Tergora taurorum supra de caede recenti.
Circum ipsos famuli & lecti de more ministri 120
In cyathis lymphas alii cum munere bacchi
Miscebant, alii mensas abstergere jussi
Atque onerare epulis, in partes exta secabant.
Illam Telemachus venientem ad limina vidit
Alta prior: medius nam forte adfederat inter
Convivas tacita genitorem in mente volutans,
Si rediens qua parte procos indigna furentes
Exigat a domibus, seque in sua regna reponat.
Id juvenis volvens conspexit Pallada, & altis
Profiliit foribus subito, indignatus amico 130
Quippe animo, ante domos longum quod degeret hospes.
Jamque adstans propior, dextramque amplexus inhaesit,
Accepitque hastam, breviter sic deinde loquutus:
Salve, hospes; tibi testæ patent, epulisque refectus,
Quidquid erit, prodes tranquilla per otia fando.
Sic dicens graditur prior ipse, & Pallas euntem
Subsequitur. celsis ingressi ut sedibus ambo
Constiterant, hastam præcelso in pariete firmat
Pulcrum intra septum, validi quo multa parentis
Condita fulgebant præfixo hastilia ferro. 140
Ipsam autem mollique toro, stratisque locavit
Vestibus in pictis, queis alte innixa residat,

Com-

Componatque pedes. tum sese proximus addit
 Telemachus folio posito, qua parte sub aula
 Haud fremitu offensus juvenum, vastoque tumultu,
 Et dapibus possit melius gaudere paratis
 Hospes, & ipse sui scitari nuncia patris.
 Dant famulae manibus lymphas, quas lucidus auro
 Urceus irrorat supra, purumque fluentes
 Subiecti excipiunt argentea labra lebetis. 150
 Ponunt & mensam juxta, cereremque canistris
 Expediunt, cumulantque epulas ante ora repostas.
 At pueri patulis varias in lancibus escas,
 Fumantesque gerunt armos, & viscera tosta,
 Caclatoque auro fulgentia pocula: circum
 Praeco obit, ac laticem bacchi de more ministrat.
 Jamque domum subiere proci, seque undique pictis
 Ingressi fudere toris. dant ordine longo
 Gaudentum manibus fontes, & jussa facessunt
 Praecones, famulaeque ferunt cerealia dona. 160
 Ipsi autom laeti dapibus pascuntur opimis,
 Poculaque exsiccant, pueri quae plena coronant.
 Postquam pulsa fames, potusque extincta cupido,
 Sese in laetitiā solvunt (nam nulla fatigat
 Cura alia ignavos), & cantu tempora fallunt,
 Et choreis, hilarantque suis convivia ludis.
 Nec minus hos inter citharam pertentat eburnam
 Phemius: invitus qui quamquam solveret ora,
 Grata tamen refonis jungebat carmina nervis.
 Atque heic Telemachus placida sic voce Minervam 170
 Alloquitur jungens propius caput, auribus hospes
 Solus ut accipiat, non alter, dicta loquentis.
 Irascere mihi, si quid nunc, dulcis amice,
 Fabor, ait? capiant hos quaenam gaudia, cernis:

Scm-

Semper amant citharam, semper sua carmina cordi.
Et merito: quoniam possunt impune vorare
Parta labore viri, cujus jam candida putrent
Ossa vel ignotis terris, vel gurgite in ullo.
At si fors Ithacae redeuntem in regna viderent,
Credo equidem, pedibus mallent superaddere pennas, 180
Munere quam pictae vestis splendescere & auro.
Sed jacet ille miser jam perditus: ulla videndi
Nec mihi spes reducem est, etsi quis spondeat ultro
Nunc meliora; olli redeundi haud ulla potestas.
Sed jam age, fare mihi, nec ficto pectore narra,
Quis? genus unde tibi? quaenam urbs tua? quique parentes,
Qua rate & advectus, quaque haec ad litora caussa
Venisti? sese dicunt quo nomine, qui te
Vexere huc nautae? puppi nam vectus, opinor,
Venisti, haud pedibus gradiens, quando undique ponto 190
Cingimur. expedias mihi vera, ut noscere possim,
Huc primumne venis, an patri foedere junctus
Hospitii antiquo? multi haec late undique adibant
Quondam testis viri; genitor sibi jungere multos
Namque hominum hospitio facilisque & comis anabat.
Vix ea Telemachus, reddit quum talia Pallas:
Vera quidem referam, quaecumque o amice rogasti.
Mentes Anchiali proles ego dicor, & omnes
Me Taphii observant late regemque salutant.
Cum sociis navique haec vestra ad litora veni 200
Longum iter aggressus: Temeses ad moenia tendo
Aera relaturus, vehitur mihi copia ferri.
Nec procul hinc religata stat uda ad litora navis
Ante urbem portu in Rhethro sub Neio alto.
Hospitia alterno jamdudum foedere nobis
Ista vigent: nec vana fides mea dicta sequetur,

Laër-

Laërten heroa adeas modo, quem procul urbe
Degere nunc perhibent, solosque errare per agros
Vitantem vulgi strepitum, curisque gravatum
Et senio; una epulas ubi custos fida ministrat 210
Olli anus, infirmos quoties subrepat in artus
Languor oberrantis per consita vitibus arva.
Veni autem, nam fama tuum rediisse parentem
Attulerat mendax, quum tristem fata morantur,
Dique procul. neque enim terris decessit Ulysses,
Sed circum clausus maris alti a gurgite vivit
Rupe aliqua in sola; fors & gens effera captum
Detinet, invitumque domo procul arcet avita.
Nunc te, si qua fides dictis, quae numina caeli
Inspirant sub corde mihi, eventura docebo 220
Vaticinans, sim nec vates licet ipse, nec augur.
Adveniet cupido genitor, nec tempore longo
Exsul erit, non si teneant vel ferrea vincula:
Ille fugam inveniet non ulla segnis in arte.
At mihi tu contra, si fas, dic pauca roganti:
Num satus ex ipso juvenis jam tantus Ulysse
In viridi flores aevo? sic ora gerebat,
Sic oculos, sic ille caput mihi cognitus usu
Haud parvo, ante ratem quam scandens iret ad altum
Ilion, argivum pubes quo prima ruebat: 230
Numquam ego post illum, numquam me vidit Ulysses.
Huic breviter juvenis. poscis quaecumque, fatebor
Vera, hospes: genitrix natum me dicit ab illo,
Sed non certus ego; neque enim quo sanguine cretus,
Nosse potis quisquam est. o! si quem tarda senectus
Exciperet propriis felicem in sedibus, auctor
Ille foret generis, non sic miserabilis aevum
Ipse adeo exigere fortuna oppressus iniqua.

Dis aliter visum: fama est ex omnibus unum
Quem miserum vixisse magis mortalibus, illo 240
Me genitore satum, quando haec vis noscere, dicunt.
Haec ubi Telemachus, rursum sic diva loquuta est:
Non tibi di generis spondent ignobile nomen,
Spero equidem, talem genuit quum te inclita fama
Penelope. sed pauca mihi precor insuper addas.
Quodnam epulum, quaenam turba haec? sollemnia sacra,
Connubia anne paras? non haec socialia mensae
Gaudia sunt, dulces non hic mos inter amicos:
Usque adeo infueto misceri testā tumultu
Aspicio indignans. nemo tam turpia cernens 250
Facta, nisi insanus fuerit, sibi temperet ira.
Cui juvenis. dicam, quando haec te cura fatigat
Ignarum: fuit olim haud ulli obnoxia culpa,
Atque opulenta domus, genitor dum regna tenebat.
Nunc aliter superi voluere infanda parantes
Damna mihi, passique meum sine honore parentem
Concidere extinctum. nec flerem ita tristis ademptum;
Si socios inter miles cecidisset in oris
Dardaniis, interve manus jam victor amicas.
Grajugenae ingenti decorassent mole sepultum, 260
Partaque venturos esset mihi fama per annos.
At nunc harpyiae indecorem rapuere, nec ulli
Occidit heu notus, luctumque & triste reliquit
Exitium gnato. nec tantum causa doloris
Ille mihi: graviter miserum premit altera clades.
Regnant finitimis procures nam quotquot in oris
Dulichioque Samoque alta viridique Zacyntho,
Quotquot & apricis Ithacae dominantur arenis,
Tot matrem poscuntque meam, meaque omnia vastant.
Ipsa autem nec amans nec dedignata petentes 270

Cunctatur, nescitque moras. ruit omnis ab imo
 Interea domus alta, & mors mihi certa paratur.
 Dixerat. indoluit Pallas, miseraraque curas:
 Absentem haud frustra suspiras, inquit, Ulysses,
 Qui juvenum tales ausus tamque improba facta
 Comprimat, ac subitus scelerum super ingruat ultor.
 Nam veniens primo si nunc in limine staret
 Protectus clipeo, galeaque, & bina coruscans
 Longa manu valido praefixa hastilia ferro;
 Qualis erat, nostris quum primum in sedibus olim 280
 Vidi gaudentem dapibus ludoque, reversum
 Ex Ephyra; (puppi nam curva vectus ad illum
 Mermeriden procul hinc virus letale petitum
 Iverat aeratas cupiens armare sagittas.
 Nec tamen ille deos veritus concessit: at ultro
 Ipse meus caro genitor donavit amico.)
 Hos adeo juvenes inter si talis adesset,
 Flerent angustumque aevum tristisque hymenaeos.
 Id tamen obscura fatorum in lege repostum
 Scilicet est, ultorne idem sua tecta revisat, 290
 An secus? interea tibi prima ea cura recurset
 Usque animo, hanc diram quamprimum avertere turbam.
 Jamque age quae dicam, memori tu pectore conde:
 Cras in concilium Grajis de more vocatis
 Omnibus haec edic, sint dicto & numina testes.
 Tecta proci sua quisque petant: si jungier optat
 Connubio mater, generosi regna parentis
 Illa sui repetat. claro comitata hymenaeo,
 Atque opibus ditata novis, dotabitur illic
 Dote, patrem gnatae quantam largirier aequum est. 300
 His actis, ni forte sequi mea iussa recusas,
 Instrue bisdono volitantem remige pinum,

Opta-

Optatique diu genitoris nuncia captans
I procul hinc alias in gentes, sicubi vocem
Audieris vulgi, demissamve ab Jove magno
Famam, quae summo mortales nomine clarat.
Primum neleis dium pete Nestora terris,
Tum Spartam & flavi Menelai ad limina tende,
Ultimus Argivum patrias qui venit ad oras.
Vivere si audieris patrem, reditumque parare, 310
Omnia adhuc unum praestat mala ferre per annum:
Sin vero extinctum fors nunciet ulla, nec aura
Amplius aetheria vesci, persolve supremas
Inferias patri, atque ingens attolle sepulcrum;
Nupta alias genitrix taedas thalamumque sequatur.
Verum adeo haec postquam perfeceris omnia rite,
Multum animo reputes jubeo, quo robore quave
Arte procos perimas, seu vi congressus aperta,
Sive dolo insidians? an non pervenit ad aures 320
Fama tuas, retulit nuper quam clarus Orestes
Insignem in cunctis, patriae quum tristia caedis
Crimina nil metuens Aegisthi morte piavit?
Tu quoque, nam valido florentem corpore cerno,
Aude animo, fliceant ne te venientia secla.
Ipse autem ad socios, qui me jam forte morantem
Increpitant, celerans ibo, navimque revisam
Litora fida petens; tu dicta haec omnia serva.
Sic ait; ac juvenis, dum diva abscedere tentat:
Cara quidem mihi sunt, inquit, quaecumque loquutus 330
Ut genitor gnato es; memori stant omnia mente.
Verum age, paullisper, quamvis iter urgeat, oro;
Heic mancas. jam jam lotusque animumque refectus
Velivolam repetes pinum, sociosque revises
Dona ferens te digna, mei quae pignus amoris

Sint tibi, & hospitii foedus testentur amicum.
Cui dea tum breviter: ne me discedere aventem
Jam teneas. quaecumque paras nunc tradere dona,
Haec reduci post ferre dabis, quum litora adibo
Rursum eadem; ingratae dederis nec munera dextrae. 340
Hacc ubi dicta dedit Pallas, velut ales in auras
Miscuit aetherias sese. simul addita virtus,
Atque habilis juveni venit vigor, ipsaque patris
Acrior ardentem subiit cura. ille volutat
Omnia dum secum monstro defixus, & haeret,
Haud dubiis sensit caelestia numina signis.
Jamque procos visurus adit, quos carmine dulci
Mulcebat vates tacitos atque auribus omnes
Intentos cupidis. reditum tum forte canebat,
Difficilem a Troja dederat quem Pallas Achivis. 350
At cantum postquam testis in penetralibus altis
Audiit Icarii magni pulcherrima proles
Penelope, extemplo sedes descendit ad imas
Hinc atque hinc geminis propius comitata puellis.
Atque ubi devenit, juvenum qua densa caterva
Parte sedet, postes stetit aulae ingressa sub ipsos
Tenvia praetendens niveis redimicula malis:
Stant pariter famulae circum, custodia fida.
Nec mora; sic vatem lacrimis affatur obortis:
Phemie, namque alios cantus & plurima nosti 360
Gesta hominum divumque, solent quae dicere vates,
Dulce aliquid modulare precor, dum pocula pubes
Haurit plena sedens: jamque isto desine cantu,
Qui miserac laniat jamdudum pectora curis.
Meme hic luctificus nimium tabescere cogit
Heu dolor ante alias cupientem cernere frustra
Conjugis amissi carum caput, inclita cujus

Ella's

Hellada per totam, mediumque it fama per Argos.
Sic ea; Telemachus referens sed talia reddit:
O genitrix quid cara vetas, ne carmina vates, 370
Quae libitum sit cumque, canat? non sponte feruntur,
Juppiter at vates agitat, fingitque canentum
Ingenia ipse regens nutu pater ora potenti.
Hunc etiam voluit Danaum memorare labores,
Difficilemque fugam: tangunt super omnia mentes,
Quae nova sunt, famaue vigent celebrata recenti.
Quin tu animum obfirmans ferto haec haud mollia
quamquam

Auditū; neque enim est reditu fraudatus Ulysses
Unus: apud Trojam multi periere Pelasgum.
Si renuis; tua pensa colum telamque revise 380
In thalamum scandens, operique instare puellas
Cura sit una tibi. non haec sunt auribus apta
Femineis, sed digna virum virtute meaque
Ante alios, uni cui summa heic tradita rerum est.
Dixerat: at gnatum genitrix mirata loquentem
Continuo paret dictis, thalamumque repostum
Scandit, ubi lacrimans famulantum septa corona
Plorabat Laërtiaden, dum lumina somnus
Clauderet armigerae submissus munere divae.
At magno juvenum fremuere obscura tumultu 390
Atria, & accensi studiis certantibus ignes
Optantum propius discumbere. queis ita fatus
Telemachus: vesana, inquit, genitricis amatae
Turba, proci, mensae nunc tempus; ponite voces
Implacidi. satius vatem exaudire canentem
Dis similem liquidae mira dulcedine vocis.
Vos ego, quum primo lux crastina fulserit ortu,
Concilium cogam in magnum, certusque jubebo

Dese-

Deferere has sedes, aliasque requirere mensas,
 Scilicet ac vestro convivium ducere sumptu. 400
 Aequius at vobis contra si forte videtur
 Unius heu miseri sic omnes perdere census,
 Perditae certantes; jam nil moror. ipse deorum
 Numina testabor, si quando Juppiter aequus
 Supplicia exposcat scelerum, sortemque rependat,
 Et vos haec eadem testa intra perdat inultos.
 Sic ait: at juvenes presserunt hispida morsu
 Labra omnes, fixique haesere loquentis in ore
 Mirantes animum pariterque minacia dicta.
 Tum sic Antinous: di, credo, talia fari 410
 Te docuere ipsi alto loquum, magnumque sonantem.
 Quid si Ithaces etiam regnum Saturnia proles
 Spondeat, ac patrium tibi sceptrum deferat ultro?
 Tantum effatus; & ille haud contra multa moratus:
 Antinoe, irascere mihi licet, eloquar, inquit,
 Ipse tamen. si fata velint, ac Juppiter auctor,
 Regnum etiam cupio; nec enim deterrima regum
 Conditio, nec triste viros frenare potenti
 Justitia. subito partis aggesta renidet
 Divitiis domus alta, & primo gaudet honore, 420
 Cui mens aequa deum regni concessit habenas.
 Verum alii proceres multi juvenesque senesque
 Sunt Ithaca in diti; regnet, cui candida laudem
 Fata dabunt, oris postquam discessit Ulysses
 A superis. rex ipse domus ferar, unus & omnes
 Pace regam famulos, genitor quos liquit habendos.
 Dixit: at Eurymachus Polybi de sanguine cretus
 Excipit his juvenem compellans vocibus ultro.
 Telemache, obscura superi caligine condant,
 Per populos Ithaces olim quis regnet Achivum 430
 Sceptra

Sceptra tenens. tibi parta quies, & copia rerum
Tuta manet: solus patria dominabere in aula,
Quin metus impediat, ne quis tua barbarus hostis
Aggrediens impune ferat, dum cultor habebit
Haec loca, nec solae stabunt per litora rupes.
Nunc age pauca mihi quaerenti effare: quis ille
Hospes, & unde domo? qua se regione ferebat?
Quave satum de stirpe? an cari nuncia patris
Ulla tulit veniens, an vasta per aequora vectus
Appulit huc longis repetens compendia terris? 440
Ut citus eripuit sese, neque nosciet ulli
Sustinuit! vis magna tamen se corpore magno
Prodebat, nec erat deformi ignobilis ore.
Haec ubi finierat, juvenis sic orsa vicissim
Ore refert. reducem jam spes mihi nulla videndi,
Eurymache, est misero patrem, nec nuncius ultro
Si veniat, nec fida reor satis auguris ora,
Si qua meae accitus ferat haud ingrata parenti.
Ille Tapho e viridi fertur vetus hospes Ulyssæi,
Magnanimo Anchialo generatus, nomine Mentès, 450
Oppositasque mari Taphium dat jura per oras.
Haec juvenis, certoque deam sub corde volutat
Vera tegens. choreis pubes & carmine capta
Nil metuens genio indulget, dum vesper ab undis
Prodeat. occiduo postquam de litore nigrum
Extulit os, tum quisque suos petiere penates.
Nec non Telemachus pulcrum de more cubile,
Olli celsus ubi thalamus surgebat in aula,
Multa putans animo subiit. praeit aurea quassans
Lumina tacidarum, servare adsueta pudorem, 460
Clarum Opis Pisenoridæ genus, Euryclaca.
Pro qua vernanti primævo in flore juventæ

Bisde-

Bisdenos capita alta boves perfolverat olim
Laërtes, magnoque ipsam complexus amore
Haud tetigit, fugiens offensae conjugis iras.
Ergo eadem ardentes juveni tum sedula tacdas
Portabat, teneris fuerat quae semper ab annis
Carior ante alias. jamque ut penetrale reclusit,
Ille toro sedit, mollemque exutus amictum
Longaevae thalami dat sueta in parte locandum. 470
Ipsa plicans aptansque datum suspendit ad alti
Fulcra tori: dein versa retro vestigia flectens
Postibus attractis, niveo qua lucidus ardet
Annulus argento, stridentia robora clausit,
Firmavitque arcto ferrata repagula nexu.
Heic juvenis pernox florenti vellere tectus
Jussa deae tacitoolvebat pectore secum.



HOMERI ODYSSEAE

LIBER SECUNDUS.

UT roseo effulsit pelago Tithonia conjux,
Exilit e strato juvenis generatus Ulysse
Purpuream indutus chlamydem; jamque aptat
acutum

Ensem humero, ac pulcris evincit crura cothurnis.
Nec mora: sese altis celerans penetralibus effert
Ora deo similis, Grajosque adire comantes
Imperat in coetum missis praeconibus. illi
Clamantes dant signa viris, hi se undique fundunt.
Postquam omni de parte videt venisse frequentes,
Et magna circum loca late impleſſe corona, 10
Procedit pariter juvenis. micat acrea forti
Hasta manu, niveique canes duo pone sequuntur,
Pallas & ambrosium formae super addit honorem.
Ipsum omnes late Graji admirantur euntem
Per medios, visaque stupent in imagine. at ille
Confidit patrio in solio, quin cedere quisquam
Abnuat, invidetque senum. tum farier orſus
Grandaevus multo annorum jam pondere terga
Curva gerens, genibusque labans; sed doctus ab usu
Plurima, consiliisque valens Aegyptius heros. 20
Natorum huic unus cum forti miles Ulyſſe
Cesserat ad Trojam nigris in puppibus olim
Antiphus insignis bello; quem deinde voravit
Efferus extremum Cyclops epulatus in antro.
Tres alii mansere: procis sese addidit horum

C

Eury-

Eurynomus, geminique artes coluere paternas.
Sed neque sic poterat tristes avertere curas
Nequidquam extincti semper memor. heic quoque fletu
Ora madens coepit senior sic voce profari.
Audite, o cives, quae dicam, & figite vestris 30
Haec animis. numquam in coetum convenimus una;
Ex quo abiit pelago proles Laërtia Ulysses:
Quis nunc excivit subito juvenisve, senexve?
Quae vis tanta urget trepidum? venientia contra.
Navigia, armorumque metus instare propinquos
Audiit? anne salus aliud quod publica poscit,
Nunciat huc primus? numquam fraudatus inani,
Quisquis hic est, doleat voto; sed Juppiter olli
Sic merito, quae mente agitat, bonus omnia praestet.
Dixerat. ac juvenis magni Jovis omine laetus, 40
Impatientsque morae (densos quippe ardet Achivos
Affari coram) solio confurgit ab alto,
Et venit in medios. sceptrum dat protinus aureum,
Qui lateri adstabat praeco Pisenor; & ille
Longaevum ante alios compellans incipit ore.
O senior, non ille procul, qui cogere jussit
Concilium, vir abest. ego sum quem lumine cernis
Praesentem, me namque unum dolor acrior urget.
Nec vero audivi, quæ vobis arma. reportem
Ipse prior, nec dicam aliud commune periculum, 50
Sed mihi quas misero peperit vis aspera curas.
Scilicet & saevo genitor mihi funere raptus,
Qui vos heu quondam patrio complexus amore
Imperio facili rexit dominatus in urbe;
Addita & est gravior clades, e sedibus imis
Everfura domos, meaque omnia vasta datura,
Nempe proci, claro juvenes de sanguine creti,

Solli-

Sollicitant qui tarda meae connubia matris,
 Invitamque adigunt voto submittere pectus.
 Dumque iidem Icarii sedes genitoris adire 60
 Permetuunt, paret ille suae ut dotalia gnatae
 Munera, cuique velit, tradens concedat habendam;
 Exoritur non ulla dies, quin testa frequentes
 In mea conveniant, medioque ululante tumultu
 Lanigerumque gregem, caprasque, armentaue caedant
 Magna boum, largisque epulis impune fruuntur,
 Atque mero. jam jamque premit me turpis egestas
 Omnibus exhaustis opibus; nec fortis, Ulysses
 Qualis erat, quisquam crudelem avertere pestem,
 Auxilioque levare domum valet: haud ego, contra, 70
 Sufficio tantum. veniet fors tempus, & arma,
 Spero equidem, haec etiam non frustra dextera sumet.
 Nunc & si qua foret vis addita, protinus aequas
 Exigerem poenas; neque enim est tolerabile damnum,
 Aut facilis jactura domus. quae barbara tellus,
 Quae regio hunc morem permittit? surgite in iras
 O tandem veriti gentes, quae litora circum
 Haec habitant, legesque sacras & maxima caeli
 Numina, ne capiti vestro mala dura rependant.
 Vos per ego magnumque Jovem, Themidemque ve-
 rendam, 80

Conciliis hominum semper quae praesidet, oro,
 Ferte viri auxilium misero. tabescere curis
 Vel finite infandis unum, si mitis Ulysses
 Ille meus genitor quondam re laesit Achivos,
 Aut verbo; poenas cari ob commissa parentis
 Ipse luam, cives; odiis consurgite in unum
 Addite & his animos. satius fuit omnia vestris
 Si pereant manibus: quondam sarcire ruinam

Spes erit, inque vicem pretio direpta pacisci
 Justitiae ad leges. nunc perditus irrita jacto 90
 Jurgia, & infixum manet haud medicabile vulnus.
 Sic ait iratus, sceptrumque abjecit, & ora
 Implevit lacrimis. flentem miserantur Achivi,
 Aspectantque omnes taciti, nec dicere quidquam,
 Aut audent saevire. aliis tunc acrior unus
 Antinous demum sic voce silentia rupit.
 Nequidquam o verbis, animoque elate superbo,
 Telemache, immeritos curnam haec convicia contra.
 Ingeris, invidiamque paras? non Graja juvenus,
 At culpanda parens fallaci praedita mente. 100
 En tribus exactis quartus jam volvitur annus,
 Ex quo nostra urit vivis praecordia flammis
 Illa jubens sperare omnes, furtivaque mittens
 Nuncia: vafra tamen votis contraria nostris
 Vota fovet, tacito hanc meditata in pectore fraudem.
 Tenvia subnectens immensae licia telae
 Institit ordiri, simulata & mente loquuta est.
 O juvenes, mea cura, proci, jam vir meus ille
 Quandoquidem periit, spatii ad connubia tantum
 Certa peto, donec valeam pertexere vestem, 110
 Quam propero (pereant ne fila incoepta) supremum
 Laërtæ in funus. turpe est, quum tristia fata
 Ipsius urgebunt aeterna lumina nocte,
 Si qua mihi e populo mulier convicia dicat,
 Objiciatque nefas, vivus qui divite gaza
 Floruit, hunc terra nudum ac sine honore jacere.
 Sic illa: ignaris facile res credita nobis.
 Interea arguto percurrens pectine telam
 Luce operi instabat; sera mox nocte diurnum
 Dissolvebat opus, tresque ipsos vafra per annos 120
 Distu-

Distulit in longum speratae gaudia taedae.
 Verum ubi jam quartus venit labentibus horis
 Annus, & ignaros mulier bene conscia fraudis
 Edocuit, nos & demum depredimus ipsi
 Texta retexentem; iussa est invita laborem
 Perficere, atque alias animum convertere ad artes.
 Haec igitur responsa tibi sint nostra; nec ipsum
 Te lateant, reliquos lateant nec certa Pelasgos.
 Illicet hinc matrem dimitte, ollique iubeto
 Nubere, quem genitor quemque ipsa elegerit ultro 130
 Ante alios carum. quod si iactarier aestu
 Nos volet, ingrataque diu spe ludet amantes.
 Exercens, quascumque dedit Tritonia laudes,
 Insignesque manus, & diae munera mentis,
 Astumque, illecebrasque, habuit quot nulla priorum
 Tyrove, Alcменеve, comamve exulta Mycène,
 Quarum nulla potis certare insignibus orsis
 Ipsi est, non illa tuis fovet utile rebus
 Consilium. namque heic tua quaeque absumere cer-
 tum est,

Hos fallax animos donec servabit, & artes 140
 Haud certe sine mente datas, sine numine divum.
 Illa quidem nomenque sibi, famamque parabit
 Ingentem; sed damna tibi, clademque bonorum
 Dura struit. nos quippe hinc nulla avertere cura,
 Aut quoquam fessos poterit revocare, priusquam
 Viستا legat numero ex omni, cui denique nubat.
 Dixerat Antinous; cui rursus natus Ulyssē
 Subjicit. invitam non fas expellere testis,
 Quae genuit, quae me nutrit lāte, parentem,
 Sive usquam genitor vivit nunc sospes, & aura 150
 Vescitur aetheria, seu funere mersus acerbo est.

Durum

Durum etiam est certe dotalem reddere gazam
 Icario: reddenda autem nunc protinus omnis,
 Ingrata si vi matrem discedere cogam.
 Quid si etiam redeat genitor? poenam exigit ultro
 Iratus, graviorque super premet ira deorum,
 Mater ubi ultrices me contra voce movebit
 Eumenidum furias, odiisque agitabit iniquis.
 Per populos late invisum sic turpiter acta
 Sedibus e nostris. quare hanc spem ponite; numquam 160
 Tale meo, quidquid fuerit, scelus excidet ore.
 Si vos longa movet maternae injuria fraudis,
 Idque audire piget, nostras jam linquite sedes,
 Atque alias alterni epulas & gaudia vobis
 Instruite, inque vicem socios celebrate penates.
 Sin haec, ceu melior, sedit sententia menti
 Unius impune heu miseri res perdere raptu;
 Perdite certantes, jam nil moror. ipse ciebo
 Justitiam divum supplex, si Juppiter aequus
 Audiat, ac veniam precibus det victus, ut omnes 170
 Haec eadem vos tecta intra pereatis inulti.
 Talia dicebat; geminasque e vertice montis
 Juppiter ecce aquilas subito descendere jussit;
 Quae pariter motis carpentes aëra pennis
 Cum zephyro per inane pares junctaeque volabant.
 Ast ubi confessu medio venere citatae,
 Insonuere super trepidae plaudentibus alis,
 Signantesque viros oculis, clademque minantes
 In gyrum capita atra obversae. hinc unguibus ora,
 Collaque foedantes, ac multo sanguine sparsae, 180
 Ad dextram fugere super tecta alta domorum
 Nubiferas caeli sublapsae rursus in auras.
 Extemplo turbati animi, ut videre volucres,

Diri-

Dirigere metu, suspensique ora tenebant
 Incerti, quid monstra ferant, quid numina poscant?
 Hos interfatus senior tum voce Halitherfes
 Mastorides, quo non alius praestantior inter
 Aequaeuos fuerat divum portendere fata,
 Et volucrum pennas, & tristia noscere signa.
 Ille sibi cupiens, fociisque avertere luctum: 190
 Eja agite o cives, inquit, quaecumque profabor,
 Accipite: in primis animos advertite dictis,
 Vecors turba, proci; vobis nam volvitur ingens
 Exitium, caelumque graves denunciat iras.
 Haud aberit longum dulci Laërtius heros
 A patria: jam jam laetus redit, & sua victor
 Testa adiens, caedem parat hostibus ultor, & orco
 Destinat invisam pubem. nec sanguine soli
 Saeva luent commissa proci: fors horrida multos
 Excipiet, claris Ithacae qui degimus oris. 200
 Ante igitur quam triste malum super ingruat, omnes
 Consulite in medium. juvenum compescite fastum
 Actutum, aut ipsi ponant ultro aspera corda,
 Dum licet: hoc satius multo reor omnibus esse.
 Namque ego certa loquor non fallax augur, & olli
 Omnia jam perfecta cano, quaecumque monebam
 Vaticinans, olim peterent quum pergama Graji,
 Scanderet atque una classē fortissimus heros.
 Ignotumque, inopemque, & late plurima passum
 Omnibus amissis ratibus, fociisque carentem, 210
 Sol postquam egisset bisdenos aureus orbes,
 Venturum in patriam dixi: nunc terminus instat.
 Finierat senior; Polybo genitore creatus
 Quum subito Eurymachus contra sic turbidus infit.
 I senior, natisque tuis cane talia demens

Exci-

Excidia, ac feras fatorum avertè ruinas.
 Ipse etiam melius, quam tu, nosco omina pennae
 Praeperis. innumerac volitant per inane volucres
 Aethereis late in campis sub luce, nec omnes
 Fata deum vel laeta viris, vel tristia portant. 220
 Occubuit, ne fingè metus, Laertia proles
 Hinc procul; atque eadem simul o! te Parca tulisset
 Exanimem, haud caneres tam multa infanda loquutus
 Telemachi falsis acuens ardentia dictis
 Pectora, si qua tibi deceptus munera pendat.
 Verum ego nunc moneo, monitus res ipsa sequetur
 Postmodo: si longo vitae tu doctus ab usu
 Incautum juvenem dictis incendere perges;
 Hoc erit exitio primum, cui consulis auctor
 Irrita moliri frustra, his obstantibus: ipse 230
 Deinde tibi arcesses multam, quae inflicta dolore
 Excruciet longo moestumque & multa gementem.
 Quod superest, satiusque reor, genitoris ad alta
 Tecta suam jubeat subito discedere matrem
 Telemachus: gnatae connubia digna parentes,
 Ingentemque struant, dotalia munera, gazam,
 Ut merita est. neque enim pubes cessabit achiva,
 Credo equidem, hoc aliter fessa a certamine longo.
 An vis ulla vetet? non ullius arma timemus,
 Curamusque iras; non ipsum magna sonantem 240
 Respicimus juvenem, nec quae canis omina frustra
 Tu senior, coctu invisus magis unus in omni.
 Interea assiduo laeta inter gaudia luxu
 Absumentur opes, donec sic ludet amantes
 Cunctando regina. eadem est cura omnibus, idem
 Omnes ardor habet tantae virtutis honorem
 Quaerere: sola vetat nos haec abstinere coepto,

Aut

Aut alias thalamo legere atque optare puellas.
 Dixerat Eurymachus. sed non deterritus, illi
 Telemachus sic voce refert. jam certa voluntas 250
 Nostra tibi sociisque tuis: quid nunc precer ultra,
 Quidve iterem toties, quae di supera alta tenentes,
 Quaeque omnes norunt Danaï? sit munere vestro
 Fas mihi nunc saltem bisdeno remige pinum
 Instruere, atque alti tentare pericula ponti.
 Ire Pylon, Spartamque juvat genitoris amati
 Nuncia scitatum, si quos vox didita vulgi,
 Vel moneant casus famae praeconia magno
 Ab Jove missa, hominum late clarantia nomen.
 Si qua mihi tulerit vox saluum tendere sedes 260
 Ad proprias; quamquam fessus, tamen omnia ad annum
 Dura feram. sin vero extinctum & lumine cassum
 Audiero; inferias supremaque munera solvam,
 Attollamque redux magna ingens mole sepulcrum
 Sic merito, matremque sequi connubia faxo.
 Haec fatus juvenis, folio confedit in alto
 Multa putans. tum Mentor ibi consurgere visus
 Mentor magnanimo quondam dilectus Ulyssi,
 Quem patria excedens rebus praefecerat heros
 Omnibus, atque uni longævum aetate parentem 270
 Servandum, curamque domus mandarat habendam.
 Is tum se attollens ita voce affatur Achivos.
 Huc vestros adhibete animos, & dicta loquentis
 Audite, o cives: quis mitem, ac mollia regem
 Pectora gestantem posthac, sanctamque colentem
 Justitiam speret? quis non immania facta
 Volventem, ac saevos agitantem corde furores
 Permetuat, quando patriis virtutibus olim
 Regnantis, placidaque urbem ditione regentis

Nulla subit Laërtiadae vos cura, nec ulla 280
Gratia promeritum sequitur? mitto horrida pubis
Et scelera, & diras aliena in sede rapinas.
Illa caput leto obiectans populare penates
Institit, atque Ithaci vi dura evertere census,
Scilicet haud iterum venturum in tecta, sed usque
Abfore sic sperans. non publi irascor acerbæ,
At vobis, cives o semper inertia corda,
Vobis nunc irascor ego. proh Juppiter! omnes
Ut taciti sine voce sedent; nec jurgia plures,
Nec juvenum vanos audent compescere fastus. 290
Haec ubi dicta; Euenorides Liocritus olli
Contra voce refert. nimium ad convicia Mentor
O facilis praeceptisque ruis. quo sic malus ardor
Mentis agit, quæ tanta animo fiducia surgit,
Quidve procum tentas saevis ardentia dictis
Pectora nequidquam cohibere? insurgere durum est,
Quamquam multa virum densentur millia contra,
Adversam in pubem, dapibus quam semper opimis
Mensa aliena fovet. non si ipse huc acer Ulysses
Adveniat, domibusque procos expellere tentet, 300
Efficiat quidquam conando; quin & sua fleret
Mœsta viri reditu cari post tempore longo
Penelope. namque his congressus fata subiret
Continuo domitus: proin hanc e pectore curam
Abjice, nec vanis demens adsurge querelis.
Jam missi repetant sua quisque negotia cives:
Huic autem patrii comites, heros Halitherfes,
Ipse & Mentor, iter, poscit quocumque, per undas
Expediant. sed longa sedens hæc tempora credo
Ille trahet, vocesque & inania murmura captans 310
Nec patriam linquet, nec carbasa tendet in altum.
Talia

Talia ubi dixit, misso discedere Grajos
 Admonuit coetu. subito in diversa profecti
 Testa petunt sua quisque viri; consuetaque regis
 Alta proci referunt celeres ad limina gressus.
 Telemachus vero secreta ad litora cessit,
 Ablutusque manus pelagi spumantibus undis
 Constitit, ac tali supplex est voce Minervam
 Protinus affatus. facilis tu numine sancto,
 Hesternæ es quæ luce meos dignata penates 320
 Visere, & impulsis agitantem caerula remis
 Tendere iussisti scitatum fata parentis,
 Tu me diva audi. prohibent tua maxima Achivi
 Iussa sequi, semperque animis elata superbis
 Ante alios me turba procum desistere cogit.
 Sic ille. oranti coram stetit obvia Pallas
 Mentoris os habitumque gerens, ac demere tristes
 His coepit dictis turbato e pectore curas.
 Nec tibi vis animi deerit, nec vivida bello
 Dextera, si patrio quondam cum sanguine virtus 330
 Illa tibi patria est divum data munere, quæ nil
 Non poterat, seu facta virum, seu dicta vocarent.
 Haud vanum tibi cedit iter, nec vota fovebis
 Irrita. ni vero genitor te clarus Ulysses
 Penelopi junctus, vitæ sudisset in auras,
 Non spes ulla foret, tantis te emergere posse
 Fluctibus, ac duros fortunæ vincere casus.
 Rara etenim soboles aequat virtute parentes,
 Plurima deterior: pauci, quos æquus amavit
 Juppiter, ingentes animos generosæque vincunt 340
 Facta patrum. tu fide tamen: quum pectoris acre
 Consilium, magnique tibi vis cessit Ulyssæi,
 Omnia perficies, neque te spes fallat inanem.

D 2

Quare

Quare age, dementesque orfus & vota procorum
 Mitte insana; nihil recti novere, nec atrum
 Vesani letum, nec fata instantia cernunt,
 Quae fert Parca die morituris omnibus uno.
 Haec vero tibi certa via est: absiste vereri;
 Quamprimum voto laetus potiere. paternus
 Hospes ego acturum, quae vis, tibi pinca texta 350
 Sufficiam, pelagoque simul comitabor euntem.
 Ergo petens tecta alta procos tu affare superbos,
 Et quae poscit iter, simul instrue dulcia condens
 Vina cadis, florem & cereris mortalibus aptum
 Utribus in validis, ego contra sponte sequentes
 E populo adhibeo socios, & navibus unam
 E variis, quae nostra jacent per litora multae
 Antiquae pariterque novae, visa optima ponto
 Quae fuerit, canum deducam laetus in aequor.
 Sic juvenem Jove nata monet; nec jam ipse moratur 360
 Jussa deae, sed tecta perit, cernitque sub ipsis
 Porticibus de more procos in limine capras
 Setigerosque fues mactantes. obvius olli
 Fit subito Antinous ridens; dextraque prehensum
 Blandus adit, digitisque simul permulcet amicis.
 O nimis impatiens animi, nunc tristia corde
 Abjice Telemache, & paullum compesce dolorem,
 Utque prius dapibusque una vinoque fruire.
 Namque tibi cives navim sociosque parabunt
 Delectos, qui te Pyliis comitentur ad oras, 370
 Quaerentem cari sortem casusque parentis.
 Vix ea subridens dederat, quum natus Ulysses:
 Haud mihi vos inter fas est versarier, inquit,
 Antinoe, invitus mensa nec laetor opima:
 An non illa satis, quae jam rapuistis acerbi

Multa

Multa mihi, parvus fueram dum scilicet infans?
 Quid morer? an viridi factus nunc grandior aevō,
 Dum mens certa viget, dumque ira in pectore gliscit,
 Nequaquam experiar, Pyliam seu vectus ad urbem,
 Sive hoc in populo, vobis ut fata parentur? 380
 Ibo equidem, nec erit certe via vana profecto,
 Quamquam aliena ratis pelagi me turgida ducet
 Per freta, vos quoniam sic me voluistis egentem,
 Dixit, & Antinoi dextra se subtrahit ultro.
 Elapsus facili motu. non secius illi
 Et properare dapes, juvenique illudere certant.
 Atque aliquis ficto ridens sic ore profatur:
 Heu mala Telemachus molitur funera nobis...
 Omnibus! aut ultor socios a Nestoris urbe,
 Aut etiam e Sparta ducet: nimis ardet abire. 390
 Fors Ephyrac longe tendens in regna feracis
 Ibit atrox, referetque illinc letale venenum,
 Poculaque inficiens caedem struet omnibus unam.
 Quin potius freta lata sequens (hinc excipit alter
 Saevior) ipse etiam mediis in fluctibus atrum
 Inveniet letum, genitor quo raptus ad orcum est.
 Haec via sola, queat nobis qua forte nocere,
 Et curas augere, inter nos omnia laeti
 Dum bona dividimus, desertaque tecta parenti
 Linquimus, aut illi, cui tandem nubet, habenda. 400
 Haec ipsi. ille autem tecti penetrabile repostum
 Ingreditur, quo magna aurique aerisque jacebant
 Pondera, & intactae vestes, & odoriferi vis
 Multa olei. stabant antiquo & dolia baccho
 Plena, diis qualem pateris libamus & auro,
 Quaeque suis innixa locis, si quando rediret
 In patriam passus multum Laërtius heros.

Haec

Haec claustra & bifores inter se vestibus aptae
 Omnia claudebant valvae, noctesque diesque
 Intus fida sedens servabat grandior annis 410
 Euryclea Opis Pisenoridae inclita proles.
 Cui tunc adcitae in thalamum sic fatur Ulyssæi
 Progenies. agedum nutrix dulcissima promens
 Hauri vina, cadis quae servas condita plenis
 Opperiens miserum genitorem, has victor ad oras
 Si redeat, mortem fatumque elapsus acerbum.
 Bissenas implere sit urnas cura, supraque
 Claude vigil; dein & confutos infer in utres
 Infectae cereris florem, bisdenaque factae
 Pondera: sola scias moneo, sintque omnia praesto. 420
 Namque ego sub noctem rediens, quum mater in altas
 Conscendet sedes placidam admissura quietem,
 Accipiam, mecumque feram cessurus ad urbem
 Nestoream, Spartamque; mei si qua aura parentis
 Fortunamque vicesque optanti audita reportet.
 Dixerat: atque olli gemitus de pectore rumpens,
 Et graviter moerens ita nutrix voce reponit:
 O tibi, gnate, animo quaenam haec sententia sedit,
 Pergere quove paras loca per distantia vastae
 Telluris solus? periit jam fortis Ulysses 430
 Heu miser, ignotaque jacet projectus arena.
 Insidiisne proci parcent, ac fraudibus ullis,
 Tu quoque ut errando pereas, tuaque omnia raptent?
 Heic maneat, dilecte, precor. quid ferre labores
 Hos juvat, ac tumidi tentare pericula ponti?
 Cui juvenis sic oranti: fide optima, dixit,
 Non animus, non haec divum sine nunquino mens est.
 Quin age, dicturam carae nil esse parenti,
 Ante undena aderit quam lux duodenave, jura
 Caeli-

Caelicolas testata, gravi ne percita luctu 440

Ipsa sui pulcros corrumpat corporis artus.

Quod si eadem sciat ante, atque omne audire juvabit

Consilium nati, promissi libera narra.

Haec ait: & nutrix juravit magna deorum

Numina. pollicitis tum demum rite peractis,

Dulcia vina urnis infundit, iussaque stipat

Utribus in validis cereris canentia dona,

Dum juvenis sinuosa procos adit atria circum.

At Pallas molita novas in pectore curas

Telemacho assimilis partes late urbis oberrat, 450

Compellansque viros, ubi cuique occurrit, ad altam

Vespere sub sero puppim contendere mandat.

Nec minus a gnato Phronii Tritonia navim

Velivolam poscit, poscentique adnuit ille.

Inde ubi sol prono declinans cesserat axe,

Arvaeque inhorruerant umbris, immittere ponto

Maturatque ratem, immisssaeque imponere cuncta

Arma jubet, portuque instructam condit in imo.

Circum etiam affusi comites, ut quemque vocavit

Diva, ruunt. quos illa, parans in pectore fraudem, 460

Deserit, ac properans testâ in Laërtia tendit.

Heic dulcem subito juvenum per membra soporem

Irrigat insidians large potantibus. & jam

Poculaque excussa e manibus, sopitaque corda

Ocyus hac illac stratum petiere, neque ullus

Stare diu potuit, postquam sopor incidit aegris.

Tum dea Telemachum recti e penetralibus ultro

Evocat ipsa gerens & vocem & Mentoris ora,

Ac subito: resident per litora curva parati

Jam socii, delecta manus ; teque omnis in uno 470

Fit mora, dum venias: agedum properemus abire.

Tantum

Tantum effata, gradu praecessit diva citato:
Ille deae gradiens retro vestigia servat.
Atque ubi devenere ad glauci marmoris undas,
Conspiciunt sicco densos in litore Achivos,
Hosque ita Telemachus compellat. adeste sodales,
Auxiliumque viae mecum deferte lyaeum
Sedibus e nostris cereremque. haud conscia mater,
Haud famulae; nutrix in partem sola vocata est.
Sic fatus dux ipse praecit, fociique sequuntur. 480
Nec mora fit: referunt quae sunt data cumque, locantque.
Deposita, ut iussi, tabulata sub ardua navis.
Jamque adeo scandit juvenis, divamque sequutus,
Ipsa ubi se posuit, puppi sublimis in alta
Ad latus assedit: tortos laxare rudentes
Lecta manus pariterque instat considere transtris,
Ac zephyros ciet ipsa Jovis Tritonia proles
Spumca crispantes roseis freta molliter alis.
Tum vero hortatus comites capere imperat arma
Telemachus: parent iussi, mediaque carina 490
Intus hiat qua parte locus, celsa abjete malum
Constituunt, actisque utrinque rudentibus aprant,
Lineaque intendunt contortis carbasa loris.
In medios venit aura sinus: volat incita puppis,
Moliturque viam pelago, circumque ruentem
Purpurea hinc atque hinc divisa immurmurat unda.
Continuo remis circum latera alta revinctis
Plena mero lacti statuunt carchesia nautae;
Omnibus & libant superis in vota vocatis,
Praecipue tibi, gnata Jovis. sic nocte per umbras 500
Usque sub auroram zephyris felicibus ibant.

HOMERI ODYSSEAE

LIBER TERTIUS.

AT simul ardentem argentea stagna relinquens
 Exseruit caelo radios sol almus, & omnes
 Caelicolas hominesque afflavit luce reducta
 Per terras late; volucris ratis incita cursu
 In Pylon advenit, mavortia moenia Nelei.
 Ante urbem cives resonanti in litoris ora
 Sollemnes tum forte dapes, atque annua sacra
 Libabant caesis Neptuno rite juvencis.
 Ter terni coetus aderant, stratique per herbam
 Quingenti in quovis comites, & corpora coctum 10
 Magna bouum famuli ter terna in quemque ferebant.
 Ac dum tosta ipsi consumunt viscera, & igni
 Dant femora, incenduntque deo; turgentia vela
 Contrahit, ac portu navim subducit in imo
 Lecta Ithacae pubes, pronoque in litora saltu
 Emicat. egreditur pariter Tritonia Pallas,
 Hortaturque sequi juvenem, sic deinde loquuta.
 Telemache o mea cura, pudor procul omnis abesto
 Jam pelagi emenso stagna alta, ut fata parentis
 Quae sunt cumque tui, noscas; queis degit in oris, 20
 Quae sequitur fortuna. ergo jam Nestora magnum
 Certus adi; tentaue, ullos num promere casus,
 Consiliumque velit prudens. edisserat ultro
 Vera, mone; nec falsa tamen (prudentia regis
 Tanta animo) frustra mendaci pectore finget.
 At juvenis: tu sterne viam, tu praecipe ritus
 Compellandi, inquit, primos: harum incia rerum

E

Corda

Corda gero, teneroque vicens in flore juventae
 Heu vereor tali coram succedere rege.
 Cui dea: fide, inquit, primum mens ipsa docebit, 30
 Quid sit opus factō; praesenti numine divi
 Deinde dabunt. neque enim credo te in luminis oras
 Adversis genitum fatis, sine mente deorum.
 Dixit, & antetulit celeri vestigia gressu
 Diva prior, juvenisque ducem non segnis euntem
 Subsequitur, Pyliosque adeunt per gramina stratos.
 Heic natos inter viridi compositus in herba
 Nestor erat: circum sacris operata juvenus
 Extā igni properat, verubusque trementia figit.
 Qui simul ut videre viros, conjungere dextras 40
 Hospitibus progressi ardent per litus, & inter
 Amplexus orant sociis accumbere mensis.
 Primus ibi antevolans Pisistratus excipit ambos
 Nestorides, captosque manu considerare stratis
 Pellibus invitat resonī prope caerula ponti.
 Jamque ultro dans exta viris fumantia, & auro
 E solido cratera implens sic voce Minervam
 Affatur. supplex Neptuni numen adora
 Hospes, ait, cujus placidi sollemnia adestis
 Ad sacra. postquam autem libaveris ipse precatus 50
 Ore deos, comiti pariter cratera rigentem
 Tende manu, post te superis ut libet honorem.
 Auxilio divum nemo non indigus: ille
 Sed quoniam nostro propior pubescit in aeo,
 Hunc tibi florentem primo cratera corono.
 Dixerat, inque manus spumantem munere bacchi
 Dat subito. capit illa datum, praelataque gaudet
 Munere, & hac regem Neptunum voce precatur.
 Audi me, Neptune pater, concedere vota
 Nec pigeat, supplex quaecumque e pectore fundam. 60
 Nesto-

Nestoris o! primum, gnatorum & Nestoris ingens
Gloria stet: semper Pyliis dein omnibus adsis
Sanguine honoratus sacro caelisque juvencis.
Da quoque, uti, gesta bene re, quam propter adivit
Haec loca Telemachus, patriae tecta alta revisat.
Sic diva, & nutu fecit rata dicta potenti
Omnia. tum comiti craterem tradit, & ille
Vota eadem peragit Neptuno, atque impiger haurit
Libati florem laticis. simul excita pubes
Pars adolet flammis versans, pars viscera tosta 70
Detrahit, in partesque secans convivium ducit.
Inde ubi pulsa fames, compressaque cura bibendi,
Alloquitur Nestor tacitos, ac talia fatur.
Nunc equidem satius duco, postquam ardor edendi
Cessit, ab hospitibus veniendi discere causas,
Et quaecumque liber. quinam ergo dicite, & unde
Per freta salsa viri nostras venistis ad oras?
Ullane vis cogit? praedonum an more per altum
Ire juvat, vitamque feris exponere ventis
Exitium late dirum clademque ferentes? 80
Haec senior. fidens animi cui talia reddit
Telemachus; fidentem etenim Tritonia virgo
Feccerat, optati quaerentem ut fata parentis
Inclita apud tardos sequeretur fama nepotes.
O Neleïade decus ingens Nestor Achivum,
Poscenti fumus unde, ultro tibi vera fatebor.
Sylvosa ex Ithaca vestras adnavimus oras;
Res privata viae causa est, non publica: patrem
Querimus, auditum referat fors sicubi fama,
Magnanimum Laërtiaden, quem Pergama tecum? 90
Evertisse ferunt pugnantem, atque Ilion altam.
Jam Danaum, quotquot fuerunt ad moenia Trojae,

Occubuit quo quisque loco, quo funere, nobis
 Fama tulit. mortem voluit tantum illius unam
 Juppiter ignotam, nec dicere sustinet ullus,
 Quis cecidit terris; inimicum an sanguine litus
 Imbuit, an fluctus inter submersus ab aestu?
 Ergo ad te supplex venio, genibusque volutus
 Te precor o! si forte velis mihi fata referre
 Exstincti leto tibi visa, aut auribus hausta 100
 Alterius sermone. illum nempe edidit unum
 Ante alios homines miserum quondam optima mater,
 Invisumque diis: quare non ulla profari
 Cura mei, quaecumque tuo sub pectore feras,
 Impediat. quin cuncta refer, si fortis Ulysses
 Ille meus quondam genitor tibi tempore in ullo
 Profuit iliadis, ubi passi plurima, campis:
 Illa ego te per dura precor, vera omnia redde.
 Talibus oranti Nestor Gerenius infit. 110
 Dicam equidem tibi vera, hospes, me per mala quando
 Adjuras, Phrygio quae quondam in litore Graji
 Pertulimus, latas errando aut classe per undas
 Ad praedam, saevus quo nos ducebat Achilles;
 Aut etiam Priami bellando ad moenia; ubi atro
 Funere tot pubis nequidquam exstincta Pelasgae
 Lumina sunt, primi heroes. mavortius illic
 Ajax, Pelidesque jacent, acquandus & ipsis
 Dis Patroclus; natus jacet illic insuper una
 Antilochus, mea cura, & cursu fortis & hasta.
 Sed quid ego haec autem memoro mala dira? quis illa 120
 Enumeret seclis mortalibus omnia fando?
 Non³ si vel quinos exactis mensibus annos,
 Vel senos perstans Grajum scitabere cladem,
 Scilicet audires omnem. longissima rerum

Sup-

Suppeteret series, tuque ante revifere malle
Defeffus longo patrios poft tempore fines.
Namque novem durando annos obfedimus urbem
Omnia tentantes; vix finem Juppiter aequus
Adnuit. haud illic animi follertia cuiquam
Par fuerat: vafer arte omnes vincebat Ulyffes, 130
Omnimodisque dolis genitor tuus, ortus ab illo
Si tamen es, ceu verba notans, vocemque loquentis
Admirans video; tuque ipfe fatebere, nulam
Facundae fimilem magis olli munere linguae.
Non umquam nobis animi fententia difcors,
Seu populi in coetus irent, feu fida Pelafgi
Optarent refponfa. eadem prudentia, & una
Mens ambobus erat femper, felicibus ufa
Confiliis argiva phalanx ut vinceret hoftes.
At Priami poftquam populatam incendimus urbem, 140
Ingreflique rates Phrygia arva reliquimus, acer
Juppiter Argivis ftatuens in pectore triftem
Ad patrias reditum fedes, diverfa profectos
Per freta fparfit agens; neque enim legesque colebant
Juftitiamque omnes. quin & pars acta nefandis
Suppliciis memorem fenfit Tritonidos iram,
Quae geminos inter mifit certamen Atridas.
Concilium in magnum hi fruſtra late undique Grajis
Sub noctem haud rite adcitis (venere gravati
Namque epulis omnes atque iſti corda lyaen) 150
Farier aggreſſi, populos quae cauſſa vocandi.
Atque ibi tunc properare fugam Menelaus Achivos,
Et ventis dare vela jubet, pelagoque redire:
Major at Atrides prohibet, populumque morari
Imperat, ac magnos aris indicit honores
Palladis iratae ſperans placare furorem.

De-

Demens: qui vano nescibat pectore, divum
Nec subito verti mentes, nec flectier iras.
Sic dum illi alternis inter se vocibus acres
Contendunt, magno circum clamore Pelasgi 160
Surrexere animis studia in contraria versi.
Ergo illam somno fessos laxavimus artus
Per noctem variis turbati pectora curis;
Quippe Jovis gravis ira super crudele ferebat
Non dubiis damnum signis. jam reddita caelo
Lux fuerat, pelago puppes deduximus altas,
Impositisque opibus conscendere jussimus agmen
Femineum. sic pars divisa Agamemnona magnum
Restitit observans; pars autem cetera abimus
Caerula verrentes Nerei; nec tarda per undas 170
Classis iter carpebat, ubi deus aequora stravit.
Appulimus Tenedum, & sacra instauramus ad aras;
Quamprimum optantes patrias contingere terras,
Desertosque lares; sed nondum Juppiter alto
Adnuerat caelo reditum discordibus urgens
Pectora consiliis. nam quos ducebat Ulysses,
Navibus avecti relegunt iter omne, futurum
Scilicet id magno sperantes munus Atridae.
Ast ego cum ratibus, quae sunt mea signa sequutae,
Fugi fata deum metuens, & martius una 180
Tydides mecum fugit socia agmina ducens.
Tardior ipse etiam properans Menelaus eodem
Venit, & in Lesbo dubios deprendit, an altum
Praestet classe Chium supra contendere cursum
Undisonam ad Psyrîam, quae laeva in parte jacebat;
Anno Chium subter, ventosa ad saxa Mimantis?
Signa quoque a divis placuit deponere: at illi
Auspicio certos medium jussere per aequor

Ten-

Tendere in Eubocam, brevior qua meta laborum.
Aspirant aurae in puppim: secut aëta carina. 190
Piscesque propere tractus, feraque Cereestum
Nocte subit. nos multa deo, qui praesidet undis
Ementis maria alta, boum succendimus exta.
Quarta adeo roseo fulgebat candida caelo.
Orta dies, salvasque rates deduxit in Argos
Tydidæ pubes mavortia. litus & ipse
Optatum tetigi Nelea ad moenia cursum
Classe tenens placidis in fluctibus; aura nec umquam
Desiit, ut primum venit data munere divum.
Haec reditus mea fors; potui nec scire Pelasgum 200
Qui rapido servati aestu, quive aequore merfi.
Illa tamen, quaecumque audiui sede receptus
In patria, referam, nec tu celabere, ut aequum,
Quae fas scire. ergo salvos, rediisse secundo
Myrmidonas cursu perhibent, quos fortibus hastis
Insignes magni natus ducebat Achillei.
Progeniem Pacantis item feliciter isse
Fama Philoctetem; Cretamque reduxit ovantes
Idomeneus socios, matris quibus ira pepercit,
Servavitque omnes pelago. jam nostis & ipsi, 210
Credo equidem, quamquam colitis distantia regna,
Major ut Atrides rediit, subiitque nefandum
Exitium Aegisthi sublatum fraude: sed ipse
Mox graviter commissa luit, poenamque rependit.
Scilicet & caeso gnatum superesse parenti
Usque juvat: patriae necis ultor venit, & hostem
Aggressus poenas scelerato e sanguine lumpsit.
Tu quoque care puer non olli corpore dispar
Egregio, macte esto animis: te postera narrent
Saecula virum, laudesque tuas ad sidera tollant. 220

Finierat. contra breviter cui natus Ulyſſe:
 O decus eximinum Nelide Neſtor Achivum;
 Ille nefas ultus dirum eſt, tantisque Pelasgi
 Pro meritis referent memores præconia laudum,
 Queis ingens decus uſque viri nomenque manebunt.
 O mihi ſi pariter tantas dent numina vires,
 Queis & ego ulciſci valeam violenta procorum
 Flagitia, & diros auſus! ſed tale paratunt
 Non mihi di munus, nec tam felicia patri
 Fata meo: proin dura licet ſint, ferre neceſſe. 230
 Cui Neſtor: quando es, dixit, nunc talia fatuſ.
 Nec me, ambire tuæ multos connubia matris,
 Praeterit, atque domi te invito ſerpere cladem
 Horrendam. ſed fare, fugam num ſponte capeſſis,
 Anne odia expertuſ, jaſtante oracula vulgo?
 Fors etiam, ſi quid veri mens augurat, olim
 Adveniet tantos hominum qui comprimat auſuſ,
 Sive fuat ſoluſ, ſive una Graja juventuſ
 Conjurata ſceluſ juſtiſ ulciſcier armis.
 Quod te ſi præſenſ carum tam Pallaſ haberet, 240
 Quam Laërtiaden habuit ſub moenibuſ olim
 Dardaniis, ubi multa ſummuſ fata aſpera paſſi;
 (Namque ego non ulli manifeſto numine adeſſe
 Caelicolaſ vidi, ſemper Tritonia ut olli
 Adfuit:) illa adeo ſi carum te quoque haberet,
 Credo equidem inviuſ nequidquam oblita hymenæoſ
 Iſta omniſ juvenum turba inſidioſa doleret.
 Dixerat. ille imo ducenſ ſuſpiria corde:
 Numquam ego, quæ jaſtaſ tam laeta haec, adfore ſperem,
 O ſenior: ſpondeſ nam magna, auditaque tantum 250
 Attoniti mira replent dulcedine pectuſ.
 Sed non, et faveant ſi di, contingere credam

Poſ-

Posse mihi tam læta: haud rerum hic volvitur ordo.
Sic ille. exceptit Pallas sic deinde loquuta:
Quod tantum, fate Ulysse, tibi scelus excidit ore?
Dis facile est servare virum, longinquus & abfit
Ille licet, solisque errans procul exsul in oris,
Si tantum voluere. domum ipse revifere ferus,
Multaque perpeſſus malim, quam ſede receptus 260
Concidere in patria, ceu magnum Agamemnona dicunt
Incautum cecidiſſe nefando conjugis aſtu,
Aegithique dolis. di tantum avertere funus
Trifte viri nequeunt, quando jam tempora mortis
Lex certa attulerit, Parcarum & juſſerit hora.
Hæc dea. Telemachus ſed non his lætior inſit:
Mittere tempus, ait, jamque iſthæc Mentor, & ægro
Projicere has animo curas: haud amplius olli
Stat reditus. miſero mortem ſupera alta tenentes
Cælicolæ irati ſupremaque fata pararunt. 270
Nunc alia exquiram potius, ſcitabor & ipſum
Nefora, quo nullus novit prudentior alter
Juſtitiam: regnans etenim tria ſæcula vidit.
Ergo age Nelide Neſtor dic vera roganti:
Ille Mycænæus magnorum ductor Achivum
Quo periit leto domitus, queis frater in oris
Tunc Menelaus erat, quave ipſum perfidus arte
Perdidit Aegithus non par congreſſus ad arma?
Martius an patrium nondum Menelaus in Argos
Venerat, ignotis etiam tum finibus errans; 280
Ille autem, furto gaudens, hunc funere merſit?
Talia quaerebat: domitor quum Neſtor equorum:
Hæc tibi vera quidem referam, puer, inquit, & omnem
Expediam ſeriem, quam tu quoque volvere tecum
Nec dubio indicio, tacita nec mente videris.

Nam vivum phrygiis rediens Menelaus ab oris
 Si foret Aegisthum nactus, non pulvere quisquam
 Aggesto extincti corpus texisset humanum,
 Sed canibus data praeda feris lanianda per agros
 Alitibusque, procul caris jacuisset ab Argis; 290
 Nullaque Acheïadum plorasset funera: tantum
 Sustinuit tentare nefas, ausoque potiri.
 Nos Priami circum bellando praelia muros
 Dura pati longum dum cogimur, ille sequutus
 Otia secessu in placido praedivitis Argi
 Saepe Agamemnonios corrumpere lentus amores
 Tentabat furtim. saepe averfata nefandum
 Pulcra Clytemnestre facinus, crebroque petita
 Abnuit, extincto nondum mutata pudore,
 Concipiensve animo fraudem, bona scilicet ipsa 300
 Per sese; fidusque super custodia vates
 Consiliis aderat semper, cui conjugis omnem,
 Pergama quum peteret, curam mandarat Atrides.
 At miserum statuere deum quum fata perire,
 Ille procul scopuli deserto in litore vatem
 Deserit alitibus lacerandum, ultroque volentem
 Alta volens intra duxit sua limina nympham.
 Multa bouum sacras tum dona incendit ad aras,
 Multaque suspendit simulacra argentea, & aurum,
 Vestemque, insigni spem praeter amore potitus. 310
 Interea a Troja reduces, Menelaus, & ipse,
 Nos inter junctique animis junctique carinis
 Classe ferebamur volucris per caerula Nerei.
 Ast ubi Cecropidum sacram pervenimus arcem
 Sunion, Arcitenens telum jaculatus ab axe
 Perculit in cella Menelai puppe magistram
 Haerentemque manu clavo, cursusque regentem,
 Phron-

Phrontin Onetoridem, quo non praestantior alter,
 Quum fureret gravis ira sali, deducere naves
 Fluctibus in rapidis, dirosque laceßere nimbos
 Ergo licet cursusque simul ventique vocarent, 320
 Restitit, ut socium terrae mandaret, & umbris
 Mitteret inferias: sacris dein rite solutis,
 Postquam altum petiit, Maleacque ingentia saxa
 Contigit, altitonans olli quoque Juppiter omnem
 Exciit immisso ventorum turbine pontum
 Attollens altis aequales montibus undas.
 Dividitur classis: pars Cretam abrepta refedit,
 Qua fluit, ac placidis interfecat arva Cydonum
 In mare prorumpens formosus Iardanius undis.
 Stabat acuta flix Gortynia litora contra, 330
 Dorsum immane mari glauco, qua fluctus ab austro
 Truditur ad laevam sub Phestum, & frangitur ingens
 Haud scopulo ingenti adlatus. vix puppibus actis
 Huc vento nautae mortem effugere, sed undae
 Ad cautes & saxa citas fregere carinas.
 Quinque alias longe stridentia flamina diti
 Admovere rates Aegypto; ignotaque gentis
 Litora dum lustrans multum late undique & aurum
 Et varias Menelaus opes conquirere certat,
 Arte dolum celans Aegisthus funera fratri 340
 Intulit, ac populos magna ditione subegit.
 Septem illum perhibent annos tenuisse Mycenae
 Imperio summo: post anno denique ab urbe
 Cecropia rediens octavo clarus Orestes
 Ipsius exitio venit, caedisque paternae
 Ultor atrox fontem crudeli vulnere stravit.
 Quaque idem Argivis epulas in funere matris
 Aegisthique dedit, Menelaus venit eadem

Luce domum revehens, quantum sufferre carinae
Vix poterant, ingens argenti pondus & auri. 350
Et tu adeo remea, patriamque invise relictam
Desertisque bonis, intraque furentibus aedes
Dirorum juvenum manibus, ne cuncta vorantes
Diripiant, aliena absens dum regna pererras.
Hortor adire tamen Menelaum, atque, est tibi nostri
Si qua fides, etiam jubeo. namque ille Pelasgum
Ultimus in patriam nuper devenit ab oris,
Unde hominum sperare fugam certamque salutem
Auderet nemo, si quem vis improba primum
Nimborumque furor tam vastum egisset in aequor; 360
Unde etiam pennis ipsae tranare volucres
Annum intra nequeunt: tantum patet, ac furit aestu
Horrendo. jamque ipse tuis freta salsa sequutus
Cum sociis, navique illuc felicibus ito
Auspiciis. vis & potius discedere curru?
Et currus aderunt, & certi ad frena jugales,
Et, mea vis, gnati, qui te comitentur euntem
Hinc Spartae ad muros, Menelai & regia testæ.
Quo simul ac venies, tibi dicat vera, precare;
Nec tamen ipse (odit prudens mendacia) fallet. 370
Dixerat. interea sol occidit, & ruit atra
Nox caelo, farique ollis Tritonia coepit.
Sic usus poscit, Nelide; recta profaris
Omnia. nunc vero pingues & findite linguas,
Et latices miscete sacros: libemus ovantes
Neptuno superisque diis, mensisque relictis
Curemus (nam tempus adest) jam corpora somno.
En abiit lux sub tenebras, neque tardius aequum
Ducere sollemnes epulas in honore deorum;
Sed, quo res vocat, ire. haec ut Jove nata loquuta est, 380
Haud

Haud mora fit; subito dicta audivere monentis.
Dant manibus circum puros ex ordine fontes,
Craterasque ferunt magnos; & vina ministri
Omnibus infundunt in pocula. tum super ignem
Injiciunt linguas de more, iterumque lyaeum
Surgentes libant. postquam sitis omnis abacta,
Expletusque ardor libandi; Pallas, & una
Telemachus forma insignis contendere gressus
Ad navim optabant. vetuit sed Nestor abire
Increpitans dictis, atque haec super addidit ore. 390
Juppiter avertat, dique hoc stellantis olympi
Dedecus! ad navim vosne hinc fugietis euntes
Sedibus a nostris? non haec desertaque tantum,
Nec spoliata adeo domus est, ut tegmina desint
Purpurea, & pictae laenae, quæis mollia possit
Membra simul dominus, simul hospes nocte fovere.
Adsunt & chlamydes, & pictae tegmina vestes,
Instratique thori: numquam generatus Ulyssæ
Magnanimo hic juvenis curvae tabulata carinae
Pernox dura premet, dum spiritus hos reget artus, 400
Tecta que dum nostri servabunt regia nati
Hospitibus faciles, quicumque haec limina adibunt.
Quæ postquam sic fatus erat Neleus heros,
Diva statim: o senior, ceu par, bene consulis, inquit,
Atque age Telemachum dictis parere jubeto,
Quandoquidem meliora putas. ille alta sequutus
Te sub tecta, nigrae per opaca silentia noctis
In thalamo jaceat. contra hinc ego certus abibo,
Ut sociis addamque animos & singula mandem.
Solutus enim multos inter sum grandior annis 410
Florentes ævo juvenes, quos mutuus ardor
Telemacho comites paribus conjunxit in annis.

Una

Una illic recubare juvat: lux castrina caelo
 Reddita ubi veniet, fortes Cauconas adibo,
 Aeraque jam longo mihi tempore debita, poscam.
 Tu vero hunc juvenem, tua quando ad limina venit,
 Ne pelago committe; rotis investus at altis
 Gnatorum comitante aliquo per aperta viarum
 Expediat cursum; geminos curru adde jugales
 Et magnis validos animis & cursibus acres. 420
 Haec ubi dicta dedit, fugit Tritonia virgo
 Versa aquilae in formam: subito stupor omnibus ora
 Attonitis visu pressit; miratus & ipse
 Ante alios monstrum senior dextramqueprehendit
 Telemachi, placidoque haec insuper edidit ore.
 Non ego te pulcræ spero fore laudis egenum,
 Sic adeo juvenem quum di comitantur euntem.
 Haud hic haud alius caeli supera alta colentum,
 Ni Jovis armipotens soboles fortissima virgo,
 Quae validum pariter miro tibi honore parentem 430
 Clarabat Danaos inter. salve dea, salve,
 Atque adsis venerata, meae non invida laudi,
 Et thalami sociae, natis & semper amica.
 Ipse tibi vitulam, lata quae fronte superbit
 Indomita, & collo nondum juga sensit aratri,
 Mox feriam, fulvumque inducam cornibus aurum.
 Sic vovit senior: non aspernata voventem
 Audiit e caelo Pallas. dein limina ad alta
 Cum generis natisque heros processit, & una
 Assedere thoris variisque sedilibus omnes. 440
 Quois subito Nestor magnum venientibus ultro
 Implevit cratera mero, quod fida per annos
 Servatum undenos tum primum serva relevit.
 Hoc implet cratera mero, libansque Minervae

Vota facit supplex natae Jovis aegida habentis.
His demum exactis, perfectio munere divum,
Quisque suos fessi somno petiere penates.
At non Telemachus: namque illum divite Nestor
In lecto, placida voluit requiescere nocte
Aedibus in propriis, ubi porticus alta sonabat; 450
Quem juxta accubuit bello Pisistratus acer;
Impubes qui regis adhuc vernabat in aula.
Nec minus ipse alta penetrali in sede receptus,
Stravit ubi lectum conjux, dedit aegra sopori
Membra senex, curasque simul sensumque reliquit.
Postera quum caelo surgens aurora refulsit,
Mollibus e stratis tollit se Nestor, & altis
Egrediens tectis, ubi structa sedilia stabant
Ante fores cano de marmore & uvida rore
Semper odorato, senior confedit, ut olim 460
Inclitus ante heros Neleus confidere fuerat.
Sed pater ad stygias erebi descenderat umbras
Jam domitus fato; regnique potitus habentis
Nestor ibi residebat Achivum maxima fama
Sceptra tenens. circum nati venete frequentes
E thalamo egressi, Stratiusque, & fortis Echephron,
Perseusque, Aretusque, & divis par Thrasymedes.
Additur his etiam sextus Pisistratus: una
Telemachum ducunt, juxtaque in sede reclinant.
Ad quos tum senior Nelides talibus infir: 470
Protinus o gnati, quae fert mea corde voluntas,
Perficite, armisonae quamprimum ut sacra Minervae
Rite feram, quae clara dei ad sollemnia venit.
Ergo alius campos properans petat, & mihi pastor
Ocyus intacta ducat cervice juvencam:
Telemachi ast alius socios in litore stantes

Evocet

Evocet huc omnes, geminis in puppe relictis.
Atque aliquis jubeat clarum Laërcea adesse,
Cornibus ut vitulae lunatis illinat aurum.
Vos mecum remanete alii, famulasque monete, 480
Sollemnes curent epulas per regia testā,
Et sedes & ligna ferant & fluminis undam.
Vix haec; festinantque omnes. jam rure juvenca
Venit, Telemachi pariter venere sodales,
Jussus & ipse faber venit secum omnia portans
Instrumenta artis: resplendet malleus olli
Aereus in manibus, forceps & daedala, & incus.
Stat pariter visura suos bona Pallas honores
Caeruleo delapsa polo. tum protinus aurum
Expediit Nestor: capit ille, & cornua circum 490
Arte linit, divae spectaculum dulce, juvencam.
Hanc Stratius, fortisque una ducebat Echephron;
Laeva florentem e thalamo cum fonte lebetem
Aretus, dextraque molas frugesque ferebat
In calathis. retro Thrasymedes stabat acuta
Jam jam caesurus vitulae capita alta securi,
Et pateram juxta Perseus retinebat. at undam
Praecipiens frugesque sacras, multumque precatus
Pallada, & evellens summo de vertice fetas
Ignibus injecit positis libamina Nestor. 500
Continuo validum Thrasymedes impulit ictum
Insurgens: nervos cervice excepta bipennis.
Abscidit, exanimemque solo dedit. aurea ad astra
Attollunt nataeque, nurusque, & regia conjux
Eurydice, Clymeni gnatarum maxima, voces.
Adstantes famuli lata ut tellure jacentem
Erexere bovem, jugulo Pisistratus ensē
Abdidit. erupit postquam de vulnere sanguis,

Dese-

Deferuitque calor vitam, trepidantia membra
Divisere alacres, & rite in frustra secarunt. 510
Hinc ubi texerunt multa pinguedine circum
Cuncta involventes; iterumque iterumque plicantes,
Ligna super libans latices torrebat ad ignem
Ipse senex: illum juxta verua alta tenebat
In manibus quina fumantia cuspe pubes.
Postquam torruerant armos, atque exta vorarant,
Secta minutatim longis quoque cetera figunt
In verubus, ponuntque super crepitantia flammis.
Telemachum interea Polycaeste candida lavit
Ultima Nelidae natarum aetate puella. 520
Quae postquam nitido totum perduxit olivo,
Imposuitque humeris chlamydem tunicamque recentem,
Divis ambrosio par immortalibus ore
Exiit e solio, ac magnum prope Nestora sedit.
Sic ibi propositis dapibus vescuntur, & igni
Omnia diripiunt, puerique sedentibus atrum
Aurea surgentes fundunt in pocula vinum.
Et jam finis erat; saturis quum maximus heros:
Ite agite o gnati, dixit, pulcrumque comantes
Ducite cornipedes altoque adjungite curru. 530
Jusserat: illi autem non segnes jussa capeffunt,
Continuoque acres curru junxere jugales.
Nec minus &, servare penum cui tradita cura,
Fida tulit cererem custos, & munera bacchi,
Atque solent vesci queis magni obsonia reges.
Infilat in currum juvenis generatus Ulyse
Primus: eum juxta scandens Pisistratus heros
Nestorides cepitque manu retinacula, & acres
Increpuit bijugos. illi fugere volucris
Lata per arva fuga linquentes moenia retro. 540

Sic celeres totam per lucem ivere; sed undas
Quum subiit sol almus, iterque nigrescere coepit,
In Pheras venire citi, testisque Dioclis,
Quem satus Alphæo Ortilochus produxit in auras,
Hospitio excepti merito sub nocte quierunt.
Inde ubi se ostendit roseae Titanidos ortus,
Sub juga cornipedes ducunt, curruque locati
Limina tectorum resonantiaque atria relinquunt.
Instat equis auriga alacer, tortoque flagello
Admonet ad cursum: simul illi sponte volantes 550
Corripuere viam, immisique feracibus agris,
(Tantus agit namque ardor equos) venire laborum
Ad finem, prono Phœbus dum cecidit olympo,
Et late nox atra solum complectitur umbris.



HOMERI ODYSSEAE

LIBER QUARTUS.

V Allibus in curvis vastam Lacedaemona cursu
 Ingressi juvenes praecelsa minoris Atridae
 Testa petunt, regemque adcitōs undique multos
 Inveniunt cives inter tum forte parantem
 Optatos una gnati gnataeque hymenaeos.
 Ille quidem natam Pyrrho armipotentis Achillei
 Fulmineae soboli, dura inter praelia martis
 Jam Priami ceu pactus erat sub moenibus altis,
 Adnueratque pater, perfecto tempore divum
 Curribus inestam celsis mittebat ad arces 10
 Myrmidonum, qua regna gener ditione tenebat.
 At nato prolem jungebat Alectoris almam
 Spartana de gente, olli quem serva crearat
 Pulcra seni fortem Megapenthem: germina namque
 Nulla dii tribuere Helenae, postquam edidit ipsi
 Hermionem forma Veneri non cedere dignam.
 Ergo omnis festo resonabat regia coetu,
 Finitimique aderant populi, civesque vocati
 Munere gaudentes. quos inter dulce canebat
 Aurea plectra ciens vates, geminique canentis 20
 Ad vocem juvenes tollebant corpora saltu.
 Interea primo tectorum in limine stabant
 Telemachusque heros, & Nestoris inclita proles
 Sublimes in equis. quos vidit ut acer Atridae
 Armiger egrediens Eteoneus, ocyus ivit
 Nuncius ad regem subiens penetralia, & olli

Adstitit, atque prior breviter sic fatus ad aurem est.
Stant gemini juvenes foribus, Menelaë, sub ipsis
Assimiles magni Jovis almo e sanguine proli.
Ergo age fare, alto bijugos num solvere curru 30
Præcipis, anne alias quaesitum mittere sedes?
Cui subito iratus graviter sic flavus Atrides
Orsa refert. adeo malesana haud ante gerebas
Corda Boëthide, puero nunc digna profaris.
Hospitia experti multorum has denique salvi
Venimus ad sedes, ubi saltem Juppiter æquus
Nos utinam servet placidos, finemque laborum
Det pater. hospitibus celerans i solve jugales,
Atque ipsos intro duc ad convivium coram.
Jusserat: ille autem, famulis per tecta vocatis, 40
Sedibus erupit properans, comitesque sequuti
Fumantes pulcro solvunt temone jugales,
Et statuunt ductos plena ad præsepia, fessis
Farra ministrantes & mixtae gramen avenae.
Dein vacuum acclinant septa ad lucentia currum,
Ac juvenes ducunt tecta intra regia. at illi
Omnia lustrantes late penetralia regis
Mirantur; nam tota vident splendescere solis
Luce velut clara, & radiantis imagine lunae.
Postquam oculos laeti cupidos per cuncta tulere, 50
Delapsi irriguum studio petiere lavandi
Marmoreo in labro fontem: dein flumine lotos
Atque oleo nitidos ut circum rite ministrae
Vestibus induerunt pictis tunicaque recenti,
Ambos Atridae vicina in sede locarunt.
Invergunt lymphas manibus, quas lucidus auro
Urceus irrorat supra, purumque fluentes
Subiecti excipiunt argentea labra lebetis.

Ponunt

Ponunt & menſas juxta, cereremque caniſtris
 Expediunt, cumulantque epulas, & munera didunt. 60
 Tum famuli varias patulis in lancibus eſcas,
 Fumanteſque armoſ, & viſcera toſta reponunt,
 Poculaque ex auro fulgentia. dat ſimul ollis
 Pignus amicitiae dextram, ſimul accipit heros
 Sic fatuſ: gaudete epuliſ ante ora paratiſ
 O juveneſ; ubi pulſa fameſ atque ardor edendi
 Deſerit, qua gente hominum, quibuſ eſtiſ ab oriſ;
 Scitabor ſaturoſ. haud certe exſtincti parentum
 Gloria veſtrorum: Joviſ alto a ſanguine regeſ
 Sceptriferi vobiſque genus vitamque dedere, 70
 Credo equidem: ignavi nequeunt educere taleſ.
 Dixerat, appoſuitque boviſ luſtralia coram
 Pinguia terga, ſibi fuerant quae dona parata.
 Illi autem accinſi dapibuſ lactantur opimiſ,
 Protenduntque manuſ. poſtquam ſaturata quierant
 Peſtora, Telemachuſ dulceſ compellat amicuſ
 Cervice admota, & fidam ſic ſatur ad aurem.
 Aſpice, Neſtoride, regali fulgida luxu
 Atria, ſplendoremque auri flammantiſ, & aeris,
 Electrumque, argentumque, & ſeſſi vim Elephanſi. 80
 Taliſ ſidereo magni Joviſ ardet olympo
 Intuſ opima domuſ: quanta heic aggeſſa renidet
 Gaza ingeſ immeſa! ſtupor me ſcilicet altuſ
 Senſibuſ attonitiſ cernentem talia preſſit.
 Haec ille: at flavuſ mirantem ſenſit Atrideſ,
 Ac ſubito ſic orſa refert. o germina cara,
 Magnanimi juveneſ, nulli contendere magno
 Cum Jove faſ; olli fulgentia ſidera ſupra
 Divitiae ſine fine vigent, aeternaque ſedeſ.
 Seu vero mecum certet, ſeu cedere victuſ

Haud renuat quisquam mortali e semine, nulla
Invidia est. multis ego late casibus actus,
Multaque perpeſſus poſt anno denique ditem
Oſtavo tetigi Phoenicem, & litora Cypri.
At prius Aegypti luſtratis finibus atros
Aethiopum populos, felicia regna colentes,
Sidonioſque, ipſoſque adii devectus Erembos,
Et Lybiam, naſcuntur ubi cum cornibus agni,
Terque venit longum rediens factura per annum.
Non dominus, non paſtor eget, nec deficit umquam 100
Caſeus; aut agni molles, aut copia lactis,
Plena ſed uſque novae diſtendunt ubera faetae.
Interea dum multa parans his jaſtor in oris,
Leto alius fratrem domuit, nil triſte timenti
Inſidians furtim malefidae conjugis aſtu.
Sic regno non ſponte, opibus neque laetor adeptis.
Haec tamen a patribus, vita ſi forte fruuntur,
Nota reor vobis. Priami quis neſciat urbem,
Imperiumque Aſiae magnum, verſoſque penates 110
Barbaricis dites opibus, quos aſpera paſſus
Multa diu ſaevo populatus marte ſubegi?
Sed mihi nunc utinam tantum vel tertia rerum
Pars foret; incolumes contra vivique manerent,
Idacum ad Xanthum qui tum periire ſub urbe
Dardania, longe caris heroes ab Argis.
Quos ego dum plorans curarum turbine preſſus
Heu queror amiſſos, ſaepe in penetralibus aeger
Deſideo, luſtuque animum depaſcor amaro,
Si qua mihi hinc veniant ſolatia: luſtus at ipſe 120
Deſerit interdum miſerum, vivitque ſub imo
Corde dolor. neque enim longa eſt ſperanda voluptas
Triſtibus a lacrimis; vix ſenſibus hauſta recedit.

His

His tamen heu miserum me frustra ex omnibus unus
Ante alios cogit tabescere, qui neque dulces
Carpere me somnos umbrarum in nocte silenti,
Nec memorem gaudere epulis finit: horrida namque
Grajugenum nemo pro me discrimina rerum
Pertulit, infelix heros quot passus Ulysses.
Et nunc ille quidem fatis urgetur iniquis, 130
Curarum haud ullam requiem, finemque laborum
Inveniens; meque urit atrox dolor ipsius ergo
Atque agitat sine fine incertum, an vivere credam,
An periisse usquam? flet raptum perdita luctu
Penelope, flet Laertes, atque inclita proles
Telemachus, parvum liquit quem classe profectus.
Dixerat: huic patrius moerentia pectora strinxit
Altus amor, cujus nomen vix auribus hausit,
Continuo ex oculis lacrimas effudit obortas
Purpuream obtendens ante ora humentia vestem. 140
Sensit id Atrides, dubiaque in mente volutat,
Sollicitumne sinat cari meminisse parentis,
Occupet an primus lugentem, ac singula pandat?
Anceps ille suo volvit dum talia corde,
Venit odoratae linquens penetralia sedis
Tyndaris, ingreditur qualis florentia Cynthi
Per juga Dyctinna, & lateri sonat aureus arcus.
Protinus huic sedem rutilantem Adrastra locavit,
Formosumque super lana e lucente tapetem
Alcippo stravit. stat juxta candida Phylo 150
In manibus calathum retinens, quem pignus amoris
Perfectum argento e nitido donarat habendum
Magnanimi Polybi conjux Alcandra, ubi dives
Alta canopaeis tollit se regia Thebis.
Ille duo dederat Menelao argentea labra,

Et

Et tripodas geminos, atque auri dena talenta;
Ait Helenae non parca super dedit optima conjux
Auratumque colum, calathique volubile textum
Argenti summas auro ludente per oras.
Obtulit hunc olivi plenum tum stamine Phyllo 160
Rite laborato: supra colus aurea fulget
Tincta gerens violae nigrantis vellera fugo.
Ut primum assedit, plantasque innixa locavit,
Formosum tali sermone affata maritum est.
Nossene fas hominum qua sint ab origine creti,
Atrida, nostros qui nunc adiere penates,
Hi juvenes? vanam seu mendax fallat imago,
Seu moneat verax, dicam, quando ipse profari
Fert animus, tacitaque vetat consistere lingua.
Non ego tam simili vel nympham corpore vidi, 170
Vel puerum (cernentis adhuc stupor occupat ora)
Quam similis magni nato est hic omnia Ulysssei
Telemacho, puerum quem quondam in sede reliquit
Dulichia genitor, me propter tota furentem
Graecia quum phrygios obsedit milite campos.
Talia dicenti flavus respondet Atrides.
Quae conjux te cura, eadem me pectore in imo
Sollicitat: sic ille pedes, sic ora gerebat,
Brachiaque, obtutumque, & flavo in vertice crines.
Nunc quoque dum memoro, quantas Laërtius heros 180
Indomitus curas pro me, quantosque labores
Hauserit, ille genas lacrimis perfudit obortis
Purpuream obtendens ante ora madentia vestem.
Talia dum jactant; subito mirantibus infit
Nestorides. magnorum Argivum o maxime ductor
Cura jovis Menelae, vafri, ceu reris, Ulysssei
Progeniem cernis, nec te tua lumina fallunt.

Sed

Sed prohibet juvenem pudor atque modestia fari
Multa heic te coram, cujus ceu numinis ambo
Huc primum adveñti dio pendemus ab ore. 190
Me vero huic comitem genitor Neleius heros
Addidit; afflictis namque hinc solatia rebus
Auxiliumque malis sperans te invisere avebat,
Si quid opis misero, si qua est via certa salutis.
Heu nati misera est parvi fors! aspera rerum
Perpetitur puer usque haud multis septus amicis
Patre absente diu. talis fortuna fatigat
Telemachum; vacuis jamdudum a sedibus olli
Carus abest genitor, nec qui fera damna repellat
E populo infensa super ullus in urbe relictus. 200
Nestorides sic fatus erat, quum laetus Atrides:
O mihi quam cari locii nunc cernere gnatum,
Affarique datur, qui saevo in turbine belli
Tot subiit casus pro me, quemque omnibus unum!
Anteferens reducem donis, cumulare parabam,
Juppiter incolumi cursum si classe dedisset.
Olli urbem patrios statuissem ac tecta per Argos
Ex Ithaca adcito cum gaza omnique suorum
Cum numero, natoque; meisque ex urbibus una
Olli cessisset veteri vacuata colono. 210
Saepe eadem sedes nobis atque una fuisset
Certa domus, junctosque animis concordibus usu
Dividere alterno nil quisset, ferrea nostros
Ante oculos nigro quam mors velasset amictu
Sed superi, invidere mihi bona tanta, nec illum
Ad patrios referunt longo post tempore fines
Sic ait, ac tepido maduèrunt lumina fletu
Omnibus: aligero flebat Jovè Tyndaris orta,
Telemachusque, fatusque Atreo fortissimus heros.

H

Nec

Nec tibi Nestoride caruerunt fletibus ora 220
 Saeva recordanti dilecti funera fratris
 Antilochi, magno victum quem vulnere quondam
 Filius Aurorae stygias demisit ad umbras.
 Hunc sibi tum raptum moerens ita farier infit:
 Te meus ante alios genitor dicebat, Atrida,
 Consiliis clarum, quoties tua facta revolvens
 Narrabat senior poscentibus omnia natis.
 Quare etiam si forte licet, parere monenti
 Ne pigeat: non ulla mihi nam flere voluptas
 Post epulas. tales referat sine crastina curas 230
 Orta dies; neque enim miseris, qui morte quierunt,
 Invideo lacrimas supremaque munera leti.
 Post obitum quippe unus honos mortalibus aegris
 Hic superest tondere comas e vertice summo,
 Ac tristes de more genas perfundere fletu.
 Heu subiit letum non ultimus inter Achivos
 Frater & ipse meus notus tibi: non ego praesens
 Olli aderam, sed fama tulit non vana, fuisse
 Antilochum pedibusque acrem jaculoque valentem.
 Talia Nestorides, quem contra excepit Atrides: 240
 Quandoquidem sic ipse mones, & pectore sensus
 In tenero versas dignos majoribus annis
 Egregio genitore satus, quem laudibus aequas
 Aemulus; (haud magnum prolem cognoscere certam
 Illius est, altus cui Juppiter adnuat ultro
 Connubium felix & primae lumina vitae,
 Adnuat ut facilis Nelidae, quem lare jussit
 In patrio molli placidum gaudere senecta;
 Consilioque bonos atque hasta cernere natos;
 Inceptos praestet fletus abrumper, jamque 250
 Instaurare epulas. vos o manibus date fontes
 Nunc

Nunc pueri; cras tempus erit sermonibus aptum
 Telemacho pariterque mihi. nec plura loquutus
 Conticuit: properat pueros invertere rores
 Asphalion, rursusque alacres ad pocula dextas
 Porriciunt juvenes, dapibusque fruuntur opimis.
 Atque ibi pulcra novam versans in pectore fraudem
 Tyndaris immiscet medicata in pocula succum
 Adversumque irae & ducentem obliviam luctus.
 Hauriat hunc si quis, non tristi sparserit imbre 260
 Ora per integram lucem, non saeva parentem
 Si rapiat misero Parcarum dextera utrumque,
 Nec videat coram si fratrem aut germina cara
 Vulnifico concisa peti per corpora ferro.
 Talem gnata Jovis succum formosa potentem
 Servabat, Polydamina uxor quem Thonos in oris
 Nata canopaeis dederat, qua plurima tellus
 Gramina fert. varios pars vitae inservit ad usus,
 Pars etiam nocuis corrumpit membra venenis;
 Illaque gens omnis medicas exulta per artes 270
 Paeonis a prima deducit origine stirpem.
 Hunc in plena mero dulci quum pocula succum
 Miscuit argivae proles pulcherrima Ledaë,
 Sic ingressa loqui est. vos o Menelaë, patrumque
 Clarorum soboles, pueri (nunc tristitia rector
 Ille deum, nunc laeta, potest quando omnia, donat,
 Alternatque vices:) dapibus gaudete paratis,
 Et vario lenite animum sermone quieti
 Sedibus in placidis. prior ipsa ex ordine labor,
 Atque unum e multis (neque enim certamina duri 280
 Cuncta Ithaci fando sperem percurrere posse)
 Expediam Trojae media intra moenia gestum.
 Ille etenim quondam non ullo corda labore

Fractus apud Xanthum sua diris corpora plagis
 Sustinuit foedare ultro; circumque decoros
 Injiciens humeros sordentem ut servus amicum
 Dardania est ausus penetrare in moenia furtim
 Solus, inops, formamque omnem diversus ab illo,
 Qui procures inter grajos in litore stabat.
 Talis erat veniens, cunctosque fefellit in urbe. 290
 Trojugenas. non & potuit me fallere quamvis
 Corpore mutatus: multis in millibus una
 Agnovique virum, dictisque aggressa vocavi.
 Ille nihil certi simulata mente referre,
 Ingeniique sui primum non immemor omnes
 Cunctando in partes versari. mox ubi lotum
 Vestibus indueram, & juraram numina magna,
 Nil prius Hectoridis dicturam fortibus, atras
 Quam rursus ad naves, tentoria & alta redisset,
 Consilia expediens tum prodidit omnia Grajum. 300
 Sic postquam multos Troum demiserat orco,
 Ad socios rediit, luctumque reliquit in urbe
 Commixtum rabie. passis ibi crinibus omnes
 Troades implebant moestis ululatibus auras:
 Contra laeta mihi tentabant gaudia mentem
 Talia cernenti, veteres nam corde penates
 Versa meo optabam, miserandaque damna querebar
 Illacrimans, quae multa tulit Venus aspera, quum me
 Abstulit a patria, gnataque, & conjuge nulli
 Sive animis digno seu pulchra cedere forma. 310
 Desierat memorans; illamque his vocibus heros
 Excipit Atrides. nulli dubitanda loquuta es,
 Quamvis magna refers, conjux dulcissima. namque
 Vidi ego multorum mentemque animumque sagacem
 Heroum late vasto jactatus in orbe;

Sed

Sed nondum talem mihi noscere contigit usquam,
 Nec dabitur, qualis fuerat Laërtia proles.
 Magnum etiam facinus quondam fortissimus heros
 Ausus equi in latebris, ubi lecti infedimus omnes
 Inachidae cladem Phrygibus letumque ferentes. 320
 Vix fuimus positi; tu dardana moenia linquens
 Jussa equidem nutuque reor monitisque deorum,
 Gloria queis ingens Teucrorum, & pergama curae,
 Illuc venisti. vadentem pone sequutus.
 Protectus clipeo telumque immane coruscans
 Deiphobus veniebat. ibi ter robora lustrans,
 Attrectansque dolos circum, mentitaque vocem
 Uxorum primos iterumque iterumque vocabas
 Nomine quemque suo signans ex ordine Grajos.
 Ipse tamen, Tydeique genus, magnoque creatus 330
 Laërta vocem simulataque sensimus ora
 In medio strati. jamque una adfurgimus ambo
 Corpora tollentes, animis in utrumque paratis,
 Sive exire, tibi seu respondere vocanti,
 Ni vetet obsistens Ithacus teneatque ruentes.
 Ergo alijs circum taciturna prementibus ora,
 Solus ibi Anticlus demens te incessere dictis
 Dum parat, arreptum clamantis gemitur Ulysses
 Strinxit utraque manu cohibens, certamque salutem
 Attulit Argivis, illum sic usque premendo 340
 Turbidus, abduxit donec te bellica Pallas.
 Haec ubi fatus erat Menelaus, talia reddit
 Telemachus: dilecte Jovi dux inclite Achivum,
 Dura quidem fortuna mea est; nil tanta parenti
 Profuit heu misero virtus, nec pectora ferro
 Septa gravi potuere nigras avertere Parcas.
 Nunc tamen in sedes nos ducite, leni ubi somno
Moe-

Mœsta per optatam claudamus lumina noctem.
 Dixerat: alma suis proles Ledaëa puellis
 Imperat extemplo curvata sub atria mollem 350
 Ferre thorum, ac tyrias vestes pictosque tapetas
 Sternere, tum supra villosa imponere texta.
 Jussæ abeunt manibus retinentes lampada dextris,
 Insternuntque thorum. quo postquam induxerat ambos
 Armiger, in placida posuerunt corpora sede
 Telemachusque heros & Nestoris optima proles.
 Interiora autem subiit penetralia scandens
 Atrides, juxtaque illum pulcherrima nymphea
 Tyndaris accubuit, stratisque locata quievit.
 Inde ubi deseruit Tithoni aurora cubile 360
 Suave rubens, thalamo prodit Menelaus ab aureo,
 Induiturque artus, laterique accomodat ensẽ,
 Candida & evincit formosis crura cothurnis.
 Jamque deo similis thalami quum sede recessit,
 Telemacho adsedit, dictisque ita fatus amicis.
 Dic age fortunæ quæ vis te dira coegit
 Per freta lata sali vastam Lacedæmona adire?
 An privata viæ causâ est; an publica rerum
 Conditio jubet ire, ediffere vera roganti?
 Talia quaerenti suspirans natus Ulysse 370
 Reddidit: Atrida, magnorum o cura deorum,
 Huc genitoris ego quaesitum nuncia veni,
 Si qua feras longe vectus maria omnia circum.
 Diripitur domus ampla mihi, pereuntque labores,
 Hostibus & fervent sedes, qui cadere gaudent
 Balantumque gregem & nigrantes terga juvencos,
 Gens efræna, proci matris, fas omne perosi.
 Huc igitur supplex venio, genibusque volutus
 Te precor o! si forte velis mihi fata parentis

Exstin-

Exstincti leto visa, aut audita referre. 380

Alterius sermone. unum nempe edidit illum
Prae cunctis miserum Grajis quondam optima mater,

Invisumque diis: quare non ulla profari

Cura mei, quaecumque tuo sub pectore servas,

Impediat; quin cuncta refer, si fortis Ulysses

Ille meus genitor dextra tibi tempore in ullo

Profuit iliadis, ubi passi plurima, campis:

Illa ego te per dura precor, vera omnia redde.

At gemitus imo rumpens de pectore Atrides:

Heu juvenes, heu triste genus proh Juppiter, inquit, 390

Tantum adeo sperare nefas, tantique cubile

Haud metuunt tentare viri jura omnia contra!

Cerva velut magni si quando in lustra leonis

Ingreditur, parvosque locans necdum ubere pullos

Hinnuleos campis it late, herbosaeque quaerens

Pascua frondiferis ignara in vallibus errat:

Ille autem rediens notoque receptus in antro

Infremit, ac vivos morfu depascitur artus,

Sanguineisque horret scitis. sic fervidus heros

Sic rediens ollis feret omnibus aspera fata. 400

Jam pater ille denm, Phoebusque, & bellica virgo

O faciant, sese talem post tempore longo:

In patriam referat, qualem videre Pelasgi

Luctantem in Lesbo, quum surgens arduus icu

Stravit humi Philomeliden, gavisaque turba

Insonuit plausu, totamque implevit arenam.

Talem o! se referat, turbamque aggressus inertem

Ingratamque simul vitam sperataque rumpat

Connubia insanae falsa inter gaudia mentis. 410

Illa autem, quae poscis, ego haud mendacia fingens,

Expediam, fuerint quaecumque; auditaque pandam,

Quae

Quae docuit quondam verax me in gurgite vasto
 Caeruleus senior, repetamque ex ordine dicta.
 Nequidquam optantem patrios invisere fines
 In viridi Aegypto me saevo numine divi
 Continuere diu. non illis namque litaram
 Rite sacris, ceu fata deum, ceu iussa ferebant.
 Stat pelago in lato, diti praetenta Canopo,
 Insula, quam dixere Pharon cognomine, tantum
 Semota a terris, quantum cita carpere cursum 420
 Luce queat tota navis, cui flamina spirent
 A puppi motas zephyris crispantibus undas.
 Portus ibi statioque patet, nautaeque carinas
 Hinc soliti, hauserunt postquam de flumine fontes,
 In freta vesani longe propellere nereï.
 Illic bisdenis me di tenuere diebus,
 Aura nec ulla polo venit, quae carbasa flatu
 Impleret per dorsa maris tumefacta secundo.
 Jamque adeo consumpta & pabula, & ipsa fuisset
 Fracta hominum virtus, ni me fors una dearum 430
 Caerula magnanimi servasset filia Protei
 Idothee miserata. hujus nam pectora votis
 Sollicitans flexi, quum sola in litoris ora
 Averso a fociis pisces fallentibus hamo
 Parte alia, qua quemque fames malefana trahebat,
 Obtulerat sese manifesta in luce videndam.
 Atque ea ubi steterat propius, sic ore loquuta est:
 Quis furor, aut mens dira expertem sensibus urget
 Omnibus? anne ultro cessas; atque aspera gaudes
 Ferre mala heic residens? non certa pericula sentis 440
 Lentus adhuc claususque mari carisque relictus
 A fociis, queis victa fame jam corda labascunt?
 Huic refero: o tandem quaecumque es magna dearum,
 Dicam

Dicam equidem, nec vera tegam. non sponte morantem
Aspicias heic; laesi retinet me numinis ira.
Sed tu diva mone, norunt quando omnia divi,
Quis superum mihi saevit atrox, cursumque moratur
Plena vetans ventis intendere vela vocatis?
Illa autem firmans animum sic incipit ore:
Haud procul hinc habitat verax in gurgite vates 450
Jam senior Proteus, Neptuno carus & ipsi,
Qui pelagi subter glaucas scrutatur arenas,
Undarumque domos late, sedesque profundas,
Utque ferunt, genitor meus est. hunc si modo possis
Corripere insidiis, sollerti aggressus & arte,
Ille tibi expediet cursus, atque omne resolver
Certus iter, piscosa ruas quo stagna profectus.
Praeterea si tantus amor, te cuncta docebit,
Evenere tuo quae lacta, aut tristia regno,
Dum procul ignotis erras male tutus in oris. 460
Desierat: sed rursus ego. quid maxima possim,
Quid sine te sperem? tu fraudem vatis, & omnes
Insidias tu diva doce, ne praescius idem
Effugiat frustra conantem: fallere namque
Difficile est homini captumque evincere numen.
Haec ego tum paucis: contra dea protinus insit
Sic exorsa, docens pavitantem & multa putantem.
Quum medium caeli scandit sol igneus orbem,
Fatidicus senior vitreis emergit ab undis
Flamine sub zephyri, spumis horrentia tectus 470
Terga super, rupisque cavo procumbit in antro.
Circum ipsum patulis pedibus glaucae Amphitrites
Sternunt se variae passim per litora phocae
Acquorei tristem spirantes roris odorem.
Ipsa ego te facilis, quum primum aurora rubebit,

In secreta senis ducam: tu delige fidos
 Tres numero ex omni socios, qui robore praestant.
 Accipe & insidiae quae sunt, ex ordine pandam.
 Ille quidem circum lustrans, numerumque recensens
 Per litus phocas ut late inspexerit omnes, 480
 Defessus nemorum ceu quondam pastor in umbra,
 Gramineo medius componet membra cubili.
 Videris hunc postquam vix somno lumina captum,
 Tunc animis usus, tunc firmo robore: tende
 Fortia cum sociis conanti evadere vincla.
 Omnia tentabit verti in miracula rerum,
 Et varias referet species, fluviumque liquentem,
 Ardentemque ignis flammam: tu vincula capto
 Nil dubitans, nexusque magis contende tenaces.
 Verum ubi mutatus, vocemque atque ora resolvens 490
 Talis crit, qualem sopitum videris ante,
 Desine vi dura, facilisque tenacia solve
 Vincla seni, poscens ultro, quo numine laeso
 Saeva luis commissa, & frustra quaeris abire?
 Haec ait, & sese jactu dedit aequor in altum
 Spumantem torquens undam dea corpore. at ipse
 Digredior, stantesque petens in litore naves
 Procedo multis turbatus pectora curis.
 Quo simul ut veni, nigro sub vespere menfas
 Instruimus, pariterque epulis vinoque refecti 500
 Languida curamus per litus corpora somno.
 Mox tenebras aurora polo quum clara fugarat,
 Extremam aequorei processu ad marmoris actam
 Multa deos orans, ducensque ardentia corda
 Tres comites mecum, quaecumque audere paratos.
 Interea summa pelagi caput extulit unda
 Diva ferens quatuor phocarum e gurgite pelles

Dire-

Direptas paullo ante, dolos meditata parenti
 Insidiasque suo; dein apta cubilia scalpfit
 Effossa tellure prope undi litoris oram.
 Opperiens, contra taciti nos venimus olli
 Cominus, ac subito iussi, confedimus una
 Quisque data circum contexti corpora pelle.
 Dura fuit statio: phocis direpta marinis
 Uda gravem inimium spirabant tergora odorem,
 Afflabantque lrem: quis enim graveolentia cote
 Indomitus juxta possit consistere longum?
 Sed nymphea incolumes voluit, succosque paravit
 Ambrosiae, nares halanti suaviter aura
 Contingens, qua tetra extemplo pestis abacta est.
 Sic taciti in latebris stetimus, sol altius egit
 Exacto dum manè jubar, jamque igneus orbem
 Hauserat ut medium titan, venere frequentes
 Sedibus e pelagi phocae, passimque cubantes
 Corpora per siccum stravere humentia litus
 Ultimus emerfit vates, armenta quæ circum
 Pinguia per scopulos lustrans, numerumque recensens
 Nos etiam primos, deceptus imagine falsa,
 Rettulit in censum; dein stratus & ipse quievit
 Irruimus clamore alto, dextramque jacenti
 Injicimus, contra ille suae non inimicor artis
 Fit subito fulvusque leo, cervice conianti,
 Squamosusque draco, tygrisque, ac horribilis usus,
 Fontis & unda liquens, procera & stirpibus arbos;
 Instamus circum affusi, manibusque tenemus.
 Verum ubi nulla senem juvit fallacia, victus
 Corpore mutato demum sic ora resolvit
 Nam quis te superum docuit, fortissime Attrida,
 Me capere insidiis, quidve hinc petis, inquit? at olli

Scis, Proteu, scis ipse; petis quid talia fallens? 540
Jamdudum hac teneor deserta in rupe, neque ullum
Invenio finem curis oppressus acerbis,
Turbatusque aegro moerentia pectora luctu.
Sed tu dic miserans, divi quando omnia norunt,
Quis superum iratus teneat, frustraquo moretur,
Ne solvens celeri fulcem vada falsa carina?
Tantum effatus. ad haec vates ita turbidus inquit:
At tu caelicolum regi, superisque litare
Debueras, prius alba dares quam carbasa ventis,
Rite secundarent ut cursus vasta profecto 550
Per maria, optatis proram rapientibus austris.
Nam patrias non ante licet contingere sedes,
Aspicere & notos reduci, quam sacra fluentis
Ab Jove tu longe repetas hinc ostia nili
Aegyptum inuestus viridem, donisque peractis
Stellifera places divos in sede repostos:
Expedient victi cursum, ventosque remittent.
Haecenus ille: mihi cecidit, turbataque mens est
Continuo, ut ponti jussit per caerula rursus
Tendere in Aegyptum, longeque revisere Nilum. 560
Atque haec subjicio vati: sint ardua quamquam,
Perficiam quaecumque jubes; sed tu mihi, Proteu,
Hanc quoque da veniam super oro, atque ordine pande,
Num Danaï salvis omnes rediere carinis,
Quos ego Nelidesque profecti liquimus oris
In phrygiis? quisquamne inopino funere cessit
Fluctibus in rapidis, aut inter cara suorum
Brachia post duri superata pericula martis?
Haec ubi quaesivi, senior mihi talia rursus
Dicta dedit. quid me ista petis, sate sanguine claro 570
Atrida? mitte has curas; neu quaere doceri,

Nec

Nec fas, quæ seruo tacitus: namque omnia postquam
 Audieris, largo sparges tua lumina fletu.
 Multi sunt domiti, multi mansere reliâi
 Incolumes: gemini tantum, fortissima corda,
 In reditu periere duces, ne tristia dicam
 Funera, quæis aderas pugnando ad moenia Trojae.
 Stat vero pelagi mediis inclusus ab undis
 Unus adhuc, certatque graves evincere casus.
 In ratibus curvis periit mavortius Ajax, 580
 Quem prius ad Gyrae altæ surgentia saxa
 Vexerat irato Neptunus ab æquore servans.
 Atque illic, quamquam invisus foret ipse Minervæ,
 Vitasset mortem, ni mens labefacta fuisset,
 Oraque solvisset caelestes impia contra,
 Invitis jactans dis sese evadere posse
 Fluctibus e rapidis. jactantem grandia frustra
 Audiit undarum rector, validaque tridentem
 Corripiciens dextra subito latus impulit ictu
 Gyraeum, mediumque scidit: pars altera mansit, 590
 Altera pars rupis pelago est illisa sonanti.
 Illum heic haerentem, vesana & mente furentem
 Praecipitem scopulo nigrum detrusit in æquor:
 Sic haustus tumidis in fluctibus occidit Ajax.
 At tuus heu! frater tunc Parcam effugit acerbam
 Classe cita, expertus praesens Junonis amicae
 Auxilium, facilemque fugam in discrimine tanto.
 Verum ubi jam Maleae tetigit minitantiæ caelo
 Saxa, per undosi stridens maris arva procella
 Abripuit longe flentem graviterque gementem. 600
 Litus ad extremum, fuerant ubi tecta Thyestes,
 Alta Thyestiades quæ tunc Aegisthus habebat.
 Hinc etiam reditus spes visa affulgore certi;

Fla-

Flamina dis mutata fremunt, & mœnia ad alta
 Incolumis proram vertit, ripaeque propinquat.
 Emicat ille ardens in litus, grataque terris
 Oscula dat patriis: lacrimae volvuntur obortae.
 Ex oculis magno: visae telluris amore
 Illum autem specula custos conspexit ab alta,
 Cui bina Aegisthus fulvi promiserat auri, 610
 Hoc ipsum ut faceret, pacta mercede talenta.
 Atque ibi jam residens totum servaverat annum
 Excubias agitans, vigilem ne falleret heros
 Praeteriens furtim, bellumque inferret apertum
 Haud virtutis egens: ut vela accedere vidit,
 It subito ad regem, venisse & nunciat hostem.
 Continuo Aegisthus fraudem meditatur, & acres
 E populo socios bisdenos deligit omni,
 Insidiasque locat: mox & convivia mensis
 Instruit, & currum vectus procedit in auro, 620
 Obvius Atridae, diisq; invitat amicis,
 Mente nefas agitans, alta in penetralia regem
 Heic illum ignarumque doli, ignarumque pericli,
 Exceptum ferro, ut plena ad praesepia taurum,
 Occupat, atque epulas inter demittit ad orcum.
 Non quisquam Atridae sociorum in caede relictus,
 Non quisquam Aegisthi: cuncti occubuerunt sub isdem
 Sedibus, adversi confossi pectora telis.
 Dixerat ipse gravi fixus praecordia luctu
 Stratus humi flebam, nec jam producere vitam 630
 Longius optabam, nec solis cernere lumen.
 Atque ubi sordentique artus in pulvere versans,
 Effusaque madens explevi tristitia fletu
 Ora diu: curas his coepit demere dictis.
 Sic iterum vates orsus tabescere luctu

Nil juvat aeterno moerentem: quin age cunctas
Tolle moras, patriam si qua contingere possis.
Namque ipsum aut vivum invenies, aut fortis Orestes
Praeveniens ferro stravit, domuitque superbum
Ultus caede nefas; tu vero funera cernes. 640
Queis dictis rediitque animus, pulsoque dolore
Sollicitam rursus tentarunt gaudia mentem.
Et subito: o Proteu, tales jam noscere casus
Sat licuit. quisnam ille autem, quem gurgite vasto
Inclusum retinent seu vivum fata deorum,
Lumine seu cassum? quamvis moerentia magnus
Concutiat tremor ossa, hujus quoque discere nomen,
Fortunamque, vicesque, animi mens incita flagrat.
Ille sub haec referens: quem poscis, tertius, inquit,
Magnanimo est genitus Laërta Ithacensis Ulysses. 650
Hunc ego fundentem lacrimas in litore vidi
Ogygio, vitreas ubi sedes pulcra Calypso
Incolit: heic refluo clausum late undique ponto
Detinet exilio in longo, quin cedere possit,
Molirive fugam: non illi aut curva carina,
Aut focii, queis terga sali spumantia findat.
Te vero nec fata sinent, Menelaë, nec ipsi
Caelicolae quondam patriis occumbere in Argis.
Elisii longe in campos, qua meta recessit
Ultima terrarum, vivum te numina ducent, 660
Flavus ubi Rhadamanthus, ubi est placidissima vita,
Nec glacies, nec saeva riget nix ulla, nec imber;
Sed zephyros semper spirantes mollibus auris
Sufficit oceanus laetae solatia genti.
Haec te certa manet sedes, haec debita sponso
Tyndaridis generoque Jovis felicia regna.
Sic ait, atque altum Proteus se jecit in aequor.

Ast

Ast ego stipatus fociis vestigia flexi
 Ad naves tacito sub pectore multa volutans.
 Ut ventum est, caenam subito properavimus ipsis 670
 Sub ratibus; mox vesper ubi processit olympo
 Defessi somno per litora stravimus artus.
 Jamque nova humentes noctis dimoverat umbras
 Exoriens aurora, cavas deducere naves
 Instamus laeti, positumque tumentia vela
 Cornuaque ad malum suspendimus antennarum.
 Nec mora; conscendunt nautae, transtrisque locati
 Spumea contorquent abiegnis aquora palmis.
 Sic iterum puppes labentis ad ostia nili
 Constitui, sacrisque deum de more peractis 680
 Numina placavi, vacuumque Agamemnonis umbris
 Aggessi tumulum, quo fama aeterna maneret.
 His tandem exactis redii, dederuntque secunda
 Flamina di faciles, volucris per caerula curfu
 Me patriae ad sedes & litora nota ferentes.
 Nunc age, namque aliud nil restat, gnate, monere
 Quod liceat, sine te lux saltem undena revisat
 Atque etiam duodena heic mecum in sedibus altis.
 Post laetum hospitio dimittam, opibusque juvabo
 Ad patrias reducem terras. tibi munera ternos 690
 Alipedes currumque dabo, variisque figuris
 Cratera ardentem, sacros in honore deorum
 Quo latices nostri libes non immemor umquam.
 Haec heros ubi fatus erat, sic orsa reponit
 Telemachus: me tanta precor ne tempora lentum
 Heic agere, o rex magne, jube: simul otia ducens
 Exigerem totum revolutis mensibus annum
 Oblitus caramque domum, caramque parentem:
 Usque adeo laetum dulci sermone moraris!

Ast

Ast alio vis dura vocat: fors taedia & ipsi 700
 Jam Pylio nequeunt perferre in litore nautae,
 Increpitantque moras, nimium dum tempore longo
 Cogor adesse tibi. quae vero munera spondes,
 In magno, quaecumque dabis mihi, semper honore
 Servabo: nec coge tamen me ducere fines
 Ad patriae alipedes. maneant, tibi nempe futuri
 In pretio, qui regna tenes ingentia campis,
 Lotus ubi viret alta, viret formosa cyperus,
 Hordeaque, & segetes, & plurima surgit avena.
 Non cursu spatia ampla patent, non florida prata 710
 Sunt Ithacae; capras tantum fovet aspera dumis,
 Et mihi cara magis, quam si vim pascat equorum.
 Nulla adeo aut campis felix, aut curribus apta
 Insula, finitimo residet quae gurgite; & omnes
 Ante alias Ithaca abruptis male cautibus horret.
 Dixerat: illi acer bello subrisit Atrides,
 Amplexusque manum placida est ita voce loquutus.
 Sanguine te claro sermo tuus arguit ortum,
 Illaque mutabo, nam possum, dona; tibi que
 E cunctis, quaecumque jacent mihi sede reposta, 720
 Eximium carumque dabo mage munus habendum.
 Caelatum cratera feres: argenteus ipse
 Totus, & ardenti fulget labra illius auro,
 Vulcani sollertis opus. ditissimus heros
 Sidonium rex ipse mihi donaverat olim,
 Per casus varios quum primum sedibus hospes
 Illius accessi; tu nunc donatus habebis.
 Talia sese inter placido sermone serebant,
 Quum celsa ingressi convivae limina regis
 Adducuntque greges, lenaeaque munera portant; 730
 Nec minus & pulcris evinctae tempora vittis.

Adveniunt nymphae, cererisque algentia secum
 Dona gerunt: fervet dapibus domus alta futuris.
 Parte alia penitus diversa, ante atria Ulyssæi
 Ludere gaudebant disco jaculoque volanti
 Planitie in lata juvenes, ubi semper acerbi
 Dirum exercebant vesana mente furorem.
 Hos juxta Antinous simul Eurymachusque sedebant
 Ductores primique procum, virtutibus ambo
 Ante alios longe eximii: quos clara Noëmon 740
 Progenies Phronii compellans talia poscit.
 Antinoë, ecqua tibi venit vox missa per aures,
 Quando huc Telemachus Pyliis adpellet ab oris?
 Ille meam duxit navem, qua tendere in almam
 Elida debueram procul hinc, ubi gramine molli
 Bissenae pascuntur equae, pullicque sequuntur
 Indomiti totidem, quos sub juga ducere tempus.
 Haec ait, atque illi stupuere: haud namque putabant
 Neleam petiisse Pylon, sed rura profectum
 Inter oves errare aut alta suavia propter. 750
 Tum fatus Eupitheo Antinous sic ora resolvit:
 Dic age vera monens, quando hinc abcessit, & illum
 Qui comites duxere? Ithacae num lecta juvenus,
 An pacti pretio nautae, captivaeque turba
 Vernarum? dic & pinum num forte coactus,
 An dederis tu sponte petenti? haec fatus ubi ille,
 Excepit proles Phronii sic orsa vicissim.
 Navim sponte dedi: talem quicumque videret
 Orantem juvenem curisque ingentibus actum,
 Quid faceret? durum justis obistere votis. 760
 Ipsum autem comites clara de stirpe sequuntur
 Flos Ithacae, ductorque una conscendere visus
 Mentor, sive deus, cui par se cuncta gerebat.

Sed

Sed tamen hoc mirum est: hesternæ hæc Mentora vidi
Luce sub auroram; Pyliæ tunc cesserat arces.

Hæc ubi dicta dedit, discessit ad alta Noëmon
Tecta patris, tristisque ambos mutosque reliquit.

Jamque proci adstiterant alii, ludoque quieti
Confedere, quibus turbato pectore fatur
Antinous: furor illi atra caligine mentem 770

Intus agit, funditque oculis ardentibus ignem.
Commisum heu facinus magnum: discedere furtim
Sic potuit, sic ille minas non fudit inanes?

Ergo puer nobis impune illuserit unus
Scilicet invitis, pelagoque immittere navim
Ausus, & eximiam secum deducere pubem:
Jam premere incipiet gravior vis. at prius illum

Juppiter o perdat, nobis quam tristia portet.
Quare agite ac celerem bisdeno remige pinum
Instruite. insidiis venientem ac tuta secantem 780

Aequora deprendam mediis in fluctibus inter
Saxosamque Samon Ithacemque: ita tristis acerbo
Funere quaesitum misere luat ille parentem.

Sic ait, atque omnes ad sensu dicta probarunt,
Surgentesque cito subiere in limina gressu.
Nec vero longo latuerunt tempore & ipsam
Penelopen, quæ dira proci sub pectore versant.

Omnia namque Medon retulit, qui forte prope aulam
Adstabat, quum sæva intus consulta serebant.

Jamque ibat fidus reginae nuncia portans; 790

Obviaque huic propere vadenti in limine fatur
Penelope. inviso quo missus ab agmine tendis?

An famulas cessare proci, pensisque relictis

Instruere adueto mandant convivium luxu?

O utinam nullos hymenæos, nullaque posthac

Munera laetitiae norint: postrema sit opto
 Ultimaque haec dapibus vestris lux! ficcine largas
 Telemachi crescentis opes vos perdere raptō
 Usque juvat, vestros pueri nec dicere patres
 Audistis, qualis fuerit generosus Ulysses? 800
 Ille quidem nullum factō nec laedere dicto,
 Ut soliti reges, solitus vexavit acerbis
 Hunc odiis, illum contra dignatus amore est:
 Omnibus ille aequus, nil cuiquam triste paravit.
 Sed vis dira patet, vestraeque injuria mentis
 Improba: non ulla est meriti nunc gratia tanti.
 Dixerat. atque Medon: utinam, regina, malorum
 Haec, inquit, tibi summa foret; sed majus adorsū
 Et gravius multo, quod Juppiter arceat oro,
 Flagitium juvenes furiata mente volutant. 810
 Telemachum cupiunt redeuntem perdere ferro
 Exceptum insidiis, qui jam genitoris amore
 Et Pylon, & claras petiit Lacedaemonis arces.
 Vix ea: reginae trepida formidine sanguis
 Dirigit, stupuitque diu, nec verba nec ulla
 Dat voces: lacrimae tantum volvuntur inanes
 Ex oculis, clausoque haeret vox gutture pressa.
 Post ubi vis tandem rediit, seseque recepit:
 Cur abiit mihi natus, ait? quae dira cogit
 Mens miserum puppes conscendere, quae is freta tranant 820
 Mortales, pelagoque volant pernicipibus alis;
 Nullane ut in terris rapti vel fama superfit?
 Tales rumpebat questus, quum talia rursus
 Dicta Medon retulit. Neleam ut tenderet urbem
 Quaesitum genitorem, & acerbae nuncia famae,
 Impuleritne aliquis caelestum, an sponte voluntas,
 Ignotum est: abiisse scio, volviq̃ue periculo.

Haec

Haec dicens alti subiit penetralia tecti.
At gravis invadit dolor in praecordia lapsus
Intima reginam, sedemque exterrita linquens 830
Sternitur infelix thalami prope limina nudo
Moesta solo, queriturque gemens: circum agmine denso
Stant famulae, resonisque implent ululatibus aedes.
Quas lugens graviter regina affatur. adeste,
Atque audite, mihi o carae: quot lucis in oras
Et natae, & matrum suxerunt ubera mecum,
Caelicolae irati voluere ex omnibus unam
Infandos me ferre magis sine more dolores.
Amisi prius ipsa virum fortemque, bonumque,
Insignem virtute, atque omnes inter Achivos 840
Eximium, famaue per Argos & Hellada notum.
Nunc etiam abreptus nimbis turbantibus aequor
Unigena abcessit carus, matremque reliquit
Ignaram. nec me ulla e vobis furgere lecto
Improba tunc monuit; non ulla adiisse parentem
Sustinuit, quum nossset iter lacrimabile nati?
Haec mihi si miserae citius via nota fuisset,
Aut heic mansisset, quamquam jam certus eundi;
Sedibus aut isdem liquisset funeremersam. 850
Verum agite, atque aliquis Dolion mihi, quem bonus olim
Ipse dedit genitor, cuique horti credita cura,
Advocet. ille seni Laërtæ haec tristia portet;
Si quod consilium, si quis modus adsit; & idem
Adveniens instet lacrimis inflectere cives
Optantes prolemque suam atque excindere Ulyssæi.
Talia dicenti sic fata anus Euryclæa est:
Nympha o cara mihi tu me seu interface ferro;
Incolumem seu linque domi, nil ipsa negabo.
Cuncta equidem noram: cereremque & munera bacchi
Ex-

Expediti nato, tum divos iussa per omnes 860
Juravi, duodena dies quam surgeret orta,
Ni cupidae interea digressum fama tulisset,
Dicturam nil ante tibi, ne turpibus ora
Fletibus, ac pulcros foedares corporis artus.
Quin age nunc puris te vestibus indue lota,
Atque altae circum lectis comitata puellis
Conscendens penetrale domus fer vota Minervae:
Illa tibi reddet vel ab atro funere natum;
Non vero patiare senis crudefcere vulnus.
Haud Arcefiadae soboles invisâ Tonanti 870
Est penitus, divisque aliis: superabit, & agros
Qui teneat pingues, & cellas incolat aedes.
His dictis curae amotae, fletusque repressus;
Lotaque candenti circumdat corpus amictu,
Ascendensque alte fidis stipata ministris
Imponit calathisque molas divamque precatur.
Audi o me Pallas Jovis almo e vertice nata,
Si qua tuis umquam supplex altaribus exta
Pinguia taurorum pecudumque adolevit Ulysses,
Nunc memor ipsa veni facilis, miserataque gnatum 880
Redde meum, longeque procos averte superbos.
Haec orans altum insonuit, deaque alma precantem
Audiit. at juvenes magno clamore fremebant
Tecta per & sedes, studioque elatus inani
Sic aliquis dixit. jam jam regina hymenaeos
Apparat optatos haud struâe conscia cecdis.
Sic aliquis: sed vera latent, ac decipit error
Incautas agitans vana inter gaudia mentes.
Queis tunc Antinous: vos o generosa juvenus
Ponite, ait, magnosque animos, atque ora tenete, 890
Audiat haec aliquis ne dicta, ac perferat intro.

Quin

Quin agite ac taciti surgentes, omnibus una
Quae potior placuit, fraudem properemus, amici.
Haec fatus, subito bisdenos deligit acres
Ipse viros. properant ad navim in litore stantem,
Continuoque instant altum deducere in aequor,
Lineaque erecto suspendere carbasa malo.
Jam corio remos aptant, atque omnia rite
Expediunt, laxantque sinus strepitantibus auris.
Arma ferunt famuli: tum pinum in vasta trahentes 900
Acquora conscendunt alacres, epulisque reſecti
Opperiunt, ſero veniat dum veſper olympo.
At vero ſummum regina ingreſſa cubile,
Non potus, non illa cibi memor, anxia ſtratis
Incubuit. metus acer agit, num funera natus
Effugiat, moriens an fato occumbat acerbo?
Ac velut ille leo juvenum turbante caterva
Multa timet, volvitque animo, qua ſe undique clauſus
Expediat: ſic multa agitantem ac multa putantem
Corripuit ſomnus reginam. feſſa quietem 910
Accipit, atque omnes ſolvuntur protinus artus.
Heic virgo molita novam Tritonia fraudem
Effinxit tenuem ſine vita & viribus umbram
In faciem Iphtimae, Icario quam rege creatam
Teſta Pheris habitans Eumelus duxerat heros.
Hanc dea tunc ſedes Ithaci ſubmiſit in altas,
Penelopen ſi qua arte queat compeſcere flentem,
Moerentique animo triſtes abſtergere curas.
Illa ſubit, clauſasque fores ingreſſa cubilis,
Qua clavi via facta patet, ſuper adſtitit ipſum 920
Ad caput, atque ultro reginam affata cubantem eſt.
Dormis, Penelope, dormis exterrita corde?
Non te caelicolae curis tabeſcere, & uſque,

Moe-

Mœstam flere sinunt: namque huc tua salva redibit
Progenies, nulla divis obnoxia culpa.

Cui tum Penelope referens, quam somnia circum
Blanda volant, formisque animum fallacibus implent:

Cur, ait, o soror alma venis? non ante penates

Hos petere adsueras tam longo tramite distans.

Curve eadem cessare jubes a fletibus, actam 930

Tristibus heu curis, miserae quae pectora torquent?

Amisi prius ipsa virum fortemque bonumque,

Insignique auctum virtute, atque inter Achivos

Eximium, notumque omnem per & Hellada & Argos.

Nunc etiam abscessit volitantibus aequore velis

Unigena ignarusque virum ignarusque laborum

Infelix. nostri nunc ille est causa doloris,

Illi ego nunc timeo, ah ne illum voret aequoris aestus,

Ah ne illum errantem terris gens barbara perdat!

Nam misero multi fatum crudele minantur, 940

Ante redux patrii visat quam litora regni.

Talia Penelope: contra vacua umbra loquuta.

Fide, ait, ac tantos animo ne finge timores:

Talis enim dux alma viae est, sibi legerit heros

Quam comitem quivis, tam forti pectore pollet,

Pallas magna Jovis soboles, eademque gementem

Te miserans jussit certa haec tibi dicta referre.

Penelope rursus: si diva es, & ipsius, inquit,

Audisti divae voces, de conjuge fare

Pauca precor; vivitne & solis lumina cernit, 950

An periit, nigraque repostus Ditis in aula est?

Tum fata nocte nigra poscenti reddit imago:

Nil dicam misero de conjuge; vivit, an umbris

Occubuit: neque enim fas est me vana profari.

Sic fata in caeli tenues evanuit auras,

Qua

Qua fuerat delapsa prius. contra excita somno
 Exsiluit regina: micat formidine pectus;
 Usque adeo noctis manifesta insomnia vidit.
 Interea per stagna proci neptunia longe
 Ibant Telemacho letum exitiale struentes. 960
 Insula stat mediis in fluctibus, horrida acutis
 Cautibus, inter utramque jacens Ithacenque Samumque,
 Asteris, haud ingens: portus utrinque patescunt
 Intus, ubi insidians pubes confedit achiva.



HOMERI ODYSSEAE

LIBER QUINTUS.

Vix aderat linquens Tithoni Aurora cubile
 Purpureum, caeloque jubar terrisque ferebat,
 Quum superi in coetum venere, & maximus una
 Altitonans genitor folio confedit in aureo.
 His duri Laërtiadae discrimina Pallas
 Multa renarrabat memorans, longumque perosa
 Hospitium nymphae: jam jam pater, optime, & almi
 Caelicolae o, dixit, rex mihi pectore nullus
 Sceptra gerat justique tenax servator & aequi:
 Saeviat implacitus semper, jura omnia spernat. 10
 Usque adeo in populo nullum, cui praefuit olim,
 Cura Ithaci tangit, quamquam regnaverit ipse
 Artibus heu frustra patriis. illum insula ponto
 Moerentemque aegrumque tenet, nec dura Calypso
 Dat redditum, nec laeta valet contendere vela;
 Quippe ratis comitesque olli, quois turgida nereï
 Aequora transmittat, longo jam tempore defunt.
 Nunc etiam gnato funus crudele paratur
 In patriam reduci, postquam genitoris amore
 Et Pylon & claras adiit Lacedaemonis arces. 20
 Sic ait: ast olli nimborum rector olympi:
 Pallas, ait, mea gnata, quid haec te cura remordet?
 Non tibi jam sedit sententia, ut acer Ulysses
 Adveniens perdat fontes ultricibus armis?
 Telemachum vero, potis es namque ipsa, per undas
Duc

Duc age duc patriae ad fines: dent carbasa retro,
Illusaque proci relegant iter omne carina.
Dixit; Mercuriumque vocans, ac talia mandans:
I. nate o semper mihi fide, i nuncius, inquit,
Atque haec auricomae perfer mea certa per auras 30
Jussa deae: placitum nobis, ut fortis Ulysses
Naviget astutum sine ductu hominumve deumve.
Ille alta in navi lassatus pectora curis
Bis decima Scherien contingat luce feracem,
Phaecum in terram veniens, queis degitur aevum
Absimile haud nostro lactae inter gaudia vitae.
Illinc eximio superum dignatus honore
Incolumis tandem patrias mittetur ad oras
Secum multa ferens auri data pondera & aeris,
Multas & vestes, quot numquam dona tulisset 40
Adveniens Troja sospes, magnaque potitus
Dardanidum praeda. sic illum certa redire
Fata volunt, patriae sic notas visere sedes.
Juppiter haec. paret jussis Cyllenius ales,
Pulcraque subnectit niveis talaria plantis
Aureaque ac semper florentia, quae freta supra
Immensasque levem terras per inania portant
Aerio volucris pariter cum flamine venti.
Accipit & virgam dextra, qua lumina mulcet,
Sopitosque hominum, quum vult, exsuscitat artus: 50
Hanc manibus retinet, liquidumque per aethera fertur.
Post ubi Pieriam tetigit, delapsus ab aura
In mare se toto demisit corpore praeceps
Adsimilis volucris, trepidis quae litora circum
Piscibus insidias volitans molitur, & alas
Saepe citas cana pelagi saefugine tingit:
Haud aliter fluctus inter Cyllenius ibat.

Jamque ut pervenit, qua tollitur avia longe
 Insula, subsiliens undanti e gurgitis aestu
 Litus arenosum scandit, progressus & ingens 60
 Antrum adiit nymphae, nymphamque invenit in antro.
 Intus inextincto focus igne ardebat, & udas
 Fusus odoratae cedri vapor ibat ad auras,
 Atque thymae: illa autem cantu solata laborem
 Aurato resonam texebat pectine telam.
 Circum antrum viridi lucus succreverat umbra
 Alnique platanique & odoriferae cyparissi.
 Haec variae instabant volucres componere nidos
 Frondibus in densis strepitantes, foedaque bubo,
 Accipitresque, atque uda loquax per litora cornix, 70
 Quaeque aliae glauci rimantur stagna profundi.
 Rupe super curva pendentibus undique topiis
 Pampineos tendit ramos, floretque racemis
 Vitis opaca ingens: vitreo pede mollia subter
 Quattuor argento similes per gramina ludunt
 Vicini fontes, diversoque agmine tendunt.
 Stant semper violis, apioque virentia circum
 Prata novo: sedes visu miranda vel ipsis
 Caelicolis, lactaque hilarans dulcedine mentem.
 Atque ibi tum pulchra correptus imagine rerum 80
 Constitit admirans domitor fortissimus Argi.
 Inde oculos postquam cupidos tulit omnia circum,
 Antrum ingens subiit, non illum candida nymphe
 Non subito agnovit, subeuntem ut limina vidit
 Prima domus; neque enim, quamvis distantia longe
 Tecta colant, facies dis est ignota deorum.
 Haud intra sedes aderat Laërtius heros;
 At residens flebat deserto in litore, ubi aeger
 Saepius insano laxabat frena dolori,

Assiduosque ciens gemitus lacrimisque madescens 90
 Irrequieta alti spectabat caerulea ponti.
 Ergo his tum nymphas inter pulcherrima dictis
 Mercurium alloquitur radiantem in sede locatum.
 O Maja generate, interpres fide Tonantis,
 Aurataque potens virga, venerandus & aequae
 Carus ades; quae causa viae? non ante recessus
 Visere te memini nostros. age fare, quid optas?
 Si fas, si potero, mihi iussa capessere mens est:
 Quin sequere ulterius; ponam digna hospite dona.
 Haec ubi dicta dedit, suavi dea candida mensam 100
 Ambrosia implevit, rubrique immiscuit haustus
 Nectaris: ille bibit gaudens & vescitur una.
 Postquam coenarat, dapibusque refecerat artus
 Aggreditur nympham placido sic ore loquutus.
 Divane me divum poscis? non vera negabo.
 Quandoquidem sic alma jubes. descendere jussit
 Juppiter invitum: quis enim per tanta refusi
 Stagna maris veniat delapsus ab aethere sponte,
 Nulla hominum sese qua tollunt moenia, nulli
 Qui superos placent, cumulentque altaria donis? 110
 Sed Jovis imperio parendum, nullaque iussa
 Fas ulli divum frustrari. heic vivere tecum
 Ille virum dicit fortunae turbine nigro
 Jactatum ante alios, Priami quot Pergama circum
 Annis pugnare novem, decimoque penates,
 Iliacas populati arces, petiere carinis.
 Sed reduces fortem laeserunt Pallada, in ipsos
 Quae rapida excivit ventorum praelia, & undas
 Ingentes. socii monstris data praeda marinis
 Tunc omnes periere; ast illum asperrima ponti 120
 Tempestas, nimbisque furens huc ventus adegit.

Hunc

Hunc te, nympha, domum genitor dimittere mandat;
Ignotis nam fata vetant occumbere in oris
Distractum a sociis: fatale est rursus amicos
Visere, & optatas post longum tangere sedes.
Dixerat. his dictis exhorruit alma Calypso,
Ac trepido tales effudit pectore voces.
Di genus adversum nobis, quaenam improba tantum
Invidia, haud vacuo divas requiescere lecto,
Si qua virum placito carum sibi junxit amore? 130
Sic roseos ornata sinus ut Oriona cepit
Aurora, invidiae stimulis ingentibus actos
Vos doluisse polo memini, nec desuit ira,
Donec in Ortygiae sylvis Latonia virgo
Perculit aggressum numquam fallente sagitta.
Sic etiam quum victa animi lationa petivit
Flava Ceres, dulcemque ardens saturavit amorem
Mixta viro per culta soli, non inscius illum
Juppiter ardenti jaculatus fulmine stravit.
Nunc eadem vos cura agitat, quod sanguine cretus 140
Mortali vir adest carus mihi. pinea fractae
Illum ego versantem se circum texta carinae
Servavi solum, rutilo quum fulmine navim
Diffidit in mediis iratus Juppiter undis.
Occubuit comitum manus omnis: at ille furenti
Turbine ventorum fluctuque huc venit adactus.
Excepi, fovique libens, voluique senectae
Nescius ut mecum semper traduceret aevum.
Sed quoniam parere Jovi vis maxima cogit
Caelicolas, mentemque nefas frustrarier ulli, 150
Pessum eat, ipse virum si vult trans aequora longe
Mittere; me nullo missuram at tempore speret.
Tantum consiliis adero, monitumque docebo,
Quid

Quid faciens patrias contingat salvas arenas.
 Haec dea: Mercurius breviter cui talia reddit:
 Mitte age sic, magnique Jovis dea respice nutum,
 Ne tibi fors odiis post saeviat asper acerbis.
 Tantum effatus abit motis Cyllenius alis.
 Illa autem, postquam magni Jovis horrida jussa
 Audiit, extemplo contra processit Ulyssem: 166
 Hunc solo reperit proiecsum in litore: fletu
 Lumina non umquam cessant, vis vivida dulcem
 Carpitur optanti reditum, nec mollia curat
 Gaudia jam teneros nymphae pertaesus amores.
 Ille cava sub rupe cubans in nocte jacebat,
 Invitusque deae haud invitae adstabat; at almam
 Per lucem solis residens in cautibus aeger
 Singultusque ciens longos lacrimisque tepescens
 Irrequieta vagi spectabat caerula ponti.
 Cui dea tum propior moerenti haec edidit ore. 170
 Infelix ne longa trahens suspiria, questus
 Assiduos heic rumpe, vigor neu vividus aevi
 Languet; optanti reditum tibi certa paravi.
 Jamque age longa secans resonanti robora ferro
 Arte tibi latamque ratem tabulataque supra
 In sublime struens propera, devedus ut atro
 Gurgite spumantis nereï vada turgida sulces.
 Ipsa autem cereremque tibi laticeque lyaeos
 Expediam, fontemque feram, queis pulsa facessat
 Dira fames. vestem super addam, ac flamina mittam 180
 Ventorum a tergo spirantia, quae cita fines
 Ad patriae incolumem lapsu te praepete reddant;
 Si modo caelicolae stellantia templa colentes
 Adnuerint, quorum vis major, & omnia nescit,
 Et melius sanctae regit omnia numine mentis.

Sic

Sic ait. obstupuit: tantem Laërtius heros,
 Continuoque aliud simulato pectore volvis,
 Non reditus mihi, nympha, paras. mene horrida, dixit,
 Exigua tentare jubes: ratæ caerula ponti,
 Quae neque surgentes ingenti mole carinae 190
 Trajiciant aëtae facili Jovis alite vento?
 Non ego te invita conscendam, diva, nec usquam
 Hinc fugiam, ni sancta mihi juraveris ante
 Numina, nil aliud per te mihi triste timendum.
 Vix ea: subrisit pulcro dea caerula vultu,
 Permultitque virum dextra, & sic ore loquuta est.
 Maeste animis vafroque diu mihi cognite mentis
 Ingenio; quae dicta tuo de pectore promis?
 Audiat hoc tellus, & desuper arduus aether,
 Et subter stygis unda fluens, dis maxima cujus 200
 Relligio est sanctum jurare ac fallere numen:
 Clades nulla tibi per me, nil triste paratur.
 Consilium, quod ego caperem, do scilicet, ipsam
 Si qua gravis pariter fors rerum & cura teneret
 Sollicitam: mens aequa mihi est, nec viscera ferro
 Stant rigido; miseris ultro succurrere novi.
 Dixerat, ac celeres gressus tulit ante; nec ille
 Segnius ingrediens divae vestigia servat.
 Utque cavam retigere specum, confedit Ulysses
 Magnanimus folio, quo se Cyllenius ales 210
 Sustulerat: tum nympha dapes mortalibus aptas
 Aggerat, ac bacchi spumantia pocula ponit.
 Sedit & ipsa duces contra, cui protinus almae
 Ambrosiam famulae dulcem nectarque tulere.
 Jamque alacres ambo tendunt ad fercula dextras,
 Vescunturque simul: postquam satiata voluptas,
 Talibus est regem dictis affata Calypso.

Ergone,

Ergone Laërtæ fate claro o sanguine, fines
Sic patriæ ad caros properas? felicibus opto
Auspiciis, longumque vâle mihi laetus in ævum. 220
Si tamen heu scires, quantos tibi fata labores
Ante parant, patriæ venias quam vectus ad oras;
Credo equidem, hæc mecum servares limina major
Et senio & leto, quamquam non immemor umquam
Conjugis usque adeo cupias invisere vultus,
Quæ miserum cogit semper tabescere curis.
Nec vero faciemque minus formosa nec artus
Ingentes reor esse; nefas mortalia quando
Corpora cum magnis forma certare deabus.
Hæc illa: at contra sic orsus reddit Ulysses. 230
Ne sævi, dea magna: meam tibi cedere & ipse
Penelopem fateor membrisque atque oris honore;
Quippe olli mortale genus, tua forma perennis
Stat sine fine. animus nec secius ardet abire
Scilicet, ac patriæ dilectas visere sedes.
Si vero divum quis in æquore sæviat atro,
Omnia durando patiar, non pectore gestans
Corda ignara mali; bello jactatus, & alto
Namque tuli jam multa: etiam hæc fors aspera cedat.
Nec plura his. titan subiit delapsus in æquor 240
Interea, sparsitque polum nox atra tenebris.
Et jam ambo ingressi secreta cubilia rupis
Dulcia nocturni ceperunt gaudia somni.
Post ubi dispulerat stellas aurora micantes
Suave rubens, Ithacus chlamydem tunicamque superne
Induit. at niveam tenui velamine pallam,
Artis opus raræ charitum, demisit ad imos
Nympha pedes, zonaque latus constrinxit utrumque
Auro intertextâ; tum flavo vertice mytram

M

Impo-

Imposuit properans reditum non segnis Ulyssi. 250
 Principio solido e ferro dat habere bipennem
 Ingentem: hinc acies atque hinc splendet acuta,
 Ac teritur qua parte manu, sustentat eandem,
 Ceu capulus, pulcro radix oleagina ligno;
 Datque alia instrumenta artis: dein tramite noto
 Ducit ad extremi secretam litoris oram
 In nemus umbriferum, foliis ubi plurima canis
 Populus, & superas abies educta sub auras
 Proceracque alni stabant, parentia ramis
 Robora & aequoreas propere lapsura per undas. 260
 At postquam ostendit silvam, in penetrale recessit
 Digrediens dea pulcra: instat contra impiger heros,
 Aggrediturque nemus ferro, celeratque laborem
 Jamque adeo immani bidentos corpore truncos
 Straverat, ac ferro laevans aequarat acuto,
 Directosque omnes ad normam exegerat, utque
 Adtulit optanti terebras formosa Calypso,
 Protinus insistens terebravit robora, & actis
 Omnia firmavit clavis ac nexibus aptans
 Sese inter. jamque ille ingenti mole carinam. 270
 Condiderat solus; patulae quo tempore cymbae
 Vix alius fundum strueret faber inclitus arte
 Addit transtra, addit tabulata haerentia vinclis,
 Afferibusque tegit dissecta ex abiete, malum
 In medio statuit, pendentiaque antennarum
 Cornua; tum puppi clavum defigit in alta,
 Quo regat obscuro dubios in marmore cursus
 Nec minus & salicum lentis latera ardua virgis
 Protegit in gyrum, rabidas munimen in undas
 Materiam stipans multam: dein linea texta, 280
 Quae dea portarat, sinuosa in carbasa vertit,

Illigat

Illigat & funes circum, tortosque rudentes,
Atque pedes. ut cuncta suo videt ordine stare,
Vestibus innitens navim demittit in aequor.
Quarta adeo lux orta aderat, perfectaue moles
In pelago nabat. quinta discedere jussit
Luce dea, irriguo postquam illum flumine lavit,
Mollibus & niveos intexit vestibus artus.
Dat quoque vina, dat & fontes, epulisque parandis
Apta locat large variarum munera rerum, 290
Ac lenem innocuo submittit murmure ventum.
Vela facit laetus, zephyrisque faventibus heros
Fertur aperta volans per caerula. jamque residens
Ipse gubernaculum torquet, nec lumina somno
Languida declinat, tardantis plaustra Bootae,
Pleiadumque choros spectans, brevibusque coactam
Ire polum circa spatiis ad Oriona versam
Arcton, quam vocitant etiam cognomine currum,
Solaque in oceani numquam lavat aequore vultus.
Hanc etenim ad laevam semper dea jussit habere 300
Tendentem cursus & caerula vasta secantem.
Ille decem septemque dies sulcaverat aequor,
Quum decima octava se luce ostendere montes
Phaeacum visi, brevior qua meta viarum,
Et longum obscuro ceu scutum adfurgere ponto
Aethiopum interea linquens procul avia regna
Illum undis nantem conspexit rector aquarum
Montibus e Solymis, subitasque exarsit in iras,
Et quassans caput haec secum: mutata voluntas
Dulichio de rege diis caelestibus, inquit, 310
Heu procul Aethiopum caris dum versor in oris.
Ecce tenet propior Phaeacia litora, ubi illum
Fata volunt longos tandem finire labores.

Nec tamen omnino fugiet; gravis exitus instat.
 Sic fatus cogit nubes, magnoque tridente
 Aequora subvertit miscens, atque excitat omnes
 Ventorum pelagique minas. jam nubila condunt
 Telluremque fretumque; polo nox incubat atra.
 Una eurusque notusque ruunt, zephyrusque protervus,
 Ac vastos boreas volvens ad litora fluctus. 320
 Extemplo collapsi artus solvuntur Ulyssi,
 Turbatoque haeret gelida formidine sanguis:
 Ingemit, ac tales effundit pectore voces.
 Heu quinam excipiet miserum me denique casus,
 Vel quid agam? fuerit ne verax alma Calypso,
 Nunc vereor, quae fata monens horrenda deorum
 Dicebat, patrios quam fines tangere detur,
 Hausturum mediis in fluctibus ante dolores
 Immenso: rata dicta manent atque omina divae.
 Heu quibus occuluit Saturnius aethera nimbis; 330
 Turbavitque undas! ventorum horrentia gliscunt
 Praelia, & adverso concurrunt agmine cuncti:
 Mors instat vicina. o terque quaterque beati
 Inachidae, magnis queis coram occumbere Atridis
 Contigit iliaca pugnando ad moenia gentis!
 Mene illo extinctum vitam hanc effundere in auras
 Non potuisse die, quum me contra aspera tela
 Troës ad exanimi jactabant corpus Achillei?
 Tunc mihi apud Grajos ingens & parta fuisset
 Gloria, & inferiae dignae; nunc funere tristi 340
 Perditus ad stygias descendam inglorius umbras.
 Talia jactantem veniens a vertice fluctus
 Impulit horrendum stridens, totamque carinam
 Concussit. cadit ille ruens, clavumque remittit
 Avulsum e manibus; tum malo adverso procella
 Ingruit

Ingruit ac medium glomerato turbine frangit:
 Nant procul antennae dilapsaque vela per aequor.
 Ast illum rapido tenuit sub gurgitis aestu
 Unda diu superas quamprimum emergere in auras
 Conantem frustra, madidaque in veste gravatum. 350
 Post tandem emerfit, falsique liquoris amarum
 Evomuit fontem, qui plurimus undique rivis
 Caesarie e flava totoque e vertice manat.
 Nec tamen oblitus tanto in discrimine navim,
 Sed valido nisu luctatus in aequore captam
 Arripuit, seditque intus fata ultima vitans:
 Ipsam agit ac partes maris aestus torquet in omnes.
 Ac veluti, scythicis aquilo quum saevus ab oris
 Incubuit campis autumnus tempore, & altum
 Insonuit, raptat sentes atque arida differt 360
 Gramina, seque leves glomerant per inane manipuli:
 Sic illam in rapido versabant vortice venti,
 Interdumque notus boreae, interdumque ferendam
 Praecipiti objectat zephyro violentior eurus.
 Haec sensit mediis Cadmaea in fluctibus Ino
 Leucotheae; quondam mortali corpore virgo,
 Tunc pelagi dea magna, almoque insignis honore.
 Illa Ithacum rabido miserata in gurgite ferri
 Languentemque aegrumque, volans par omnia mergo
 Prodiit e fluctu, navimque ingressa resedit, 370
 Ac propior sic fata. quid o tibi rector aquarum
 Tam graviter saevit, tantas & suscitatur iras?
 Infelix! at non te perdet in aequore, quamvis
 Id quoque, si possit, cupiat furialibus orsis
 Quin sequere o mea dicta, atque exue vestibis artus
 Nudatos, ventisque feris sine ferre carinam
 Per vada nigra sali. tu vero litora cursu

Tende

Tende natans ad prima, ubi te fatalibus arvis
 Accipiet saluum pelago Phaeacia tellus,
 Dimittetque iterum. jamque hanc citus accipe vittam 380
 Expertem senii, & prono sub pectore tende:
 Nil metue hac fretus, nullum pati periculum.
 At postquam optata manibus tellure potitus
 Litora contigeris, spoliatus in aequor eandem
 Projice, tuque alio faciem & vestigia verte.
 Haec ubi fata dea est, vittam dedit, & freta rursus
 Assimilis mergo subiit spumantia: at illam
 Qua subiit, fluctu textit super unda nigranti.
 Haeret inops animi, necdum sat certus Ulysses
 Fluctuat: inde imo ducens suspiria corde 390
 Haec secum. ah misero ne quis deus aspera. rursus
 Damna mihi insidiasque struat, sic linquere navim
 Sponte monens? nondum parebo: dissita longe
 Visa jacet tellus, ubi spondent fata salutem.
 Quin ego, quae potior surgit sententia menti,
 Hanc sequar, & junctis donec compagibus haerent
 Robora, non illis usquam dimotus abibo
 Dura ferens. postquam navim disperferit aestus,
 Nil melius quando superest, per caerula nabo.
 Atque ea dum secum turbata mente volutat, 400
 Saevus in adversam puppim contorquet ab alto
 Ingentem pelago fluctum Neptunus, & ipsum
 Excutit. utque olim violento turbine ventus,
 Venit ubi in magnum stipularum illapsus acervum,
 Dissolvens vacuas omnem dispergit in auras
 Hac illac: sic texta ratis maris unda resolvit.
 At non tardatus casu vafer emicat heros
 Et sese, velut altus equo, locat arbore longa,
 Nudatusque artus vittam sub pectore sternit;

Et

Et jam undas pronus subiens, & brachia jactans
 Nat pelago vidit nantem Neptunus ab alto;
 Concutensque caput sic voce incessit amara
 I licet, & passus mala multa, & fluctibus errans
 Tende manus: venies optatae ad litora gentis,
 Nec samen adventu spero laetabere talis
 Sic fatus concussit equis, fluitantia lora
 Atque ubi surgit domus illi, venit in Aegaeum
 Sed Pallas Jove nata novas se vertit ad artes
 Aeolioque procul ventos in carcere serrat
 Omnibus obstructis lateque silentibus acribus
 Threicium praeter boream, qui caerulea frangat
 Donec Phacacum terras contingat Ulysses
 Elapsus ponto raptusque e faucibus Orci
 Noctes ille duas totidemque ex ordine lucas
 Fluctibus terravit cladem undique & undique letum
 Permetuens: tot namque adstare pericula cessit
 Tertia sed postquam tenebris aurora fugatis
 Clara polo effulsit, posuerunt murmura venti
 Pacatusque sterit ridenti marmore pontus
 Vidit & ille altam propius confurgere terram
 Intendens aciem summa sublimis ab unda
 Ac veluti gnatis vita est jucunda parentis
 Cui misero longum sedit vis morbida membris
 Incubuitque malum numen, tum rursus amatum
 Di faciles reddunt depulsa tabe salutem
 Haud aliter cupido jucunda apparuit illi
 Vertice frondifero tellus adsurgere visa
 Innatat, ac pedibus nitens conscendere litus
 Adcelerata sed postquam aberat non longius arvis
 Quam vox auditur resonare clamantis ab ore
 Illi ad caures hausit strepitantia ponti
 Murmura. namque ingens reboabat litore fluctus

Horren-

Horrendum eructans, salsaque adspergine late
 Omnia rorabant: neque enim statioque carinis
 Tuta aderat, curvique sinus; sed culmina stabant
 Aspera, & objectis scopulorum horrentia saxa.
 Tum vero gelidus circum praecordia sanguis
 Dirigit, gemitumque trahens: heu visere postquam
 Insperata dedit facilis mihi Juppiter arva,
 Ac propiora sequens adii spatia humida terris, 450
 Nusquam, ait, egressus patet atro e gurgitis aestu.
 Cautibus horrescit praetentum litus acutis,
 Rauca fremit circum unda, super juga laevia cadent,
 Et subter vasto demittitur aequor hiatu.
 Qua fugiam pressis figens vestigia plantis,
 Evadamque malo, quin raptum ad lubrica fluctus
 Projiciat me saxa, & nisu eludat inani?
 Quod si etiam ulterius sulcem vada, sicubi portus
 Inveniam, tutosque humili tellure recessus;
 Heu timeo, ne saeva iterum maris unda gementem 460
 Abripiat longe in pelagus; neu grandia contra
 Monstra sali, quae multa sinu foveat Amphitrite,
 Faucibus immittat patulis male numen amicum:
 Novi odia infensi Neptuni expertus, & iras.
 Interea haec secum tristi dum pectore versat,
 Ad cautes & saxa ipsum fert aestus aquarum.
 Quo pulsus, ni diva aderat Tritonia praesens
 Consilio, infractos artus doluisset & ossa
 Exanimis, lacera foede cute, & undique manans
 Sanguine. sed manibus prendens capita aspera rupis 470
 Ambabus, gemitumque trahens se advolvit, & arcto
 Haeret in amplexu, veniens dum profluat aequor.
 Exitium sic ille ferum tunc fugit: at unda
 Mox eadem refluxo perculsum gurgite traxit,
 Avulsum-

Avulsumque jugis procul altum immisit in aequor.
 Ceu quando glauco latebroſae rupis ab antro
 Polypus extrahitur, ſimul ater vulnere ſanguis
 Volvitur, infixi ſimul uncis cruribus haerent
 Ad vivum lapides: aſpro ſic ille revulſus
 E ſcopulo manibus laceris ſparſuſque cruore 480
 Excidit: unda ſuper ſpumanti marmore textit.
 Atque ibi tunc Ithacus contra, quam fata ferebant,
 Funere crudeli periſſet, nata Tonante
 Ni virgo trepido mentem hanc miſerata dediſſet.
 Exiit a fluctu, rauco qui murmure fervens
 Litora pulſabat: tum praeter proxima veſtus
 Caerula, tellurem nando reſpectat, an uſquam
 Subſidatque ſolum, pateatque egreſſibus ora?
 Nec fruſtra: pulcri delapſus ad oſtia venit
 Fluminis. haec illi viſa eſt accommoda ſedes, 490
 Nec ſcopulis praetenta, nec ulli pervia vento;
 Agnovitque amnem, placidumque in vota vocavit.
 Quiſquis es, o mihi ſancte fave: tua ad oſtia ſupplex
 Advenio ſaeva Neptuni elapſus ab ira.
 Caelicolis etiam ſacer eſt, quicumque virorum
 Adſiſtat curis gravibus jaſtatus, ut ipſe
 Ingredior nunc amne tuo, genibuſque propinquo:
 Supplicis o miſerere pater; tua numina adoro.
 Dixerat. ac fluvius ſedato gurgite fluctus
 Leniit, & ſtagni in morem lentaeque paludis 500
 Stravit aquas, gremioque intrantem accepit amico.
 Ille autem genua inſlectens contraxit & ambo
 Brachia jam nimio laſſatus corda labore,
 Edomituſque mari. tumet albo corpore totus,
 Atque liquor large ſaluſ promanat ab ore,
 Naribus & plenis: non vox, aut ſpiritus aegro,

Sed jacet, exanimansque artus stupor urget inertes.
Postquam auras hausit spirans, pulsūque recepit
Corde animum, solvit diā sub pectore vittā,
Immisitque amni. retro tulit aestus in undas 510
Aequoreas prono labentem flumine, & Ino
Laeta suis tenuit manibus. progressus at heros
E fluvio juncos inter procumbuit in ulva,
Osculaque infigit terrae, & sic ore profatur
Mixta trahens crebro gemitu suspiria corde.
Heu quid fata parant? misero quid denique restat?
Accumbamne gravem per noctem ad fluminis undas?
At ros nocte cadens, & matutina pruina
Exitio periment; nam primo lucis in ortu
Frigida vicini venit aura e fluminis alveo. 520
Anne petam nemora alta, interque umbrosa recumbam
Lustra? sinet languor si tantum adnitier aegrum,
Fessaque jucundo componere membra sopore;
Ah metuo, lanianda feris ne praeda quiescam.
Talia jactanti, talesque in pectore curas
Secum alternanti potior sententia visa
In nemus ire. ergo celerat, mollique repertam
In clivo, fluvium supra, consurgere silvam
Horrentem cernit propius; subitoque locatur
In medio natas inter de stirpibus isdem 530
Felicem hinc oleam, hinc oleastrum fronde virentem,
Quas neque ventorum gravium vis humida perflat,
Nec Phoebus radiis flammantibus acer adurit,
Non imber penetrat. sic arctis nexibus haerent,
Inque vicem ramos & densa cacumina jungunt.
Huc Ithacus subiit, foliisque agreste cubile
Aggessit stratis, quorum vis magna jacebat
Sparsa solo, pluresque operire in tempore brumae

Apta

Apta viros, glacies quum saevior asperat axem.
His opibus gaudet tremefactus corpore nudo, 540
Seque locans medius gelidos super integit artus
Undique. ceu quando flagrantem pastor in arvo
Sub cinere abscondit torrem, servatque repostae
Semina vivacis flammae deserta pererrans
Culmina, ne longe quaerat post indigus ignem:
Sic ille intexit foliis sese undique. Pallas
Dat facilem somnum, longo qui fessa labore
Membra levet nigro componens lumina velo.



HOMERI ODYSSEAE

LIBER SEXTUS.

Sic tacitam per noctem Ithacus recubabat agresti
 In tumultu curis somnoque oppressus. at alma
 Pallas adit Phaeacum alte surgentia tecta,
 Et populos, quondam latae qui vasta colebant
 Arva Hiperiae atris Cyclopibus undique clausi,
 Assuetique malas, haud aequo Marte potentes,
 Ferre vices validis vicini incurfibus hostis.
 Illos Naufithous veteri discedere sede
 Iussit, & in Scherien infesta e gente profectos
 Duxit, ubi magnis circumdedit arcibus urbem, 10
 Divisitque agros ponens ingentia divis
 Templa, domosque viris. at fato ereptus ad umbras
 Cesserat infernas senior; sceptrumque regebat
 Alcinous tum cura deum, servator & aequi.
 Hujus adit claras virgo Tritonia sedes,
 Moliturque duci reditum. jamque ardua scandit
 Limina fulgentis thalami, quo nymphea cubabat
 Praestanti assimilis formaque habituque deabus
 Nausicaë Alcinoi magni pulcherrima proles.
 Hinc atque hinc geminae, Charites queis munera
 formae 20

Addiderant, famulae stabant clausasque tenebant
 Nocte fores. sed diva, levis velut halitus aerae,
 Nulli visa intro subiit, capitique puellae
 Adstitit, egregii pelago mentita Dymantis
 Progeniem, aequaevam quam semper regia gnata

Prae-

Praecipuo socias inter dilexit amore:

Omnia cui similis dea magna affata puellam est.

Cur adeo cessas? cur te sic optima mater

Lentam atque immemorem rerum tulit? en tibi pulcræ

Neglectæque jacent vestes, properatque hymenæus 30

Laeta ferens jam dona. ipsam & splendescere tempus

Te niveo ornatam cultu, similemque parare,

Conjugis ad cari sedes quicumque sequentur.

Hinc oritur laus certa, hominumque it fama per ora

Didita, qua genitor gaudet, quaque optima mater.

Quin simul ac radiis aurora retexerit orbem,

Loturae properemus: ego comes addita tecum

Ipsa adero, curamque omnem partibor, ut una

Expedias mecum facili te nympha labore.

Non etenim, mihi crede, diu sine conjugè virgo 40

Sedibus in patriis ludes: te prima juvenus

Jam petit, & cupidis in te suspirat ocellis.

Verum age cornipedes geminos ad frena sub ortum

Fac genitor currumque paret, qui mollia portet.

Cingulaque & peplos & diti pallia cultu.

Sic potius decet ire, viam quam carpere longam

Per campos pedibus: multum fons distat ab urbe.

Haec ut fata dea est, petiit stellantis olympi

Culmina; tranquillās perhibent ubi numina sedes

Incolere: haud illic ventorum flamina gliscunt; 50

Haud pluviae incanae nives; at pura sereno

Aura polo sine nube viget, circumque coruscant

Lumine purpureo, qua laeta per otia vitam

Caelicolae ducunt aeterna pace potiti.

Illuc tum volucris fugiens per inania cursu

Sese diva tulit, postquam est affata puellam.

Aurora interea formosa in veste nitentem

Nausi-

Nauficaam excivit. miratur somnia virgo,
Egredienſque toro, ſua viſa parentibus ultro
Nunciet ut caris, celerat per teſta domorum. 60
Haud mora; non longe naſta eſt utrumque. ſedebat
Ante focum fidis mater ſtipata miniſtris
Puniceum verſans contorto pollice vellus:
At genitor tum forte ſuis a ſedibus ibat
Concilium in magnum tendens, quo ſancta vocabant
Jura patrum. ſtetit illa pedes genitoris ad ipſos,
Et prior has voces pudibundo effudit ab ore.
O genitor currumne vetas mihi ducier altum,
Ut lotura feram pulcras ad flumina veſtes,
Quae longo ſordent jam tempore? ſcilicet ipſum 70
Te proceres inter primum conſulta ſerentem
Uſque decet puro corpus circumdare amiſtu.
Sunt tibi praeterea quini felicia gnati
Germina, quorum alma gemini jam conjuge gaudent,
Tres thalami expertes florent. hi veſtibus omnes
Ornariſque novis cupiunt, ſemperque nitere
Mollibus in choreis; mihi vero haec omnia curae.
Sic fata eſt; nec enim pudor ipſam dicere ſiuit
Plura, nec optatos patri memorare hymenaeos.
Ille tamen novit latitantes peſtore ſenſus, 80
Et ſic pauca refert. non bigas, gnata, negabo,
Non poſcas quaecumque; i felix: alta miniſtri
Ad juga cornipedes jungent, currumque parabunt.
Haec dicens dat juffa viris. nec ſegnius illi
Educuntque levem currum; lapſuſque rotarum
Subjiciunt, adduntque pares ad frena jugales.
Illa autem e thalamo celerans velamina pulcra
Extulit, impoſuitque ſupra: cui ſedula mater
Apparat in calathis varias florentibus eſcas,

Capri-

Caprigenumque utrem spumanti nectare bacchi 90
Implet. jamque levem dum virgo ascendit in axem,
Palladiae succos oleae, queis molliat artus
Ipsa suos comitumque, dat aptum munus in auro.
Lora manu cepit virgo, lentoque flagello
Increpuit bijugos. resonant longa atria circum
Quadrupedante pedum strepitu, currusque citatus
Fert positasque supra vestes, ipsamque puellam
Haud solam; famulantum una nam turba sequuta est.
Quae vitrei postquam venero ad fluminis undas,
Structa aderant ubi labra, ac puro affusus ab amne 100
Semper abundabat purgandis sordibus humor;
Cornipedes solvere jugo, atque in pascua laetos
Propter aquas ripis egere virentibus. hinc et
Accipiunt, tinguntque alto sub gurgite vestes,
Et scrobibus calcant in curvis: aemulus omnes
Ardor agit, celerantque pares rapiuntque laborem.
Mox ubi laverunt, sternunt ex ordine late
Omnia arenosum subito per litus, ubi albos
Spumea lambebat resoni maris unda lapillos.
Nec minus ipsae etiam juvenilia corpora lotae, 110
Perfusaque oleo vicinae in margine ripae
Gramineo accumbunt epulis, dum candida texta
Siccantur Phoebi rutilo tepesacta calore.
Quin & pulla fames postquam est, redimicula ponunt,
Contenduntque pila: medio nitet agmine, & alte
Nausicaa ingeminat numeroso carmen ab ore.
Qualis ubi incedit montes Dyctinna per altos,
Seu juga Taygeti super ardua, sive Erimanthi,
Tela manu spargens, cervosque assueta fugaces,
Damarumque sequi turmas; agrestia circum 120
Numina ludentes glomerantur Oreades una,

Excr-

Exercentque choros; Latonaque pectore gaudet:
 Illa deas gradiens & pulcro vertice supra
 Et fronte est, habituque omnes insignior una
 It socias inter; talem se laeta ferebat
 Per medias, tali virgo praestabat honore.
 Sed bijugos reditura domum quum jungere curru,
 Et legere apricum per litus texta parabat,
 Diva novas animum Tritonia vertit ad artes,
 Excitus ut somno nympham Laërtius heros 130
 Aspiciat, quae celsa illum sub moenia ducat.
 Jamque levem regina pilam dum jactat ad unam
 E fociis, pila missa volans haud pertulit ictum,
 Irrita sed cecidit spumanti in vortice. at illae
 Clamavere altum; clamore excitus Ulysses
 Exsiluit, trepidoque sedens haec pectore secum.
 Hei mihi quas gentes quae veni ad litora vectus;
 Barbara num regio haec fera corda ignaraque recti
 Servat; an hospitibus parcit, superosque veretur?
 Ut mihi nympharum subito vox impulit aures, 140
 Nympharum, montana colunt quae culmina, quaeque
 Flumina amant fontesque & stagna virentia musco.
 Fors homines etiam, fors juxta heic moenia gentis:
 Quidquid crit, tentabo oculis ultro omnia lustrans.
 Haec ait, arbuteoque levat sua membra cubili,
 Frondentemque rapit viridanti ex arbore ramum,
 Quo pubemque tegit circum omnem atque ilia nudus,
 Ingrediturque. leo veluti quum magnus & imbres
 Et ventos perpeffus atrox ruit; igneaque intus
 Lumina stant; pecudes it contra armentaue densa 150
 Cervorumve boumve, nec acri turbidus ira,
 (Suadet enim vesana fames) irrumpere parcit
 In stabula, & clausis tentare in ovilibus agnos.

Haud

Haud aliter nudus (vis namque extrema jubebat)
 Virginibus mediis heros se inferre parabat.
 Jamque sale ut foedos horrens apparuit artus,
 Continuo trepidæ summis per gramina ripis
 Diffugere omnes: tantum una haud territa gnata
 Restitit Alcinoi, cui mentem bellica virgo
 Firmarat, solvens turpi formidine pectus, 160
 Illa immota stetit contra: turbatus at heros
 Hæsit inops dubiusque animi, genibusne prehenſus
 Virginis exoret pacem progressus, an ipsam
 Eminus aggrediens dictis, & pectora blandus
 Mollia demulcens tentet prece, ad urbis ut alta
 Moenia demonſtretque viam, nudataque membra
 Veste tegat? potior dubio ſententia viſa,
 Longius abſtanti ſua nympham in vota vocare;
 Ne, dum genva capit, fors ſæviat aſpera tactu.
 Tum ſic blandiloquo ſupplex eſt orſus ab ore. 170
 Adſis o, facilisque leves quæcumque laborem,
 Sive dea, o virgo, ſeu noſtri ſanguinis una:
 Si dea; nata Jovis certe teſ Latonia Phoebe,
 Cui ſimilis vultuque habituque incedis honeſto.
 Sin genus eſ noſtrum terræque nigrantis alumna,
 O ter felices, qui te genuere parentes;
 Felices etiam fratres, quæcis dulcia ſemper
 Gaudia pertentant animos te propter eandem,
 Aſpiciunt quum tale choris floſcere germen!
 Ante alios tamen ille omnes felicior unus, 180
 Qui te dives opum ſua quondam ad limina ducet
 Muneribus victam. nam talem e ſanguine noſtro
 Non nympham, non ipſe virum vidi: occupat ergo
 Mirantem ſtupor, & raptis vix ſenſibus hiſco.
 Tale erat in Delo, quod vidi ad Apollinis aram

O

For-

Formosum tenerae germen juvenescere palmae;
 Namque illuc magna quondam comitante caterva
 Accessi, peterem quum Dardana tecta, futura
 Exitium mihi triste. utque illa in imagine fixus
 Obstupui siluique diu; (nam nulla per agros 190
 Creverat huic similis ramis felicibus arbor;)

Sic miror te nymphea simul stupeoque, nec ora
 Sustineo tua ferre, aut genva attingere supplex.
 Me vero fera fata premunt: hesternus ab undis
 Huc ego bisdenas post luces denique fugi
 Jactatus pelago nimbisque furentibus usque
 Insula ab Ogygia: tandem his deus appulit oris,
 Heic quoque fors iterum clades ut saeva fatiget
 Immeritum. neque enim credo pia numina ponent
 Exitii finem, sed multa prioribus addent. 200

Ergo oro miserere: mihi tu prima salutis
 Spes misero ostensa, ac primam te in vota vocavi
 Post tantas pelagique minas caelique procellas
 Omnibus heic errans ignotus. moenia gentis
 Ipsa doce o facilis regina, ipsa induc egentem,
 Huc veniens lacerum si quod male tegmen habebas.
 Di vero tribuant, quaecumque in pectore servas
 Vota tuo, sponsum gnatosque & munera pacis
 Unanimae: neque enim donum praestantius ullum,
 Quam quum tranquillos concordi mente penates 210
 Femina virque regunt. tristi dolet improba turba
 Invidia, contra cari laetantur amici,
 Primaque conjugibus venit ipsis gloria famae.
 Talibus orabat supplex; quum talia virgo:
 Haud equidem arguerim tua dicta, animumque sagacem
 Hospes, ait. sed enim celsi dominator olympi
 Ipse suas partitur opes mortalibus aegris

Justisque

Justisque injustisque, ut fert dare cuique voluntas:
Haec tibi sorte dedit; proin ferre utcumque necesse est.
Nunc vero has quoniam terras jactatus adisti, 220
Fide animo; vestemque feres expertus amicum
Auxilium, donisque super cumulabere dignis
Supplice. jamque urbis te celsa ad moenia ducam,
Et gentis dicam nomen. felicia regna
Haec habitant Phaeaces; ego alto sanguine creta
Magnanimi Alcinoi, cui parent omnia, & unus
Imperioque regit sceptrisque potentior urbem.
Haec ubi fata, vocat famulas ac talia mandat.
O gressus cohibete: viro cur denique viso
Diffugitis? saevumne hostem advenisse putatis? 230
At non ille satus, nec Phoebi lumen & auras
Spero equidem aspiciet posthac volventibus annis,
Horrida qui placidis Phaeacibus inferat arma.
Quippe fumus cari superis, medioque tenemus
Regna mari, haud soliti misceri gentibus ullis.
Hic pelago infelix & tempestatibus actus
Appulit his tandem terris; cui protinus omnes
Auxilium properate: inopi pater ille deorum
Hospitibusque praeest aequus, nec gratia doni
Parva vel exigui est. date bacchi pocula, & ipsum 240
Ducite, & a ventis aversum in fonte lavate.
Vix ea; quum famulae pulsa formidine sistunt,
Inque vicem sese exhortantur. jamque reducta
Parte locant Ithacum tranquillo in flumine, ubi alma
Jusserat Alcinoi soboles; juxtaque ferentes
Apponunt chlamydemque viro tunicamque recentem:
Dant quoque palladium caelato munus in auro,
Sordentesque monent puris in fontibus artus
Abluere. affusis queis circum haec subdidit heros:

Longius hinc vos fertè pedes, dum fluminis unda 250
Tabentes humeros sale tergam, & suave liquenti
Rore olei visi longo post tempore lustrem.
Non ego nam vobis circum cernentibus artus
Perluere, aut ausim nymphis adstistere nudus.
Dixerat: illae abeunt, dominaeque ea dicta reportant.
Interea salsum tergens circum undique rorem
Amue lavat puro ductor Laërtius, olli
Qui penitus terga atque humeros infederat altos,
Cervicemque, comasque rigentes. hinc ubi foedos
Purgavitque artus, nitidoque perunxit olivo, 260
Induitur vestes intactae munera nymphae.
Atque olli Jove nata novum decus artubus addit,
Majoremque facit visu, plenoque decorum
Corpore; tum similes hyacinto e vertice crispas
Effundit nigra rutilos ferrugine crines.
Argentum veluti fulvo variaverit auro
Artificis quum docta manus, quem Mulciber una,
Pallas & ipsa suas docuit non invida laudes;
Artis opus raræ admirans stupet excita turba,
Luminibusque inhiat tacitis. ita nata Tonante 270
Olli humeris capitique novos afflarat honores.
Jamque nitens Charitum forma digressus ab amne
Litore confedit sicco. mirata puella
Obstupuit, sociisque haec protinus addidit ore.
Accipite o fidae, quæ dicam cumque, ministrae:
Haud equidem hunc venisse reor stellantis olympi
Omnibus invisum divis ad litora nostra.
Ante quidem visusque horrens, nec amabilis ulli,
Caelestum nunc ille refert decus. o mihi talis
Huc veniens divum contingat munere conjux, 280
Et velit his mecum semper considere terris:

Vos epulas jam ferte viro, jam fundite vina.
Hæc illa: audivere alacres, nec iussa morantes
Apposuerè dapes cum bacchi neſtare. at heros
Veſcitur, ac raptim ſpumantia pocula ſiccant,
Ex longo collecta fames namque improba ſuadet.
Sed jam nympha viam celerans altoque plicatas
Imponit curru veſtes, bijugosque volucres
Sub juga panda trahit. dein ipſa ut celſa reſedit,
Aſſatur Laërtiaden his vocibus uſa. 299
Surge age; turrigeras urbis properemus ad arces,
Atque altas cari ad ſedes genitoris, ubi omnem
Conſpicias ſtorem Phæacum ac prima virorum.
At ſapias licet ipſe, tamen monuiſſe juvabit,
Ne ſecus ac moneo, facias. dum per ſola culta,
Ac pingues inter curſum celerabimus agros,
Poſt currum propior commixtus in agmine ſido
Carpe viam, trito bigas ego tramite ducam.
Haud procul aſpicias urbem, quam maxima cingunt
Moenia, & anguſtis aperit ſe portus utrinque 300
Faucibus: hinc atque hinc longo ſtant ordine naues
Subductæ, ſedes ubi nigris certa carinis.
Inde forum eſt, medioque foro conſurgit in auras
Aetherias niveo Neptuni e marmore templum.
Nautica ibi clauſis ſervant navalibus arma
Carbaſaque & funes & tonſis apta parandis
Robora. nulla etenim cura eſt Phæacibus arcus,
Aut pharetras tractare: abiigni pondera mali,
Et remi, puppeſque placent, queis caerulea fulcant
Diſſita, & immenſi contemnunt æquoris æſtum. 310
Heic ego mordacis, metuens convicia lingue,
Quippe procax vulgi turba eſt, diſjungier opto,
Inferrique prior portis: namque obuius una

Si

Si quis me videat tecum, fors talia contra
 Improbus incipiet. quisnam ille est corpore pulcro,
 Nausicaae qui pressa legit vestigia pone?
 Hospes? ubi inventus? junget connubia secum?
 Aut aliquem fracta deserto in litore navi
 Externa de gente virum (loca proxima namque
 Nulli habitant homines) ausa est deducere in urbem; 320
 Aut aliquis superum caeli delapsus ab arce
 Supplicibus votis jam tandem victus ad imas
 Descendit terras: omnes una exiget annos.
 Quin melius si sponte sua delegit habendum
 Ipsa virum, sociumque aliis excivit ab oris
 Tot patriae claros jam dedignata hymenaeos.
 Sic dicet juvenum mala turba, ingrataque famae.
 Damna feram. neque enim non ipsa irata puellam
 Arguerim, quae forte viros versarier inter
 Sponte sua haud dubitet necdum genitoribus orba, 330
 Nec thalami vinclis, taedisque jugalibus aucta.
 Quare age, sub memori condens mea pectore dicta
 Altius infigas hortor, quo per vada ponti
 Quamprimum reditu potiare. a tramite recto
 Haud procul est lucus, viridi qui procubat umbra
 Populea, armifonae divae facer: exfilit intus
 Egelidis fons lene sonans argenteus undis,
 Ac circum irriguo pubescit gramine pratum.
 Heic etiam campique mei genitoris & horti
 Pomiferi florent, semoti haud longius urbe, 340
 Quam sonus adveniat missus clamantis ab ore.
 Ergo ibi tu residens maneat, dum moenibus altis
 Nos introgressae patrias veniamus ad aedes.
 Postquam autem tetigisse fores ac limina credes,
 Tunc urbem progressus adi, sedesque require

Alci-

Alcinoi. fuerit quaerenti noscere magnus
 Nec labor: ipse etiam puer infans ducat ad alta
 Atria; turrato se tantum vertice supra
 Attollunt, nulli Phaeacum aequanda domorum:
 Mox ubi te ingressum subter fastigia tecti 350
 Excipiet domus alta, citus vestigia ab aula
 Ad matrem ferro properata, usque adsidet illa,
 Lucet ubi focus igne, & docto pollice versat
 Purpureum lanae, visu mirabile, pensum
 Ancillis stipata atque altae innixa columnae.
 Stat juxta & solium genitoris, ubi aurea laetus
 Pocula convivas inter tenet ille, deus ceu
 Aetherio in caetu residens rutilantis olympi.
 Hoc tum praeterito, matri tua brachia tende
 Protinus affusus genibus, supplexque precare, 360
 Det facilem votis redditum, miserataque longum
 Exsilium, patriae quamprimum ad littora mittat.
 Si precibus devicta tuis miserebitur ultro,
 Omnia polliceor tibi tuta, iterumque sodales,
 Antiquamque domum vises, finesque relictos.
 Haec effata, acri percussit verberae terga
 Cornipedum: mora nulla, volant, fluvioque recedunt
 Pulvereos rapido glomerantes impete gressus.
 Illa autem faciles manibus moderatur habenas,
 Hospes uti famulaeque sequi vestigia possint, 370
 Nunc laxans, nunc arte premens retinacula virgo.
 Jamque subibat aquas Titan, lucumque Minervae
 Populeis nigrum foliis tetigere; ubi sedit
 Heros Laërta genitus, magnamque precatus
 Voce deam, tales effudit pectore questus.
 Audi, gnata Jovis summi Tritonia praesens,
 O miserum nunc saltem audi, frustra ante vocata,
 Quum

Quum me alto dirus pelago Neptunus agebat:
Da molles Phaeacum aditus, da inflectere mentem.
Talibus orabat supplex: summo dea caelo 380
Audiit orantem, sed non se offerre videndam
Clara in luce palam voluit non immemor irae
Immitis patrui, furiis qui saevus acerbis
Jactabat Laërtiadem maria omnia circum,
Litora ne patriae, dulcesque reviseret oras.



HOMERI ODYSSEAE

LIBER SEPTIMUS.

ATque ea dum superas heros fundebat ad auras,
 Nympha citis investa rotis devenerat urbem;
 Altaque ubi patriae tetigit penetralia sedis,
 Vestibulum ante ipsum levis adstitit. undique fratres
 Circumstant laeti reducem, solvuntque jugales,
 Ac nitidas portant septa intra regia vestes.
 Virgo autem thalamum scandit; longaeaque custos
 Eurymedusa olli flagrantia lumina praefert.
 Hanc ex Epiro curvis duxere carinis,
 Munus & Alcinoò dederant Phaeaces habendam, 10
 Alcinoò, late placidi qui frena regebat
 Imperii, divumque pari gaudebat honore.
 Regia post fuerat nutrix, semperque parare
 Nauficae dulces epulas ignemque solebat.
 Interea surgens Ithacus tendebat ad urbem,
 Quem multa circum Pallas caligine sepfit,
 Ne quis eum possit Phaeacum inceslere dictis,
 Scitarive genus, veniendi aut poscere caussas.
 Jamque erat ad portas, quum se tulit obvia contra
 Virginis os habitumque gerens referentis in urna 20
 Fontis aquam Jove nata, prior cui fatus Ulysses
 Sic coram adstanti est. mene hinc deducere celsas
 Alcinoi ad sedes, qui pulchrae huic praesidet urbi,
 Filia vis? nam passus ego discrimina multa
 Advena longinquis terrarum e finibus etrans
 Ignarusque hominum veni ignarusque locorum.

P

Dixe-

Dixerat: atque olli sic caesia diva reponit.
 Tecta tibi nunc, hospes, ego, quae regia quaeris,
 Monstrabo; stant ipsa patris prope limina nostri:
 Sic tacitus modo perge, viae dux ipsa praecibo. 30
 Non tibi compellare viros, nec roddere voces
 Cura sit: haud etenim genus est tractabile vulgi,
 Nec multum hospitiiis indulget. freta juvenus
 Navigiis maria alta secat, ferturque superba
 Per vastos longe fluctus. Saturnius olli
 Ipse dedit celeres, ut pennae praepetis alas,
 Et mentis simulacra citae volitantia, naves.
 Haec ubi fata dea est, subito vestigia torfit,
 Et gressum antetulit celerans; nec segnior heros
 Vadentem sequitur, mediaque incedit in urbe 40
 Haud ulli visus. neque enim Jove nata sinebat
 Cernier, obscuro quae texerat aëre circum,
 Ac densis nebulae gradientem offuderat umbris.
 Miratur Laërtiades portusque, carinasque,
 Ipsorumque fora heroum, surgentiaque urbis
 Moenia praetentis, visu mirabile, vallis.
 Postquam autem tetigere fores ac regia tecta,
 Talibus est aggressa virum Tritonia dictis.
 Haec quaesita domus, regisque optata verendi
 Atria: ducentes intro convivia lectos 50
 Aspicias proceres. tu certo limina gressu
 Nil dubitans metuensve sub: re praestat in omni
 Scilicet, audaci cui gliscit pectore virtus,
 Ignotas licet ille domos ac litora lustret.
 Reginam heic primum, proprio quam nomine dicunt
 Aretam, invenies: orta est genitoribus isdem,
 Ex quibus Alcinous venit prognatus in auras.
 Primum Naufithoum fudere in luminis oras

Neptu-

Neptunus terrae domitor, Peribaeaque forma
 Egregia, extremum clari genus Eurymedontis, 60
 Qui quondam imperio tenuit fera regna Gigantum;
 Post tamen & populos & sese perdidit ipsum
 Efferus. at natae rector commixtus aquarum
 Magnanimis genuit regem Phaeacibus acrem
 Nausithoum: hinc natus Rhéxenorque Alcinousque.
 Ulla nondum auctum Rhéxenora prole virili
 Ipse suis telis celsa jaculatus in aula
 Perdidit Arcitenens, & filia sola relicta est
 Arete, Alcinous cui se conjunxit, & ipsam
 Eximio semper coluit dignatus honore. 70
 Non ulla in terris mulier sub conjuge vixit
 Usque adeo dilecta, suo velut illa marito
 Cara viget, natisque suis, & civibus: ipsam,
 Incedit quoties latam spatiata per urbem
 Excipiunt plausu, & praesens ut numen adorant.
 Quippe animis valet illa, & recto praedita mentis.
 Judicio suevit varias componere lites.
 Ergo eadem miserata tuos si denique, casus
 Adnuerit votis, certam sperare salutem,
 Et reditum jubeo; patriam sociosque revisès. 80
 Vix ea dicta dedit, fugitque avecta per undas
 Nata Jovis, Scheriaeque reliquit amabilis oras.
 Illa abiens tetigit Marathona, ingressaque Athenas.
 Antiqui patriam sedesque invisit Erechthei:
 Ast heros genitus Laërta ad regia tecta
 Alcinoi gressum torisit. jamque omnia lustrans
 Substitit, & pulcra correptus imagine rerum
 Ante fores stupuitque diu miratus, & haesit.
 Namque velut lunae radiis aut sole corusco
 Tota renidebat circum domus ardua regis; 90

Aerea cui gradibus surgebant limina, & ipsi
Hinc atque hinc muri longo in penetralia ductu.
Celsa nigrescebant cyano fastigia, & altis
Aureus in foribus splendebat lumine fulgor.
Argento postes aerato in limine stabant,
Argentumque supra postes: micat annulus auro
Lucidus e puro valvis biparentibus aptus.
Ex auro argentoque canes utrinque sedebant
Spirantes, multa quos Mulciber extudit arte
Excubias foribus semper rectisque futuros 100
Et turpis senii expertes & funeris atri.
Intus erant utraque e parte sedilia fixa
Parjetibus, primo deducta a limine ad usque
Interiora domus penetralia, clausi ubi pep̄li,
Femineas quos arte manus nevere, jacebant.
Heic & ductores Phaeacum rite locati
Pocula siccabant mensis, totumque per annum
Laeti indulgebant genio. quos propter ad aras
Stabant in manibus retinentes lampadas auro
E solido pueri, convivis atria circum 110
Clara per obscuram fundentes lumina noctem.
Quinquaginta intus famulae, pars frangere saxo
Sueta opere assiduo Cereris flaventia dona;
Texere pars telam, teretes & pollice fusos
Versare. una omnes resident ac brachia motant,
Intenduntque manus: ceu populus incita vento
Frondiferos agitat concusso stipite ramos.
Palladius rextis humor destillat ab udis
Suave liquens. tantum namque illic mascula pubes
Ante alias gentes undosa per aequora puppes 120
Velivolas agitare valet, quantum ipsa per artem
Turba puellarum scit lucida texere fila,

Inge-

Ingenium queis molle dedit Tritonia, & apto
 Exercere manus opera inter pulcra labore.
 Aulaï ante fores quatuor per jugera sese
 Area tendebat, septusque heic hortus ab omni
 Parte virefcebat. lætas se tollit ad auras
 Et pyrus, & mali, granisque rubentibus arbos
 Punica, & hyblacæ ficus, & pallida oliva.
 Non aestu fructus, non illis frigore cessant 130
 Arboribus; zephyro sed spirans aura perenni
 Hos fovet enatos, alios cernentibus offert
 Maturos. pyra flava pyris, rubicundaque pomis
 Poma abeunt mutata, atque uvas excipit uva,
 Inque vicem ficus post ficum plena senescit.
 Fertilis heic etiam multo stat vinea foetu;
 Et pars uvarum calidi dum fidere solis
 Excoquitur distensa solo, pars altera plenis
 Ponitur in calathis tum primum a matre revulsa,
 Pars etiam pedibus premitur, sic tempore eodem 140
 Induiturque albos in flores vitis, acerbosque
 Ostentat foetus eadem, tingitque rubore
 Jam jam maturos, mutato haud mense, racemos.
 Haec circum vario sedes de cespite surgunt
 Limite in extremo camporum, omnique virescunt
 Tempore. tum gemini saliant e marmore fontes,
 Ac diversa petunt: vitreo pede labitur hortum
 Per totum hic late trepidans, fluit ille sub aulae
 Limina, ubi læti semper Phaeaces aquantur.
 Talia in Alcinoi tectis felicia divum 150
 Munera perstabat spectans Laërtius heros.
 Inde ubi miratus lustravit lumine cuncta,
 Continuo superat limen, sedesque repostas
 Ingreditur. primos Phaeacum cernit in aula
 Ducto-

Duſtoresque patreſque, petunt quum tempora ſomnos,
 Ultima Mercurio libantes pocula: quos tum
 Per medios gradiens multa caligine ſeptus
 Tranſit, & Areten conſeſtim adit Alcinoumque.
 Ut venit propius, palmas utraſque tetendit,
 Amplexuſque haefit genibus: tum tota repente 160
 Fugit, & in purum dilapſa eſt aethera nubes.
 Turbati ſtupere omnes, coramque videntes
 Stare virum ſiluerunt; quibus ſic incipit heros.
 Arete o magni Rhexenorſis inclita proles,
 Teque tuumque virum ſupplex; infandaque paſſus
 Exitia, adjuro; vos & clariffima regni
 Lumina, convivae leſti (ſic numina vobis
 Dent facilem vitam, partaſque relinquere gnatis
 Divitias, laudemque, & primos urbis honores)
 Reddite me patriae, meque hinc deducite ſalvum 170
 Ocyus. heu longo diſtractus tempore caris
 A fociiſ diro fortunae jaſtor ab aeſtu.
 Nec plura hiſ, juxtaque focum conſedit ad ignem
 In cinere immundo. circum vox omnibus haefit
 Faucibus in tacitiſ, & preſſo lingua palato.
 Inde heros tandem ſic fari coepit Echeneus
 Grandior & natu Phaeacas inter, & acri
 Eloquio melior, gnaroque in pectore ſervans
 Multa ſenex rerum, veterumque exempla virorum:
 Hic tacitiſ circum fociiſ bonus ora reſolvit. 180
 Turpe equidem indignumque reor, ſi pulvere in atro
 Deſideat ſic hoſpes humi. tua juſſa verentes,
 Rex magne, hi contra cunctantur: verum age dextram
 Da facilis, placiduſque jube conſidere juxta
 In folio pulcro bulliſque ardentibuſ apto.
 Praeterea dic vina ferant, ſuperoque Tonanti,
 Suppli-

Supplicibus qui semper adest, libemus ovantes,
 Gaudcat atque hospes caena dapibusque paratis.
 Audiit haec postquam Alcinous, curvatus Ulyssē
 Erigit ipse levans dextra, ponitque locatum 190
 Fulgenti in folio, pulcrum quo surgere iussit
 Laodamanta pater, gnatis ex omnibus unum
 Dilectumque magis, propiusque adsidere suetum.
 Dant famulae manibus fontes, quos lucidus auro
 Urceus irrorat supra, purumque fluentes
 Subiecti excipiunt argentea labra lebetis.
 Ponunt & mensam juxta, cereremque canistris
 Expediunt, cumulantque epulas, & multa ferentes
 Fercula grata virum praesenti munere donant.
 Ille bibit, fruiturque datis. tum maximus ultro 200
 Alcinous: plenum dulci fer protinus, inquit,
 Pontonoë cratera mero, cunctisque ministrans
 Per sedes age funde, simul libemus ut omnes
 Dona Jovi, rutilo gentes qui fulmine terret,
 Supplicibusque addit comes alto numine vires.
 Vix ea. Pontonous latices in pocula fundens
 Lenaeos, cunctisque ferens ex ordine tradit.
 Inde ubi libavere, sitisque expleta bibendo est,
 Alcinous placido rursus sic inquit ab ore.
 Phaeacum o proceres, quae fert mea certa voluntas, 210
 Audite, & dictis animos intendite vestros.
 Nunc epulis somnoque graves ad lecta redite;
 Cras autem multis luce exoriente vocatis
 Hospitis adventum laeti celebrabimus una
 Sollemnesque aris de more sacrabimus ignes.
 Post etiam, quam spem foveat, quod postulet hospes
 Auxilium, quaeremus; ut hinc deductus ad oras
 Perveniat patrias gaudens, nulloque labore

Per

Per vada falsa volans, quamvis petat avia regna;
 Ulla neque interea patiatur damna, priusquam 220
 Contingat sua tecta. ibi demum sentiat, atro
 Stamine quae Parcae nerunt, quaeque acrea fata
 Nascenti tulerunt, hausit quum luminis auras
 Editus enixae foecunda matris ab alvo.
 Quod si quis divum caelo delapsus ab alto
 Adstitit, exitium nobis mutata deorum
 Mens aliquod laevum portendit. namque solebant
 Antea se claro manifesti numine semper
 Objicere, instratisque una cosidere mensis,
 Thuricremas donis quoties incendimus aras. 230
 Quin & solus iter carpat si forte viator,
 Apparent: loca quippe ollis vicina tenemus,
 Ipsi ut Cyclopesque & agrestia secla Gigantum.
 Talia dicentem Laërtius excipit heros,
 Continuoque infit. non caeli numina sancta,
 Alcinoë, ingenio refero, nec corpore pulcro;
 Non me tantus agit (mitte hanc e pectore curam)
 Laudis amor. similem mortalibus omnia dicas;
 Quos subiisse graves nosti mage cumque labores,
 Omnibus exhaustos & casibus. addere fando 240
 Multa queam, divum si quae mens laeva ferenda
 Obrulit heu misero, liceat proferre sub auras.
 Sed tempus non ista petit: nunc munere caenae
 Moerentem quamvis graviter, dapibusque potiri
 O finite. haud etenim vis ulla procacior instat,
 Quam ventris vesana fames, quae turbine in atro
 Curarumque homines saevis in fluctibus actos
 Esse sui memores rabidis latratibus urget.
 Illa etiam me dira tenet, luctuque gementem
 Assiduo dapibusque jubet vinoque repleti 250

Scilicet oblitum magnos in corde dolores.
 Vos autem adfitis, roseo quum craftina caelo
 Fulserit orta dies, meque hinc deducere sedes
 Ad patrias properate viri. mihi visere tantum
 Excelsamque domum, famulasque, & cara meorum
 Pectora contingat; post artus vita relinquat.
 Sic ait. adfensere omnes fremituque secundo
 Spem reditus certi fecere & dicta probarunt.
 Jamque ubi libarant, sitis atque extincta lyaeo
 Omnis erat, nigra cubituri in nocte per urbem 260
 Diversas petiere vias diversaue testa.
 At non Laërta genitus; nam mansit in isdem
 Sedibus Areten inter fortemque locatus
 Alcinoum. hinc famulae e mensis dum vasa reponunt,
 Candida sic illum dictis affatur amicis
 Arete regina videns chlamydemque superne,
 Et tunicam insignem, quas olim intenta labori
 Cum teneris residens perfecerat ipsa puellis.
 Ergo Ithacum subito compellans: hoc mihi primum
 Fare, inquit, quinam sis hospes, & unde profectus 270
 Haec loca contigeris? quis te hoc ornarit amictu?
 Non pelagi errando venisse per aequora dicis?
 Talia poscebat quaerens: tum reddit Ulysses.
 Difficile o regina (deum namque actus iniquo
 Numine multa tuli bello jactatus, & alto)
 Nunc casus narrare omnes: quae prima requiris,
 Expediam, sortemque meam clademque docebo.
 Ogygia undifono jacet avia in aequore longe
 Insula, ubi Atlantis proles male fida Calypso
 Testa colit sedesque gravis dea; nullaque divum, 280
 Nulla hominum in solo vestigia litore cernit.
 Me vero rapidis jactatum fluctibus illuc

Q

Tem-

Tempestas tulerat, postquam mihi fulmine navim
 Diffidit in mediis jaculatus Juppiter undis.
 Omnes tunc focii periere: ego curva carinae
 Amplexus tabulata, novem atro in gurgite lucas
 Erravi infelix; decimo post lumine fessus
 Ogygias tetigi divis ducentibus oras,
 Et vastum penetrale deae. quae blanda receprum
 Hospitio fovit placido, viridemque juventam 290
 Dicebat senii expertem letique daturam.
 Sed non illa meos inflexit pectore sensus,
 Mutavitque animum. sic annos ordine septem
 Durando explevi toros, nec tempore eodem
 Tristibus heu lacrimis cessavi spargere vestes,
 Quas primum aeternas & pulcro flamine textas
 Induerat mihi diva. simul revoluta tulerunt
 Sidera ut octavum perfectis orbibus annum,
 Ipsa suis cupidum rectis decedere jussit,
 Seu Jovis imperio, seu quod mutata fuisset, 300
 Dimisitque cava in pinu. multa ante Lyaei
 Dona dedit Cererisque almae, vestemque recentem
 Induit optato submittens flamine ventos.
 Bis quinos septemque dies tranquilla per alta
 Tendebar cursus, & jam lux postera vestros
 Visa aperire procul montes complerat inani
 Laetitia misero pectus. sed dira manebat
 Pernicies superanda, ferus quam rector aquarum
 Exciit, immittens ventorum praelia, & imo
 Aequora subvertens fundo. non tendere contra, 310
 Non puppis superante salo me ferre valebat.
 Ergo illam rapidus turbo difregit: at ipse
 Haec maria errabam circum, dum gurgite pontus,
 Saevaue nimborum vestras vis egit ad oras.

Heic

Heic me conantem capere alti litoris oras.
 Inter saxa ingens veniens ex aequore fluctus
 Cautibus infigans actum lacerasset acutis,
 Ni celeri abfiliens cursu, qua visus ab alto
 Sternere se contra fluvius, diversa petissem.
 Litora tuta loco rabidisque impervia ventis. 320
 Evasi firmans animum. ruit interea nox
 Attra polo, gelidoque remotum a flumine suadet.
 In densum nemus ire, interque arbuta quietem
 Carpere. ibi foliis texti circum undique corpus.
 Deciduis, altusque sopor mea lumina pressit.
 Compositus frondes inter sic nocte quievi,
 Nec jubar aurorae sensi mediaeque diei
 Lumina; cum prono somnus me sole reliquit.
 Ecce autem in solo dum ludunt litore, cerno
 Ancillas natamque tuam prope marmoris undas. 330
 Illa aderat socias inter formosa puellas
 Assimilis vultu superis, cui brachia supplex
 Ad genua adsistens pariter cum voce tetendi.
 Audiit orantem facile miserata, nec ullam,
 Sic adeo viridi florens aetate fuisset
 Obvia si virgo, sperassem inflectere votis.
 Posse meis: juvenum namque ardens desipit aetas.
 Ipsa dapes vinumque dedit, puroque lavare
 In fluvio jussit, lotumque hoc texit amictu
 Haec habeas nunc vera, vixit quae pectore luctus 340
 Sola loqui. postquam sic dixerat, excipit heros
 Alcinous. nonne illa tibi, quaecumque decebant,
 Praestitit; hospes ait: sedes deducere in altas
 Debuerat te gnata simul, oculi talia primae
 Supplicis in morem fudisti e pectore vota.
 Heic Ithacus ne quaeso, inquit, ne irascere nymphae

Infanti: famulas inter procedere iussit
 Illa quidem; non ipse tamen te, maxime ductor,
 Te veritus, volui parere. insidere suevit
 Saepe animis error, suspectaque crimina fingit. 350
 Cui tunc Alcinous: non hanc mihi numina mentem,
 Nec tales dederunt animos, ait, ut malus urat
 Sic temere mea corda furor, potioraque duco
 Quae fas cumque finit, contra nec pugnat honestas.
 Atque utinam pater ille deum, & Tritonia saxint
 Cum Phoebos, talis quum sis, ut pectore eisdem
 In tacito sensus volvens, quos ipse voluto,
 Connubio stabili nostrae te jungere gnatae,
 Atque meus gener esse velis. ingentia dona,
 Ingentemque tibi gazam, sedesque parabo, 360
 Heic maneat si sponte tua: nam cogere quisquam
 Nec potis invitum, nec amat vim Juppiter aequus.
 Interea ignarum ne fors ea cura fatiget,
 Cras reditum statuam. dulci tu lumina somno
 Compositus per iter tranquilla in puppe quiesces;
 At focii zephyros captabunt, teque penates
 Ad patrios ducent, seu quo magis ire lubebit
 Ultra etiam Euboeam, longo quam caerulea tractu
 Dividere a nobis perhibent, qui lumine primi,
 E nautis videre, olim flavus Rhadamanthus 370
 Quum Tityum terrae petiit, yifurus alumnum
 Finibus e nostris: juvenis vivere profecti,
 Atque immensa die, tranarunt aequora eodem
 Haud fessi, celeremque retro adduxere carinam
 Tu quoque jam nosces, quam concita labitur undis
 Nostra abies, qualis pelago. est Phaeacia pubes.
 Dixerat. extemplo dictis laetatus Ulysses
 Sustulit ad caelum palmas, & voce precatus:

Juppi-

Juppiter o mancant, quae dicta est cumque loquutus
 Alcinous: qua terra patet, fama illius ibit 380
 Inclita per gentes; ego nostra in regna redibo.
 Talia sese inter vario sermone serentes
 Dum referunt, regina suis per tecta puellis
 Imperat actutum curvata sub atria mollem
 Ferre torum, vestesque super tyriosque tapetas
 Sternere, villosasque simul componere laenas.
 Illae abiere citae gestantes lumina dextris,
 Et postquam stravere toros, monuere vocantes
 Sic Ithacum: tibi stratum, hospes jam surge, cubile.
 Haec famulae: olli autem cupido jucunda soporis 390
 Visa quies, subitoque abiens, qua celsa patebat
 Porticus, incubuit stratis, somnosque petivit.
 Nec minus Alcinous penetrali in sede quievit,
 Et noto pariter conjux excepta cubili est.



HOMERI ODYSSEAE

LIBER OCTAVUS.

C Um roseae primo nymphe Titanidis ortu
 Proripuit lecto corpus, thalamumque reliquit
 Alcinous, Trojaeque ferox everfor Ulysses,
 Conciliumque adeunt, ubi stabant litore puppes.
 Ingreditur rex ipse prior; tum marmore structis
 E niveo pulcris confidunt sedibus ambo.
 Interea magnam properans it laeta per urbem
 Assimilis regis praeconi bellica virgo,
 Auxiliumque parans Ithaco, reditumque penates
 Ad patrios celerans ita quemque affata virorum: 10
 Huc agite, inclamat, vos o capita inclita cives;
 Concilium celebrate. novi juvat ora videre
 Hospitis, Alcinoi venit qui nuper ad aedes
 Jactatus pelago, & pulcro par corpore divis.
 Talibus arrestae mentes, atque omnibus ardor
 Additus: implentur cunei, coetuque frequenti
 Conveniunt. taciti vultum admirantur Ulysssei,
 Adspectuque stupent: miros nam diva sedenti
 Bellipotens humeris capitique afflat honores,
 Majoremque habitu dederat, plenaque juvena 20
 Insignem, ut carus populis spectantibus heros
 Adforet eximia virtute, & victor abiret
 Exercens durae certamina multa palestrae
 Florentes inter juvenes. queis rite locatis
 Alcinous placido coepit sic farier ore.
 Egregii o procures, quae sit sententia nobis,

Expe-

Expediam, & paucis, animos adhibere, docebo.
 Hic novus, adcessit nostris qui sedibus hospes,
 Incertum coisne plagis, an finibus actus.
 Hesperii? reditum poscit, certumque precatur 30
 Auxilium supplex. nos ut consuevimus ante,
 Maturemus opem: neque enim suspiria fundit
 Longa diu, quicumque meas accedit ad oras
 Indigus auxilii, frustra que heic tempora ducit.
 Quare agite, ac nigram deducite litore puppim
 Haud prius expertam fluctus: duo scandite supra
 Quinquaginta una lectae fortissima pubis
 Corpora, & instructis circum latera ardua remis
 Provehite. hinc reduces nostris convivia testis
 Certantes properate; ego large dona parabo. 40
 Haec publi sint dicta. at vos o prima senatus
 Lumina, sceptriferi reges, celebrate faventes
 Hunc coetum, dapibus festis ut gaudeat hospes.
 Una omnes laeti adsitis, parere nec ullus
 Abnuat. ipse etiam vates, cui dulcia musae
 Carmina dant, menti quoties vis incita fervet,
 Demodocus veniat testum in regale vocatus.
 Haec fatus praeit ipse foro, cunctique sequuntur
 Pone duces. vatem simul in regalia praeco
 Testa vocat, pariterque virum acciti duo supra 50
 Quinquaginta, omni e numero delecta juvenus,
 Jussa petunt celeri non longe litora gressu.
 Et jam nigrantem resoni maris alta carinam
 In freta deducunt, solidoque e robore malum,
 Antennasque aptant, vinclisque tenacibus alta
 Ad latera adjungunt remos, & candida pandunt
 Carbasa. dein retro tranquillo ex aequore uesti
 Alcinoi tendunt generosi ad limina nota.

Porti-

Porticibus latis perque atria longa domorum
 Undique collecti juvenes glomerantur in unum 60
 Atque senes. ollis bisseñas rite bidentes
 Setigerosque suos octo, geminosque juvencos
 Alcinous mactat: quæis caesis tergora pubes
 Deripit, atque instans epulis operatur opimis.
 Duxit & insignem præco ad convivium vatem
 Ante alios carum musis, cui læta dedere
 Tristiaque Aonides: dulci pro lumine adempto
 Scilicet argutæ tribuerunt præmia vocis.
 Huic ex argento bullis rutilantibus aptam
 In medio posuit sellam, qua se alta columna 70
 Erigit attollens; donum & testudinis aureæ
 Suspexit præco supra caput ipsius, & qua
 Accipiat jam parte, docet: tum plena canistra,
 Poculaque in mensa statuit spumantia baccho,
 Hauriat ut vates, quoties ferat ipsa voluntas.
 Cuncti se accingunt mensis, dapibusque fruuntur.
 At quum exempta fames, potuque expleta cupido
 Jam fuerat, vatem illabens dea pangere cantu
 Impulit audaces animos præclaraque bello
 Facta ducum, quorum tunc ibat ad æthera fama. 80
 In primis Laërtiaden atque inter Achillem
 Exortum certamen; ut olim ad sacra deorum
 Contendere acres dictis: at major Atrides
 Gaudebat tacitus lætanti pectore cernens
 Argolicos proceres sese jurgarier inter,
 Gliscere & ardentes animis discordibus iras.
 Quippe ita vaticinans verax prædixerat olli
 Pythius in templo, quum sacra ad limina Phoebi
 Venerat ex adytis quaesitum oracula; jamque
 Trojugenas Danaosque super Jovis ira ruebat. 90
 Hæc

Haec memorat cantu dum vates, moestus Ulysses
 Purpureum manibus tollens objecit amictum
 Ad caput, & pulcri laetum decus abdidit oris,
 Lumina Phaeaces lacrimis ne foeda notarent.
 At quoties dulci cessabat carmine vates,
 Ille manu tergens lacrimas ponebat amictum,
 Auratum atque implens cyathum libabat olympi
 Dis superis. mox quum rursus Phaeacia pubes,
 Ut caneret, vatem excibat (nam munere cantus
 Laeta fruebatur) rursus ille intacta rigabat 100
 Ora novo fletu. nec quisquam lumina vidit
 Spargentem lacrimis, gemitusque e corde cientem,
 Ni pater Alcinous. qui juxta ut forte sedebat,
 Turbatumque oculis sensit, graviterque gementem
 Audiit, ac tales effudit pectore voces.
 O proceres, vosque o magni fortissima cives
 Robora, sat dapibus pasti sollemnibus una,
 Perpetuaque dapum socia testudine capti
 Jam surgamus, ait. variis certamina ludis
 Nunc praestat celebrare, ut redditus hospes amicis 110
 Post referat, quantum gentes nos vincimus omnes
 Et caestu, & lucta, saltuque, & praepete cursu.
 Dixerat, ingressusque prior sese extulit altis
 E domibus magna populi comitante caterva.
 Demodoci citharam vicino in pariete praeco
 Suspendit, captumque manu deduxit eodem,
 Quo proceres ibant visuri clara palaestrae
 Munera. jamque forum petiere: it maxima turba,
 Subsequiturque effusa viis late omnibus urbis.
 Heic medio in circo juvenum manus emicat ardens 120
 Acroneos simul, Ocyalusque, & flavus Elatreus,
 Ponteusque, Proneusque, Thoonque, Anabasineusque,

R

Tecto-

Teſtorida & Polyneo Amphialus genitore creatus.
 Praeterea Euryalus magno par omnia Marti,
 Naubolidesque, omnes qui forma & corpore ſupra
 Phaeacas, pulcrum poſt Laodamanta, vigebat:
 Nec non Alcinoi ſurgunt tria germina gnati
 Laodamas Haliuſque & par ſuperis Clytonaeus.
 Atque hi prima pedum rapido certamina curſu
 Praecipites ineunt effuſi e carcere: jamque 130
 Corripuere viam celeres, pedibuſque volantes
 Pulveream glomerant nubem. levis agmine tandem
 E ſocio & ventis Clytonaeus & ocyor igne
 Effugit, ac ſpatii quantum jumenta per agros
 Signant ante boves, tantum poſt terga reliquit
 Antevolans comites, coetuque immixtus amico eſt.
 Inde alii media juvenes luſtantur arena
 Durum opus aggreſſi, meruit quos inter honorem
 Euryalus longe potior. tum praemia ſaltu
 Amphialus, diſcoque refert inſignis Elatreus: 140
 Caſtibus at ſuperat cunctis praetantior acer
 Laodamas clarum regis genus. iſque ubi vidit
 Laetitia & plaufu populi exſultantia corda,
 Sic medius ſocios affatur, & inſit ab ore.
 O juvenes, poſcamus, ait, qua praestat in arte
 Advena, quas didicit pugnas? haud ille videretur
 Hirſutumque femur, ſuraſque, & longa ſuperne
 Brachia, cervicemque malus; nec pectore virtus
 Vivida adhuc fugit, multo ſed tarda labore
 Membra labant. neque enim viſ ulla ſurentibus undis 150
 Saevior heroum fortiffima corpora frangit.
 Dixit. at Euryalus: ſic ſic juvat, inquit, & illum
 Laodama tu primus adi verbisque laceſſe.
 Haec breviter tunc Euryalus: nec diſta moratus

Regius

Regius Alcinoi gnatus, mediumque per agmen
 Ingrediens placida sic voce invitat Ulysssem.
 Huc ades o venerande hospes, certamina nostri
 Si qua manu, juvenumque potes tractare laborem,
 Experiare simul. non hac tu ignarus in arte,
 Nec fas; quippe homini quid clarius alma dedere 160
 Numina, quam pedibus, quam forti vincere dextra?
 Jamque ageris, tentare juvet: nunc abjice tristi
 Ex animo curas; lux illa optata propinquat,
 Quae redditum fert certa tibi, nautaeque parati,
 Et deducta natat mediis nova pinus in undis.
 Tantum effatus erat. tum sic Laërria proles:
 Laodama, irrisum quid me nunc talia, dixit,
 Cogitis istantes circum? mihi tristitia cordi,
 Luctusque, lacrimaeque magis, quam praemia pugnae,
 Qui jam multa tuli bello jactatus & undis. 170
 Nunc autem heic sedeo supplex si flectere regem
 Indigus auxilii, si possim & flectere cives:
 Haec Ithacus: contra Eurýalus sic turbidus illum.
 Increpuit dictis. clarae non ulla palestrae
 Dona tibi, aut umquam petiisti praemia laudis
 Adfuetus princeps inter confidere nautas,
 Per mare qui longis repetunt compendia terris,
 Servatorque penus praedaeque; haud corpore magno,
 Haud animis pugiles validos praestantibus aequas.
 Quae postquam juvenis vacuas effudit in auras, 180
 Illum torva tuens, graviterque iratus Ulysses:
 Heu quam turpis, ait, tibi vox nunc excidit ore,
 Quisquis es, immeritum demens qui capere dictis
 Haud dubitas. laus cuique sua est: non omnibus addunt
 Omnia caelicolae; formamque, & munera linguae.
 Invida cui formae natura invidit honorem,

Eloquio tamen ille potens sua damna rependit;
 Atque ipsum aspiciunt homines, dum pallida fanti
 Infuscat pudor ora, regitque modestia vocem
 Suaviloquens. ite fama viri sublimis, & omni 190
 Eminent in coetu late, totamque per urbem
 Ingrediens divum caelesti gaudet honore.
 Sed cui di dederunt praestanti corpore formam,
 Assimilemque sibi fecere, haud aurea manant
 Verba etiam. facies tibi pulcra, & nullus eandem
 Caelicolum renuat; firmo sed robore contra,
 Et iusta tu mente cares haud aequa loquutus,
 Scilicet & vanis incessens pectora verbis.
 Non ego non ista, ceu rere, ignarus in arte;
 Sed retuli primam vario in certamine laudem, 200
 Dum vigor, & solido stabant in corpore vires:
 Fracta malis nunc membra gero, bella horrida passus
 Multa diu, pelagique gravi labefactus ab aestu.
 Nec tamen edomitum curis certare pigebit
 Sic etiam; dictis alte mihi vulnus adactum,
 Excitusque furor menti est. nec plura loquutus
 Profilit in medios, ipsaque in veste gravatus.
 Saxum immane rapit, multoque ingentius illo,
 Quo soliti alterno Phaeaces ludere jactu.
 Hoc circumvolvens dextra contorsit in auras 210
 Turbinis in morem. rapido lapis impete missus
 Insonuit, pronique ad terram corpora cives
 Curvavere fuga resonantis ab alite: at ille
 Aëtus abit, supraque volans trans omnia longe
 Signa fugit. subito praesens Tritonia metam
 Figit cuncta homini similis, magnaque vocatum
 Voce Ithacum inclamat: vel lumine captus utroque
 Hoc ipse & possit palrans dignoscere signum:

Haud

Haud alia heic mixtum campo jacet inter, at omnem
 Ante jacet turbam longe. jam laude superbus 220
 Maeste tua, primoque animos certamine firma;
 Non alius juvenum te aequare aut vincere speret.
 Sic diva: exiliit laetanti pectore Ulysses
 Aspiciens circo in medio, qui laudibus ipsum.
 Ornassetque bonus dictisque excisset amicis:
 Ac levius tali est ad pubem voce profatus.
 Illuc, o juvenes, illuc vos tendite jactu:
 Experiar dehinc rufus ego, rursusque vel illud,
 Vel spatium valido transmittam longius ictu.
 Quod si cui virtus, roburque in pectore praesens, 230
 Huc adsit, stimulis mihi quando subdita flamma
 Aestuat, & caestu mecum, luctave, vel acri
 Contendat cursu non ullum ex agmine toto
 Phaeacum, excepto uno Laodamante, recuso.
 Ille hospes meus est: caro quis pugnet amico?
 Demens, ac similis vesano corde furenti
 Quippe agitur, quicumque alienis audet in oris
 Hospitibus certare suis: ille immemor ultro
 Votaque fortunamque optataque commoda turbat.
 Cetera jam properet mecum contendere pubes; 240
 Nec metuo quemquam tota de gente; nec ullum
 Despicio: quid quisque stat valet, noscere factis.
 Non adeo exosus pugnās, vel inutilis arma
 Demoror: ipse arcum novi tractare sonantem,
 Inque acie hostili primus fallente sagitta
 Confoderem, quemcumque velim; multi undique circum
 Jactarent quamvis non irrita tela sodales.
 Solus me Danaos inter pubemque Pelasgam
 Alta Philoctetes jaculando Pergamia circum
 Vincebat: reliquos multo praestantior esse 250
 Glorior

Glorior ante omnes, quotquot nunc educat alma
Terra viros. neque enim priscis aequarier ausim
Alcidae aut Thebano, aut Euryto Oechaliaeo,
Qui superos valere ipsos contendere contra.
Unde etiam celeri fato, visam ante senectam,
Eurytus oppetiit: quippe illum ad tela vocantem
Aemulus excepit longe jaculatus Apollo.
Hasta autem nostra volat eminus incita dextra,
Quantum non alius celerem torquere sagittam
Evaleat. solum timeo ne praepete cursu 260
Inferior cedam: nam me stridentibus euris
Edomuit gravis ira maris, dapibusque carentem
Longa fames: aegri languent sine viribus artus.
Talia dum memorat, circum stupor omnibus ora
Presserat. Alcinous dein alta silentia rupit
Sic referens: nobis haud haec ingrata profaris,
Nec frustra laudesque tuas, tuaque inclita facta
Enumeras laesus, ne quis te carpere posthac
Audeat, aut dictis virtutem incessere tantam,
Fas novit quicumque, inimicaque jurgia damnat. 270
Nunc adeo, & nobis dederit quas Juppiter artes
Perpetua veterum ductas ab origine patrum,
Accipe; tuque aliis contra cum conjuge cara
Cumque tuis quondam ducens convivium gnatis,
Immemor haud umquam nostrum, narrare memento.
Non sumus aut validi pugiles, aut praemia luctu
Quaerimus: in volucris cursu, levibusque carinis
Fama prior. nobis epulae, citharaeque, chorique,
Et variae semper vestes, calidoque lavacra
Rore placent, mollesque tori. vos crura movere 280
Ante alios apti melius; jam tollite saltus,
O juvenes, patrias ut redditus hospes ad oras

Post

Post fociis referat, quantum heic se nautica tollat
 Gloria, quantum etiam valeat Phaeacia pubes
 Saltibus & choreis & dulci munere cantus.
 Atque aliquis properans citharam ferat ocyus auream
 Demodoco; pendet regali in sede relicta.
 Vix haec Alcinous: testa intra regia praeco
 Adproperat vati citharam adlaturus ab aula;
 Nec non cura quibus ludorum publica, lecti 290
 Surrexere novem proceres, atque undique campum
 Aequantes late circum fecere patentem.
 Et jam altis praeco citharam e penetralibus affert
 Demodoco: ille autem media progressus arena
 Constitit, & circum sparsi lanugine prima
 Implicuere chorum juvenes. pede concita tellus
 In numerum percussa sonat: miratus Ulysses
 Curvatosque stupet motus, vibrataque crura.
 Interea argutas percurrens pectine chordas
 Dulce canit vates jucundos Martis amores 300
 Et Veneris, primum Vulcani in sedibus olim
 Ut furtim congressi una votoque potiti.
 Multa quidem Mavors ausus temerare nefando
 Crimine Vulcani thalamos castumque cubile
 Dona dedit, vicitque deam. sed Phoebus ab axe
 Aetherio dum cuncta videt, detexit amantes,
 Admonuitque senem. quae tristia nuncia postquam
 Audiit Ignipotens, cura percussus acerba
 Infremit, atque iram flammato in pectore versans
 Testa petit. positis heic rite incudibus altis 310
 Nescia disrumpi solvique tenacia vincla
 Arte parat, flammisque liquentia temperat aera.
 Hinc ubi perfecit vesano concitus aestu
 Insidias Marti, thalamum conscendit in altum,
 Mollis

Mollis erat qua parte torus; circumque supraque
 Vincula diffudit solidis haerentia fulcris
 Eque altis trabibus demissa: ut aranea casset
 Quum tenues texit, quos vis non ulla videre,
 Non ipsi valeant superi. sic caeca latebant
 Stamina, sic vafro fallebant lumina nexu. 320
 Atque ea disposuit quum strata cubilia circum,
 Implicuitque torum, tecto se finxit abire,
 Et Lemnum petere inde procul, quam Mulciber urbem
 Incoluit caram terris magis omnibus unam.
 Nec frustra excubias, furtisque accommoda Mavors
 Tempora servabat. deformem ut linquere vidit
 Tecta senem, subitis ictus praeccordia flammis
 Pulcra coronatae subiit penetralia divae,
 Quae tum forte redux magni genitoris ab aula
 In thalamo defessa assederat. ille ubi venit, 330
 Amplexusque manum divae, sicque orsus ab ore est.
 Huc ades o lux cara mihi: quid gaudia nota
 Differimus? cessit domibus, Lemnumque profectus
 Sintias invisit senior Vulcanus agrestes.
 Dixerat: illa ultro flagrans haud vota moratur.
 Conscendunt ambo stratis, & munera somni
 Dulcia furtivi libant; simul aerea circum
 Retia sopitos effusis nexibus artus
 Impediunt. non ulla valent attollere membra,
 Non relevare, dolis jam certi & fraude teneri. 340
 Interea prius ipse suae quam gentis adisset
 Moenia, Vulcanus rediit; namque altus ab arce
 Aetheria sol furta videns detexit, & olli
 Detulit infidos damnatae conjugis ignes.
 Accelerat, gravibusque ictus sub pectore curis
 Vestibulo insistit. subitus furor iraque mentem

Praeci-

Praecipitant, clamatque horrendum, & cuncta deorum
 Atria terrificis late clamoribus implet.
 Juppiter o superique omnes, huc vertite gressus
 Visuri dirumque nefas, infandaque facta 350
 Haud toleranda mihi. magno me nata Tonante
 Dedecorat claudum Cypris; fovet improba Marrem,
 Quod pedibus valet ille, & toto est corpore pulcher;
 Contra informis ego, claudusque. haud auctor at ipse,
 Aut sum caussa mali: tota est haec culpa parentum,
 Heu fuerat satius tali quis prole carere.
 Cernitis, ut placido devincti membra sopore
 In thalamo recubant nostro; me saeva tuentem
 Cura premens agitat? non posthac talia credo
 Furta simul repetent; fors & nunc poenitet ausi, 360
 Optatamque quietem, optataque gaudia culpant.
 Invitos tamen usque doli, atque innexa tenebunt
 Vincula, dum genitor dotalia munera reddat.
 Olli ego pro infida solvi quae virgine cumque
 Pulcra quidem est, sed habet nimium mutabile pectus.
 Talia vociferans jactabat. nec mora, divi
 Aurea conveniunt exciti ad limina: venit
 Neptunus domitor terrarum, venit Apollo
 Arcitenens, Majaeque genus Cyllenius adest.
 Solae se tenuere deae prohibente pudore 370
 In domibus: stabant alii per limina divi
 Atriaque implebant magno resonantia rifu
 Cernentes ante ora dolos, Vulcania texta.
 Atque aliquis socium spectans: haud turpia, dixit,
 Facta decus laudemque parant; vis effera cedit
 Ingenio, celeremque solet praeverttere tardus.
 En & Vulcanus claudo vestigia gressu
 Tarda movens superis celerem magis omnibus unum

Deprendit Marrem, multamque exsolvet adulter.
 Haec divi alternis. post & formosus Apollo 380
 Mercurio: fare o, dixit, Jove nate, subires
 Vincula num captus, tecum si Cypris adestet?
 Cui volucer laeto subridens nuncius ore:
 Hoc utinam fieret! tum me ter tanta profusus
 Implicitum nodis teneant vincla aerea, & una
 Dique deaeque alto spectatum aditis olympo,
 Non ego apud talem fugiam requiescere divam.
 Haec ita Mercurius: superi risere loquentem.
 At non Neptunus; tolli sed ahenea Marti
 Vincla petit, mulcetque animos & mitigat iras. 390
 Solve agendum, supplex inquit: quaecumque reposcēs,
 Spondenti mihi si qua fides, Mars omnia reddet
 Caelicolis coram. sed contra Mulciber inquit.
 Ne verò ne coge: haud aequo haec foedera jure,
 Nec sat firma reor. qua te vi namque tenebo,
 Si Mars effugiet vinclis, multamque negabit?
 Cui rector pelagi: fugiens persolvere poenam
 Si renuet Mavors, ego solvam. quae simul ille
 Dixerat: aequa petis, nec fas me tendere contra;
 Continuo Vulcanus ait, nodosque resolvit. 400
 Illi autem validis elapsi e nexibus una
 Profiliere toro. petiit Mars horrida Thracum
 Arva fuga; Cyprumque adiens Venus aurea venit
 In Paphon, altus ubi stat lucus, & ignibus olli
 Ara calet semper, fertisque recentibus halat.
 Excipiunt reducem Charites, formosaeque membra
 Ambrosio, gaudent quo numina magna nitete,
 Rore rigant, circumque addunt mirabile textum.
 Talia cantabat vates, gaudebat Ulysses
 Miratus tacito cantum sub pectore, & omnis 410
 Phaea-

Phaeacum pelago ratibusque afflucta juvenus.
 Hinc jubet Alcinous choreas pede plaudere solos.
 Laodamanta Haliumque, quibus contendere laudem.
 Haud alius juvenum poterat. jam mutice pictam
 Accipiuntque pilam, Polybus quam fecerat ipsis,
 Dumque illam superas caeli jactat alter ad auras
 Abfiliens, alter terra in sublime levatus.
 Excipit ante levem, pedibus quam tangat arenam.
 At postquam lufere pila, dant corpore saltus
 Curvato in spatio varios, & crura reponunt,
 Alternantque vices. plausum Phaeacia pubes
 Ingeminat, fremituque ingenti cuncta refulant.
 Atque heic Alcinoou compellat laetus Ulyffes
 O pater, o rector Phaeacum maxime, vanaci
 Non mihi pollicitus laudem es: quis visere, tales
 Sperasset juvenum choreas? fecere tuenti
 Facta fidem, preffitque animum ftupor. haec ubidixit,
 Alcinous contra tanto gavisus honore
 Protinus alloquitur Phaeacas. o mihi fida
 Pectora, ductores, audite haec mentibus aequis.
 Hospitis eximiam virtutem cernitis: ergo
 Ferte viro jam dona, ut fas. me praeter in urbe
 Sunt alii reges: bifleni fcepra gerentes:
 Quifque novam tunicamque paret, chlamydemque de-
 coram,
 Atque talentum auri. confestim cuncta feramus,
 Laetus ut accumbat meffis data munera cernens
 Hofpes. at Euryalius demens infanda loquutus
 Et dono & diftis offenfus leniat iram.
 Sic ait. affenfere omnes, nec dicta morantes
 Munera ferre jubent, miffo praecone per urbem
 Quifque fuo Euryalus dein regi talibus infit.

Alcinoë, o populo regum clarissime in omni,
 Nunc equidem tua jussa sequar, veniamque precabor,
 Atque ensẽ hunc ex aere dabo, cui lucidus ardet
 Argento capulus, totumque nitens elephanto.
 Includit vagina; haud est ignobile donum.
 Haec dicens rutilum manibus simul accipit ensẽ,
 Pauca simul fatur. sis, o pater optime, felix,
 Fudimus & verbum si quod male, ventus in undas
 Abripiat vanum. sic o tibi conjugis ora 450
 Cernere, sic patrios tandem dent numina fines!
 Cui Laertiades: & tu sis, inquit, amice,
 Felix, dique tibi semper fausta omnia donent;
 Nec te adeo posthac, quem nunc micæ pectora dictis
 Supplicibus placans donasti, torqueat ensis.
 Dixerat, atque humeris aptum demisit ab altis
 Sol ruit interea, totaque ex urbe feruntur
 Munera ad Alcinoi sedes. quae cuncta recensent
 Magnanimi regis gnati, ponuntque parentem
 Ante suam late clara splendentia luce. 460
 Jamque etiam Alcinous gradiens prior alta subibat
 Atria, ductoresque alii post terga sequuti.
 Ut venere, altis confidunt sedibus omnes;
 Et senior: fer, ait, quae pulcrior omnibus, arcam
 O conjux dilecta mihi, tunicamque recentem,
 Et chlamydem super ipsa para. jamque adsit ahenum
 Flammea vis circum, calidis ut fontibus artus
 Abluat, utque videns heic longo ex ordine cuncta,
 Eximii dederunt quae large munerâ cives,
 Et dapibus festis & cantu gaudeat hospes. 470
 Illi praeterea signis auroque nitentem
 Hanc pateram nunc ferre dabo; non immemor umquam
 Ut nostri libetque diis magnoque Tonanti.

Audiit Arete, facilesque hortata puellas
 Ocyus imponi flammis de more lebetem
 Imperat ingentem. tripodem quae protinus aptant
 Rore superfuso plenum, congestaque flammae
 Pabula subjiciunt: latam circumdedit alvum
 Flamma sonans, humorque cavo tepefactus aheno est.
 Regina interea pulcrum penetralibus arcam 480
 Extulit, imposuitque viro, quae clara dedere
 Munera Phaeaces, vestemque, aurique talenta,
 Adjunxitque super tunicam, laenamque rubenti
 Murice fulgentem placido sic ore loquuta
 Haec manibus tu claude tuis, & vincula circum
 Injice, ne quis iter carpentem & molliter artus
 Compositum somno noctis te fallat in umbra.
 Sic illa: audivit quae postquam dius Ulysses,
 Ipse suas occludit opes, circumque tenacem
 Implicuit nodum, docuit quem subdola Circe. 490
 Quis actis subito famulae duxere lavatum
 Apposito in labro. subit ille, & rore repenti
 Perfundi gaudet: nam postquam testâ Calypsus
 Liquerat auricomae, non umquam talia sensit
 Munera. diva quidem Iuperis caelestibus aequans
 Illum laeta prius studio omni atque arte fovebat.
 Ut famulae lavere, & pingui corpus olivo
 Lustrarunt, tunicamque humeris chlamydemque ni-
 tentem
 Induerunt, gradiens iterum processit in aulam, 500
 Et medium sese potantibus intulit heros.
 Nausicaa extemplo celsi pulcherrima testî
 Adstitit ad postes, formamque atque oris honorem
 Admirata novum, pudibundaque in hospite figens
 Lumina: salve, inquit, semper; patriaque potitus
 Sis

Sis memor o! primae debes cui munera vitae.
 Ille autem: Alcinoi fata claro o sanguine nympha,
 Sic reducem sistat patriis me Juppiter oris;
 Jactatumque diu tranquilla per aquora ducat;
 Semper honore meo, semper celebrabere votis. 510
 Diva velut; vitam tu virgo namque dedisti.
 Haec ait, & sponda sedit compostus in aurea
 Magnanimum juxta regem, jamque incita pubes
 Partiturque dapes & vina liquentia miscet.
 Nec minus & carum populo cantuque potentem
 Demodocum praeco ducens protraxit, & ipsum
 In medio posuit subnixum terga columna.
 Atque Ithacus subito tosto de tergore partem
 Abscindens (pars magna suis nam proxima dextrae;
 Et circum tenera candens pinguedine stabat) 520
 Praeconem alloquitur. grata haec o munera ferro
 Demodoco, quem vel tristi praecordia luctu
 Saucius, eximio gratus complectar amore.
 Omnibus in terris clari celebrantur honore
 Praecipuo vates: namque illos aurea cantum
 Musa docet, carumque genus nomenque tuetur.
 Dixerat; & praeco celerans data munera vati
 Porrigit. ille capit dono letatus opimo,
 Et simul ipse, simul reliqui convivia ducunt.
 Inde ubi pulsa sitis, compressus & ardor edendi; 530
 Rursum Ithacus: cunctis ego te mortalibus, inquit,
 Demodoce antefero, seu dulcis carmina musa,
 Seu docuit cithara pharetraque insignis Apollo.
 Usque adeo ornato cantu fera fata Pelasgum
 Concelebras, casusque doces, durumque laborem;
 Quem passus quondam, ceu si vel miles ad altam
 Ilion adfueris, vel saltem certus ad aures

Nun-

Nuncius adtulerit famam. quin ordine verso
 Dic ingentis equi molem, quam struxit Epeus
 Pallade cum socia, summaque locavit in arce 540
 Insidians Ithacus foetam latitantibus armis
 Excidiumque Phrygum & fatum exitiale futuram.
 Si referes haec rite, memor late undique laudes
 Ipse tuas nomenque feram, cui numine divum
 Talia contigerunt jucundi munera cantus.
 Nec plura. ille deo plenus sic ora resolvit,
 Carminis hinc seriem repetens, averteda caninis
 Pars Danaum ut longe phrygio de litore cessit
 Ignibus injectis in castra; at moenia Trojae
 Altera pars ingressa ingentibus abdita claustris, 550
 Et glomerata Ithacum circa confederat urbe
 In media. nam sponte sua dementibus orsis
 Ipsi Troes equum traxere in Palladis arcem.
 Sic medius stetit ille: at circum plurima mustant
 Dardanidae variis curarum fluctibus acti,
 In partesque abeunt diversas. namque placebatque
 Aut latebras uteri ferro cærebrare repostas,
 Dejicere aut prono molëm de culmine, & arce
 Praecipitare sacra, scopulisque illidere acutis,
 Aut sinere aeternis nulli violabile donum 560
 Esse diis, quorum sub numine Pergama stabant.
 Haec vicit, potiorque aliis sententia visa,
 Neq. Troes potuere aliter. nam fata ferebant
 Exitium certum, postquam intra moenia magnus
 Conscendisset equus, delecta ubi corpora pubis
 Grajugenae, primique duces, capita alta, sedebant
 Supremum excidium Phrygibus letumque ferentes.
 Dein canit, ut late populates Pergama Graji
 Eruerint patefacta effusi e roboris alvo,

Egres-

Egressique dolis loca per diversa vagantes 570
 Diversos memorat, vastantesque ignibus urbem;
 Ast Ithacum irrupisse domum armipotentis in altam
 Deiphobi, cœu Martem ipsum, dicebat Atrida
 Stipatum Menelao. horrendam heic protinus armis
 Conferere illum ausum pugnam, faciliq̃ Minervæ
 Auxilio fretum tandem vicisse canebat.
 Finierat vates: cantu commor̃us at heros
 Moerebat, lacrimisque genas atque ora rigabat.
 Ac veluti carum luget quum femina sponsum
 Collapsum patriæ celsis sub moenibus urbis, 580
 Dum cladem a gnatis carisque a civibus arcet:
 Illa videns multo lapsantem in sanguine, & aegrum
 Vitam exhalantem super incubat anxia tristes
 Ingeminans questus. contra hostes vulnera telis
 Adjiciunt, caduntque humeros & colla retrorsum,
 Captivumque trahunt: tanto magis aestuat illa,
 Aegrescitque dolens, atque implet lumina fletu.
 Sic tum etiam tristi ductor Laërtius imbre
 Ora rigans flebat; nec quisquam in sedibus illum
 Viderat effusis foedantem pectora guttis; 590
 Alcinoû præter, qui forte ut federat olivæ
 Proximus, ingenti suspiria crebra trahentem
 Cum gemitu audivit sic interfatus amicos,
 Audite o cives clarum genus: aurea ponat
 Demodocus jam plectra; hæc fors non omnibus æque
 Dulce sonant. ex quo dapibus confedimus una;
 Et resona incepit modulari carmina vates,
 Ex illo numquam tabescere desuit hospes.
 Luctibus indulgens: aliquis dolor insidet aegro
 Magnus, & assiduo, convellit viscera morfu. 600
 Verum agite, edico, vates jam cesset; ut omnes

Laeti-

Laetitia excipiat, nosque una & gaudeat hospes,
 Id satius multo est. olli hunc celebramus honorem,
 Donaque largimur faciles, reditumque paramus:
 Quippe homini, cui tantum aliquis sub pectore sensus
 Vivit adhuc, ipso pro fratre est hospes habendus.
 Nec vero quaecumque petam, tu callidus astu
 Vera tegas, oro: fari quin omnia praestat.
 Dic nomen, quo te genitrix, genitorque vocabant,
 Et cives, & rura urbi vicina tenentes? 610
 Namque hominum nemo est sine nomine, ut ortus in auras
 Prodiit aetherias primum, sive improbus ille,
 Sive probus contra est: simul ac genere parentes,
 Nomina jucundis gaudent imponere natis.
 Dic patrios etiam fines, dic moenia gentis,
 Ut referant te sponte alienae haud mentis egentes
 Consiliiue rates? nostris non puppibus ullus
 Rector adest, clavoque docet per caerula cursum.
 Ipsae hominum mentemque vident penitusque repositi
 Sensa animi; norunt urbes, & pingua rura,
 Quae diversa locis habitant late undique gentes 620
 Omnigenae, volucrique fuga maris aequora tranant
 Aëre & obscura circum caligine septae,
 Quin metuant vel damna pati, vel mergier undis.
 Sed memini haec solitum quondam memorare parentem
 Naufithoum, & nobis portendere tristia fata,
 Neptunique iras ob talia munera. namque
 Adfore dicebat tempus, quum pinea navis
 Lacta mari rediens, subito spumantibus undis
 Haerebit, nostraeque ingens mons ingruet urbi.
 Haec genitor: quae dicta velit sive irrita numen 630
 Sive rata, ut placitum menti est, sic denique cedant.
 Tu vero mihi fare, atque haec super adde roganti
 T Queis-

Quisnam jactatus terris, quas vestus & oras
 Adpuleris? populosque doce, cultusque locorum,
 Quaeque gerunt gentes injusta atque effera corda,
 Quae contra hospitibus faciles pia numina servant?
 Cur Danaum Argivumque vicem sic pectore tristi,
 Iliacaeque urbis casus, auditaque lugens
 Funera, quae statuere dii, & perfecta tulere
 In cantum feris ventura nepotibus olim. 640
 An tibi sub Troja generum mors invida fortem,
 Vel focerum rapuit, quos nobis numina caros
 Ante alios dederunt post prolem & germina prolis?
 Anne aliquis periit tibi dulci cognitus usu,
 Eximiusque animi socius? non fratris amor
 Praetulerim, virtus quem fidum candida juxit.



HOMERI ODYSSEAE

LIBER NONUS.

TAlia quaerenti contra Laërtius heros
 Orsa refert. inter magnos o maxime reges
 Alcinoë, hunc vatem simili dis voce canentem
 Dulce audire mihi est. neque enim magis ulla voluptas
 Grata venit, quam quum populum diffusa per omnem
 Laetitiae vis alma viget, cantuque fruuntur
 Ordine dispositi convivae, ubi mensa renidet
 Plena epulis, puerique suos fragrantia circum
 In cyathos magno vina e crateribus ministrant:
 Ab Jove nil equidem melius nec pulcrius optem. 10
 Tu vero casusque meos, & tristitia quaerens
 Supplicia, infandum cogis renovare dolorem.
 Quem primum? quem deinde tibi? referamque supremum
 Casibus e tantis, quos me fortuna subegit
 Ferre diu? primum dicam tibi nomen; ut isti,
 Longa licet nostras via dividat aequore terras,
 Hospitii maneant semper rata foedera nobis.
 Sum Laërtiades late celebratus Ulysses
 Ingenioque dolisque, & fama ad sidera notus,
 Apricamque Ithacam teneo, qua vertice ad auras 20
 Neriton aetherias surgit, circumque coluntur
 Ioniis crebrae sese inter Echinades undis,
 Dulichiumque Sameque & silvis alta Zacynthus.
 Haec propior terris longo stat in aequore ad Arctos
 Opposita, illae autem versae resonantibus austris:
 Aspera, sed juvenum nutrix bona: non ego quidquam

Dulcius optarim, patriae quam visere fines.
 Me tenuit sub rupe cava formosa Calypso,
 Auricomi pariter Solis me filia Cice
 Insula in Aeaea tenuit, conjungier ardens 30
 Utraque connubio stabili justisque hymenaeis;
 Nec tamen ulla meos inflexit pectore sensus.
 Nil adeo dulci patriae telluris amore
 Suavius est. nec regna placent, ditissima quamvis
 Auroque argentoque fluant, si nota suorum
 Pectora, si cari longe cessere parentes.
 Sed jam age, poscenti referens iter omne retexam,
 Triste quod a Troja reduci Jovis adnuit ira.
 Principio Ciconum vexit me ventus ad alta
 Ismara, ubi ferro gentem populatus & urbes 40
 Ingentem praedam sociis captivaeque matrum
 Corpora divisi, ne quis non laetus abiret.
 Hinc subito celerare fugam, terrasque jubebam
 Linquere nequidquam nautas. at jussa morantes,
 Consiliisque acti stultis non secius illi
 Pocula siccabant lacti, multasque bidentes,
 Flexipedesque udo mastabant litore tauros.
 Interea Cicones fugientes undique cogunt
 Auxilia, & late vicinis agmina terris
 Conclamant, genus acre virum, & concurrere ad arma 50
 Aut ab equo assuetum, aut pedibus, quum tempora poscunt.
 Ergo aderant, quot vere novo se frondibus arbor
 Induit, & vario flores nascuntur in horto
 Mane sub auroram. nobis tum nigra repente
 Ab Jove tempestas & inhorruit aspera clades.
 Nec mora: consistunt acies, ratibusque sub ipsis
 Pugnam incunt, longisque ruunt in vulnera telis.
 Nos vero, radiis sub primae lucis, & axem

Dum

Dum medium caeli sol scanderet, agmine raro
 Excipimus belli nubem: & defendimur armis. 60
 Sed prono quam sole boum iuga solvit arator,
 Tum domitos faevi Cicones vertere Pelasgos,
 Et seni jaculis confossi e quaue carina
 Procubuere viri. fugimus nos cetera turba,
 Ingressique rates vehimur per caerulea ponti,
 Moerentes, dira sociorum caede peracta.
 Nec tamen ante cavae poterant procedere pinus,
 Ingenti quam quisque viros ter voce vocasset,
 Quos rapuit Ciconum miseros mors invida campis.
 Juppiter extemplo boream cum turbine magno
 Exciit, ac nebulis horrentibus abdidit omnem
 Telluremque fretumque: polo intempesta ruit nox.
 In latus obliquant se naves, velaque venti
 In diversa trahunt validi, discissaque frangunt.
 Nos trepidi legimusque sinus, letumque paventes
 In terram e rabido subducimus aequore classem.
 Heic geminas noctes totidemque ex ordine lucas
 Egimus & curis & fracti corda labore
 Assiduo, dein pulcra comis ubi tertia caelo
 Extulit os aurora, iterum sustollere malos,
 Carbasque instamus ratibus per transtra locati,
 Provehimurque salo. classis cita labitur undis,
 Qua cursum ventusque gubernatorque vocabant.
 Atque ego fors patriae tetigissem litora sospes,
 Ni Malean circum dum flecto carbas, ab aestu
 Praecipiti abreptus boreaeque ferentibus auris
 Avius, errassem praeter vada nota Cytherum.
 Jamque novem lucas ventis feror undique vastum
 Per mare: conspectas decimo vix lumine ad oras
 Lotophagum, gustant qui florea germina, veni. 90
 Egre-

Egredimur cuncti, lymphisque a fonte petitis
 Instruimusque toros, navesque epulamur ad altas.
 Mox ubi pulsa fames, socios ex agmine lectos
 Ire duos jubeo, praeconemque insuper addo,
 Qui loca vestigent, & gentis nomina quaerant.
 Haud secus ac jussi faciunt, subitoque profecti
 Lotophagos adeunt: non illis triste minantur
 Indigenae, clademque parant, at florea loti
 Germina dant ultro: sed enim data munera quisquis
 Attigit ambrosio ceu mellis dulcia succo, 100
 Nuncius ad naves negat ire, iterumque sodales
 Visere: Lotophagis commixti pascier ardent
 Flore dato patriamque obliti atque ora suorum.
 At non ipse quidem cupidos consistere longum
 Passus ibi: invitos animis lacrimasque cientes
 Vi dura abduxi, tabulataque ad alta revinxi.
 Hinc alios moneo juvenes conscendere classem
 Pontibus ingressos, ne quis contingeret ore
 Floriferas mihi forte dapes, redituque careret.
 Continuo parent, positique ex ordine transtris 110
 Purpureum feriunt remis mare, & aequora verrunt.
 Sic etiam hinc fugimus tristes, proramque Cyclopum
 Vertimus ad terras. haud est affabilis ulli
 Effera gens, fastuque tumens; quae freta deorum
 Munere nec frangit glebas neque conferit arva.
 Illis proveniunt ullo sine semine cuncta
 Sponte sua, variae segetes, expressaque vina
 Ingenti de vite, auctis Jovis imbre racemis.
 Non populi coetus agitant, nec jura, nec ulla
 Foedera: in aërio praerupti vertice montis 120
 Antra tenent; sua quisque regit, legesque ministrat
 Conjugibus gnatisque, & mutua commoda spernit.
 Insu-

Insula Cyclopum terris obversa Lachea
 Parva jacet pelago, nec longo tramite distans,
 Nec portu vicina; & silvis horret opacis
 Frondea. caprigeni pecoris silvestria passim
 Agmina pascuntur; neque enim vestigia campis
 Trita hominum terrent, latebrosaue lustra peragrata
 Rumpit iter durum venator, & avia scandit.
 Non ovibus colitur, nec vomere scinditur ullo, 120
 Seminaque exceptat, desertis hispida glebis,
 Cultorumque expers: tantum dat pascua capris.
 Nam neque fludifono Cyclopum in litore naves
 Stant minio pictae proras, nec texta per artem
 Pineae qui jungat curvatae tigna carinae
 Ullus adest, quibus illi undosa per aequora vesti
 Turrigeras adeant urbes, ceu saepe videmus
 Ire redire viam nautas alterna meantes
 Per freta, & auxilium varia de gente petentes.
 Sic etenim parto pubesceret insula cultu 130
 Haud sterilis, passimque suo daret omnia mensi.
 Prata virent late per litus mollia rivis
 Uberibus, baccho secunda & vitibus olim
 Aeternis; campique patent, ubi messor aristas
 Carperet ingentes; nigranti uligine circum
 Quippe solum praepingue subest. latet aptus in illa
 Portus, ubi fessas retinent non vincula naves,
 Anchora nec morsu cohibet, nullusque rudentum
 Usus adest, miseris statio tutissima nautis,
 Dum reperant cursus, atque increpet aura morantes. 140
 Pura sub umbroso clivosi tramitis antro
 Unda fluit, ramisque virent frondentibus alni.
 Huc nos, credo equidem, divis auctoribus acti
 Venimus obscuram per noctem atraeque tenebras:

Um-

Umbrarum densa circum caligine testa
 Classis erat; non astra jubar, non fulgida caelo
 Luna dabat nebulis atque atro condita nimbo.
 Haud oculis quisquam surgentem ex aequore terram
 Viderat, aut magnos provolvi ad litora fluctus,
 Ante cavae steterunt quam tuta in sede carinae. 150
 Carbasa tum demum legimus tellure potiti;
 Egressique altis a pontibus, aegra sopore
 Corpora curamus, dum lux optantibus alma
 Se referat. primo quae postquam fulsit Eoo
 Purpureo rutilans caelo, nos undique campis
 Fundimur, & cupido lustramus lumine terras.
 Ecce autem a nymphis excitae ad litora caprae
 Decurrere jugis, fociis jucunda futurae
 Praeda meis epulaeque, maris post longa pericla.
 Continuo curvosque arcus celeresque sagittas 160
 Cepimus e ratibus: triplici mox agmine fusi
 Irruimus circum telis, multasque per agros
 Sternimus, & praedam numerum partimur in omnem.
 Bissenae naves aderant, & cuique carinae
 Sorte novem cessere; decem mihi corpora lecta.
 Sic totam per lucem occasum solis ad ipsum
 Instamus dapibus strati, pinguique ferina
 Vescimur, haurimusque cadis fumantia vina
 Nondum absumpta mari: magnam vim scilicet omnes
 Extulimus, Ciconum sacras quum cepimus arces. 170
 Atque hinc vicinos Cyclopum lumine campos
 Prospicimus, fumumque videmus in aëra volvi,
 Audimusque ipsos, pecudumque sonantia magno
 Culmina balatu. sed jam caligine terras
 Sparserat occiduo sol merfus in aequore, & atris
 Admonuit tenebris placido dare membra sopori.

Ut

Ut vero effulsit roseo dea pulcra cubili,
 Omnibus in coetum fociis ego rite vocatis
 Haec tum dicta dedi: vos heic o fida manete
 Pectora, dilecti cives: ego vectus abibo 180
 Cum fociis navique mea visurus in illis
 Quinam homines terris habitant? an barbara degit
 Gens sine lege; diis an cara, & mutua servans
 Hospitia? haec fatus conscendo in litore navim,
 Meque sequi jubeo socios & solvere funem.
 Extemplo iussi parent, perque alta locati
 Transtra citis verrunt spumantia caerulea remis.
 Inde ubi pulsa ratis tenuit loca proxima cursu,
 Litore in extremo resoni prope marmoris undas
 Antrum ingens lauris frondentibus undique opacum 190
 Vidimus. intus oves multae, strataeque jacebant
 Caprigeni pecoris matres, obseptaque saxo
 Et piceis quercuque alte praesepia stabant.
 Hoc metuenda viri facies habitabat in antro,
 Qui deserta procul pecudes in pascua solus
 Ducebat, fugiensque suae commercia gentis
 Impia sub tacitoolvebat pectore facta:
 Monstrum horrendum ingens, homini nec corpore vasto
 Assimile, at celsae frondoso in vertice rupi,
 Quum stat, & aërias consurgit sola sub auras. 200
 Ergo ibi tunc aliis secreta in parte relictis
 Ad navim, bissexfociis comitantibus omni
 E numero lectis processu, munera bacchi
 Mecum nigra ferens, dederat quae dulcia proles
 Evanthei generosa Maron longe lismara propter
 Tempa colens arae custos Phoebique sacerdos.
 Hunc etenim quondam veriti servavimus una
 Conjuge cum cara gnatisque ad Apollinis aram

Inventum viridi in luco. servatus at ille
 Septem caelati dedit auri ferre talenta, 210
 Et solido argento totum cratera rigentem,
 Implevitque cados bisfenos flore Lyaei
 Ambrosio, divum potu, quem rite repostum.
 Non ullus famulantum aut mas aut femina vidit;
 Solus at ipse, uxorque, penus & provida custos.
 Ex illo quoties fragrantem in pocula partem,
 Ceu mel dulce, sibi fundebant, pocula quaeque
 Hauſta fontis aqua cyathis miscere solebant
 Bifdenis; craterque tamen spirabat odorem
 Nectareum; suavi quisquam nec temperet haustu. 220
 Hujus dona ferens magno securus in utre,
 In peraque dapes ibam. mens ardet adire
 Cominus ingenti membrorum robore fretum,
 Agrestemque virum, nec fas, nec jura verentem.
 Ingredimur taciti sinuosae in rupis hiatum,
 Cunctaque deserto (pingues namque ille per agros
 Duxerat ad pastum pecudes) miramur in antro.
 In calathis aderat pressi vis maxima lactis,
 Stripatique agni stabulis haedique sonabant
 Quisque suo clausi septo: seorsum ubere pulsi 230
 Jam grandes, mediique, & nati nuper in auras.
 Omnia vasa sero nabant: mulctralia juxta,
 Cymbiaque adstabant mulgendo accommoda lacti.
 Heic primum focii monuere coagula\pressa
 Surripere, ac subito retro vestigia ferre
 Ad navem abductis gregibus: tum solvere ventis
 Carbasa, & undisoni remeare per acquora ponti.
 Fecissemque utinam! sed sperans munera, & ardens
 Nolle virum, monitis demens parere negavi,
 Exitio publi quamvis erat ille futurus. 240

Interea positas superis incendimus aras,
 Inventisque epulis fruimur; dum redditus agris
 Duceret e pastu pecudes jamque ibat onustus
 Fasce gravi referens larentia robora silvis
 Nutrimenta igni dapibusque in nocte parandis
 Adstitit ut propior stabulis; dejecit ab alto
 Ligna humero; gemit magno sub pondere tellus;
 Nosque metu trepidi latebroso condimur antro
 Ille autem ingrediens simul egit corpora mattrum
 Speluncam in vastam pressurus turgida lacte ubera
 Ubra; at hirsutos villis male olentibus hircos
 Lanigerosque duces ovium sedenti ante sibi liquit
 Dein scopulum in sublime levans emunxit altibus
 Ostia: non illum campo bis dena moveret
 Atque duo juga celsa rotis simul acta quaternis
 Sustineant; tanto praetendit pondere montem
 Tum medius residens lac mulget; & ubera foetum
 Ad sua quemque vocat; plexisque circumvine liquas
 Lactis partem aliam cogit; partemque referat
 Spumantem in cyathis, sibi grata in pocula pasto
 Omnia quae properans demum sic ita peregit
 Accenditque ignem, nos curvo iut vidit in antro
 Turbidus affatur: qui vos, atque unde profecti
 Stagna per alta maris? pontone inquireret merces
 Praedonum an ritu caput objectare periclis
 Errantes juvat usque; & tristia damna ferentes
 Dixerat: extemplo gelida formidine sanguis
 Dirigit nobis sonitumque rimentibus oris
 Adspectumque trucem: tandem sic pauca repono
 Nos procul a Troja diversa per aequora ventis
 Jactati, patrias Danaï dum tendimus ora
 Venimus huc nutuque Jovis fatoque coacti.

Gentes dura vides Agamemnonis arma sequutas
 Atridae, cujus caelo nunc maxima fama
 Tollitur, evertit postquam Priameia regna,
 Felicesque Asiae populos. nos ad tua contra
 Litora devesti tibi vota en tendimus ultro
 Haerentes genibus, facilis dare munera forte
 Si qua velis, laetosque tua dimittere sede,
 Hospitii ceu jura ferunt atque exigat usus. 280
 Tu vero divos veritus miserere precantum:
 Juppiter hospitibus laesis precibusque repulsis
 Ultor adest, sequiturque pios & numine servat.
 Haec ubi dicta dedi, torvo me lumine cernens
 Reddidit iratus. vel te dementia versat,
 Longa vel hinc pelagi via dividit, alta vereri
 Qui me forte putas, curare aut numina caeli.
 Nulla mihi superique Jovis reverentia; curo
 Nec divos: cedunt nobis praestantibus orsis
 Caelicolae: proin mitte Jovis praetendere vires 290
 Atque odia: haud alius coget me parcere quisquam
 Nempe tibi sociisque tuis, ni certa voluntas
 Jusserit, ipsa mihi sola inviolabile numen.
 Verum age dic, navis qua terrae in parte relicta est
 Huc tibi subvecto; vicino an condita portu,
 Anne procul? dic: nosse juvat: cui talia fanti
 Contra ego (fensi etenim simulata mente loquutum)
 Subjicio sic arte. mihi regnator aquarum
 Cautibus illidens heic vestro in litore navem
 Praecipiti borea ex alto disjecit adauctam: 300
 Hisque ego cum fociis vix fugi elapsus ab aestu.
 Tantum effatus: ad haec nil contra turbidus ille,
 Sed ruit, & numero de nostro corpora bina
 Corripiens manibus, catulos velut ubere raptos,

Impulit ad saxum: sanie sparsoque cerebro
Terra natat. tum secta atro manantia tabo
Membra vorat, manditque, leo ceu torvus in altis
Montibus assequitur quum praedam: haud extra relinquit,
Aut armos, aut dura erosus artubus ossa.

Haec nos cernentes cum fletu ad sidera palmas 310

Tendimus, & certi media jam morte teneri
Infandum horremus. postquam ille at lacte recenti,
Visceribusque atris miserorum impleverat alvum,
Lanigeras inter pecudes resupinus in antro
Sternitur immenso. me crudum, cominus ense
Educto, monet ira jacentis in ilia ferrum

Condere: fecissemque, animo ni cura subisset,

Nos quoque, si caderet, perituros funere secum.

Haud etenim manibus conando, ullaque moveri,

Quam primum ingressus foribus praetenderat altis, 320

Vi poterat rupes. inter suspiria noctem

Egimus ergo illam infomnes trepidique pavore.

Postera quum roseo perfudit lumine terras

Orta dies, iterum sopitos excitat ignes,

Et vocat ad mulctram pecudes, multisque recentes

Submittit foetus. raptim queis rite peractis,

Prensa manu valida rursum duo corpora nostro

Corripit e numero, dapibusque accingitur atris.

Deinde satur vasto pecudes eduxit ab antro

Immensam attollens molem, facileque reponens 330

Ostia ad alta, velut pharetram si regmine claudat,

Et magno stridore ruens juga celsa petivit.

Cum pecore: ipse autem vacua sub rupe relictus

Mecum agito, si qua possimque ulciscier arte,

Victorque auxilio divae armipotentis abire:

Dumque agito, haec animo melior sententia visa est.

Forte

Forte olea e viridi clava ingens pingue jacebat
 Ad stabulum, quam ferre manu post ille volebat
 Duratam, malo bisdenis ordine remis
 Sulcantis freta lata ratis non mole minorem: 340
 Talis erat visu, tantum surgebat in auras.
 Partem ego ab hac ferro longam non amplius: ulna
 Abscidi, fociisque dedi, jussique polire
 Undique: supremum laevata in parte cacumen
 Ipse acui flammis subdens nigraque favilla:
 Deinde fimo, late foedo qui sparsus in antro
 Multus erat, posui candentem, atque aggere rexi,
 Ne pateat, focios jubeo tum protinus omnes
 Sortiri, mecum auderent qui lumen acuto
 Torre cavum terebrare, ubi somno sterneret artus. 350
 Illi sorte legunt, ultro quos ipse vocassem,
 Quattuor, his quintus comitem me audentibus addo
 Interea, fero pecudes sub vespere Cyclops
 Venit agens, curvasque redux pecus omne coegit
 Speluncae in latebras nil toto ex agmine linquens.
 Seu laevum quid forte ratus, seu numine jussus.
 Nec minus immanes emuniit objice postes,
 Uberaque acclinis pressare tumentia coepit
 Caprarumque oviumque, suos atque ordine foetus
 Submisit, celeri quae postquam exegerat arte, 360
 Ecce duos iterum scelerata in pabula caenae
 Arripit, & vivos vorat horridus ore cruento.
 Atque ego tunc aditans & nigro pocula baccho
 Plena tenens: en vina tibi, quae dulcia potes
 Artubus humanis pastus, cape pocula Cyclops:
 Experiere, olim quo potu navis onusta
 Nostra fuit, rursum libanti talia ferrem
 Dona quidem, sineres hinc si miseratus abire

In-

Incolumem. sed te contra vis effera raptat;
 Crudelis! quis te posthac visurus adibit 370
 Huc hominum, dira miserorum caede peracta?
 Sic ego: at ille manu capiens se proluit almo
 Munere, & insueti captus dulcedine potus;
 Da facilis mihi rursus, ait; dic nomen & una
 Ipse tuum, referes jam nunc digna hospite dona;
 Et nobis nam terra parit felicibus uvas.
 Sponte sua, tumidasque mero Jovis educat imber:
 Hoc tamen ambrosia ut dulcis, vel nectaris haustus
 Liquitur. haec Cyclops: subitoque ardentia rursus
 Vina dedi ter sponte ferens, terque impiger hausit 380
 Ille bibens. jamque ut sensi praecordia circum
 Fervere, sic coepi simulato pectore fari.
 Quaeris tunc meum Cyclops cognoscere nomen?
 Dicam equidem; promissa tamen sint munera praesto:
 Nemo dicor ego; sic pectora fida sodales,
 Sic tenerum dici cari voluere parentes.
 Vix ego finieram, quum saeva fervidus ira:
 Ultimus ergo, inquit, tu Nemo vorabere caros
 Post socios, dignumque feres hoc hospite munus.
 Dixit, & immenso jacuit resupinus in antro 390
 Inflexa cervice solo; tum pectora somno
 Victa dedit, patuloque eructans gutture frustra
 Evomuit vino & sanie commixta cruenta.
 Ast ego ferventi vestem candescere feci
 Sub cinere, & dictis socios hortatus amicis
 Ultro animos acui, ne quis mihi cederet auso
 Territus. hinc viridis jam jamque arsurus in igne
 Supposito quum vestis erat, circumque rubebat
 Torridus, eripui flammis crepitantibus: una
 Stant focii, ingentemque animum deus ipse ministrat. 400
 Jamque

Jamque illi arreptum fixere in lumine torrem
 Cuspide candenti; super ipse at rectus acutum
 Undique versabam telum. ceu robora navis
 Quum terebrant, alius premit instans vertice summo,
 Hinc atque hinc alii torquent utrinque tenentes
 Lora manu adnixa subter; circumque rotatu
 Volvitur assiduo trepidatque volubile ferrum:
 Haud secus ardentem defixo in lumine torrem
 Versamus. calido sanguis de vulnere manat,
 Hirsutumque supercilium, setosaeque lucis 410
 Urit claustra vapor media ardesciente corusci
 Sede oculi; crepitat flammis jamque intima radix.
 Ac veluti magnam properans quum forte bipennem
 Rore faber gelido candentem tingit, & undis
 Durat (sic etenim vires rigor accipit aeris;)
 Merfa sonat stridetque lacu: non segnius olli
 Stridet acuta sonans oculus sob robore acuto.
 Infremit horrendum subito; rupeque fragore
 Intonuit, retroque timor nos egit: at ille
 Extrahit ex oculo foedatum sanguine telum, 420
 Correptumque dolens ab se procul abjicit, acres
 Ingenti clamore vocans e rupe Cyclopas,
 Qui cava vicinis habitabant montibus antra.
 Continuo auditum celeres unde undique currunt
 Ad sonitum, densoque specum stant agmine circum;
 Et subito. quidnam voces Polypheme per umbram
 Horrendas adeo jactas, trepidisque soporem
 Excutis? invito pecudes mortalis an ullus
 Surripit? insidiis, aut vi congressus aperta
 Te perimit? queis ille furens: me perdidit, inquit, 430
 O focii, insidiis Nemo, non viribus ausus.
 Cui mox Cyclopes: te sola in rupe morantem,
 Quando-

Quandoquidem Nemo laedit, morbosa fatigat
Ab Jove missa lues, nec fas contendere contra.
Supplex Neptuni numen tu patris adora,
Quod superest, precibusque voca. nec plura loquuti
Discessere; mihi risus contra occupat ora,
Quum sensi pariterque dolis & nomine captos:
Ille autem gemitusque trahens actusque dolore
Caeca regit manibus palpans vestigia, & altum 440
Abmover a foribus montem; tum brachia tendens
Limine confidit, si quem comprehendere possit
Inter oves tacito tentantem evadere gressu;
Sic me adeo stultum vesana mente putabat!
Contra ego defixusolvebam pectore mecum,
Qua potius certamque mihi fociisque salutem
Arte parem, fraudesque omnes atque omnia rerum
Consilia expendens tanto in discrimine vitae,
(Quippe aderat vis dura,) heic certus denique sisto.
Stabant ductores ovium pinguedine laeti, 450
Ingentesque, nigro violae suffusa colore
Vellera gestantes: direpto fune Cyclopis
E thalamo hos tacitus ternos per vincula junxi
Nexa pares cohibens. medius mihi quisque gerebat
Unum de fociis, reliqui duo corpore euntis
Cingebant utrinque latus: sic ordine terni
Ibant quemque virum servantes. hinc ego demum
Arjetis (ille etenim superabat maximus omnes):
Arripui tergum, villosa & ventre volutus
Delitui subter, manibusque in vellere denso 460
Implicitis fidens animo, nec territus haesi,
Usque sub aurorae croceum Titanidis ortum.
Quae simul ac rutilo suffudit lumine montes,
Cornigeros e rupe mares in pascua Cyclops

Exigit; haud multae stabulis atque ubera multo
 Lacte graves agnae pariter mollesque capellae
 Balabant dominum circa; qui corda dolore
 Percitus, extensis venientum terga superne
 Palpabat manibus, demens; latitare revinctos
 Nec juvenes subter villosam sensit ad alvum. 470
 Jamque adco super unus erat, portisque propinquans
 Ille aries, villis & me gravis, ultimus ibat.
 Hunc placide mulcens sic tum Polyphemus euntem
 Alloquitur. miserande aries; quae tanta morantem
 Causa tenet, graderis cur nunc postremus in antro?
 At non sic ovibus quondam disjunctus amatis
 Ibas, ante quidem solitus florentibus agris
 Primus inire viam, gelidoque extinguere primus
 Fonte sitim, primusque e pastu recta subire
 Vespere: nunc vero cunctis ignavior exis. 480
 An domini luges oculum, quem perdidit una
 Cum fociis malus hospes, ubi praecordia vino
 Edomuit mea, Nemo? haud ille hinc vivus abiret,
 Si modo vocalis factus tu dicere posses,
 Eludit qua parte meam nunc improbus iram.
 Ipsius haec certe fluereut aspersa cerebro
 Limina diffracto ad cautes, levioraque menti
 Damna forent, nihili quae vir malus intulit hostis.
 Haec ubi dicta dedit, lentum dimisit in arva
 E foribus. longe sat vix excessimus antro, 490
 Primus ego exilio pedibus, nexuque sodales
 Implicitos solvo; nec non simul undique fusi
 Innumeras agimus pecudes, & litora cursu
 Tendimus ad navim properantes. nec mora visos
 Excipiunt plausu socii, partimque reductis
 Laetantur, tristi flent partim funere merfos.

Sed

Sed non passus ego gemitus extollere nutans
Lumine, & abductos navis tabulata sub ima
Jussi inferre greges, rapidisque incumbere remis.
Illi conscendunt alacres, atque ordine transtris 500
Dispositi feriunt certatim marmora palmis.
Utque aberant terris, quantum clamantis ab ore
Audiri vox missa potest, illudere coepi
Sic prior increpitans Polyphemum. in rupe vorasti
Non ignava viri gestantis corda sodales,
O Cyclops; dignas solvisti at crimine poenas,
Improbe, nil veritus sacrum corrumpere caede
Hospitium: idcirco sic dis plaudentibus ultus
Juppiter est. nec plura: olli furor arsit in imo
Pectore, & abruptam montis de vertice molem 510
Arripiens valido contorsit turbine nigram
Ante ratem, rostrumque parum quin frangeret ictu
Abfuit. impulso exundant freta spumea saxo,
Ad terramque trahunt navim reffluentibus alto
Fluctibus e pelago, rapiuntque ad litus adactam.
Tunc ego corripui longum de robore contum,
Detrusique ratem campis, simul aequora remis
Admonui juvenes certatim findere nutans
Vertice; nec segnes illi fugere periculum.
Viribus adnixa totis. bis longius illo. 520
At spatio postquam provecti cessimus arvis,
Me rursus inclamare juvat; trepidique timore
Contra instant socii blanda sic voce vetantes.
Desine: cur dictis horrendum incessere monstrum,
Improbe, vis? misso modo nos ad litora telo
Impulit adducens, & vix non funere merfit.
Quod si clamantem te magna & voce sonantem
Audierit, jacto cervicem ipsamque carinam.

Disrumpat scopulo: tanto jacit impete telum.
Haec focii. sed non animo deterritus ipse 530
Abstinui, rursumque Cyclopem affatus ab ore
Sic coepi. si quis raptō de lumine quondam
Te poscat, Polypheme; tibi dic illud Ulyssēm
Eripuisse fatum Laërta, Ithacesque tenentem
Regna procul, bello populatum Pergama Trojae.
Sic ego. contra autem cum luctifono ululatu
Ille refert: heu prisca tenent me oracula vatū,
Credo equidem: fuerat divino heic numine plenus
Telemus Eurymedes, venturi & praescius aevi
Inter Cyclopas volventia fata canebat; 540
Omnia qui docuit me quondam, atque adfore, dixit,
Eripiat qui dulce ferus mihi lumen, Ulyssēm.
Hunc ego sed pulcrumque aliquem rebarque futurum
Ingentem, nec non praeclaro robore fretum
Forte virum: nunc me parvusque & viribus expers
Nescio qui misere captum domitumque Lyaco
Perdedit. huc adsis tamen o, cape munus, Ulyssēu:
Ipse tibi reditum Neptuno a rege precabor,
Cujus ego soboles, nec se negat ipse parentem
Esse meum. potis autem idem me reddere solus 550
Incolumem, nullusque alius seu forte deorum
Sive hominum. dixit: subito cui talia reddo:
Sic utinam possimque anima vitaeque carentem
Te jacere extinctum nigras Plutonis ad umbras,
Ut reddet non ipse oculum vel rector aquarum.
Quae quum fatus eram, supplex ad sidera palmas
Sustulit affatus Neptunum hac voce parentem:
O genitor saevoque potens Neptune tridenti,
Si tua sum proles, si tu mihi sanguinis auctor,
Da, pater, in patriam redeat ne victor Ulysses 560
Laërta

Laërta genitus procul hinc Ithacensia ponto
Regna colens. vel si reducem contraria votis
Fata meis poscunt, certusque hic terminus haeret,
At sero veniat, sociorum & funere tristis,
Nec patria in puppi, videatque indigna domorum
Excidia, & misera turbatos clade penates.
Talibus orabat; genitor nec vota precantis
Respuit: inde aliam majori pondere molem
Contorquens vacuas caeli projecit in auras,
Immisitque ratem post curvam turbinis actam 570
In morem, clavo propius. furit aestus aquarum
Praecipiti sub monte, ultraque impulsa carina
Fluctibus a tumidis contraria litora tangit.
Ergo exoptata tandem tellure potiti,
Qua reliquae stabant naves, socique sedentes
Lugebant nostro concussi pectora casu,
Subductam in sicca navim religamus arena,
Egredimurque ipsi, pecudesque educimus omnem
In numerum praedam fortiti partibus aequis:
Maximus atque aries cessit mihi munere soli 580
Sponte datus. viridis quem celsa in litoris ora
Rite Jovi magno, caelum qui numine torquet,
Mactavi femora incendens. respexit ad ignes
At non ille sacros, irata mente volutans
Excidium classis, miseranda & fata meorum.
Sic igitur totam per lucem in gramine strati
Solis ad occasum dapibus vinoque fruantes
Vescimur; & postquam nigras nox attulit umbras,
Sternimur in placido carpentes litore somnum.
Inde ubi clara diem stellis aurora fugatis 590
Extulit, hortatus nautas conscendere iussi
Protinus, & tortos campis laxare rudentes.

Nulla

Nulla mora est; dictis parent, cunctique locati
Confidunt transtris, & remis spumea volvunt
Aequora. jam fugiunt terrae, vehimurque per undas
Solliciti ac duro sociorum funere tristes.



HOMERI ODYSSEAE

LIBER DECIMUS.

Protinus Aeoliam veni, qua fluctibus acta
 Insula in instabili dis carus tecta colebat
 Aeolus Hippotades: consurgunt aerea circum
 Moenia, & ingenti praecurrat vertice rupes.
 Corpora gnatorum bissenae in sedibus olivae,
 Sex pueri, totidem forma praestante puellae,
 Ludunt, atque inter se laeti mutua curant
 Connubia assueti patriis confidere mensis,
 Perpetuasque dapes celebrare. ita nidor ad auras
 Aetherias per lucem altis late undique testis;
 At tacita sub nocte sua cum conjuge quisque
 Mollibus in thalamis strato super incubat ostro.
 Hos ego tum fines tetigi, faciliq; receptum
 Aeolus hospitio fovit, dum menstrua totum
 Luna iter expleret. saepe ille audire volebat
 Ilion, Argivumque rates, reditumque Pelasgum;
 Cunctaque ego contra narrabam rite petenti.
 Verum ubi jam cupidus volui discedere, & illum
 Admonui, nihil ipse mihi, quibus indiget usus,
 Abnuat, ingentemque novennis tergo tauri
 Urem ferre dedit, introque sonantia clausit
 Flamina ventorum; namque illum rector olympi
 Et rapidos jussit mulcere, & tollere ventos.
 Ipse suis utrem manibus sub transtra locatum
 Argento molli vinxit, ne quâ via ventis
 Adsit, & aequoreas tantum strepitantibus auris
 Mulceat

Mulceat excitus zephyrorum sibilus undas.
Cessimus, atque novem fulcantibus aequora lucas
Et noctes totidem, decimo sub lumine visi
E pelago nobis patrii se ostendere colles, 30
Ardentesque ignes propius. mihi pectora pressit
Dulcis & alta quies fesso; namque ipse regebam
Usque ratem, nullum sociorum vela movere
Passus adhuc, patria citius quo sede potirer.
Interea nautae vario sermone serebant
Multa inter sese, meque auri pondera ferre
Argentique domum ventorum a rege putabant.
Atque aliquis comitem spectans: proh Juppiter! inquit,
Omnibus ut carus, quascumque accedit ad oras,
Advenit hic: multas Trojana ex urbe reportat 40
Laetus opes; eadem nos vero caerulea mensi
Nequidquam patrias vacui remeamus ad aedes.
Ecce etiam pretiosa dedit nunc munera ferre
Aeolus. eja omnes juvet inspexisse, recluso
Aurique argentique latet quae copia in utre?
Sic fatur, cunctosque eadem dementia vincit,
Et laxant jam vincla utri. simul agmine venti
Ocyus erumpunt omnes, faevaue procella
Abripiunt pubem turbata per aequora longe
A patria flentem nequidquam. atque ipse sopore 50
Excitus, & tristi concussus pectora casu
Mecum agito, in fluctusne ruam, vitamque relinquam?
Anne feram tacitus, caelesti vescar & aura
Vivus adhuc? praestat superesse, imaque resedi
Sub puppi tacitus, classem dum turbine venti
Rursus in Aeoliam ferrent, circumque sodales
Ingemerent. illic iterum tellure potimur,
Fontibus atque haustis naves epulamur ad ipsas.

At

At dapibus postquam vires potuque resectae,
 Praecone & socio tantum comitatus ab uno 60
 Hippotadae petii sedes, quem larga bibentem
 Pocula cum gnatis deprendi & conjuge cara.
 Ut veni, primo confedi in limine tecti
 Ante fores: illi reducem stupuere videntes,
 Et subito: quae causa movet? quod numen, Ulyssæi,
 Ingruit adversum misero? te nuper amico
 Auxilio tutum patrias dimisimus oras,
 Et quocumque animo cuperes intendere cursum?
 Talia quaerebant. queis ipse: heu perdidit, inquam,
 Me comitum vesana manus, somnusque fefellit 70
 Improbis. optatam miserati o ferte salutem,
 In vestra namque ipsa manu. tum plura paranti,
 Mulcentique animos dictis pater Aeolus inquit:
 Ocius o discede hominum jam pessime, & isthinc
 Eripe te: curare nefas me quippe scelestum
 Invisumque diis superis caput: aequore in alto
 Jam pereas laevoque huc fato & numine vectus.
 Haec dicens tristemque animi graviterque gementem
 Expulit e domibus. rursus freta caerula moesti
 Verrimus, & duro pubes defessa labore 80
 Deficit incumbens remis, frustra que negatam
 Ipsa sua suspirat opem jam perdita culpa.
 Sex adeo noctes totidemque ex ordine lucas
 Dum ferimur, nos celsa Lami sub moenia sistit
 Septima lux; ubi longam habitant Laestrygones urbem,
 Pastor & e campis rediens inclamat agentem
 Pastorem in saltus pecudes, auditque vocantem
 Ille quidem diversa petens; duplicemque referret
 Idem ubi mercedem dulci sine munere somni
 Balantum per prata greges, armenta que pascens: 90
 Y Proxima

Proxima nam lucis noctisque est meta viarum.
 Heic ingens sese portus venientibus offert
 Quem scopulis cingunt praeruptis undique cautes,
 Litoraue adversis procurrunt frontibus ante
 Ostia, & angusto fauces arctantur hiatu.
 Huc alii duxere rates, tortoque carinas
 Inter se propius vinxere ad litora nexu,
 Immoto qua parte silent freta caerulea fluctu,
 Et circum placidis substernitur aequor arenis.
 Solus ego haud subii portum, navimque rudente 100
 Implicui extremo religatam in margine ripae
 Extrorsum ad cautes; specula dein celsus ab alta
 Prospectum exploro. non ulla hominumve boumve
 Signa noto, tantum caelo consurgere fumum.
 Hinc subito socios praemitto, & quaerere gentis
 Praecipio nomen, lectis ex agmine binis
 Adjunctoque simul praecone. iter ocius illi
 Corripiunt, celsi montis de vertice ad urbem
 Arida quo rapidi vestibant robora currus.
 Illis Antiphatae Laestrygonis inclita gnata 110
 Obvia, dum magnae sub moenibus urbis aquatur,
 Venit, ubi Artaciae vitreis argenteus undis
 Fons sonat, & patriae semper fluit utilis urbi.
 Hanc adeunt propius, dictisque affantur; & una,
 Quinam habeant homines, quae sint ea moenia, quaerunt.
 Talia quaerentes duxit genitoris ad aedes
 Illa sui; at postquam subiere in limina gressu,
 Terruit ingressos alta stans mole velut mons
 Femina, quae subito jactans ad sidera voces
 Exciit absentem thalami sibi foedere junctum 120
 Antiphatem. ruit ille foro molitus acerba
 Fata meis, sociisque fuga properante duobus

Elap sis,

Elapsis, alium rapiens vorat horridus ore,
 Incenditque altis totam clamoribus urbem.
 Quo sonitu exciti Laestrigones undique currunt
 Innumeri, vasta referentes mole gigantas,
 Et late scopulis effusi immania subter
 Saxa rotant: gemitus dira sub morte cadentum
 Tollitur, & fractae stridor ferit aethera classis,
 Transfixisque viris inhiant ceu piscibus hostes. 130
 Ast ea dum clauso fervebant funera portu,
 E femore eductum vagina protinus ensē
 Corripio, & stricto ferio retinacula ferro
 Hortatus comites validis incumbere remis,
 Molirique fugam. simul illis excitus ardor,
 Jactantque adducuntque manus: sic praepete cursu
 Una ratis mecum fugit subvecta per altum,
 Atque aliae diro perierunt turbine fractae.
 Hinc adeo elapsi turbato corde per undas
 Provehimur, tantoque juvat fugisse periclo 140
 Incolumes. Aeaëa ostenditur aequore contra
 Insula, ubi sedem Circe formosa tenebat
 Aeaetae germana soror; nam Sole creati
 Et Persa genitrice ambo, eximia Oceanine.
 Vertimus huc taciti proras, portuque subimus
 Non divum sine mente; duas & litore noctes
 Exigimus totidemque dies, vix aegra trahentes
 Corpora, solliciti curis fractique labore.
 Tertia sed postquam roseo jubar extulit ortu
 Alma dies, hastam capiens ensēque coruscum 150
 In speculam ascendo de litore, sicubi cernam
 Culta soli, vocemque arrestis auribus adstans
 Accipiam. ut veni, conscenso vertice, fumum
 Volvier aspexi densis nemus inter opacum

Arboribus longe penetrali e culmine Circes.
 Atque etiam tacitis propius succedere testis
 Audentem dum cura subit, descendere navim
 Ad celerem visum satius, dapibusque refectos,
 Qui loca vestigent, lectos praemittere pubis.
 Jamque ubi tendebam vicina ad litora gressum, 160
 Tunc aliquis divum caeli miseratus ab arce
 Obtulit arboreis mihi cervum cornibus altum
 Ipsa sub ora viae in medio; latebrosa relinquens
 Qui nemora e pastu gelidum veniebat ad amnem
 Fonte sitim cupiens restinguere; namque calor
 Arida vis illum, solisque exegerat ardor.
 Protinus egressum, tergo qua spina recumbit
 In medio, aggredior: cuspis latus aerea transit;
 Decidit, exanimisque artus in pulvere volvit.
 Hunc super insiliens ferratum e vulnere telum 170
 Eripui, tractumque solo viridante reclinans
 Lenta manu carpsi virgulta, & vimina torto
 Fune simul nectens, haud longo ingentia vincolo
 Crura feri implicui, monstrumque immane subivi.
 Sic ego processu curva cervice gravatus,
 Innixusque hasta; neque enim manus altera quibat
 Ferre humero impositum: tanta ingens mole patebat.
 Ut ventum ad navim, dejecto pondere fidos
 Admonui socios dictis moerentia mulcens
 Pectora. non miseri quamvis Plutonia regna. 180
 Ibimus ante viri, quam nos occumbere leto
 Fata velint. largo nunc o dum pabula victu
 Sufficiunt, revocate animum, atque accumbite mensis.
 Talia stans propius memoro, paretque juvenus
 Undique conveniens, mirataque litore cervum
 Obstupet, & magna defixa in mole moratur.

At simul ac omnes explerunt humina visu,
 Puro in fonte manus loti convivium mensis
 Laeta parant celeres, occasum & solis ad ipsum
 Implentur dulci baccho largaque ferina. 190
 Quum subiit sol stagna maris caligine spargens
 Telluremque polumque, herbofo in litore somnum
 Cepimus; ut vero radiis aurora refulsit,
 Stans medio in coetu tali sum voce loquutus.
 Huc aures adhibete, experti & tristia fata
 O focii (nec enim surgat qua parte vel arctos,
 Vel resonant austrum; qua sol petat aequora fessis
 Tardus equis, aut unde oriens sese inferat axe,
 Novimus ignari, si qua est via certa salutis,
 Consulite in medium, mihi nulla ostenditur aegro. 200
 Namque ego dum scopuli celsi de vertice lustro
 Omnia, fluctifono vidi loca gurgite clausa
 Undique: stant humiles saltus, & fumus ad auras
 Volvitur in medio crebris nemus inter opacum
 Illicibus. vix fatus eram, quum territa pubes
 Concidit, & casum Laestrygonis anxia volvens
 Antiphatae, necdum vim saevi oblita Cyclopi
 Horret, & effusis humectat sletibus ora
 Non lacrimis at tempus erat: parturit omnem
 Stat numerum in geminas partes, dux agminis ipse
 Unius, Eurylochos partem dux alter habebat
 Dein galeae in resonos fortes concussimus aere,
 Et primum Eurylochi retulit fors concita nomen.
 Ille invadit iter celerans, juvenesque sequuntur
 Bisdenti supraque duo, sociosque profecti
 Nequidquam stentes moesti post terga relinquunt.
 Jamque iter emensi niveo de marmore structa
 Testa vident Circes media surgentia valle;

Montani-

Montanique lupi circum fulvique leones
 Stant placidi in foribus, quos diva potentibus herbis 220
 Lenierat. non illi acres venientibus instant,
 Sed blandi, & longis restantes gaudia caudis
 Luxuriant; reducemque velut quum divite mensa
 Excipiunt catuli dominum sibi nota ferentem
 Pabula; sic variae facies atque ora ferarum
 Ludebant circum: sed visu territa pubes
 Restitit, & foribus pressit vestigia primis.
 Interea dulci resonantem gutture Circem
 Audiit, arguto magnam dum pectine telam
 Assiduo incumbens operi dea pulsat, & auro 230
 Molliâ purpureae pingit velamina lanae.
 Primus ibi ante alios, magno quem semper honore
 Complexus, carumque habui magis omnibus unum
 In mediis adstans coepit sic voce Polites.
 Heic aliqua ingentis percurrens stamina telae
 Dulce canit (tremulo resonat domus ardua cantu)
 Seu dea seu mulier: quin illam voce ciemus?
 Vix ea fatus erat, sonituque excita repente
 Nympha fores rutilo stridentes cardine pandit,
 Invitatque viros. cuncti irrupere sequentes 240
 Heu miseri, Eurylochum praeter, qui tecta subire
 Abnuit, insidias veritus fraudemque latentem.
 Jamque introgressos dea vafra sedilibus omnes
 Collocat, & cererem nivique coagula lactis,
 Mellaque cum dulci confundit nectare bacchi,
 Tum nocuo miscens medicatas gramine fruges
 Porrigit, & patriae cunctis obliviam fundit.
 Post ubi gustarunt, virga dea saeva potenti
 Percutiens altis clausit praesepibus omnes
 Mutatos in membra suum vocemque coloremque 250
 Et

Et fetas: tantum mansit vis pristina mentis.
 Stant moesti lugentque simul; fera pabula Circe
 Illiceos fetus, glandemque, atque aspera corna
 Sufficit, & quaecumque fues manduntque vorantque.
 Interea Eurylochus fugiens redit inde relictam
 Nuncius ad navim, magno sed corda dolore
 Percussus frustra conatur mittere vocem,
 Nec valet, & curis ingentibus aestuat intus
 Ora rigans lacrimis. nos contra instamus, & omnes
 Solliciti precibus pavitantem urgemus: at ille 260
 Redditus in sese tandem sic ora resolvit.
 Ivimus, horrenti qua procubat ilice silva,
 Contigimusque domum secto de marmore structam
 Valle sub umbrifera. cantu solata laborem
 Intus inaurato texebat pectine telam
 Seu dea seu mulier: sociisque vocantibus ultro
 Inverso resonos patefecit cardine postes,
 Accivitque viros. sequitur male cauta vocantem
 Turba simul, solusque dolos ratus ipse refedi.
 Continuo ex oculis omnes abiire, neque ullus 270
 Praeterea longo residui mihi tempore visus.
 Dixerat: ipse autem bullis fulgentibus aptum
 Ensem humero ingentem suspendo arcumque sonantem,
 Atque ipsum noto jubeo me ducere calle
 Eurylochum. sed genva manu complexus utraque
 Ille mihi: ne quaeso, inquit, Jovis inclita cura,
 Invitum ne coge: sine heic me sponte manere:
 Incolumis nec enim jam tu, mihi crede, redibis;
 Nec quemquam abduces. quin o fugiamus, & undis,
 Si qua manet miseros, praestet tentare salutem. 280
 Cui refero: maneat licet istheic, comprime gressus
 Euryloche, & residens dapibus vinoque fruaré;

Ibo

Ibo solus ego, nam me vis aspera cogit.
Sic fatus puppimque & litora nota reliqui.
Ast ubi per sacram celerans vestigia vallem
Non procul a Circes aberam penetralibus altis,
Adstitit aurata mihi virga insignis eunti
Mercurius juveni similis, cui prima rubentes
Flore genas molli spargit lanuginis aetas,
Amplexusque manum placido prior edidit ore. 290
Quo tantum juga solus obis, ignotaque lustras
Arva miser? focii tibi saevae in limine Circes
Setigeri jam plena fues praesepia complent.
Auxilione venis miseris? at non tamen inde
Effugies una stabulo conclusus eodem.
Sed tibi parta salus per me est: hoc accipe gramen,
Quod retinens manibus nympham securus adibis,
Exitiumque malum fugies & tristia damna.
Quin etiam insidias Circes atque omnia dicam
Consilia expediens: primum tibi mixta parabit 300
Pocula, & objiciet medicatis frugibus offam.
Sed neque sic poterit corrumpere; namque resistet
Hos tibi servatum, mea munera, gramen in usus.
Dein ubi percussum virga te diva sonanti
Contigerit, stricto contra tu protinus ense
Irrue in adversam, jam vulnera jamque minare.
Illa manus tum victa dabit, tremefactaque ducet
In thalamum te sponte vocans. nec vota precantis
Respue, ut incolumes socios ipsumque remittat
Servatum te blanda. prius tamen exige, divum 310
Numina uti juret, nullum tibi deinde periculum
Adfore; ne mollem nudato corpore reddat
Indecoremque animi. sic dicens, gramen ab ima
Evulsam terra subito mihi tradit, & usum

Edo-

Edocet. illi atro radix perfusa colore
 Nigra subest, niveo lacti flos concolor halat,
 Moly vocant superi, donum mortalibus aegris
 Difficile inventu, possunt vero omnia divi.
 Haec inter sese motis Cyllenius alis
 Per nemus umbriferum levat alti ad culmen olympi; 320
 Contra ego multa putans processi ad limina Circes.
 Ut celerans pulcræ tetigi penetralia nymphae,
 Ante fores clamans tenui vestigia: at illa
 Audiit, & surgens referatis postibus aulam
 In mediam accivit moerenti corde sequentem.
 Protinus ingressum rutilanti in sede locavit
 Sub pedibus mihi fulcra aptans, molitaque fraudem
 Aurea commixtis infecit pocula succis.
 Sed postquam data dona bibens interritus hausi,
 Contigit aurata me virga: atque ocus, inquit, 330
 Cum fociis i foeda tuis praesepia ferva.
 Dixerat: ast illam correpto turbidus ense
 Aggredior, trepidaeque minans jam desuper insto.
 Ipsa autem inclamans subiit, genibusque prehenfis
 Haesit inexpletum lacrimans sic ore loquuta:
 O quis, & unde venis, quaenam tibi patria tellus,
 Qui talem genuere? haec te sine labe bibisse
 Pocula, quae nostro quotquot medicata veneno
 Contigerunt, sensere malum? tibi pectore robur
 Indomitum, nullique subest mens pervia fraudi. 340
 Tu certe, nec vana fides, ille acer Ulysses,
 Quem mihi venturum spondebat classe per aequor
 Iliacis reducem campis Cyllenia proles.
 Quin age vagina ferrum jam conde reponens,
 Et thalamos conscende meos, ut amore potiti
 Mutua firmemus nos inter foedera pacis.

Talia cui fanti refero. mollire furentem
Possē etiam speras precibus, convertere nostros
Ausā prius socios in vultum ac terga ferarum;
Nunc autem in thalamum, si caprum fallere possis, 350
Invitans me blanda? ut mollem & honore carentem
Perfida post reddas nudatum turpiter artus.
Sed non ante riuum memē conscendere cernes
Nympha totum, quam sancta deum mihi numina rite
Adjures testata; nihil dein triste timendum.
Nec plura: illa deos sollemni more sacrorum
Jussā vocat, spondetque fidem. queis ipse peractis,
Haud renti nymphae votis parere vocantis.
Sedibus in pulcris forma praestante puellae
Quattuor, assuetae varios properare labores, 360
Olli aderant: almam sacris e fontibus ipsae
Progeniem, silvisque trahunt, fluviiisque, sonanti
Qui pelago sese miscent, pontoque residunt.
Accelerant omnes: Tyriisque sedilia stratis
Illa tegit, subterque locat canentia lina:
Haec ponit mensas, atque apta sedilia mensis
Admover argento e puro cum lancibus aureis.
Atque alia ambrosium miscet cratere Lyaeum
In rutilo, funditque aurata in pocula circum;
Ultima fert liquidos rores; atque excitat ignem 370
Sub tripode ingenti: superas vapor udus ad auras
Tollitur. at flammis intus tepefactus ut humor
Incaluit, subiique labrum splendentis aheni;
Ipsa manu facili positos invergit in artus
E tripode undanti rorem, spargitque superne
Cervicemque humerosque, & amatis irrigat undis
Usque fovens, redeant dum lasso in corpore vires
Exempta jam tabe mihi. tum denique olivo

Spar-

Sparfit, & abluti niveos super induit artus
 Vestibus intextis auro, folioque locavit 380
 Languida suffultum molli vestigia strato.
 Atque eadem manibus fontes de more ministrat,
 Aureus effundit cyathus quos ore lebetem
 In solidum argento, & mensis mantilia sternit
 Candida. fert cererem calathis, & lancibus escas
 Altera jam stipat, meque ultro sedula tardum
 Excitat. ipse autem moerenti corde sedebam
 Anxius, atque alias volvebam pectore curas.
 At postquam tacito defixum lumina vultu,
 Spernentemque epulas vidit, sic prima dolentem 390
 Alloquitur Circe. cur o taciturnus, Ulysses,
 Sic resides muto similis, nec munere gaudes?
 Insidias certe metuis, quum triste timendum
 Jam nihil est, postquam divos in verba vocavi
 Pollicita aeternum foedus. cui talia fanti
 Sic retuli: quis, diva, movet pietatis imago
 Ulla animum cui forte, epulas contingere laetus
 Sustineat prius, ille suos quam solvere curet,
 Et coram aspiciat socios? tu redde meorum
 Corpora, nec segnem cernes accumbere mensis. 400
 Haec ego fatus eram; quum Circe e limine gressus
 Extulit, & virgam capiens stabula alta reclusit,
 Exegitque suum mutata in corpora pubem.
 Stant miseri juvenes; medios quos illa per omnes
 Incedit, spargitque novum per membra liquorem
 Cuique viro. fluxere horrenti e corpore setae,
 Induerant quas ante, & primae forma juventae
 Reddita continuo versos illapsa per artus
 Pulcrior, & multa renovata in luce refulsit.
 Atque ubi me coram videre, amplexibus omnes

Effusi petiere manum, dulcique repente
 Omnibus exorto late domus excita fletu
 Insonuit. jam diva simul miseratur, & ipsa
 Cominus aggreditur sic me solata gementem.
 O Laërriade navim litusque relictum
 Nunc repetens, pelago fac primum educere puppim
 Tellurem in siccam, speluncisque abdere opacis
 Armaque, & advectam Phrygio de litore gazam;
 Huc iterum dein ipse veni socia agmina ducens
 Emensum per iter. dixit; nec jussa moratus. 420
 Protinus ad navim celerans vestigia torfi.
 At juvenes sola pelagi resonantis in acta
 Tristia foedabant lacrimis manantibus ora.
 Ac veluti molles vitulae circum ubera matrum,
 Quum redeunt campis dulci jam gramine pastae,
 Saltibus adversae ludunt; nec vincla nec illas
 Ulla tenent jam sepra; at circum armenta vagantur,
 Et querulis implent late mugitibus auras.
 Haud aliter pubes me circum affusa ruebat;
 Ut reducem primum vidit; nec seignior omnes 430
 Laetitia invasit, quam si patria arva tenerent
 Sedibus excepti placidis, longosque cientes
 Incassum gemitus verba inter singula cuncti
 Sic memorant. reduci jam te, nos alma voluptas
 Non minor incendit, Jovis o certissima cura,
 Quam si Ithacae nobis tetigissent litora prorae:
 Quin age & infandos sociorum ediffere casus.
 Quos ego solatus: navim subducite, dixi,
 Speluncisque cavis advectam condite gazam;
 Armaque; tum celeri gressu vestigia ferte 440
 Me duce, ut incolumem sacra intra limina Circes
 Cernere contingat plena ad convivia pubem.

Nec

Nec plura: illi omnes subito mea dicta sequuntur;
 Sed non Eurylochos, solus qui fida tenere
 Agmina conatus: quo nos nunc ibimus, inquit,
 Ah miseri! tantus qui nam nova quaerere damna
 Ardor agit? nos saeva deae penetralia adire;
 Scilicet ut subito mutati in membra luporum,
 Setigerique sues facti dirique leones
 Excubias divae foribus fervemus adacti? 450
 Excidit an Cyclops animis, improvida pubes
 Hoc duce quum subiit sceleratae rupis in antrum?
 Unius heu capitis miseram dementia tristi
 Perdidit exitio. fundentis talia ab ore
 Protinus educto cervicem abscindere ferro
 Ira subit, quamvis propius mihi sanguine iunctus
 Ille foret; verum socii tenere furem,
 Et precibus flexere animum sic deinde loquuti.
 Ni tua iussa vetant, maneat licet ille relictus,
 O Jove nate; ratem servet: nos limina ad alta 460
 Duc age, lustratoque citos rege tramite gressus.
 Vix haec finierant, navimque & litora cuncti
 Deferuere alacres: audet non ipse manere
 Eurylochos, veritusque meas irasque minasque
 Ingreditur, moestusque legit vestigia pone.
 Interea Circe testis penetralibus omnes
 Laverat, & pingui juvenes lustrarat olivo
 Inducens tunicasque super laenasque decoras.
 Cernimus accinctos epulis; nosque illi ubi contra
 Conspexere, simul varios in pectore motus 470
 Suscipiunt, lugentque simul: genitu omnia late
 Atria, & effusis resonant clamoribus aedes.
 At dea tum subiens propius: fate sanguine magni
 Laërtae o, dixit, tristem nunc ponite luctum,

Et

Et lacrimas cohibete. mihi sunt omnia nota,
Experti quaecumque mari five estis in alto,
Seu terris, toties inimica a gente fugati.
Sed victu revocate animos, quos ante profecti
Ex Ithaca quondam Phrygiis habuistis in oris
Pectore sub forti. nunc & sine viribus artus, 480
Et defessa malis longoque errore viarum
Aegrescit mens victa, ullam nec cura quietem
Dat miseris, laetave animos dulcedine spargit.
Sic ait; & cuncti dictis paremus ovantes.
Heic igitur toto lenti consedimus anno
Perpetuis pasti dapibus, dulcisque Lyaci
Munere gaudentes. postquam sol aureus annum
Mensibus exactis revoluta temporis orbe
Egerat, & longas perfecerat ordine lucas,
Talibus aggressi juvenes. quid, lente, moraris 490
Immemor heu patriae longum? si fata reposcunt
Incolumem te certa tuas contingere sedes,
Infelix o rumpe moras. sic voce monebant
Sollicitum votisque ultro parere volentem;
Et rursus instaurant epulas, & pocula libant
Usque sub extremam lucem. quae sole cadente
Cessit ubi, nigris & inhorruit aura tenebris,
Hac illac strati placido dant membra sopori.
Ast ego conscendens assueta cubilia nymphae
Illius accessi genibus, lacrimisque profusus 500
Haud ignaram adii tali prior ore loquutus.
O dea, pollicitum jam tu mihi perface munus,
Et patriae me redde. haud ipse resistere votis;
Haud socii, mea cura, valent, qui semper acerbis
Quaestibus increpitant, quoties tu diva recedis;
Me circum affussi. sic ipse; at nympa precanti

Blan-

Blanda refert: non his invitos longius oris
 Vos teneam, jam pone metus, o fortis Ulyſſeu.
 Longa tamen vobis via reſtat, & ante petenda
 Perſephones domus atra atque alti regia Ditis, 510
 Caecus ubi reſponſa dabit certiffima vates
 Tireſias, cujus menti vis integra perſtat.
 Namque etiam exſtinctus, voluit Proſerpina, ſolus
 Ut ſaperet: volitant alii ſine honore per Orcum
 Umbrae infelices, ſimulacra carentia mente.
 Dixerat illa: mihi gelida formidine ſanguis
 Dirigit; taedet vitae lucisque ſedentem
 In thalamo, ſletuque ſinus atque ora rigantem.
 Poſt ubi me luſtu ſatiavi moeſtus acerbo,
 Collegique animum: fare o pulcherrima, dixi, 520
 Ecquis erit dux ille, viam qui monſtret ad Orči
 Limina? numquam adiit Plutonia regna carina
 Ulla, nec umbrarum ſubiit loca nigra ſilentum.
 Sic ego, ſic iterum Circe: non ulla fatiget
 Nunc te cura ducis; tantum volitantia malo
 Carbaſa tende manu reſidens, placidoque per undas
 Excitus impellet boreas tibi flamine puppim.
 Mox tamen oceani quum jam tranaveris aeſtum,
 Litus ubi ſtat molle, & frondibus horret opacis
 Populus, & ſteriles platani, ſalicesque nigrantes 530
 Tergeminae ſilva alta deae, tu gurgire ſummo
 Siſte ratem, Ditiſque nigra in penetralia tende;
 Quaque Pyriphlegethon torrens Acherontis in alveum,
 Cocytusque fluit Stygio deductus ab amne
 Rupe ſub adverſa, reſonant ubi murmure magno
 Amborum late ripae coëuntibus undis.
 Huc ſubiens foſſam cubito non amplius altam
 Effodere, & circum libamina juſſa memento

Spar-

Spargere mella ferens medicata, & dulce lyaeum;
 Tum latices de fonte, & adorea munera funde: 540
 Manibus. his actis simulacra carentia vita
 Supplicibus supera votis, Ithacamque reversum
 Multa vovens sterilem praestanti corpore vaccam
 Ignibus impositam sacris dic rite daturum,
 Structurumque pyram cumulatam rebus opimis.
 In primis vero nigranti vellere soli
 Tirestiae sponde, pecudes qui maximus inter
 Lanigeras aries vestris in ovilibus errat.
 At simul ac precibus manes in vota vocaris,
 Ense aries cadat ictus, & atri velleris agna 550
 Versa Erebi ad fauces: tu contra averte reflectens
 Cervicem, fluvioque sub: circumdique fusae
 Advenient animae, tenues sine corpore vitae.
 Tunc socios hortare, ignique imponere sacro
 Praecipe jam ferro mactatas ante bidentes
 Pellibus ereptis, nec non dis fundere vota
 Persephone metuendae & magnanimo Plutoni.
 Ipse autem strictum vagina protinus ensē
 Eripiens propius reside, circumque volantes
 Sanguinis a rivo prohibe sine viribus umbras, 560
 Tirestias dum fata ferat. non ille moratus
 Adveniet, reditusque modum totumque docebit
 Certus iter, quo longa iterum maris aequora lustrēs.
 Haec dea: quum caelo rutilans Aurora refulset,
 Admonuitque toro consurgere: jamque ego laenam
 Accipio tunicamque; at nymphae vestis ad imos
 Candida defluxit talos, atque aurea cinxit
 Zona sinus, tenuisque comas velavit amictus.
 Hinc ego tunc celerans testis penetralibus ibam,
 Hortabarque viros: o somno surgite; camus; 570
 Nam

Nam divae sic jussa ferunt. quae talia postquam
 Dicta dedi, laeto socii clamore sequuti
 Expediunt sese, quos nec tamén inde malorum
 Expertes potui salvosque abducere cunctos.
 Elpenor nam forte fuit pubentior aeo
 Omnibus, haud bello validus, nec pectore fortis,
 Qui, tacita sub nocte mero somnoque sepultus
 Parte in secreta fessos ut straverat artus,
 Excitus extemplo turbari testâ tumultu
 Audiit, oblitusque sui, strepitumque sequutus, 580
 Nec gradibus nitens, tecti de culmine praeceps,
 Dum properat sine mente furens, ruit ocius actus
 In caput. olli humero cervix infracta pendit,
 Vitaeque diffugit nigrum indignata sub Orcum.
 Interea reliquos venientes alloquor ore:
 Ad patrios vos forte lares intendere cursum
 Creditis? at monitu divae prius atria Ditis,
 Atque Hecates adeunda domus caligine opaca,
 Thebanique manent scitanda oracula vatis
 Tiresiae. dixi: subitusque per ima cucurrit 590
 Ossa tremor fociis; flentes tum vellere crinem,
 Et manibus lacerare genas, nec parcere luctu;
 Nequidquam: haud etenim requies his ulla dabatur.
 Inde ubi digressi, cursuque ad litora tristes
 Tendimus, & multo suffusi lumina fletu,
 Jam dea nigrantes pecudes religarat ad altam
 Nulli visa ratem; quis enim nolentia cerni
 Numina mortali possit cognoscere visu?



HOMERI ODYSSEAE

LIBER UNDECIMUS.

Postquam contigimus vicini litoris oram,
 Continuo in resonas puppim deduximus undas
 Malum attollentes maloque haerentia vela:
 Egimus & pecudes intro, lacrimisque madentes
 Suspensique animum simul ipsi ascendimus: auris
 Mollibus aspirans a puppi ventus euntes
 Prosequitur, flatuque implet sinuata secundo
 Carbasa, & auricomae crebrescit munere Circes.
 Hinc positis placidi circum consedimus arinis,
 Dum navim rectorque simul ventusque ferebant
 Tota luce cito fulcantem caerulea rostro.
 Mox simul hesperium subiit sol aureus amnem,
 Jam tenebris late sparsis deventa per altum
 Oceanum tuto consedit litore puppis.
 Cimmerii heic habitant, densa caligine semper.
 Et nebulis gensmersa: haud illos aspicit unquam
 Sol radiis, nec celsa petit quum sidera curru,
 Ad terram nec vertit equos quum rursus ab axe,
 At semper fuscis nox atra supervolat alis.
 Litus ibi in siccum subducta e gurgite iavi,
 Extractoque grege, oceani labentis ad aestum
 Tendimus, & cursu petimus loca iussa sub amne
 Adversum per iter. tenet atri velleris agnam
 Arjete cum sacro Perimedes Eurylochusque
 In medio; ipse autem stricto mucrone sub ima
 Ad cubitum hinc atque hinc fossam tellure cavavi.
 Mani-

Manibus hanc circum cunctis libamina fudi
 Mixto melle prius, dein dulci nectare bacchi,
 Tum lymphis de fonte, super cerealia spargens
 Dona manu frugesque sacras. hinc multa precatus 30
 Promisique redux vovique silentibus umbris
 In patria sterilem praestanti corpore vaccam,
 Ingentemque pyram cumulatam rebus opimis;
 Tiresiae vero nigranti vellere totum,
 Pulcrior in nostris aries qui saltubus errat.
 Verum ubi finieram manes in vota vocare
 Supplicibus dictis, fossam super ense corusco
 Colla ovium ferii. fluit ater vulnere sanguis,
 Atque erebi e latebris imi ruit excita turba,
 Matres, atque viri, seniumque imbelles, puellaeque 40
 Innuptae fato tristes & caede recenti:
 Multi etiam in bello transfixi pectora telis
 Magnanimi heroës calido sparsa arma tenentes
 Sanguine adhuc. omnes magno stridore ruebant:
 Effusi ad fossam: subitus mihi pallida tinxit
 Ora timor, steteruntque horrenti in vertice crines.
 Tum celerans ovibus mactatis tergora jussi
 Deripere & sacris imponere viscera flammis,
 Votaque ferre diis caeloque ereboque potentis
 Persephone, & stygio regi, cui tartara parent
 Umbrarumque domus. stricto non immemor, ense
 Interea imbellem vetui succedere turbam
 Sanguinis ad rivum, thebani oracula vatis
 Dum peterem, placidusque idem consulta referrem.
 Prima mihi ante alias Elpenoris adstitit umbra
 Nondum etiam tumulto compositi: namque verendae
 Sedibus in Circes inhumatum liquimus ante
 Infletumque, aliis distracti pectora curis.

Illum ego quum vidi, fortem miseratus acerbam,
 Sic prior aggredior: quae te via duxit in orcum 60
 Elpenor miserande? prior pedes ipse subisti,
 Quam navi decessus ego. sic fatus: at ille
 Excipit illacrimans: me laevi numinis ira
 Corripuit Laërtiade, visque improba vini.
 Namque oblitus, humi recubans ut forte jacebam,
 Sclarum inniti gradibus, de culmine testi
 Praecipitans alto cecidi: gravis impete cervix
 Ossibus infractis humero collapsa pependit,
 Atque anima haec stygio petiit loca subdita regi.
 Nunc ego te cupidos per amatae conjugis ignes, 70
 Per genitorem oro, per spes & gaudia cari
 Telemachi, solus patria qui ludit in aula,
 (Rursum etenim, postquam vises Plutonia regna,
 Excipiet reducem tellus Aëaea,) ibi nostri
 Te subeat jam cura, memor patiare nec ossa
 Heu miseri tumultoque diu lacrimisque carere,
 Numine sim laeso ne fors tibi causa doloris.
 Injice me flammis, oro, meaque omnia pone
 Arma rogo, tumulumque aggesta in litore terra
 Exstrue mansurum, famam venientibus annis. 80
 Haec mihi tu persolve, & remum in mole sepulcri,
 Caerula quo vivus torquebam, desuper adde.
 Dixerat; illi autem breviter: tibi redditus ipse
 Omnia perficiam, dixi, solvamque sepulto.
 Hac vice sermonum trahimus dum tempora maesti,
 Ipse quidem residens ad rivum sanguinis, ille
 Parte alia multis nequidquam vocibus instans;
 Ecce mihi ante oculos carae subit umbra parentis,
 Magnanimi Autolyçi clarum genus Anticlea,
 Quam vivam Iliacas liqui digressus ad oras. 90

Hanc

Hanc tum forte videns flevique & tactus amore
 Indolui: non ante tamen sum passus eandem
 Sanguinis ad sacri dulcem succedere potum,
 Quam se Tiresias ageret consulta daturus.
 Jamque aderat vates, & dextra sceptrata tenebat
 Aurea, meque ultro agnoscens: quae causa subegit
 Linquere, ait, solis jucundum lumen & auras,
 Ut stygias erebi sedes, loca turbida, adires?
 Quin isthinc absiste, & vagina indue ferrum
 Fulmineum, ut sacro saturatus sanguine pandam 100
 Vera tibi. dixit, subitoque, ubi vidit acutum
 Me gladium posuisse manu, successit ad haustus
 Impiger, & fatis demum sic ora resolvit.
 In patriam reditum tu dulcem quaeris, Ulysses,
 Quem tibi difficilem statuet deus: haud ego namque
 Iram posse reor te magnam fallere regis
 Aequeorei; tibi semper atrox odia aspera contra
 Suscitavit, & rapto gnati pro lumine saevit.
 Sed tamen & multos per casus litora carae
 Tangere post dabitur patriae, modo parcere praedae 110
 Tuque, tuique velint, ubi primum elapsus ab undis
 Trinacriae curvo religabis in aggere puppim,
 Pascensque boves armentaque pingua cernes
 Solis, inextincta lustrans qui lampade terras
 Cuncta videt novitque pater. servare nefanda
 Hos fuerit si cura sacros a caede juvencos,
 Sic quoque spes Ithacae vobis: sin laecerit ullus,
 Tum certum exitium sociis navique futurum
 Edico. tuque ipse licet fata ultima vites,
 At miser heu fero venies, indigna tuorum 120
 Funera perpeffus, numero super unus ab omni,
 Auxilii navisque alienae atque artis egenus.

Aspi-

Aspicias vero cella intra tecta domorum
 Jamdudum assuetos juvenes tua perdere luxu
 Omnia, dum fidum tentant pervertere donis
 Conjugis optatae pectus: mox digna rependes
 Supplicia, atque ultor merita vim caede piabis.
 At simul ac fontem turbam demiseris orco,
 Sive dolo furtim, seu pugna aggressus aperta,
 Accipiens habilem tum laevi ex abjete remum 130
 Vade age, dum venias populos procul actus ad illos,
 Qui freta, qui dulcem fugiunt salis ore saporem,
 Nec pictas videre rates, nec remigis usum
 Caerula findentis, volucris velut aethera findit.
 Nunc etiam te signa, animos adverte, docebo:
 Obvius adverso veniens quum forte viator
 Ferre abieгна humeris te dicet fortibus arma;
 Ventilat ad zephyrum jactas queis messor aristas;
 Heic remum defige solo, caeloque juvenco
 Neptunum pinguique sue veneratus & agno 140
 Ad patrios concede lares, atque omnibus una
 Caelicolis fer sacra libens: post funus ab undis
 Adveniet tibi Parca ferens, quum longa senectus
 Canitie placida confectum cernet, & omnes
 Otia te circum peragent felicia gentes:
 Haec te certa manent, fatorum hic vertitur ordo
 Dixerat. huic autem contra: stant omnia, dixi,
 Tiresia, imperiis haec divum & numine fixa.
 Nunc alia o referas, oro: jam luce carentis
 Heic video nostrae simulacrum adstare parentis: 150
 Ipsa tacet propiorque sedens nec cernere gnatum
 Sustinet heu contra, notas nec reddere voces;
 Dic age, quo prolem valeat cognoscere patrem
 Talia quaerenti vates, sic ore vicissim

Dicta refert: non te per longa exorsa tenebo,
 At cupido dicam. quaecumque accedere sacros
 Sanguinis ad latices simulacra carentia luce
 Siveris, illa tibi referent responsa petenti;
 Quaeque abiges, ibunt nequidquam muta sub umbras:
 Sic dicens nigri subiit testa horrida Ditis 160
 Tirestiae levis umbra, haec postquam oracula fudit.
 Ast ego, dum veniat mater, fufumque cruorem
 Ebibat, opperior cupidus. quo protinus hausto
 Agnovit sobolem lacrimans, ac talibus infit:
 Quae vivum te, gnate, vices, quae fata tulerunt
 In leti sine luce domos, atque invia vivis
 Litora? circum obeunt lymphis torrentibus amnes,
 Oceanusque sinu vasto, quem vincere cursu
 Non vis ulla pedum valeat; vix fortia possunt
 Velivolae hos fluctus transmittersse texta carinae. 170
 Redditus an Phrygiis nunc primum a finibus errans
 Cum navi sociisque venis post tempore longo,
 Necdum Ithaca, necdum formosa conjuge visa?
 Dixerat: illi autem retuli. vis aspera cogit
 O genitrix me regna nigri Plutonis adire
 Tirestiae manes scitatum umbramque potentem.
 Nondum etenim tetigi delapsus Achaeidis arva,
 Aut fines vidi nostros, maria omnia circum
 Actus, ad Iliacos ex quo victricia campos
 Arma tuli primum gemini bellator Atridae. 180
 Verum age fare mihi, quo mors tua funere clausit
 Lumina in aeternam noctem? num tabida morbi
 Edomuit te longa lues, an laeta sagittis
 Ipsa suis miseram stravit jaculara Diana?
 Quid genitor? quid gnatus agit? stat pristina fama,
 Imperiumque illis nostrum? vel fortior alter
 Sceptra

Sceptra tenet me jam ratus atro funere mersum?
 Dic quoque consilium, dic nostrae conjugis artes:
 Cum puerone manet, fedesque & salva tuetur
 Omnia, an abrepta jam quisquam gaudet Achivum? 190
 Vix ea fatus eram, genitrix quum talia rursus
 Voce refert: manet illa tibi, manet ista dolore
 Corda gravi, curisque ingentibus aestuat aegra
 Semper, & assiduo corrumpit lumina fletu.
 Nondum ullus tua sceptra tenet: tranquillus at altis
 In lucis festoque dies in honore deorum
 Natus agit, sociosque inter convivia curat
 Digna viro, iudex populis qui jura ministrat:
 Omnes namque vocant. genitor tuus urbe relicta
 Sola tenet procul arva; neque illi strata cubili 200
 Mollia, nec pictae sunt tonso vellere vestes.
 Ipse hyeme in gelida famulantum more prope ignem
 In cinere accumbit fordentem indutus amictum;
 At quum aestas fervet gravidoque virens autumno
 Ridet ager, qua se tulerit per consita cumque
 Vitibus arva, torum dant illi ex arbore lapsa
 Et folia & frondes. ibi cura oppressus acerba
 Moeret, & assiduo luctu te, gnate, tuumque
 Exitium queritur lacrimans, duraque senecta
 Insuper heu premitur, quae me quoque funere merfit. 210
 Nam neque me telo numquam fallente Diana
 Perculit in domibus jaculata, nec aspera morbi
 Corripuit vis ulla, artus quae virus in aegros
 Insinuans tenuem potuisset solvere vitam;
 Sed me cura tui, tua virtus maxima, Ulysseu,
 Et pietas erepta has me duxere sub umbras
 Exstinctam. sic illa gemens dicebat: at ipse
 Nequidquam volui matris comprehendere manes,

Conat-

Conatusque manus ter collo imponere circum,
 Ter vacuas elapsa manus effugit imago 220
 Par umbrae somnoque levi: meque acrior imo
 Cepit corde dolor, tali & sum voce loquutus.
 Quo genitrix me cara fugis? ne subtrahe nostris
 Te manibus; circum liceat dare brachia & orci
 Ipsius in laebris, luctuque explere dolorem.
 Anne mihi fallax umbram hanc Proserpina misit;
 Quo magis aegrescens dolor imo in pectore gliscat?
 Sic ego: quum mater, non te Proserpina, gnate
 Heu miser ante alios, vana sub imagine ludit:
 Haec homines sed forma manet, quum spiritus artus 230
 Deferit. haud etenim salientes sanguine venae,
 Ossibus aut haerent nervi: vis ignea molem:
 Corpoream absumit, simul ac nos vita reliquit;
 Ast anima in tenues somno par evolat auras.
 Quin age post lucem repetens atque omnia servans
 Dicta redux eadem nuptae narrare memento.
 Talia nos inter; subito sese obtulit agmen
 Quum mihi femineum (nam claro e sanguine nymphas
 Innuptas Hecate nuptasque emiserat una)
 Et circum affusum properabat sanguine pasci. 240
 At mihi scitari tum quamque accensa cupido,
 Eduetoque iterum ferro finit undique fusas
 Stat potu prohibere. ita cunctae ex ordine adibant,
 Narrabatque suam mihi quaeque ab origine gentem.
 Heic prior accessit forma pulcherrima Tyro
 Magnanimum jactans patrem Salmonea, & almo
 Aeolidae quondam Crethei dignata cubili,
 Mollibus in ripis assueta & margine Enipei
 Ludere propter aquas, quo non formosior alter
 In mare purpureum per campos labitur amnis. 250

Huic deus, aequoreas nutu qui temperat undas,
 Assimilis, resoni prope fluminis ostia nymphae
 Accubuit. stetit unda fluens, curvataque montis
 In faciem texitque deum nymphamque sub amne
 Virginea exutam zona pressamque sopore.
 At deus interea perfectio laetus amore
 Accepitque manum placidoque haec addidit ore.
 Munere lacta meo jam gaude o candida nympha;
 Nam paries claram revoluta temporis orbe
 Progeniem: numquam di spe fraudantur inani: 260
 Sit prolis tibi cura: vale o dilecta, neque ulli
 Prodens facta refer; si nescis, magnus aquarum
 Rector ego. dixit, subiitque undantia ponti
 Caerula: at illa gravis Pelian & Nelea partu
 Edidit, a magno fortitos regna Tonante
 Scilicet imperiumque ambos: ille almam Iaolcum
 Dives opum coluit, Pylias hic sedit ad oras.
 Ipsa etiam Cretheo peperit fortemque Phereta,
 Aesonaque, & volucrum domitorem Amythaona equo-
 rum.
 Post hanc Asopi genus alto a sanguine vidi 270
 Antiopen, quae mixta Jovi duo germina fratres
 Protulit insignes animis, Amphiona dium,
 Et Zethum; primi quondam qui celsa locarunt
 Moenia Thebarum, cinxere atque arcibus urbem
 Impositis; neque enim quamquam acri robore freti
 Sat poterant arcere altis sine turribus hostem.
 Vidi etiam Alcmenam junctam Amphitryoni hymenaeis,
 Indomiti Alcidae matrem, quem semine cretum
 Aetherio furtim genuit complexa Tonantem:
 Dein Megaram forti natam genitore Creonte 280
 Herculis invicti nuptam. vidi quoque matrem
 Oedi-

Oedipodis miseri, flavam crines Epicaſtam,
 Auſa neſas quae: triſte, animi correpta furore,
 Ipſa ſuo nupſit gnato. dedit ille parentem
 Heu miſerum leto ignarus, thalamoque potitus
 Materno implevit ſubitis terroribus urbem.
 Tum ſclerum infelix furiis agiturus habebat
 Imperium Thebis, Cadmaeque regna premebat
 Caelicolum fato triſti. Plutonis at ipſa
 Clauſtra adiit, trabibus ſibi neſtens funus ab altis 290
 Aſta dolore gravi, gnatoque exſtinſta reliquit
 Supplicia, ultrices matrum quot Erynnies addunt.
 Nec non & Chlorin formae praeſtantis honore
 Eximiam aſpexi: qua viſa captus, haberet
 Neleus ut ſociam, dedit auri ingentia dona,
 Iaſidae minimam gnatarum Amphionis. ille
 Orchomenum tenuit Minyei fontis ad undam;
 Ipſa Pylo regnavit, ubi almae lucis in auras
 Neſtoraque Chromiumque Periclymenumque ſuper-
 bum

Progeniuit, curamque ſuper te, pulcra, futuram 300
 Finitimis late, Pero. ſed jungere nulli
 Suſtinuit Neleus, lata niſi fronte juvencoſ
 Egerit Iphicli ſtabulis e fortibus idem
 Indomitos. ſolus quos vates inclitus olli
 Pollicitus, fidens animi, contraria ſenſit
 Fata deum, vigilum vim duram & vincula paſſus.
 Mox tamen exactis quum menſibus integer annus
 Aetherium cõplevit iter, volventibus horis;
 Tum demum Iphiclus fata ipſum certa canentem
 Solvit, & altiſoni nutu Jovis omnia verſa. 310
 Ecce autem inſignis facie ſe Leda ferebat
 Tyndarei conjux, genitrix tua, Caſtor equorum

O domitor, pugilumque ferox certamine Pollux.
 Ipsa etiam nigrae terrae intra viscera vobis
 Ab Jove partus honos, alterno ut tempore vita
 Gaudeat hic, fatique ultro vim sentiat alter,
 Inque vicem superum caelesti luce fruatur.
 Post & belligero nuptam Iphimedian Aloëo
 Cernere erat, pelagi domino quae mixta supremo
 Edidit, angusti cepit quos terminus aevi, 320
 Caelicolis Orumque parem, clarumque Ephialtem,
 Omnibus, alma tulit quos terra, & mole priores
 Et pulcro aspectu post fulmineum Oriona.
 Vix etenim nonum tulerat sol aureus annum,
 Jamque novem cubitos lata se mole ferebant,
 Ac totidem longis aequabant jugera membris.
 Ausi etiam superos inimica in bella vocare,
 Armaque, & horrifona mortem cum caede minari,
 Stellifero magnum sunt Ossam imponere Olympo,
 Scilicet & celso conati Pelion Ossae 330
 Addere frondosum, caelique assurgere in arcem.
 Fors quoque, si vires melior pubentibus aetas
 Augusta dabat, votoque forent ausoque potiti.
 Sed peperit Latona Jovi quem candida gnatum,
 Perdidit Arcitenens prius ambos, flore juvenus
 Ornaret quam prima genas, & spargeret ora.
 Heic Phaedram, Procrinque etiam, pulcramque Ariadnam
 Minois vidi sobolem, quam finibus olim
 Gnothiacis Theseus dites abduxit Athenas,
 Nec potuit perferre; illam nam diva Triformis 340
 Irrigua in Dia tenuit, tibi munus, Iacche,
 Nempe parans, precibus non frustra in vota vocata.
 Macramque, Clymenamque super, moestamque Eri-
 phylen,

Aurea

Aurea pro caro cepit quae conjuge dona,
 Vidi ego tunc residens. at non quascumque videre
 Contigit, has possum referens comprehendere cunctas,
 Magnanimum heroum gnatas thalamumque sequutas;
 Praecipitans namque atra polo nox cederet ante.
 Et me prona movent jam sidera carpere somnos.
 Sive heic, seu potius curvatae ad transtra carinae 350
 Cum sociis: stet cura mei Phaeacibus & dīs.
 Finierat: pressoque omnes intenta tenebant.
 Ora sono, rerumque nova dulcedine capti
 Sedibus haerebant tacitis; quum candida coepit
 Sic regina: quis hic, cives, quantusque videtur?
 Quem sese ore gerens, quam forti robore, & aequo
 Consilio? meus hospes erit; nec parva sequetur
 Gloria vos etiam: proin hinc dimittere tantum
 Ne properate viri, neu parce munera regenti
 Usque adeo vos ferte, quibus vis plurima rerum 360
 Divite sub tecto superum jacet abdita dono.
 Talibus illa: heros dicentem excepit Echeueus
 Phaeacum procures inter jam maximus aevo.
 Non haec, o socii, vobis sine mente loquuta
 Est adeo regina; omnes quin dicta sequamur,
 Si probe Alcinous: namque ipsius omnia pendent
 Imperiis. dixit senior, cui talia subdit
 Alcinous: nec vos aliter fas velle, nec ipse
 Perpetiar contra, dum sceptrum haec vivus habeo.
 Nec minus heic hospes, quamquam citus optet abire, 370
 Sustineat tamen ille, polo dum crastina reddat
 Exoriens Aurora diem, perfectaue dona
 Constituam tum rite viro: delecta juvenus
 Auspiciis properata meis iter omne parabit.
 Non plura Alcinous: tum sic exorsus Ulysses
 O rex,

O rex, o populo longe clarissime in omni
 Alcinoë, heic etiam lentum si forte morari
 Jusseris, exactis dum mensibus integer annus
 Effluat, auxiliumque parans & ditia cogens.
 Dona mihi, & vellem & reduci magis utile multo 380
 Id foret. ad patrias quanto ipse opulentior oras
 Nam veniam; tanto redeuntem & lactius omnes
 Excipient, & major erit mihi fama per urbem.
 Atque heic Alcinous: non te, jam mitte, vereri,
 O fate Laërta, mendacemque arguat ullus,
 Fallacemque putet; quales fert maxima sparfos
 Terra viros capto referentes somnia vulgo;
 Vanaque fingentes subitae mendacia famae.
 Rebus inest dictisque tibi sua forma, nec aequa
 Degenerem mens ipsa notat. tu fata Pelasgum; 390
 Atque tuos, vates retulisti ut carmine, casus,
 Fortunasque omnes. quin o mihi fare roganti,
 Si quem etiam ex illis, qui quondam ad Pergamiam tocum
 Pugnarunt, fatoque illic cecidere supremo,
 Videris: haec nimium nox longa; & tempora somni
 Haud prohibent fari: perge o miranda referre.
 Usque sub Aurorae roseum Titanidis ortum
 Heic adero, si dura velis tua dicere fata,
 Erroresque vagos. haec ille; at rursus Ulysses:
 Alcinoë o, dixit, sunt & sua tempora verbis, 400
 Sunt molli & somno pariter: quod si juvat ista
 Longius, & nondum pertaesum audire, recusam
 Invidus haud alios sociorum edicere casus,
 Majoresque etiam luctus. namque arma tulere
 Iliacis postquam campis, jam Marte soluti;
 Femineo periere astu vitamque dedere.
 Interea hac illac tenues Proserpina manes

Nympha-

Nympharum ut sparsit, moerens Agamemnonis umbra
 Adstitit: hunc circa dextra laevaque frequentes
 Ibant, Aegisthi qui jam cecidere sub aula. 410
 Me subito agnovit, quum sese proluit haustu
 Sanguinis, & multum lacrimans mihi languida frustra
 Brachia in amplexus protendit: nulla volentem
 Vis sequitur, solitusque vigor jam deficit artus,
 Qui fuerat quondam misero, dum vita manebat.
 Ipse etiam ut vidi, casu concussus amici
 Demisi lacrimas, fudique has pectore voces:
 O Atreo generate Agamemnon inclite regum,
 Horrida quo leti domuit te funere Parca?
 Obruit an pelago convolvens aequora saevo 420
 Turbine Neptunus, nimbisque furentibus austro?
 An longis aggressa virum gens effera terris
 Vastantem raptosque greges, armentaue agentem;
 Pro dulci aut stravit pugnantem conjuge & urbis
 Moenibus? ille mihi quaerenti talia contra
 Reddidit: heu miserum nec me deus aequore meruit
 Corripuens subito ventorum turbine pontum,
 Saeva nec ignotis captum gens stravit in oris;
 Sed me, molitusque dolos Aegisthus & atrum
 Flagitum dira cum conjuge, in alta vocatum 430
 Limina & exceptum dapibus, ceu plena juvencum
 Ad stabula, occidit. fors haec me funere terris
 Eripuit: circum sociorum densa cadebant
 Corpora, fetigeri velut apri ad sacra deorum,
 Sollemnesque dapes, aut vincla jugalia regum.
 Insidiis vero captos, aut horrida miscet
 Praelia quum Mavors, vidisti occumbere multos
 Saepe viros; tamen illa tibi miseranda fuisset
 Ante alias caedes, quum corpora strata videres

Crate-

Crateras menſasque inter per teſta jacere 440
Undique, & effuſo ſedes undare cruore.
Quin & Priamidis Caſſandrae heu perditus hauſi
Verba, Clytemneſtrae manibus dum caeſa doleret
Me ſuper; ultriceſque manus attollere fruſtra
Enſe furens ipſa tentavi in morte. ſed illa
Protinus effugit, nec labra informia leto
Improba, nec voluit componere lumina dextra.
Uſque adeo nil terra tulit crudeliuſ ira
Feminea, ſi forte nefas admiferit ulla,
Quale, ſuo caedem moliri aggreſſa marito, 450
Auſa eſt illa ſceluſ. demens ego rebar adire
Jucundus gnatique ſimul famuliſque penates
Egregia at conjux ſceluſ extiale fovebat
Dedecorans ſe labe, ſimul genus omne futurum
Femineum: nulli poſt illam credere tutum;
Quamquam eadem ſit digna. haec ille ut fatuſ ab ore eſt
Heu! quantum Atridas, dixi, Jovis ira fatigat
Femineo ſcelere invifoſ! jamque ante Lacaenae
Occidimus furiis Helenae tot millia in armis;
Saeva Clytemneſtrae te nunc perjuria & ipſum 460
Hiſ merſere malis. nec plura hiſ fatuſ: at ille
Excipit. atque ideo nec tu placabilis, inquit,
Siſ generi infido; mentis neve omnia credaſ
Conſilia, aut ſi quid prodaſ, parſ maxima ſemper
Deliteat. ſaevo ſed non tibi conjugis aſtu
Pernicies metuenda: alioſ in pectore mores
Penelope, ſervatque piam ſine crimine mentem.
Illa quidem nobiſ in dura ruentibuſ arma
Nupta relicta nova eſt; pendebar ab ubere matri
Parvuluſ, heroum qui nunc forſ agmine felix 470
Aſſidet in medio: pater ipſum ante ora videbit

Laetue,

Laetus, & ille suo reduci dabit oscula patri.
 At mea nec gnati vultu me lumina saltem
 Passa explere mei est; prius atro vulnere namque
 Perdidit incautum. tu vero haec pectore conde
 Dicta tuo servaque memor: clam litore navim
 In patrio, non siste palam; quippe omnia plena
 Infidiis, nec tuta satis jam femina cuiquam.
 Dic age & audieris num qua fors vivere gnatum
 Parte meum, Orchomeno in diti, Pyliasque per oras, 480
 Aut etiam in Sparta fraternae ad limina sedis?
 Nondum etenim dius terris decessit Orestes.
 Dixerat. huic breviter: quid talia poscis, Atrida,
 Ignarum, vivatne haeres tibi carus Orestes,
 An periit? dictis haud fas me fingere vana.
 Hac vice sermonum dum sede moramur in una
 Solliciti ac tenero spargentes lumina fletu;
 Ingens ante oculos Pelidae venit Achillei,
 Et Patrocli, Antilochique simul sine viribus umbra,
 Ajacisque, ibat cunctis qui major Achivis, 490
 Et, post Aeacidem, formoso insignior ore.
 Heic satus ut Peleo veterem cognovit amicum,
 Ingemuit lacrimans, tristisque haec addidit ore:
 O vaser & rerum mirande inventor, Ulysseu,
 Infelix, quid adhuc animo tibi restat inausum?
 Qua tristem nunc arte Erebum, loca luce carentum,
 Umbrarumque domos, potuisti vivus adire?
 Cui refero: o Peleo generate, o lumen Achivum
 Aeacida, vatis quaesitum oracula veni
 Tiresiae, si forte viam mihi denique monstret, 500
 Deveniam properans Ithacae qua salvus ad oras:
 Nondum ego nam vidi devectus Achacida, necdum
 Tellurem tetigi nostram jactatus acerbis

Usque malis. at tu felicior omnibus anteis,
 Qui fuerunt, & qui venient labentibus annis.
 Scilicet & vivus divum es dignatus honore,
 Et nunc magna tui sub terris regnat imago
 Imperium umbrarum retinens: ne dura querare
 Propterea tu fata dolens. quae talia postquam
 Edideram, graviter suspirans ille reponit: 510
 Ne vero extinctum solare, o fortis Ulysseu;
 Malim ego vel tenui ductus mercede colonus
 Pauperis ad nutum domini nunc degere vitam,
 Quam regere imperio heic populos tellure sub ima
 Sceptra tenens. potius memorans mihi fortia gnati
 Facta refer, primosne inter ruit acer in hostem?
 Dic quoque, si qua tuas Pelei genitoris ad aures
 Pervenit fors fama: regit num clarus honore
 Myrmidonas ditem per Phthiam atque Hellada; an ipsum
 Despiciunt senio vix languida membra trahentem? 520
 Non ego namque adsum rutili sub lumine solis,
 Qualis eram quondam, quum circum Pergama Teucrûm
 Agmina caedebam pro caris miles Achivis.
 In patria nunc ipse domo si talis adessem,
 Haec eadem illorum jam dextra retunderet ausus,
 Qui violant, raptisque arcent ab honoribus ipsum.
 Dixerat. illi autem retuli sic orsa vicissimi:
 Nulla quidem Pelei generosi venit ad aures
 Fama meas: cupido dicam tamen inclita gnati
 Facta Neoptolemi, referamque ex ordine casus. 530
 Illum ego nam curvis Nerei per caerula duxi
 Navibus e Scyro victricia ad arma Pelasgum.
 Atque ubi concilii Trojae sub moenibus altae
 Tempus erat, semper primus dicebat, aberrans
 Haud umquam sermone gravi: Necius illi

Nestor,

Nestor egoque, pares visi contendere soli.
 At quoties ferro cernebant praelia Graji,
 Millibus haud ille in mediis, turbaque manebat;
 Sed longe antevolans, nulli virtute secundus
 Bellator, passim tollebat caedis acervos. 540
 Haud autem numero possim comprehendere, & omnem,
 Quam dederit leto pugnans, evolvere turbam.
 Eurypilus scit Telephides quo turbine ferrum
 Torqueat, & circum late socia agmina strata
 Cetaeum, propter nympharum munera; cunctis
 Memniona post dium se pulchrior ille ferebat.
 Praeterea ingentem Danaï, quem struxit Epeus,
 Ascendere ut equum (fuerat mihi tradita cura
 Et caecos aperire dolos & claudere rursus;)
 Tunc alii proceres tergebant humida fletu 550
 Lumina, & informes trepidabant omnibus artus.
 Ast illum haud umquam pallentem corpore vidi,
 Tergentemque genis lacrimas. quin saepe rogabat,
 Ut finerem jam corpus equo demittere saltu,
 Fulmineum stringens ensē, hastamque coruscans
 Acre gravem, Phrygiaeque intentans funera genti.
 Mox ubi jam Priami celsam populavimus urbem,
 Multa ferens ratibus captivae munera praedae
 Incolumis cessit, non umquam aut eminus ictus,
 Cominus aut ferro laesus, quod saepe videmus, 560
 Fervet ubi Mavors permixta in caede virorum
 Sanguineus. dixi; subitoque averfus abivit
 Acacides longo per prata virentia gressu
 Incedens, gnati lactus praestantibus orsis.
 Hinc aliae accessere animae, graviterque gementes
 Narrarunt mihi quaeque suas ex ordine curas.
 Solus torva tuens longe Telamonius Ajax

Ducentem, praedamque humeris per prata ferentem 600

Florea, quam solis errans in montibus ante

Straverat: in manibus stat clava ex aere rigenti.

Praeterea & Tityon vidi telluris alumnum

Omniparae, cui vasta novem per jugera corpus

Tenditur. immanes hinc atque hinc viscera rostris

Vulturii assidue tundunt, penetrantque sub altum

Ungue jecur: nequit ille manu depellere pestem

Supplicia expendens, caram violare Tonanti

Latonam aggressus, dum Pythia templa petebat

Sola per umbrosi Panopaei halantia prata. 610

Tantalus heic aderat, curaque exercitus acri

Stabat in amne. illi mento tenuis unda fluebat

Poturo jam jamque, sitim atque explere paranti,

Nequidquam. quoties namque ora admoverat undis

Aridus, invisio toties fugiebat hiatu

Unda absorpta: pedes circa telluris imago

Nigra videbatur, siccoque arebat in alveo

Fontibus ereptis ultrici a numinis ira.

Desuper at ramis felicibus imminet arbos

Punica, fecundaeque piri, malique valentes, 620

Et ficus, oleaeque: sui stant arbose foetus.

Quos ubi tentabat senior decerpere palmis,

Nubiferas alte ventus jactabat in auras.

Nec procul infelix visus mihi Sisyphus ipse

Saxum immane manu gestans curvatus utraque,

Connixisque humeris pedibusque ascendee certans

Montis iter: summo mox idem in vertice frustra

Ut steterat jam jamque, aversa e parte Crataeis

Impulit. ingenti praeceps mons improbus actu

Volvitur in campos; ille instat, & omnia sudor 630

Membra rigat, supraque caput stat pulvere nimbus.

Post

Post etiam vana vidi sub imagine formam
 Herculis; ipse autem superis convivias regnis
 Laetus agit, pulchramque fovet complexibus Heben,
 Aurea quam Juno regi est enixa deorum.
 Hunc circa umbrarum strepitus, ceu rauca volantum
 Agmina quum resonant: multa caligine tectus
 Ille tenet nudumque arcum, nervoque sagittam.
 Tendit acerba tuens semper, similisque minanti.
 Horridus ex humeris pendebat pectora circum 640
 Balteus, inque auro variarum monstra ferarum
 Urisque, agrestesque apri, saevique leones,
 Pugnaeque insidiaeque necesse & praelia stabant:
 Nil simile his umquam visum, nec talia quisquam
 Extuderit posthac fulgentia cingula signis.
 Isque ubi me cernens nigra cognovit in umbra,
 Ingemuit miserans, dulcique affatus amore est.
 O fate Laërta, rerum admirande repertor,
 Certe aliqua heu miserum fati fors improba versat
 Te quoque, me tenuit vivum quae dura sub auris. 650
 Altifono Jove natus eram; sed tristitia saepe
 Multa tuli, ingrati semper parere coactus
 Imperiis domini, & caput obiectare periclis.
 Huc quoque me quondam tracturum in vincula misit
 Dura canem; neque enim gravius certamine tali
 Scilicet ille aliud misero fore credidit ullum.
 Hunc rapui tamen ipse, atque atro e carcere traxi
 Mercurio monstrante viam & Tritonide diva.
 Dixit, & obscuri subiit penetralia Ditis:
 At non ipse abii. cupidum juvat usque morari, 660
 Si qua alia heroum facies sese efferat Orco.
 Fors & vidissem, quos multum cernere avebam,
 Thesea, Pirithoumque, deorum germina clara;

LIBER UNDECIMUS. 207

Murmure sed magno stridens prius adstitit agmen
 Umbrarum immensum. tum vero pallidus horror
 Corripuit metuentem, imo ne effundat Averno
 Gorgonei horrendam faciem Proserpina monstri.
 Ergo iter ad navim celero, jubeoque sodales
 Scandere, & excussos terris laxare rudentes.
 Confidunt jussi transtris: fert gurgite puppim
 Oceani in vasto remis adnixa juvenus,
 Mox etiam veniens optato flamine ventus.



HOMERI ODYSSEAE

LIBER DUODECIMUS.

O Ceani rapido properans ratis amne relicto,
 Rursum caeruleas Neptuni lapsa per undas
 Venit ad Aeaes fines, ubi ducit in altis
 Sedibus alma choros Aurora, atque aureus axi
 Jungit equos Sol ipse. stat acta in litore puppis,
 Nosque una egressi dulci tellure potimur,
 Sternimur & somno, lucis dum fulgeat ortus.
 Qui simul ac roseo primum se ostendit Eoo,
 Continuo socios praemissi ad limina Circes,
 Ut miseri extinctos referant Elpenoris artus. 10
 Robora nos autem, qua cello vertice silva
 Tollitur, aggressi ferro; lacrimasque cientes
 Condidimus terra delati corpus amici.
 At postquam exustique artus atque arma fuere,
 Aggesto supra tumulo, positaque columna,
 Fiximus in summo mansurum culmine remum.
 Omnibus hinc rite exactis, haud inscia nostri
 Ex erebo reditus celerans vestigia Circe
 Venit: eam circum famulae Cerealia dona,
 Lustralesque armos, generosaeque vina ferebant. 20
 Tum dea stans propior dedit has pulcherrima voces:
 Heu miseri! horrentem vivi subiistis & Orcum,
 Bis letum experti, quamvis semel omnibus hora
 Atra venit? dapibus dulcique o corpora vino
 Procurate viri; cras altum iterabitis aequor,

Luce

Luce nova. vos ipsa viam, vos cuncta docebo;
 Infidiis ne forte ullis terraeve marisque
 Capti iterum luctu frustra doleatis acerbo.
 Dixerat, & dictis curas a corde removit.
 Nos subito instamus dapibus, fusique per herbam
 Solis ad occasum libamus munera Bacchi;
 Utque abiit lux alma, & inhorruit aura tenebris,
 Litoris in sicca nautae sternuntur arena.
 At me diversa solum dea parte locavit
 Ipsa manu ducens, atque ordine singula quaerens
 Me cubuit juxta. cui postquam rite recensens
 Omnia narravi, tunc illa ita farier inquit:
 Haec fuerint jam cuncta quidem; nunc auribus ista
 Accipe, quae memori in mentem deus ipse reducet.
 Principio scopulos Sirenum & litora vifes
 Tristia, quae falsa capiunt dulcedine nautas.
 Illas incautus quicumque accesserit oras,
 Audieritque sonum, nec amatae conjugis ora
 Aspiciet, nec lacta redux dabit oscula gnatis.
 Carmine deceptus, quod molli e guttore fundunt
 Sirenes viridi in prato. late ossibus albescent
 Omnia, & infanda miserorum caede putrescunt.
 Tu transvectus abi; ceraque sodalibus aures
 Obline, ne quisquam voces exaudiat alter.
 Ipse velis ni forte unus: tamen ante jubebo,
 Vincla tibi, circumque artos inducere nexos
 Ingentem ad malum, fixosque aptare rudentes,
 Tutus ut accipias Sirenum ex aequore cantus.
 Quod si etiam solvi possas, magis arcta revincto
 Injiciant focii tendantque haerentia vincla.
 At simul hinc volucris praeterlabere carina,
 Non ego te moneam, quo flectas tramite cursum:

D d

Tu

Tu videas; facies haec certa utrinque locorum.
 Horrescunt cautes, magnique ex aequore fluctus
 Cautibus illi resonant, errantia divi 60
 Saxa vocant. pennis supra non ulla volucris
 Tendit iter; possunt non ipsae impune columbae
 Ambrosiam pavido referentes ore Tonanti;
 Verum aliquam semper leto rapit improba rupes,
 Suffectaue nova numerum Saturnius aequat.
 Hac non ulla quidem potuit tranare carina
 Sospes adhuc: navimque simul correptaue ab aestu
 Corpora fluctus agit nimbisque vorantibus ignis.
 Sola per undosos intendens carbasa tractus
 Transiit haec Argo quondam loca, Phasidis oras, 70
 Aeaetaeque domos linquens. fors turbine & ipsam
 Corripiens fluctus cautes fregisset ad altas,
 Ni celeri lapsam praeter vada tristia cursu
 Vexisset Juno, fuerat cui gratus Iason.
 Stant gemini scopuli: superas hic tendit in auras
 Arduus, atque altum caput intra sidera condit
 Nubibus aeternis horrens. non vertice fulgor
 Purpureus rutilat solis, diffusaue puro
 Aura polo nec bacchi ardet nec tempore messis.
 Haud etiam quisquam valeat conscendere supra, 80
 Aut revocare gradus; non si bisdena moveret
 Brachia, bisdenisque ageret vestigia plantis.
 In medio scopuli nigro patet intus hiatus
 In Stygias conversa plagas specus horrida. longe
 Flectere tum praestet cursum, atque avertere proram,
 Quamvis immenso fugiat specus edita tractu,
 Quo neque contingat juvenis jaculatus ab arcu
 Nequidquam toto contendens cornua nisu.
 Heic graviter frendens stat Scylla informis in antro,
 La-

Latratufque ciet catulos imitata recentes: 90
 Ipsa autem monſtrum horrendum, quam cernere nullus
 Gaudeat; ipſe deus non ſi foret obuius illi.
 Subter crura rigent biſſex informia monſtro,
 Senaque colla ſupra, totidem capita horrida collo
 Cuique inſtant, triplicique aſſurgunt ordine dentes .
 Ora exertantis, caedemque & fata minantis.
 Atra tegit mediam ſpelunca: at corporis exſtat
 Pars alia, & barathro capitum ſaeua exerit ora,
 Piſcaturque, oculis luſtrans ſaxa omnia circum,
 Delphinaſque, canesque; & ſicubi grandia poſſit, 100
 Plurima quae pelago vivunt, deprendere cete.
 Incolumes nulli haec nautae jaſtantur abiſſe
 Per loca cum navi: tot corpora capta viroꝝum
 Surripit, ora ratem tendit quot hiantia ſupra.
 At ſcopulus ponto ſurgit depreſſior alter
 Parte ſub adverſa, relique haud longius iſtu:
 Frondibus hunc ingens potulis capriſificus inumbrat.
 Sub latere hoc tegitur, fluctuſque inſiſa Charybdis
 Eruſtans ter quaque die ruſſumque reſorbens
 Aeſtuat horrendum. ne tu, quum gurgite ab imo 110
 Sorbet in abruptum fluctus, vicinior ito;
 Nam neque Neptunus diro te ſubtrahet aeſtu,
 Ille quidem id cupiat quamvis, fruſtraque laboret.
 Quin propior Scyllae ſcopulis adverte carinam,
 Atque citus molire fugam: ſex corpora praestat
 Rapta dolere, omnes quam certo occumbere leto.
 Dixerat. ipſe autem: fare o pulcherrima, meque
 Diva doce; immitem fugiam ſi qua arte Charybdim
 Incolumis? ſi fata ultus miſeranda meorum
 Interitu Scyllae vertam? ſed nympſa loquentem 120
 Increpuit ſubito, ruſſumque haec addidit ore:

Infelix! tibi facta animo stant Martia, necdum
 Ardor abit: cedes nec dis, quos nescia leti
 Vita manet? mortale putas, quod funeris experts
 Di voluere malum saevumque & triste nec ulli
 Vincendum: fuga sola dabit properata salutem.
 Si namque in scopulo sumptis cunctabere relis,
 Heu vereor, ne dira tibi tot hiatibus ora
 Exerat, & socios totidem rursus improba tollat.
 Sed fuge praecipiti cursu, magnaue Crataein 130
 Voce voca, monstrum quae partu enixa nefando
 Edidit; illa cavo rabidum compescet in antro.
 Post hinc Trinacriam venies, ubi pinguis Solis
 Et pecora & nivei ludunt per prata juvenci:
 Septem armenta bouum, totidem formosa bidentum
 Agmina; quinquaginta aequatis partibus omni
 Sunt capita in coetu; numerum nec foetibus augment,
 Nec minuunt leto. pastoris munera curant
 Nymphae pulchricomae Phaëthusaque Lampetieque,
 Aetherio genuit Soli quas dia Neaera, 140
 Pubentesque parens viridique in flore vigentes
 Trinacriae aequoreas longe deduxit ad oras,
 Et patrios fervare greges armentaque jussit.
 Haec intacta fines si pingues ire per agros,
 Post varios casus Ithacam cum pube redibis:
 Laedere sin ausus fueris, tum triste carinae
 Exitium sociisque cano; tuque ipse periculum
 Si fugies, sero infelix tua litora vides
 Omnibus amissis, quae postquam diva loquuta est,
 Aurea Tithoni conjux jubar extulit ortu 150
 Purpureo: Circe simul ipsa e gramine surgit,
 Et cedit diversa petens. ego scandere puppim
 Admoneo socios, terrisque incidere funes.

Nul-

Nulla mora; insiliunt omnes, transisque locati
 Spumea convellunt inflexis aequora remis:
 Nec non a tergo faciles abeuntibus auras
 Suscitāt implentes optato flamine vela
 Ornatis spectanda comis dea maxima Circe.
 Omnibus hinc armis per navim rite locatis
 Sternimur: ipsa ferunt celerem sua flamina puppim. 160
 Atque ego tum tristi compellans voce sodales:
 O focii, dixi; neque enim sciat unus & alter
 Haec modo, quae docuit verax oracula nympha;
 Omnibus at pateant, seu nobis fata minantur
 Exitium, seu laeta jubent sperare salutem.
 Scilicet illa prius vocemque & prata cavere
 Florida Sirenum; meque unum audire canentes
 Jussit. at innexis vos vincla tenacia membris
 Tendite, & haerentem nodis nexuque revinctum
 Arboris ad truncum media me sistite navi. 170
 Solvi si precibus poscam, constringite vincla
 Arctius oranti, & duros cohibete rudentes.
 Talia dum focios hortatus voce monebam,
 Litora Sirenum placido ratis incita cursu
 Contigit; innocuo labentem ventus agebat
 Flamine. tum subito zephyri posuere, neque ulla
 Murmura tranquilli resonant per caerula ponti,
 Sopitque jacent aequato gurgite fluctus.
 Vela legunt nautae, certaue in sede reponunt
 Composita, & validos fortiti ex ordine remos 180
 Certatim incumbunt, & spumea caerula torquent.
 Ipse autem ingentem cerae conversus ad orbem
 Dissecui ferro, & lentescere frustra coëgi
 Pressa terens: jam cera manu tractata valenti
 Liquitur, & Phoebi radiis ardentibus icta.

Hac

Hac ego tum sociis illevi protinus aures
 Omnibus infundens. contra illi vincula capto
 Injecere mihi, rectosque in stipite mali
 Hinc atque hinc validis cinxerunt nexibus artus;
 Dein rursum impulsis ferierunt aequora palmis. 190
 Jamque ubi distabat, quantum clamantis ab ore
 Audiri vox missa potest, ratis acta per undas,
 Haud latuit nymphas, curvoque in litore stantes
 Talia suavidica cecinerunt carmina voce.
 O Laërtiade Grajum decus, huc age navem
 Dirige, ut arguto cantum quem fundimus ore,
 Accipias. nemo haec transvectus caerulea puppi est,
 Quin prius adstiterit vocum dulcedine captus;
 Post variis avido satiatus pectore musis
 Doctior ad patrias lapsus pervenerit oras. 200
 Nos grave certamen belli clademque tenemus,
 Graecia quam Trojae divino numine vexit,
 Omniaque e latis rerum vestigia terris.
 Sic resono ingeminant cantu: mihi corda voluptas
 Intima pervadit, vultuque & lumine nutans
 Solvere vincla precor socios. illi freta verrunt,
 Surgentesque una Perimedes Eurylochusque
 Implicuere magis cupidum perrumpere nodos.
 Interea celeres vecti viridantia praeter
 Litora Sirenum, nullis ubi cantibus aura 210
 Pulsa sonat, ceram juvenes ex auribus omnem
 Eripiunt, laxantque meo de corpore vincla.
 Cessimus ut campis, vidi atrum ad sidera fumum
 Tollier undarum strepitumque exterritus hausi:
 Excussi manibus subita formidine remi,
 Omniaque horrifico sonuerunt murmure, & ipsa
 Remigio puppis spoliata immobilis haesit.

Atque

Atque ego per medios gradiens macrentia dictis
 Pectora mulcebam, sic quemque hortatus ab ore.
 O juvenes, neque enim ignari fumus ante malorum, 220
 Exitium nec majus adest, quam dira Cyclopi
 Experti quum facta cavo trepidavimus antro;
 Hinc tamen & virtute mea & sollertibus ausis
 Fugimus: horum etiam quondam meminisse juvabit.
 Quare agite & nullus dictis parere recuset:
 Vos rapidos remis fluctus per transtra locari
 Scindite, si mortem saltem hanc fors Jupiter aequus
 Det fugere, & praesens etiam vitare periculum.
 Tuque gubernator memori mandata reconde
 Haec animo, tibi enim clavo torquenda carina. 230
 Hunc extra fumumque procul fluctusque sonantes
 Fleste ratem, scopulumque cave, ne cautibus asper
 Incautum fallat, nosque atro funere mergat.
 Vix ego finieram, focique haud jussa morantes
 Incumbunt remis; necdum implacabile monstrum
 Scylla rapax mihi dicta fuit, ne forte timentes
 Ima ratis tabulata petant, remosque relinquant.
 Haec etiam misero Circes mihi pectore tristes
 Exciderant monitus: nam contra ac jussa ferebant
 Arma amens cepi, longoque hastilia ferro 240
 Bina manu crispans prorae surgentis in ipso
 Fine steti, poterat prius unde horrenda videri
 Scylla meis luctumque ferens & funera nautis.
 Nec tamen aspexi, licet acri lumine fessus
 Omnia lustrassem late loca rupis opacae.
 Tendimus angusto conclusi gurgite flentes
 Inter utrumque latus: furit atra haec Scylla sub antro,
 Illic sorbet aquas resonans immane Charybdis.
 Quae quoties vasto fluctus eructat hiatu

Spu-

Spumea, ceu rapidis quum flammis fervet ahenum, 250
Aestuat ingenti strepitu. sublatu in auras
It liquor, & summi fumant aspergine montes.
At quoties rapidi salvas vorat aequoris undas,
Monstrat aperta sinum penitus: tum murmure circum
Saxa tonant, glaucaeque oculis cernuntur arenae
Reclusa tellure. aspectu territa pubes.
Palluit; atque illam trepidi dum cernimus unam,
Ecce furens antro, manibusque & robore fortes
Ante alios mihi Scylla viros sex improba tollit.
Respiciens navimque simul, simul acta meorum 260
Corpora, vix summo pendentia brachia saxo
Elatosque pedes vidi me saepe vocantum
Nomine, & extremos gemitus in morte cientum.
Ac veluti residens viridi piscator in acta,
Incautos longa quum fallit arundine pisces
Objiciens tecto letalia pabula in hamo,
Tollit anhelantes, siccaque exponit arena
Semineces: sic illi in saxa horrentia tracti
Exanimis longis singultibus ilia tendunt.
Ipsa autem in foribus clamantum pascitur artus 270
Tendentumque manus frustra mihi morte sub ipsa:
Spectaculum horrendum! quo nil crudelius usquam
Saeva diu ponti scrutando caerula vidi.
His tandem elapsos scopulis atraque Charybdi
Et Scylla, hospitio molli nos insula divum
Cepit; ubi Solis forma praestante juvenci
Lanigerique greges tondebant roscida prata.
Necdum contigerat litus ratis acta per undas,
Et jam mugitusque boum ferit excitus aures
Balatusque ovium; nec non mihi dicta recurrant 280
Tiresiae Circesque iterumque iterumque monentum,
Solis

Solis uti sacra caveam tellure potitus.
Haec metuens tristi sic voce silentia rupi:
Accipite o focii, quae me Thebanus in Orco
Edocuit vates, fatorum & conscia Circe.
Scilicet unum illud repetens edixit uterque,
Ut Solis fugerem cari mortalibus arva;
Exitium nam triste manet: quin o freta rostris
Findite Trinacria longe post terga relictâ.
His dictis cecidere animi turbataque cunctis 290
Pectora, & Eurylochos subita me turbidus ira
Increpuit: mens laeva quidem te vexat, Ulysseu,
Indomitumque geris robur, nulloquo labore
Frangeris. an fociiis tu ferrea corpora rere
Omnibus, haud patiens somno curisque gravatos
Optata heu miseros tandem tellure potiri,
Dulcibus atque epulis operari in litoris ora?
Scilicet obscuram per noctem errabimus undis.
Sic temere avulsi gremio telluris; an auras
Praecipites non saepe polo nox turbida cogit? 300
Quis fugiat late tenebris horrentibus atram
Perniciem, si forte mari gravis incubet auster,
Nimbosusque ruat zephyrus, qui turbine naves
Corripiunt, vexantque, adverso numine divum?
Cedere nunc praestat nocti, dapibusque relictos
Corpora vicini curare in litoris herba:
Cras iterum cum luce nova sulcabitur aequor.
Sic ait Eurylochos: cuncti simul ore fremebant
Haec eadem assensu haud dubio. mihi triste canebat
Haud obscura quidem jam tum gravis ira deorum; 310
Et subito: jam jam cedo, nec tendere contra
Sufficia solus: nunc vos at numina caeli
O saltem jurate: greges florentibus agris,

Contigeritve boum si qua heic armenta videre
 Haud admissuros scelus exitiale, neque ullam
 Laefuros pecudemve manu fortemve juvenum;
 Sed fore contentos dapibus, quas provida Circe
 Praebuit, haec fatus tacui; nec dicta retractant
 Jam nautae, jurantque omnes. qucis rite peractis,
 Ingredimur portum religata ex aggere navi 320
 Dulcem propter aquam. juvenum manus emicat ardens
 Litus in optatum, dapibusque operatur in acta.
 Inde ubi pulsa fames, sitis & compressa Lyaco,
 Tristitia prosequimur sociorum funera fletu,
 Abstulerat curva quos nuper Scylla carina;
 Flentibus & lassos dulcis sopor occupat artus.
 Tertia noctis erat quum pars, jamque astra cadebant,
 Saeviit extemplo nimbis ingentibus atra
 Ab Jove tempestas; & late horrentia pontum
 Nubila telluremque simul cinxere; polo nox 330
 Nigra ruit. vix almus equis afflarat anhelis
 Nos Oriens, quum prima ratem subducere nobis.
 Cura subit, tractamque cavo religare sub antro,
 Candida ubi nymphis exstructa sedilia stabant.
 Post etiam pleno in coetu sic alloquor omnes:
 In curva mollesque dapes potusque carina
 Dulcis inest: heu triste aliquid ne fata minentur,
 O prohibete manus, quaeso, & servate juvencos.
 Haec armenta deo pascuntur sacra potenti,
 Omnia qui vastum lustratque auditque per orbem. 340
 Nec plura his: fremitu socii assensere secundo.
 Interea totum non secius aethere mensum
 Flat notus; excito quisquam nec flamine deinde,
 Ni notus atque eurus, pelago dominatus aperto est.
 At juvenes, tostae Cereris dum dona manebant

Vina-

Vinaque, folliciti vitae abstinuere juvenis
 A vetitis. ubi cuncta tamen sensere carina
 Deficere, ad praedam versi venatibus instant,
 Rimanturque uncis manibus, si scrupula piscem
 Saxa inter (cogebat enim vis improba ventris) 350
 Haerentem inveniant, latitantem aut rupe volucrem.
 Contra ego secreti processu ad litoris oram
 Vota diis facturus, iter miseratus ab alto
 Expediat si quis misero, reditusque secundet.
 Jamque procul residens diversa in valle, ubi ventis
 Aequora tuta silent, palmasque in gurgite lotus
 Omnes caelicolas supplex in vota vocabam.
 Tunc mihi dî facili sparserunt lumina somno,
 Eurylochus dum parte alia pervertere tentat
 Corda virum subiens sic astu: o dura sodales 360
 Experti mala quaeque, venit mortalibus aegris
 Invisum genus omne necis; sed acerbius unum
 Omnibus est, periisse fame fatumque subisse.
 Quin agite, & Solis pingues adducite tauros,
 Debita uti magnis solvamus munera divis.
 Quod si Ithacae dabitur tandem patria arva videre,
 E niveo Soli statuemus marmore templum,
 Ducemusque sacras alta ad donaria pompas.
 Aut etiam pro caede boum si perdere navem
 Hic volet iratus, prohibebunt cetera cladem 370
 Numina. quidquid erit; malo jam mergier undis,
 Quam miser ignota longum tabescere in aëta.
 Dixerat, atque eadem placuit sententia cundis;
 Continuoque sacros lunata fronte juvencos
 Excipiunt: multi camuris nam cornibus ibant,
 Et vicina nigrae carpebant gramina puppi.
 Circumstant pariter lacti, divosque precantur,

Et folia e querna, Cereris pro frugibus almae,
Arbore carpentes summa inter cornua fundunt.
Tum precibus missis feriunt colla alta securi, 380
Tergoraque eripiunt, & sectos cruribus armos
Arvina involvunt super & pinguedine densa.
Lenaei deerant latices; ardentiaque extra
Fluminea spargunt unda, libantque faventes.
Hinc simul incensosque armos & tosta vorarunt
Viscera, & aeratis fixerunt cetera membra
Secta minutatim verubus; mihi lumina somnus
Deferuit, sociosque iterum navimque reviso.
Vix aderam propius, tenues quum nidor in auras
Diffusus nares mihi noto afflavit odore. 390
Ingemui, & clamans has rupi pectore voces:
Juppiter o genitor, vosque o stellantis olympi
Numina, quid miserum jovit sic perdere somno?
Heu sine me crudele nefas est ausa juvenus.
Haec ipse: interea celeri per inania lapsu
Attulerat dira stratos jam caede juvencos
Lampetie auricomos Soli, qui turbidus ira:
O pater, o superi, dixit, mihi digna rependant
Supplicia infandi comites errantis Ulyssæi
Admissa pro caede boum, quos laetus ab axe 400
Cernere gaudebam, sive alto inuestus olympo,
Seu repetens humilem stellato a vertice terram.
Quod mihi ni meritas persolvant crimine poenas;
In Stygias ibo latebras, atque horrida Ditis
Regna meo late perfundam lumine fulgens,
Discutiamque umbras. cui Juppiter: aurea caeli
Templa colens tu semper, ait, radiantia ferto
Lumina dis, pariterque nigrae telluris alumnis:
Horum ego jam celerem candenti fulmine puppim
Flu-

Fluctibus in mediis feriam jaculatus ab arce 410
 Aethera. quae dicta Jovis mihi deinde Calypso
 Candida narravit: retulit Cyllenius olivae
 Nuncius adveniens superis e sedibus ales.
 At navem ut tetigi, socios in litore adortus
 Increpui nulli parcens: sed dicta cadebant
 Irrita, nec tantam poterant sarcire ruinam;
 Exstincti jam quippe boves tellure jacebant.
 Terrificis etiam turbarunt pectora monstros
 Di subito, tractaeque solo (mirabile dictu!)
 Serpere tum visae pelles, auditaque longis 420
 In veribus mugire simul jam torrida membra,
 Cruda simul, sonitu vivos imitata juvencos.
 Nec tamen abstiterunt, sensaeque ex ordine luces
 Perpetuis egere epulis convivia nautae
 Sacra instaurantes. postquam lux septima venit,
 Nimbifer immani cessavit turbine ventus,
 Et nos ingressi deductae in pinea navis
 Robora velorum crepitantes solvimus alas.
 Ut pelago fugit puppis, nec jam amplius ulla
 Apparet tellus, caelum undique & undique pontus, 430
 Caeruleam supra nigra caligine nubem
 Juppiter induxit: tum subter inhorruit unda,
 Continuitque ratis cursum. nam turbine stridens
 Praecipiti zephyrus turbavit caerulea, & ambos
 Diffudit haerentes malo vis aspera funes
 Impete contorquens. cadit actus pondere retro
 Malus, & arma simul fundum volvuntur in imum
 Omnia: at ipse ruens puppim super incidit ictu
 In caput inque humeros miseri rectoris, & ossa
 Omnia subjecti frangit: jamque ille carina 440
 Labitur in praecipit, vitamque relinquit in auris.

Tum

Tum simul intonuit caelo, simul igne trifulco
 Juppiter intorsit fulmen; correptaque navis
 Tota diu intremuit, dirumque efflavit odorem
 Sulfuris. excussi nautae volvuntur in undas
 Aequareis similes corvis circumque feruntur
 Fluctibus in tumidis: reditum negat ira deorum.
 Ipse autem gradiens hac illac, pinea solvat
 Donec texta ratis, laxis compagibus, unda,
 Opperior. jamque illa salo resoluta fatiscit, 450
 Imaque pars superest tantum, cui fortia vincla
 E corio haerebant mali retinentia truncum.
 His subito vinclis malumque, imamque carinam
 Implicui, junctoque sedens in robore utroque
 Et vento & pariter fluctu jactante ferebar.
 Dein zephyrus nimbisque furens & turbine saevus
 Desiit, adversisque ruens notus ingruit alis,
 Rursus ut horrendae subeam vada iniqua Charybdis.
 Tota nocte feror; primoque micantibus ortu
 Cum radiis Phoebi violento gurgite vectus 460
 Scyllae inter subii scopulos atramque Charybdim.
 Illa quidem in barathrum falsas demiserat undas
 Faucibus absorbens patulis: ego corpus ab aestu
 In sublime levans caprificu adfixus inhacsi
 Lucifugae similis volucris: vestigia nusquam
 Figere, nec summum potui contingere culmen.
 Longe etenim stirpes suberant, ramique sub auras
 In diversa alto fundebant stipite sese
 Ingentes, densisque umbrantes frondibus antrum.
 Heic me tunc tenui obnixus, dum robora navis 470
 Redderet eructans iterum. nec vana fefellit
 Spes cupidum; nam jura foro quum dicere iudex
 Desinit ad caenam properans post jurgia pubis,

Emer-

Emergere atro barathri revomentis hiatu
 Robora, demisque pedes & brachia supra
 Cum sonitu illapsus mediis, manibusque recurvis
 Uda sedens pulsi verrebam caerula Nerei.
 Nec vero Scyllam divum pater atque hominum rex
 Amplius est passus me dira e rupe videre
 Innantem; neque enim fugissem tristia fata. 480
 Inde novem per stagna dies maris humida ventus
 Errantem vexit: decima post numina nocte
 Telluri Ogygiae appulerunt, ubi dia Calypso
 Inter Atlantiadas forma pulcherrima nymphas
 Fluctibus ejectum facili me sede recepit.
 Sed quid ego haec autem nequidquam indigna recordor
 Hesterno jam dicta die tibi, maxime regum,
 Uxorique tuae? fessum piget illa referre
 Rursus, & insomnes noto sermone morari.



HOMERI ODYSSEAE

LIBER TERTIUSDECIMUS.

Dixerat: atque alii per tecta silentia late
 Dum gaudent mira capti dulcedine rerum,
 Sic illum Alcinous dictis compellat amicis.
 O Laërtiade, quando huc te fata tulere
 Per varios casus, per multa pericula vectum,
 Incolumis divesque tuas remeabis ad oras.
 Vos autem o; quicumque meos celebrare penates,
 Gaudetisque una convivia ducere, Bacchi
 Laetitiam cantusque inter, mea figite corde
 Dicta, viri. Tyrio pictae jam murice vestes, 19
 Caelatumque aurum, quaecumque & ditia dona
 Attulerunt proceres Phaeacum, condita in arca
 Omnia sunt. solido nunc quisque ex aere lebeta,
 Ac tripodem det quisque super: post certa redibit
 Pars pretii toto e populo; non omnia namque
 Fas unum tribuisse. haec postquam maximus heros
 Fatus erat, plausu cuncti assensere secundo
 Ad sua cedentes laeti penetralia reges.
 Mox idem, ut roseis Aurora evecta refulsit
 Aequoribus, navimque parant atque aerea portant 20
 Dona viro; quae rite locans curvata carinae
 Alcinous stipat sub transtra, offensa juvenus
 Ne doleat validis freta findens versa lacertis.
 His propere exactis adeunt regalia rursum
 Tecta simul, mensasque parant, ubi sanguine sacro
 Vi

Victimæ caesa Jovi taurus fumabat ad aram.
 Diripiunt costas, dapibusque fruuntur opimis
 Vescentes; interque ipsos ciet aurea plectra
 Demodocus simul ore canens. at fortis Ulysses
 Suspiciens crebro caelum, solemque cadentem, 30
 Pronus ut hesperias curru descendat in undas,
 Oprat, & impatiens studio jam gestit eundi.
 Ac veluti impasto tota cui luce jugales
 Invertere gravi fecundas vomere glebas,
 Occidit optanti prono sol igneus axe
 Agricolae; fesso tum pectore gliscit edendi
 Ardor, & exstimulat cupidum; trepidantia eunti
 Genva labant titubantque pedes. sic aequora tandem
 Sol Ithaco optanti subiit, mediaque corona
 Alcinoos atque aliis Phaeacibus infit ab ore. 40
 Maxime rex, vosque o magni, capita inclita, patres,
 Perfectis me rite sacris dimittite quaeso
 Protinus incolumem; vos & valeatis amici.
 Namque mihi jam parata, animus quaecumque volebat,
 Muneraque auxiliumque viae, quae numine servant
 Cuncta suo divi faciles, veteresque sodales
 In patria visam cum salva conjuge, faxint.
 Heic quoque vos mancant semper rata gaudia vestris
 Cum nuptis gnatisque; dii vos omnibus auctos
 Muneribus cumulent, procul absit publica clades. 50
 Vix ea finierat; laeto clamore sequuntur
 Phaeaces, ducique jubent tam digna profantem.
 Atque heic Alcinoos fido praecone vocato:
 Pontonoë o, dixit, plenum cratera lyaeo
 Huc age; caelicolum regi libemus ovantes,
 Mittamusque virum tanto sub numine laetum
 Ad patriae fines. dixit: nec jussa moratur

Pontonous cratera ferens atque ordine miscens
 Omnibus. hi taciti libant, divosque precantur
 Per sedes late; quos inter solus Ulysses 60
 Adstitit, ac multo spumantia pocula baccho
 Tradidit Aretae sic ipsam affatus ab ore.
 O salve regina mihi, dum tarda senectus;
 Parcarumque sinant leges, ac debita fata.
 En ego discedo; tu contra in sedibus hisce
 Et populo & gnatis precor alma & rege fruare.
 Sic fatus tendit gressus ad limina, & una
 Alcinoi it missus celerans vestigia praeco,
 Ad navim qui monstret iter litusque reductum.
 Nec non Arete famulas jubet ire puellas, 70
 Haec ferat ut chlamydem secum tunicamque nitentem,
 Illa auctam donis pictam regalibus arcam,
 Atque aliae cererem pariter, laticesque lyaeos.
 Ut litus tetigere cavum, data munera nautae
 Accipiuntque locantque alacres, tum mollia sternunt
 Lina viro, pictosque super de more tapetas
 Conjiciunt, queis molle cubet placidusque quiescat
 Velivola in puppi. jamque ipse ascenderat heros,
 Compositusque toro languentia membra locarat,
 Quum subito curva socii sedere carina 80
 Ordine quisque suo, solvere & litore funem.
 Incumbunt remis adnixi, & caerula verrunt
 Spumea: sopitos Ithaci diffusa per artus
 Dulcis & alma quies mortique simillima serpit.
 At navis, rapidae veluti per plana quadrigae
 Prata volant, quas viva rapit vis incita equorum
 Verberibus crebris; jam jam in sublime videntur
 Aëra per liquidum ferri, & contingere metam:
 Sic celeri volat illa fuga, longoque sonantes

Limi-

Limite agit fluctus, canumque in gurgite sulcum 96
 Deferit a tergo, non ipsam praepete penna
 Accipiter, levis alta secans praevertere possit
 Labentemque undis, divisque heroa ferentem
 Consiliis animoque parem, qui plurima quondam
 Pertulerat longum bello jactatus & undis,
 Tum placida oblitus curas in nocte quierat
 Jamque ubi purpureo procedens clarus ab ortu
 Lucifer auroram Thitoni e sede vocabat,
 Constitit optata navis tellure posita,
 Caerulei stat portus ubi Phorcynis ad oras
 Litoreas Ithacae, versis duo frontibus alter
 Oppositi adsurgunt scopuli, pelagique furorem
 Cautibus objectis, ventorumque horrida frangunt
 Flamina: securae tuta statione carinae
 Intus habent sedem, nec vincla tenacia poscunt
 Ast olea in summo diffundit vertice ramos
 Desuper umbrosis complectens frondibus antrum;
 Antrum horrendum, ingens, nympharum humentia tem-
 pla
 Naiadum, solido excisi de marmore circum
 Crateres, planisque utrinque exstantibus arcae,
 Mellaque apes stipant, vivoque haerentia saxo
 Stant juga, ubi resono percurrunt pectine nymphe
 Puniceo tenues variatas murice telas
 Manant & liquidifontes, semperque recenti
 Rore strepunt; geminaeque fores, quarum altera
 Quae borean, hominum patitur vestigia, at almos
 Altera sacra deos, nigrum quae vergit ad austrum,
 Excipit, haud tangenda viris, at pervia tantum
 Caelicolis. huc se tunc noto in litore navis
 Condidit ac media plus parte refedit arena 120

In sicca; valido sic incita remige venit!
Emicat in terram pubes, etiamque cubantem
Mollibus in stratis, etiam alto lumina somno
Devinctum exponit gremio telluris Ulysses.
Munera dein alii expediunt, quae virginis acti
Armifonae monitis dederant Phaeaces habenda,
Quum reditum supplex orabat. cuncta sub ipsos
Conjiciunt oleae ramos, & devia ponunt
Parte in secreta; ne quis fors ante viator
Praeteriens, heros quam somno fuscitet artus, 130
Aspiciat, visique petat sibi praemia furti.
Hinc subito freta versa legit, retroque juvenus
Ad patrias dat vela domos; quum rector aquarum
Nondum Ithaci longo satiatus pectora luctu,
Oblitusque minas sic est affatus in arce
Siderea fratrem. quisquam & jam numen adoret
Neptuni, aut divum justo dignetur honore,
Juppiter? ipsi etiam nunc me, gens edita nostro
Sanguine, Phaeaces temnunt. quippe ipse volebam
Usque malis Ithacum luctantem tendere ad oras 140
Dulichias; non & reditu prohibere parabam,
Aeternumque arcere domo, tua magna voluntas
Ex quo certa mihi, promissaque nota fuere.
Illi autem celeri fulcantes aequora navi
Securum adduxere mei, somnoque revinctum
In patrio statuere solo. tam multa dedere
Dona super, vestemque, aerisque, aurique talenta,
Quam multa incolumis praedaeque potitus opima
Haud secum incensa a Troja devecta tulisset.
Juppiter huic contra: proh quae te cura remordet, 150
O germane potens? divum te spernere nemo
Audeat, expertus ni fors cognoscere malit,

Sit durum soli quam te contendere contra
 Viribus atque aevo praestantem. robore fretus
 Quod si hominum quisquam merito te fraudet honore,
 Ut placitum fueritque magis, mentique sedebit,
 Digna luat. sic fatus erat regnator olympi;
 Quum sic Neptunus: jampridem id, Juppiter, ultro
 Ipse etiam fecissem, inquit; tua si mihi certa
 Mens foret: irasci tecum & pugnare verebar. 160
 Nunc autem pulcrum Phacacum perdere navim
 Est animus nigri redūcem per caerula ponti;
 Talibus abstineant posthac ut tempus in omne
 Auxiliis: urbique ipsisque opponere magnum
 Stat montem: dixit; nec Juppiter abnuī olli
 Haec referens: age jam, venientem ex aequore puppim,
 Quum propius terris laetanti lumine cives
 Aspicient, subito mutato corpore rupem
 Effice, quae falsa referat sub imagine navim
 Omnibus attonitis monstro, magnumque repente 170
 Montem stare altis contra mirantibus arces
 Ante urbem. quae dicta Jovis postquam audit, astra
 Deseruit, Scherianque petens maris arbiter alti
 Constitit invisus scopulo. jamque impete magno
 Ibat aquis, celeransque viam propiora tenebat
 Laeta ratis; quum pone subit Neptunus, & actam
 Corripit, immotamque alto sub gurgite figens
 Esse jubet rupem ingentem, subitoque recedit.
 At bona Phaeaces gens ponto assuetaque remis
 Miranturque animo; sequē inter plurima mussant. 180
 Jamque aliquis socium respectans: heu quis in alto
 Vinxit, ait, puppim? tota ecce e fluctibus exstat
 Haud labefacta salo. sic ille: at nescia facti
 Corda stupent, donec trepidis rex farier infit.

Me

Me veteris nunc certa premunt oracula patris,
 Qui fore Neptunum nobis urbique canebat
 Auxilia ob nostra infestum, quod navibus omnes
 Scilicet incolumes vehimus per caerula Nerei,
 Praeterea quondam praedixerat adfore tempus,
 Quo validam nobis redeuntem ad litora puppim
 Perderet in pelago, scopulumque opponeret urbi.
 Haec senior; quae jam perfecta en cernitis ipsi.
 Verum agite, ac jussis omnes parete volentes,
 Nunc jubeam quaecumque viri: deducere posito
 Mittite, qui veniat nostras post hospes ad oras
 Indigus auxilii: lectos at rite juvencos
 Biflex Neptuno sacras mactemus ad aras;
 Si prece qua victus montem praetendere parcat
 Moenibus, & magna portus circumdare mole
 Sic ait: atque illi trepida formidine capti
 Expediuntque boves, fusique altaria circum
 Neptuno pia vota ferunt. confurgit Ulysses
 Excitus interea somno, nec litus amatum,
 Nec patriae optatos longo post tempore fines
 Aspiciens noscit: circum Tritonia Pallas
 Nam caelum nebula nigranti offuderat, omnes
 Falleret ut veniens, utque illum diva doceret;
 Ne prius uxori neu caris visus amicis
 Ille foret, quam caede procos multasset acerba.
 Propterea facies late mutata locorum
 Tota videbatur, diversaque semita ad urbem
 Portusque scopulique atque ipsa virentia prata
 Arboribus versis. stetit ille, ac lumina volvens
 Prospectumque petens late omnem & litora lustrans
 Flevit, & ingenti concussus corda dolore
 Percussitque femur manibus vocemque profudit.

Heu

Heu mihi quas hominum terras, ignotaque rursus
 Litora deveni? crudelibus effera coeptis,
 An iusti rectique tenax gens hospita degit?
 Has ubi divitias condam? quonam ipse viarum 220
 Ignarus ferar? o cur me Phaeacia tellus
 Non habet? alterius vel saltem tecta petissem
 Magnanimi regis, qui me juvisset amico
 Hospitio exceptum, & patrias misisset ad arces.
 Nunc autem haud novi, qua munera parte recondam,
 Nec tamen heic aliis furtim tollenda relinquam.
 Me miserum! non tuta satis Phaeacibus ergo,
 Nec fuerat mens aequa? alias per caerula ad oras
 Advexere, licet sponderent litora amatae
 Cara Ithacae: promissa fides en irrita cessit. 230
 Juppiter hospitibus miseris qui praesidet, ipsos
 Ultor agat: vindex scrutatur pectora justus
 Ille hominum, meritasque capit pro crimine poenas.
 At nunc praestat opes, totamque inviscere gazam,
 Ne mihi quid secum abstulerint fugiente carina
 Longe iter ingressi. dixit; rutilosque lebetas,
 Ac tripodas, fulvumque aurum, vestesque recenser
 Enumerans. quae salva videt quamquam omnia, tristes
 Non tamen abstant curae: percussus amore
 Ingemit heu patriae, & resonas procedit ad undas 240
 Multa dolens, lacrimisque rigans humentibus ora.
 Huic virgo tum nata Jovis tulit obvia sese
 Omnia pastori similis, cui prima juventus
 Spargit flore genas, quales regalia gnati
 Germina formosi pubescunt oris honore.
 Ex humeris nodo duplicem suspendit amictum,
 Puniceisque alte furas evincta cothurnis
 Tela manu crispat. quam primum ut vidit Ulysses
 Ob-

Obvius aggreditur, laetoque ita pectore fatur:
 O juvenis, primum te quando in litore solo 250
 Aspicio, salve o facilis, meaque omnia, meque
 Respice jam servaque. ego te ceu numen adoro
 Aetherium, votisque vocans, genibusque volutans;
 Fare etiam ignarumque doce, quae nomine tellus,
 Quive habeant homines? medio circumflua ponto
 Insulane, extremaene sinus telluris in undas
 Continuo heic tractu vergit, pelagoque residit?
 At dea quaerenti: vel te dementia versat,
 Hospes, ait, vel longa procul, si talia nescis,
 Huc via te duxit: non haec ignobilis ora, 260
 Aut adeo deserta: ipsam novere, quot almam
 Auroramque vident gentes, solemque cadentem
 Parte sub adversa, qua nox fert atra tenebras.
 Terra quidem praerupta, citisque haud apta quadrigis,
 Nec sterilis tamen est, aequato ingentia quamvis
 Haud pateat per prata solo. fert ubere gleba
 Et cererem & bacchi latices, ac semper abundans
 Imbribus irriguis florentique uvida rore
 Educat & silvas late, dumisque virescens
 Optima caprigeno pecori est & bobus alendis. 270
 Quin & Pergameas ingens pervenit ad arces,
 Quas procul hinc perhibent distare ab Achaeide terra,
 Fama Ithacae. sic fata dea est: at pectus Ulysssei
 Gaudia pertentant subito; nomenque volutans
 Auditum ficto sic rursus exorsus ab ore est;
 Nec sese prodit tamen ipse, in pectore vasso
 Vera tēgens, longaque ita rerum ambage reponit.
 Audieram famamque Ithacae nomenque paterna
 Trans pontum in Creta longe: nunc aequora mensus
 Parte ego cum gazae veni, partemque reliqui 280
 Effu-

Effugiens aliam gnatis, post caede peremptum
 Idomenei genus Orsilochem, quo vincere cursu
 Nullus erat melior juvenum Dyctaea per arva.
 Me rabie infestus voluit nil tale merentem
 Exuere Iliaca praeda, quam propter acerba
 Bella virum, multosque tuli per caerula casus,
 Quod non sponte suo famularer ad alta parenti
 Pergama, victricesque agerem dux ipse catervas.
 Sed prior hunc magno confossum vulnere stravi
 Insidians, campis dum fera nocte redibat : 290
 Obscurum per iter. nox atra ingentibus umbris
 Me circum fidumque una complexa sodalem
 Eripuit spectantum oculis; furtoque potitus
 Delitui. postquam ferrum trans pectus adegī,
 Phoenicum ad navem properans vestigia torssi,
 Oravique viros magna mercede paciscens,
 Ut secum ad Pylī veherent me litoris oram,
 Elidave insignem, cui gens dominatur Epaeūm.
 Quum subito insurgens validi vis aspera venti
 Abripuit longe miseros, nec sponte volentes 300
 Fallere. sic caeco per noctem errore viarum
 Venimus huc acti, portuque subivimus alto
 Praecipites. non cura dapes subit ulla parandi
 Jejunis longum, sed fessi in litore corpus
 Sternimus, ac somno lassos componimus artus.
 Heic me grata quies miserum decipit; at illi
 Interea, eductis opibus, quaecumque fuere
 Devestae, positisque, ubi stratus membra fovebam,
 Effugiunt, ventisque petunt spirantibus arces
 Sidonias: vacua moerens ego linquor in acta. 310
 Dixerat: insignis glauco dea lumine risit;
 Permulsitque manu nivea; tum virginis ora

Ora habitumque gerens pulcræ, cultaeque per artes
Egregias, tali mutata est voce loquuta.

Jam nimium vafer ille foret, qui vincere cumque
Speraret te posse dolis, licet obviu's adsit
Vel deus aetherio caeli delapsus ab axe.

Improbe! sicne adeo nequidquam fraudibus usque
Indulgens ficta perges mendacia lingua

Redditus & patriis jam tandem sospes in oris 320

Texere, cara tibi primis quæ semper ab annis?

Quin age mitte dolos: nostrum scit fallere uterque

Vana ferens; homines inter tu maximus omnes

Consilio polles, contra dis omnibus ipsa

Ingenio praesto. nec tu me Pallada nosti

Horrisono Jove rege satam, quæ casibus adsto

In duris tibi fida comes, praefensque periclis

Incolumem servo? non & Phaeacibus esse

Te volui nuper carum? delapsa sereno

Nunc iterum caelo veni, ne munera quisquam 330

Surripiat, quæ multa tibi mea iussa sequuti

Phaeaces dederunt. quin & quot fata dolores

Sedibus excepto patriis statuere ferendos,

Expediam dictis. omnes tu pectore ferto

Indomito; nullus vel mas vel conscia duri

Femina sit redditus: quævis convicia prestat

Sæva virum, tristesque vices superare tacendo.

Huic Ithacus: quis te mortali femine cretus

Diva queat cognosse, vafer sit quamlibet usu,

Tot facies hominum mutas, tot vertis & ora? 340

Novi equidem expertus, quanto mihi sæpe fuisti

Auxilio ad Trojam dura inter praelia Grajum.

At Priami postquam celsam populavimus urbem,

Avectosque cavis ratibus disjecit Achivos

Per

Per freta lata deus, numquam te maxima vidi
 Adstantem puppi in celsa curasque levantem.
 Heu quantum ignotis erravi in fluctibus acrem
 Corde fovens luctum, donec solvere periclo
 Me faciles tandem superi. Phacaces adire
 Tu, fateor, me diva tuo cum numine sancto 350
 Jussisti, ac melius miseris confidere rebus.
 Nunc te per genitorem oro (nam dulcia nondum
 Regna Ithacae tetigisse reor, verum avius oris
 Nescio quis jactor longe; tuque ipsa videris
 Ludere deceptum, memoras dum talia fando)
 Dic age, num patriae tetigi jam litora cara?
 Talibus orabat; quum sic Tritonia virgo
 Orsa loqui: idem animus semper tibi pectore vafro,
 Mensque eadem perstat non ullis fracta periclis.
 Nec potui idcirco tantis in casibus actum 360
 Linquere, nec potero: nostro te numine dignum
 Ingeniumque animusque facit visque aurea linguae.
 Namque alius rediens per tot discrimina rerum
 Arderet gnatosque domi nuptamque videre
 Optatam: nil ipse petis, nec scire laboras
 Scilicet ante, tuae veniens quam pectora coram
 Conjugis experiat. illa abdita moeret in altis
 Aedibus; ingratae totaeque ex ordine noctes
 Dispereuntque dies suspiria crebra cienti.
 Omnia certa mihi fuerant; fociisque sciebam 370
 Amissis reditum dulcem tibi fata parare.
 Non tamen & volui patrum contendere contra
 Indomitos alto volventem corde furores,
 Infestumque tibi rapto pro lumine nati.
 Ac ne vana putes mea dicta, en aspice sedes
 Jam patrias: ingens portus Phorcynis in illa

Caerulei stat parte senis; viden ardua ramos
 Explicat ut patulas mihi sacra in vertice oliva?
 Subter Naiadum domus atro horrescit hiatu
 In latere excisae rupis. later undique septa 380
 Arboribus spelunca, ubi tu sollemnia nymphis
 Vota dabis lectas statuens de more bidentes:
 Neriton en illic nemoroso vertice surgit.
 Haec ubi fata, scidit nebulam; tum visa refulsit
 Terra viro, patriique soli dulcedine motus
 Exiit, gaudensque suae dedit oscula terrae:
 Extulit & vocem, tendens ad sidera palmas.
 Nymphae Naiades, proles Jovis, o mihi nulla
 Visere quas fuerat jam spes, nunc omnibus auctae
 Lactitiis salvete deae, mea munera vobis 390
 Semper erunt, virgo tantum sinat orta Tonante
 Vivere me, natumque suo mihi numine firmet.
 Talia fundebat supplex, quum caesia diva:
 Fide, ait, haec tacitum nec pectus cura fatiget.
 Ac primum advectas parte interiore sub antro
 Umbroso condamus opes, ubi salva manebunt
 Omnia; dein pacto quo sint videamus agenda
 Cetera, uti recte cedant. nec plura loquuta
 Antrum immane subit, latebrasque inquit in antro,
 Dum propius subvectat opes Laërtius heros, 400
 Caelatumque aurum, fulgentique aere lebetas,
 Et picturatas Phaeacum munera vestes.
 Ordine cuncta locat, lapidemque ante ostia Pallas
 Ingentem advolvit: tum se viridantis in umbra
 Ambo oleae stravere sacra fatumque struentes
 Perniciemque procis, & sic prior orsa Minerva est.
 Laërta generate, deum certissima cura,
 Quo juvenes leto, quibus aggrediere vel armis,

Confule. tres adeo totos in sedibus annos
 Imperitant, fociamque tori perversere tentant 410
 Muneribus. manet illa quidem, teque anxia luget,
 Dum redeas, vanaque simul spe pascit amantes,
 Verbaque dat miseris, aliudque in pectore versat.
 Heic Ithacus: proh diva, inquit, ceu major Atrides,
 Nescius heu nostri periissem in limine testi,
 Ni me cuncta prius monuisses. quin age dicas
 Alma precor, si qua possim vi perdere fontes?
 Adsis o lateri nostro comes, & mihi robur
 Inviclum da diva: tuo jam numine fretus
 Non ego tercentos dubitem vel poscere in arma 420
 Saeva viros, nil non ausim tanta auspice mecum.
 Quae contra Pallas: tecum comes addita semper
 Ipsa adero, trepidos nec me sine fortis in hostes
 Insilies, quum tempus erit. jam jamque cerebro
 Spero equidem, & sparso tincturum sanguine terram
 Invisa de gente aliquem, poenasque daturum
 Pro scelere. ut vero venientem agnoscere nemo
 Mortalis te possit, ego squalentia reddam
 Membra prius formosa, & flavos vertice crines
 Eripiam, circumque humeros sordentia ponam 430
 Tegmina. tum pulcra radiantia lumina fronte
 Suffundam tenebris, ne cui noscare procorum
 Sordidus, uxorive tuae gnatoque relicto.
 Tu vero hinc subito pastorem iussus adibis,
 Nigrantes qui rure fues tibi servat, & idem
 Teque tuosque colit magno complexus amore
 Jam senior. celsa invenies sub rupe sedentem
 Ad Corvi scopulos, Arcthusae dulcis & undas,
 Illic frangunt ubi glandem & flumina potant
 Nigra fues, multaue aucti pinguedine florent. 440
 Illic

Illic tardatus vario sermone morare,
 Ipsa procul celero dum pulcræ ad moenia Spartaë
 Telemachum ductura tuum genus, acer Ulyssæu,
 Regia qui flavi Menelai ad tecta profectus
 Te quaerens reditumque tuum Lacedaemone degit
 In viridi: sic diva; refert cui protinus heros:
 Cur non heu miserum docuisti hæc omnia; an altis
 Ferret ut ingentes curas in fluctibus errans
 Ipse etiam, dum tecta fero vastantur ab hoste
 Sola relicta procis? non hic dolor hæreat imo, 450
 Pallas ait, sub corde tibi; mea dicta sequutus
 Est ingressus iter, referat sibi nomen ut ingens
 Huc rediens. nil triste timet, sed lentus Attridae
 Assidet in tecto, & lætatur divite mensa.
 Interea insidiis juvenes, quam litora tangat
 Fida redux, tentant prius illum perdere leto;
 Nec tamen & perdent: aliquis de gente nefanda
 Ante cadet, moriensque solum premet ore cruento.
 Hæc dea fata, ipsum virga percussit, & omnes
 Reddidit arentes tenuati corporis artus, 460
 Flaventemque comam capitis, lumenque juventæ
 Abstulit, inducens rugas habitumque senilem,
 Turpavitque oculos & diæ lucis honorem.
 Dein aliam tunicamque aliumque imponit amictum
 Sordentem lacerumque & fumi uligine plenum;
 Aptat & ingentis circum spolia horrida cervæ,
 Nodosumque manu baculum; curvisque pudendam
 Subligat ex humeris perfossamque undique peram
 Tortile cui pendet lorum. quæcis rite peractis
 In diversa abeunt: Pallas visura relictum 470
 Telemachum sublimis adit Lacedaemonis arces.

HOMERI ODYSSEAE

LIBER QUARTUSDECIMUS.

D Igreditur portu, perque alta cacumina Ulysses
 Carpit iter durum septumque horrentibus umbris,
 Qua dea monstrarat; jussusque ad limina tendit
 Pastoris fidi ante alios, quoscumque pararat.
 Vestibulo hunc reperit primo tum forte sedentem,
 Gramineo in tumulto surgens ubi caula nitebat
 Pulcraque, & ingenti circum spatiosa meatu;
 Quam rege ignaro senior, nec tale jubente
 Laërta, aut domina quidquam, perfecerat ipse
 Sponte sua e saxo, lateque obduxerat omnem 10
 Sepibus, hinc densos atque hinc ex ordine vallos
 Infigens nigro dissectae e robore quercus.
 Heic quoque setigero pecori discreverat intus
 Proxima sese inter bisseña cubilia: matrum
 Quinquaginta aderant foetarum corpora sepro
 Magna suum sub quoque; mares tellure cubabant
 Haud totidem caulas extra. namque improba multos
 Turba procum dapibus largis epulata vorarat;
 Ipse quibus custos semper deducere in urbem
 Jusserat ex omni numero, qui pinguior esset 20
 Ante alios; soli tercentum ex agmine stabant
 Ac decies feni. vicini ad testa jacebant
 Ore canes quatuor villosi, eduxerat acres
 Quos sibi praesidio senior gregibusque futuros.
 Tum laeves ocreas plantis aptabat acuto
 Incidens ferro corium, diversaeque vernae

Ad

Ad loca se tulerant: tres pascua in alta sequuti
 Setigeros de more fues, at quartus in urbem
 Iverat ille procis invitus munera portans
 De grege, queis epulas properent largeque fruuntur. 30
 Continuo vis dira canum latratibus instat,
 Ut Laërtiadem venientem aspexit: at ille
 Sedit humi subiens astu, baculumque remisit.
 Fors quobque & indigno sensisset vulnera morfu
 Ante suum stabulum, celerans ni protinus ipsi
 Adforet auxilio custos: huic secta ruenti
 E corio dispersa huc atque huc vincla cadebant.
 Jamque alto clamore canes simul increpat ardens,
 Saxa simul torquet, visumque affatur Ulyssē:
 O senior, te dente fero quam pene minaces. 40
 Invasere canes: indigno vulnere laesus
 Heu misero nova cura fores! sat multa dedere
 Dura mihi, luctusque alios di semper habendos.
 Nam regis me torquet amor, quem moestus acerbis
 Fletibus indulgens suspiro, armentaque servo
 Haec aliis maclanda. procul regna invia lustrans
 Exsul inops, mensae fors ille, atque indigus errat
 Auxilii, si vivit adhuc & vescitur aura.
 Quin sequere o, limenque subi progressus amicum,
 Ut cereris post dona satur laticisque lyaci 50
 Expedias, qua parte venis, quae saeva fatigat
 Dein miserum fortuna? haec dicens intulit ultro
 Accitum angusti subter fastigia tecti,
 Effultumque toro molli, stratisque locavit
 Frondibus, atque ferae villosa in tergore caprae,
 Fessus ubi recubet placide. laetatus Ulysses
 Hospitio tali: magnus tibi Juppiter, inquit,
 Dique alii, quae vota foves in corde, secudent

Omnia;

Omnia; sic alacer qui me nunc excipis hospes.
 Dixerat; Eumaeus contra; non spernere quemquam 60
 Fasque piumque fuit, non si quis limina ad ista
 Deterior veniat: Jovis alto numine gaudent
 Errantesque inopesque omnes. sunt munera nostra
 Parva quidem, sed cara; timor famulantia corda
 Pubere sub domino prohibet dare magna perenti.
 Illum autem a patria longe vis saeva deorum
 Distinet, ingenti qui me complexus amore
 Largus opesque mihi proprias, sedesque parasset,
 Ac ditem thalami sociam; quae munera fuerunt
 Multa laboranti famulo concedere reges, 70
 Cui facilis deus auctat opus, velut omnia nobis
 Aucta fovet servatque. idcirco multa tulissem
 Praemia, si patriis idem senuisset in oris.
 At periit: genus omne utinam de stirpe revulsum
 Sic Helenae Argivae pereat, quam propter Achivum
 Millia tot leto cecidere. Agamemnonis arma
 Ille etiam famamque sequens per castrula ponti
 Laomedontaeae petiit certamina Trojae.
 Sic ait, & nodo laxum succinctus amictum
 In resonam contendit haram, geminosque reportans 80
 In manibus foetus jugulum ferit acer utrique,
 Imponitque igni, verubusque infigit acutis
 Dissectos. jamque exta ferens fumantia flammis
 Dat subito transfixa duci, cerealiaque addit
 Spargens dona super, tum dulci munere bacchi
 Spumantem large solidum cratera coronans
 Confidit contra, dictis ac talibus infit.
 Utere nunc epulis, ipsi queis utimur, hospes,
 Paupere contenti victu: vorat improba pubes
 Ingentes affusa sues impune, nec ullum

Fas verita. oderunt sed enim facta effera divi,
 Justitiam rectumque suo dignantur honore.
 Certe etiam bello quum rura aliena domosque
 Gens inimica rapit, praedamque ad litora vertens
 Navibus imponit, cursum molita per undas
 Effugit, atque eadem furti non immemor umquam
 Ultrices metuit poenas dextramque sequentem.
 At contra hi juvenes, moniti ceu voce deorum
 Exitium regis noscant, nec jura verentur
 Connubii, nec recta volunt sua quisque redire; 100
 Sed resident, certantque imo res perdere fundo.
 Nam quotquot veniunt lucēs quotque ordine noctes
 Ab Jove, caesa fero cadit illis victima ferro
 Plurima; large epulis gaudent siccantque lyaeum.
 Ingens gaza fuit quondam: nec ditior heros
 Alter erat, quotquot vastas trans aequora terras,
 Aut Ithacam coluere; opibus quin anteit amplis
 Bisdēnos censuque potens. jamque omnia labor
 Enumerans, si forte vacant sermonibus aures.
 Olli trans fluctus bisēna armenta vagantur, 110
 Bisēnique greges ovium, totidemque caprarum,
 Atque suum: patria delecti e pube magistri
 Omnibus, externique simul. pascuntur in oris
 His etiam late pingues undena per agros
 Agmina caprigeni pecoris: custodia fida
 Advigilat, semperque procis ex agmine lectam
 Quisque suo pecudem jussus fert pastor in urbem.
 Ipse autem has pascoque sues & grandia feryo
 Haec stabula, invitusque isdem submittere cogor,
 Optima quae pingui turgescit corpore, praedam. 120
 Dixerat: ille autem tacitus fruiturque paratis
 Raptim epulis, hauritque merum sub corde volutans
 Fata

Fata procis. at postquam animi satiata cupido
 Jam dapibus fuerat largis, nova vina refundit
 Ingentem in cyathum, socioque haud tardus Ulysses
 Porrigit undantem gaudenti, atque ore profatur.
 Eja age fare, precor, quis te sic inclitus heros,
 Ut memoras, divesque sibi rebusque paravit
 Ipse suis pretio captum? quemque arma sequutum
 Atridae occubuisse putas? dic o mihi nomen 130
 Illius: aetheria caeli scit Juppiter arce,
 Dique alii, vidisse usquam si nuncius adsim
 Hinc procul errando, multasque advectus ad urbes.
 Talia quaerebat; stabuli quum talia custos
 Reddidit Eumaeus: non haec persuadeat ullus
 Uxorive suae, inatove huc advena fati
 Adveniens; multi jam pridem vana ferentes
 Nuncia, fraude mala petierunt praemia fontes.
 Namque Ithacae quicumque vagus defertur ad arva,
 Continuo alloquitur reginam & pectore fido 140
 Vana serens ludit cupidam. fovet illa receptos
 Hospitio facili nequidquam; & multa requirens
 Flet misera, & longo tabescit perdita luctu,
 Conjugis ut cari fato solet anxia conjux.
 Tune etiam vano fingens mendacia corde
 Talia nunc referas, si quis pro munere lacnam
 Praebeat, aut inopi tunicam? procul occidit ille,
 Alitibusque feris canibusque inhumata per agros
 Praeda jacet; gelidos liquit jam spiritus artus:
 Vel tumido mersum raptant sub gurgite monstra, 150
 Ossaque litus habet, cumuloque ingentis arénæ
 Pressa tegit. duro sic fato raptus amicos
 Perdidit heu cunctos, & me miserum super unum
 In primis. neque enim facili tam pectore regem

Inveniam, quocumque ibo; non testâ parentum
 Dulcia si repetam, nascens ubi lumina vidi
 Prima! puer, teneroque fui nutritus in aeo.
 Nec vero patriae tantum percussus amore
 Optatamque domum notosque revifere fines
 Discupio; quantum longo post tempore Ulysses 160
 Anxius huc reducem, cujus vel dicere nomen
 Vix ego sustineo veritus: sic semper amavit,
 Scilicet ac toto complexum pectore fovit.
 Quin ipsum dicam fratrem, dignandus & absens
 Nominè nimirum tali est. tunc dius Ulysses:
 Tu licet haec illum non umquam ad litora dicas
 Venturum, fixumque animo stet credere nulli,
 Hospes, ait; contra jam nunc tamen ipse futurum
 Et reor, & superum testatus numina magna
 Polliceor; nec dona moror. postquam ille penates 170
 Redditus attigerit, tunc me tunicaque recenti
 Laetus, & insigni meritum donabis amictu.
 Nil prius accipiam quamquam indigus: acrius odi
 Namque Erebi foribus, mendax qui vana profatur
 Pauperiem metuens duram. nunc audiat ergo
 Juppiter omnipotens primum, mensaeque verendae
 Quas adii, sedesque Ithaci patriique Penates;
 Evenient, quaecumque canam: Laërtius heros
 Hoc aderit labente anno; quin menstruus orbis
 Hic simul occiderit, primoque refulserit ortu 180
 Alter agens lucas, ille alta in testâ redibit
 Penelopen ultus natumque indigna ferentem.
 Cui subito Eumaeus: non haec ego munera solvam
 Debita, non Ithacus veniet: tu plena quietus
 Pocula nunc hauri potius, nec talia fando
 Commemora, o senior. tristi nam pectore luctus
 Ingruit;

Ingredit heu misero, quoties audita recurſat
 Eximii regis pietas & cognita virtus.
 Deſine teſtari ſuperos: at fortis Ulyſſes
 O veniat, mecum ipſa velut regina preatur, 190
 Laërtesque ſenex, & Telemachus ſimilis diſ.
 Nunc etiam carum genus alto e ſanguine regis
 Heu queror illacrimans juvenem; quem numina poſtquam
 Florentem eduxere: ut pulcra ex arbore ramum,
 Jamque fore héroas inter non oris honore
 Non animis ipſo rebar genitore minorem;
 Incautum ſine mente egit ſeu laeva deprum,
 Sive etiam viſ dira hominum. nam ceſſit in almam
 Ipſe Pylon patriae ſcitarum nuncia ſamae;
 Et nunc ſaeva procum pubes in gurgite tentat 200
 Excipere inſidiis reducem, ſine nomine ut omnis
 Intereat multos Ithacae dominata per annos
 Stirpibus ex imis evulſa Arcifia proles.
 Quod dederit forſ. cumque, cadat; ſeu barbara captum
 Viſ rapiat juvenem, dextra ſeu Juppiter acquiſ
 Ipſe ſua potius ſervet; jam fare viciffim
 O ſenior curaque tuas durumque laborem;
 Sanguine quo cœtus, queis & devectus ab oris,
 Quave rate, ac nautae qua ſe de gente ferebant,
 Expedias, oro; neque enim late undique ponto 210
 Clauſa loca haec peditem potuiſſe attingere credo.
 Haec ait; atque heros: fuerint quaecumque; fatebor
 Vera, inquit; longo modo copia tempore nobis
 Sufficiat, bacchique liquor, menſisque paratae
 His maneant epulae lentos, & cetera teſtis
 Digrediens, ceu ſueta, petat ſua munera pubes.
 Namque ego (vera loquor) totum nec feſſus in annum
 Expediam ſando, miſero quae triſtia divi

Atu-

Attulerunt, quantos statuere & volvere casus.
 Sum patria e Creta, diti genitore creatus, 220
 Atque alii pueri tectorum in sedibus isdem
 Legitima prognati aderant e conjuge multi.
 Me vero pellex genuit captiva, nec aequus
 Absimili genitor tenerum dilexit amore
 Castor Hylacides, qui nostri est sanguinis auctor,
 Ille deum quondam parili dignatus honore
 Cressa per arva opibus florens gnatique beatus
 Magnanimis: ipsum sed postquam fata tulere
 In stygias raptum tenebras, sua quaeque relictæ
 Divisere sibi, & partem cepere bonorum 230
 Sortibus eductis nati: mihi pauca dedere
 Ingenti de gaza, & solas insuper aedes.
 Parta tamen virtute mihi ditissima conjux
 Obtigerat; neque enim fueram vel futilis auctor
 Consiliis habitus, nec bello segnis, & armis.
 Omnia nunc periëre aevo dilapsa; sed ipsa
 E stipula qualis fueram cognoscere possis
 Olim in flore: ingens fractos situs occupat artus.
 Fecerat audacem Mavors cum Pallade, & ambo
 Addebant animos, quoties delecta virorum 240
 Robora ad insidias ducebam fata minatus
 Hostibus adversis: numquam mors terruit atra
 Hanc animam; antevolans longe sed primus in hostem
 Spicula torquebam, medioque ex agmine caesa
 Corpora raptabam pedibusque & robore fretus.
 Talis eram bello: placuit non arva tueri,
 Non opera exercere, quibus laetata renidet
 Augusta domus, clari & crescentia germina gnati;
 Sed celeresque mihi naves, & cara fuere
 Praelia, ferrataeque hastae, laevesque sagittae 250
 In

LIBER QUARTUSDECIMUS. 247

In manibus semper; quae dura atque aspera vulgo
 Visa aliis, horum nobis iniecit amorem
 Numen & ipsa trahens animo sua quemque voluptas.
 Ante etiam Graji peterent quam moenia Trojae,
 Lecta virum ratibus novies per caerula duxi
 Agmina ad ignotas gentes; praedaeque potitus,
 Quod libuit mihi cumque, prior sine sorte ferebam;
 Deinde super pars aequa aderat. sic copia rerum
 Creverat, & late patrias mea fama per urbes.

Hoc iter invisum sed quum Saturnius acer 260

Indixit, quo multa virum data millia leto;
 Tunc validi legere ducem me Cretes, & una
 Idomeneum classis venturae ad Pergama Attridis
 Auxilio. via nulla aderat, qua iussa retrectans
 Abnuere, & populi vim contra tendere possem.
 Cessimus; atque novem bellanda explevimus annos
 Iliacos circa muros, decimoque profecti
 Arcibus excisis Priami conscendimus aequor
 In patriam; reduces disiecit numinis ira.

Ast aliud misero exitium fatale parabat 270

Juppiter: optata vix namque in sede moratus
 Per mensem expleram dulci me prolis amore,
 Conjugis & carae donis, opibusque, domoque:
 Quum subito Aegypti ad fines malus impulit ardor
 Vela dare, ac pelagi tentare pericula rursus.

Jamque novem stabant puppes, & multa ruebat
 Undique vis juvenum. tum sex ex ordine luces
 Incubuerunt epulis fusi per litora nautae;

Multa quibus capita ipse boum mactanda pararam
 Et superis ad dona satis dapibusque futura. 280

Septima lux aderat, Cretaeaeque protinus arva
 Deferimus, borea classem, velut amne secundo,

Veli-

Velivolam raptim pelagi per plana ferente.
Nulla mihi periit navis, nec fracta labore
Ingemuit pubes; sed longa ad transtra sedebat
Composita, & rector cursum ventusque regebant,
Incolumis quinta classis dum luce Canopum
Attigit; ac laeta fluvii statione refedit.
Heic ego continuo socios subducere puppes;
Atque agere excubias moneo; conscendere partem 290
In speculas, finesque hortor lustrare patentes.
Illi autem elatique animis fastuque superbi
Niliacis latos vastant cultoribus agros,
Captivasque trahunt matres puerosque gementes
Per mediam caedem: nec jam mora: rumor in urbem
Ocius advenit, populosque excivit ad arma.
Erumpunt roseae sub lumina prima diei
Agmine conferti magno: tremit excita pulsu
Terra equitum peditumque gravi, galeaeque minaces
Solis inardescunt radiis, atque aera coruscant. 300
Tum pater ipse deum molitus fulmina dextra
Immisitque fugam sociis, trepidosque coegit
Terga dare: haud ullus firmato pectore contra
Stare valet, certamque intentant omnia cladem.
Pars ferro transfixa cadit, pars viva meorum
Abripitur captiva procul subituraque triste
Servitium; miserans me vero aspexit, ab alto
Juppiter. o potius cecidissem stratus arenis
In Phariis, alia ex aliis nec fata subissem!
Tunc aliter visum: galeam cristasque comantes 310
E capite, eque humeris clipei septemplex orbem
Projicio, dextraque hastam; tum regis ad ipsum
Obvius ingrediens currum, supplexque prehensis
Oscula rite fero genibus. miseratus inermi

Dat

Dat veniam, flentemque suas deducit ad aedes
 Iplius in vectum curru. volat aerea circum
 Telorum interea nubes, affusaque turba
 Ardet in arma ferox, odiisque immanibus instat:
 Ille vetat, cohibetque manu Jovis hospitis iram
 Respiciens, scelera saevit qui maximus ultor. 320
 Septem illic annos mansi, gazamque coëgi
 Aegypto in diti multam, cunctique ferebant
 Dona viri. octavus vero simul adfuit annus
 Mensibus exactis, jamdudum fallere fuerat
 Aggreditur miserum Tyria vir gente profectus,
 Isque dolis atque arte vaser persuadet ad oras
 Sidonias, ubi tecta olli, patriique penates,
 Ire simul. cessi victus, Niloque relicto
 Hospitio hoc alium subfedi lentus in annum.
 Sed postquam expleti menses labentibus horis 330
 Invertere annum, secum devexit ad urbes
 Me Lybicas idem, fraudem molitus acerbam
 Scilicet, atque auro sperans ibi vendere multo.
 Conscendo, invitusque sequor mihi saeva parari
 Damna timens. claro fluctus aquilone secabat
 Acta ratis Cretam supra, mediamque tenebat
 Lapſa viam; dirum contra Jovis ira parabat
 Exitium miseris. nam Cretam ut liquimus, & jam
 Nulla alia apparet tellus; caelum undique, & alta
 Aequora, caeruleum subito Saturnius imbrem 340
 Desuper effudit, tenebris & inhorruit unda.
 Intonuit simul ipse polo, simul igne corusco
 Contorſit telum navem super: illa fatiscens
 Volvitur, atque gravi late omnis sulfure fumat.
 Excutitur pubes, pelagoque effusa marinis
 Assimilis corvis fertur, reditumque fugamque

Fata negant. tristem me contra haud passus obire
 Juppiter est, valido sed nanti e robore malum
 Supposuit: manibus cui circum amplexus inhaesi
 Jactatus ventisque undisque: ita fluctibus errans 350
 Ipse novem exegi luces; vix denique nocto
 Me decima advertit Thesprotum ad litora pontus.
 Heic fessum ejectumque heros suscepit, & ultro
 Praebuit hospitium Phidon. nam viderat unus
 Ipsius e natis ut me fractumque labore
 Atque hyeme horrentem, penetralia duxit ad alta
 Ipse regens dextra, patriaque in sede locatum
 Constituens duplicem per membra injecit amictum.
 Heic Ithaci audiui famam; namque hospes ad oras
 Tendentem patrias illum excepiisse ferebat, 360
 Et monstrabat opes, quas secum advexerat heros,
 Caelatumque aurum, ferrique, aerisque corusci
 Munera, queis decimum large quis dives abundet
 Post genus: usque adeo rerum vis magna jacebat!
 Illium autem agebat scitatum oracula longe
 Dodonam petiisse, Jovisque loquentia quercu
 Numina ab aëria, patriae quo litora pacto
 Clamne palamne adiens, longo post tempore visat?
 Addidit & superos testes libamina fundens,
 Deduxisse ratem sese, pubemque parasse, 370
 Quae reducem caras Ithacae comitetur ad arces.
 Ipse prior solvi: Thesprotum namque carina
 Dulichium Cereri sacrum tum forte petebat;
 Magnanimo & missum regi me jussit Acasto
 Reddier incolumem. nautas at dira cupido
 Continuo invalit scelerata mente furentes,
 Ut nova me saevo premeret fortuna labore.
 Namque ubi, deserta tellure, per aequora fugit

Lapfa

Lapſa ratis, mihi triſte jugum captivaque collo
 Vincla parant, laenaque meo de corpore raptâ 380
 Ac tunica, imponunt lacerum, quem cernis, amiſtum.
 Poſtquam autem tenuere Ithacam ſub veſpere ſero
 Implicuere arcto nexu; ſimul ocuus ipſi
 Certatim egreſſi ſtruxere in litore menſas.
 Interea mihi fracta cadunt e corpore vincla
 Vi ſuperum: raptis caput ipſe & tempora circum
 Veſtibus obnubi, claviſque per alta volutus
 Robora caeruleas prono me pectore in undas
 Demiſi, fugique natans diverſa ſequutus
 Litora; tum nigra ſubiens nemus ilice denſum 390
 Delitui ſtratus. trepidos hac tendere & illac
 Vidi ego nequidquam nautas, ſletuſque ciere
 Moerentes iramque inter magnumque dolorem.
 Nec tamen ulterius profugum ſtat quaerere: ſolvunt
 Vela notis, altumque petunt. ſic numine tutus
 Praedonumque manus fugi, placidoque receptus
 Hoſpitio heic tantique viri ſervatus amoro
 Vivam equidem, neque adhuc mergar fatalibus umbris.
 Dixerat; ac ſtabuli cuſtos: quis temperet, inquit,
 A lacrimis, miſerande hoſpes, tam dura ferentem 400
 Aſpiciens, tantis fortunae fluctibus actum?
 Dixiſti quaecumque tamen male fidus Ulyſſei.
 De reditu, ſuſpecta mihi; quid fingere talem
 Heu juvat? optatos, video jam certus & ipſe,
 Fata mei reditus prohibent crudelia regis,
 Quem neque in Iliacis pugnantem occumbere campis,
 Nec voluere ſuos inter poſt bella reverſum
 Oppetere: exſtincto poſuiſſet Graecia buſtum,
 Manſiſſetque loco nomenque & fama perennis,
 Solamen gnato. ſed non ea glôria fato

Contigit: harpyiae miserum sine nomine raptant.
 Tristis ego heic sedco custos, surgentiaque urbis
 Moenia numquam adeo, prudens nisi forte vocatum
 Penelope jubeat, si quando nuncius olli
 Advenit. extemplo circumstant undique visum,
 Scitarique ardent, veniendi & discere causas:
 Hi moerent, casuque dolent absentis Ulyssæi;
 Illi opibus gaudent grassari impune potiti.
 Sed mihi nil animo carum jam quaerere ab illo
 Tempore, quo vanum fugiens post caede peracta 420
 Aetola de gente satus decepit, & isdem
 Sedibus his mecum, multis regionibus actus,
 Constitit hospitio tandem laetatus amico.
 Ille sibi in Creta visum narrabat Ulyssæm
 Idomenei in tectis diffracta furentibus undis
 Robora suppletem classi; primoque sub ortu
 Autumni, aut etiam venturum aestate ferebat
 Cum sociis opibusque ingentibus: irrita frustra
 Dicta abiere vagas jamdudum sparsa per auras.
 Ergo age tu senior, quando huc te fata tulere 430
 Desine velle movens mea blandis pectora verbis
 Fallere; non ideo merito dignabor honore,
 Sed veritus magnumque Jovem, tuaque aspera rerum
 Fata dolens. haec ille: at contra exorsus Ulyssæ:
 Sic adeo tibi nulla fides in pectore, dixit,
 Certa satis, potui nec duram inflectere mentem
 Numina testatus? quin dîs auctoribus isdem
 Haec age jam pactis maneant rata foedera nobis.
 Contigerit si forte tuum tibi visere regem,
 Pollicitus pulcræ decoratum munere vestis 440
 Dulichium mittes, quo me rapit ardor abire;
 Sin ille haud redeat, nec sint mea nuncia vera,
 Nil

Nil moror, arreptum cella de rupe iubeto
 Dejicere, exemplo metuant ut fallere nostro
 Huc alii adveſti. ſic heros fatus; at ille:
 Egregiam vero laudem famamque referrem
 Vivus, ait, ſerisque olim poſt funera ſeculis,
 Ipſe ego qui placida nuper te ſede recepi,
 Si contra dulci ſpoliareſ lumine vitæ?
 Qua tunc mente Jovem ſupplex in vota vocarem 450
 Conſcius admiſſi ſceleris? ſed tempora caenam
 Jam poſcunt, ſociique aderunt jam nota petentes
 Limina, qui menſas epulis florentibus orment.
 Illi inter ſeſe jaſtant dum talia, paſtu
 Interea rediere ſues, quas fida juventus
 Protinus incluſit ſtabulo: ſepta omnia circum
 Pugnantumque ſonant graviterque in noſte rudentum.
 Tum ſubito Eumæus: qui pinguior omnibus, inquit,
 O ſocii properate ſuem, lectumque ſacrabo
 Hoſpitis adventu maſtans: epulabimur una 460
 Nos etiam, longum quos cura exercet in annum
 Sollicitos, noſtroque alii ſudore fruuntur.
 Haec fatus, duro aggreditur reſonantia ferro
 Robora, quinquenni dum corpore ducitur ingens
 Viſtima, procumbitque focis. ſuper irruit ipſe
 Immemor haud divum (caſta nam mente colebat
 Juſtitiam), raptasque alto de vertice ſetas
 Ignibus impoſuit ſacris libamina rege
 Pro ſalvo ſuperos omnes in vota precatus.
 Dein feriit raptò diſſectac fragmine quercus 470
 Arduus aſurgens: olli artus vita reliquit,
 Itque cruor jugulo e ſecto, nidorque ſub auras
 Tollitur ambuſti flammis. ubi tergora coſtis
 Deripuit pubes, ſenior decerpere partem

Artu-

Artubus e cunctis mixta pinguedine cepit,
 Injecitque foco falsis cum frugibus una.
 Atque alia in verubus fixere, ignique dedere
 Secta minutatim ferro; detractaque rursus
 Omnia in ingenti posuere ardentia mensa.
 Haec inter medius rectos in pectore sensus 480
 Usque gerens senior confurgit, & omnia septem
 Dividit in partes: vobis o Najades unam,
 Unam Mercurio prognato Atlantide Maja
 Ponit multa rogans; fociis dein ordine partem
 Cuique suam postquam fuerat partitus, Ulysses
 Perpetui tergo suis, & dignatur honore
 Praecipuo. ille autem praestanti munere laetus
 Aggreditur meritum sic ore affatus amicum:
 O utinam carus regi stellantis olympi
 Sic vigeas, Eumaeë, vices dilectus ut ipsi 490
 Huic animo, talem donis qui talibus auges!
 Ille autem referens: dapibus nunc, optime, nostris
 Utere, ait, rebusque fave non asper egenis;
 Perficiet mihi vota, potest namque omnia, numen,
 Abnuet & quaecumque volet; sic vertitur ordo.
 Dixit, & in mensa primos libavit honores
 Caelicolis, pateramque dedit; confederat olli
 Qui propior, magni Laërtae e sanguine creto.
 Interea Cereris fert dona Mefaulius acer,
 Quem quondam Eumaeus sibi rege absente pararat 500
 Ignaroque Arcisiada, ipsa & Penelopea,
 Eque suo pretium Taphiis persolverat aere.
 Vescitur una heros, pastorum & rustica turba
 Laeta epulis. ardor mox ut compressus edendi
 Jam fuerat, collecta Mefaulius abstulit almae
 Frustra citus Cereris; reliqui petiere cubile

Fru-

LIBER QUARTUSDECIMUS. 255

Frugibus & saturi tostis, & pinguibus escis.
 Forte fuit nox atra horrenti frigore, & imber
 Assiduus zephyris udo ferventibus axe
 Ingruit; utque hyemem sensit male testus Ulysses, 510
 Voce senem blanda, stabuli cui credita cura,
 Affatur, tentatque vaser, si qua daret arte
 Ille sibi laenam victus, vel cogeret ullum
 E fociis: nimium miseris in rebus amicum
 Senferat, atque animi fidens effatur ab ore.
 Accipe nunc, Eumaeae, & vos o cetera pubes;
 Magna loquar de me. vesano in pectore Bacchus
 Aestuatur ille etiam curis ingentibus actos
 Et cantare viros, & mollem solvere risum,
 Incertoque adigens vestigia tollere saltu, 520
 Edere & in tacito melius quod corde latebat.
 Sed quoniam coepi fanda atque infanda profari,
 Quo mens ipsa rapit, sequar ultro. o prima redirent
 Tempora, & integro solidae mihi robore vires,
 Quae fuerant quondam, Teucris quum Pergama circum
 Struximus insidias Ithacusque & flavus Atrides,
 Tertius atque una socios dux ipse sequutus!
 Moenia ubi cellae pervenimus ardua Trojae,
 Circum urbem dumos inter ulvamque palustrem
 Sub dio longis armati corpora scutis 530
 Sedimus. interea borea bacchante rigeat
 Horrida nox, gelidaeque nivis contestata pruina
 Armaque, & aeratus clipei concreverat umbo.
 Haec alii tunicis septi laenaeque per artus,
 Et clipeis humeros protecti e pectore somnos
 Efflabant placida compositi in pace per umbras.
 Solus ego, fociis laena procul inde relictâ,
 Scilicet haud animo tantum ratus adfore frigus,

Indu-

Indutus tunicamque levem, parmaque superne
Constiteram rectus. jamque ut pars tertia noctis 540
Cesserat exactae, volventiaque astra cadebant,
Horrescens Ithacum, propior qui forte jacebat,
Admonui excitum cubito; nec segnius ille
Audiit haec fantem. jam me jam vita relinquit
Heu glacie edomitum saeva graviterque rigentem:
Nescio quis tenui male tutum huc egit amictu
Caelicolum iratus, nec spes super ulla salutis.
Vix haec. ille autem se notas vertit ad artes,
Consilioque valens pariter & fortibus armis,
Submissa sic voce refert. o comprime questus, 550
Ne quis te Danaum nunc audiat. atque ita fatus
In cubitum nixa cervice assurgit; & o vos
Audite, inclamat, juvenes, quae certa deorum
Visa monent: nimium longe processimus undis
A pelagi, medios inter versamur & hostes.
Nuncius ergo aliquis properans Agamemnona regem
Conveniat, plures velit huc si tendere gressum
Auxilio. sic ille: Thoas Andraemone cretus
Protinus exsiluit, rutilantem & murice laenam
Projiciens celeri petiit cava litora cursu. 560
Illius ipse autem posita tum veste potitus
Molliter accubui, roseoque effulsit Eoo
Alma diem referens stellis Aurora fugatis.
Talis ego si nunc florerem, & corpore vires
Incolumi starent, aliquis me tegmine pulcro
Motus amicitia pariter laudemque sequutus
Indueret. sed nunc frustra inglorius aevum,
Despectusque agito sordens in paupere cultu.
Defuit. Eumaeus contra: laus magna feretur
Haec tua jam senior; nihil es, ni rite loquutus. 570
Nec

Nec merita jam veste, aliis nec rebus egebis,
 Conveniunt quaecumque tibi. mox crastina reddet
 Quum lux orta diem, rursus mutata repones
 Tegmina contextus propriis; non copia nobis
 Quippe subest, duplicesque adsunt e vellere vestes:
 Una viro data cuique. at postquam natus Ulysse
 Huc aderit, tunicamque tibi chlamydemque nitentem
 Ille dabit, mittetque alacrem, quo tendis abire.
 Sic ait, ac surgens vicinum insternit ad ignem
 Ipse torum, pecudumque ferens mollissima ponit 580
 Tergora, queis heros cubuit. tum fessa jacentis
 Membra super magnam densato vellere pallam
 Injicit, ipse olim qua sese involvere fuerat,
 Horrida si quando tempestas frigora ferret.
 Heic Ithacus somno jacuit, circumque juvenus
 Cetera; non senior pariter, quem dura fatigat
 Cura gregis, sedesque vetat placidumque cubile
 Incolere. arma citus; dum furtim aspectat Ulysses,
 Miraturque fidem, tacitoque in pectore gaudet,
 Ille rapit, primumque humeris accommodat ensen, 590
 Dein chlamydem ventos contra munimen & imbres
 Induit ingentem villosae terga retorquens
 Longa caprae supra. tum demum hastile lacerto
 Adversusque canes & furta inimica virorum
 Corripuens tectis cessit, cubiturus & ipse
 Curvata sub rupe, fues ubi frigore ab acri,
 Et borea averfi, tranquilla in nocte jacebant.



HOMERI ODYSSEAE

LIBER QUINTUSDECIMUS.

NAta Jovis virgo vastis Lacedaemona campis
 Attigerat, magno patriae telluris amore
 Telemachi jam diva parans incendere pectus,
 Quem socio invenit cum gnato Nestoris una
 Magnanimi Attridae celsa intra tecta cubantem
 Vestibulo in primo. vinctum sopor altus habebat
 Nestoriden; illum dulces non carpere somnos
 Cura finit: stat fixa animo genitoris imago,
 Sollicitoque dolor tristi sub nocte recurfat.
 Cui dea tunc adstans propior sic voce loquuta est: 10
 Sedibus a patriis nimium jam tempore longo
 Lentus abes, cui linquis opes ac tecta superbis
 Plena procis? jam jam fundo ruet omnis ab imo.
 Vasta domus, multoque tibi via stabit egenti.
 Rumpe moras omnes, reditumque age fortis Attrides
 Apparet, ut caram penetrali in sede parentem
 Invenias, prius illa patris fratrumque sequuta
 Imperia Eurymacho quam nubat: largior omnes
 Muneribus superat, dotemque exaggerat auctu.
 Heu vereor, ne furta parent, vacuosque penates 20
 Diripiant frustra invito. scis, femina quale
 Ingenium sub corde fovet: ditescere curat
 Illa domum, quam nupta subit, natosque priores
 Conjugis & rapti flammis oblita jugales.
 Tu vero, fuerit quae visa ex omnibus una
 Aptamagis, properans famulae servanda repones
 Omnia,

Omnia, dum claro superum comitata hymenaeo
 Nympha tibi veniat. nunc o tamen accipe & ista
 Dicta prius, vigilique memor sub pectore serva.
 Faucibus, heu nescis! Ithacae confedit in ipsis
 Pulveraeque Sami juvenum manus impia letum
 Insidiis tibi triste parans per caerula vestro.
 Nil tamen efficiet: stratum quin ante nefanda,
 Spero equidem, de gente aliquem premet aggere tellus.
 Suspectis longe a scopulis averte carinam
 Nocte viam celerans: a tergo mollia mittet
 Flamina, te superum quisquis tutatur euntem.
 Hinc patrii attigeris primam quum litoris oram,
 Continuo navemque jube contendere ad urbem
 Adveſtumque simul pubem; tu frondea contra
 Rura petens noti stabulum pastoris adito,
 Setigeros qui rite fues custodit in agro,
 Teque amat in primis: illic requiescere amica
 Nocte juvet, senior dum moenia missus ad alta
 Penelopi reducem Pyliis te nunciet oris,
 Incolumemque frui propius vitalibus auris.
 Haec dea, & immensum petiit sublimis olympum.
 At juvenis pressa tetigit pede protinus artus
 Nestoridae exciti somno, & sic inſit ab ore:
 Surge age, cornipedes, Piſſtrate, jungere curru
 Tempus equos, latosque viam celerare per agros.
 Sic ille; at contra Neleo Nestore cretus:
 Haud licet obſcuram, quamvis iter urgeat, inquit,
 Maturare fugam per noctem. en alma propinquat
 Aurea lux: maneat, oro; Pelopeius heros
 Expediat dum pulcra ferens tibi munera, & ambos
 Affatus placide verbis dimittat amicis.
 Semper apud memores inſixa in pectore vivit

Fama viri, sese facilem qui praebeat hospes,
Vix ea Nestorides, roseo quum lumine fulgens 60
Extulit oceano bijugos Aurora nitentes;
Et jam se propius testis Menelaus agebat
Auricomae linquens Helenae penetrale superbum.
Quem simul agnovit venientem natus Ulysse,
Continuo tunicam niveos super induit artus,
Purpureamque humeris pallam demisit ab altis
Heros; tum gradiens contra, foribusque sub ipsis
Obvius adstans: genus alto o sanguine regum
Inclite dux Menelaë, Jovis cura, inquit, ad oras
Me patrias dimitte, precor; namque ardet abire 70
Ultero animus cupido notasque revivere sedes.
Cui tunc Atrides: non te discedere aventem
Longius invitum retinens, dilecte, morabor,
Nec fas. quin etiam simul ipse irascerer olli,
Carum qui foveat nimis importunus amicum,
Negligat aut aequae durus: modus omnibus adsit
In rebus. non ille minus, qui sponte manenti
Invidet hospitium, peccat; quam forte redire
Optantem, qui testis intra gravis usque moratur.
Gaudeat exceptus, donec velit, hospes; & idem 80
Discedat pariter, si fert ita corde voluptas.
Tu tantum concede morae, fulgentia curru
Munera dum properans tibi coram inspecta reponam,
Atque epulas jubeam celeres in sede puellas
Instruere. hinc & honor dignus, majorque sequetur
Utilitas, quam si longae telluris obires
Tot spatia impransus dapibusque haud ante refectus.
Vis etiam per Grajum urbes divertere, & Argos
Per medium? sequar ipse comes molitus habenas
Alipedum, lateque virum subvectus in alta 90
Moenia

Moenia te curru ducam: sua munera ubique
 Aut rutili tripodes, aut pulcri ex aere lebetes,
 Aut bijuges ad frena, aut auro pocula stabunt.
 Dixerat; ille autem: quin, o fortissime ductor,
 Praestat abire, inquit; neque enim custodia nostris
 Fida sat in testis, cui rerum cura relicta;
 Et vereor, ne dum genitor mihi quaeritur absens,
 Ipse cadam, spoliisque alius laetetur opimis
 Diripiens mea regna. haec ille ut fatus, Atrides
 Reginam aggreditur celerans, famulasque parare 100
 Praecipit extemplo laetis convivia mensis.
 Jainque Boëthoedes Eteoneus obviis illi
 Adstiterat strato surgens vicinaque linquens
 Atria; qui subito excitis imponere iussus
 Ignibus exta boum, non segnis dicta moratur.
 Ipse autem Atrides thalami penetralia in ima
 Tendit odorati: Megapenthes pone sequutus
 It comes, aligero & conjux generata Tonante.
 Qui simul advenere, ubi regia gaza jacebat,
 Ingentem extemplo pateram capit impiger heros, 110
 Argentoque jubet solido Megapenthea ferre
 Perfectum cratera, alia dum candida parte
 Nympha legit vestes, variis quas ipsa figuris
 Neverat, ac tenui pingens discreverat auro.
 Quarum unam, ante alias quae se pulcherrima visu
 Obtulerat, pallam signis rutilantibus aptam
 Accipit: ardenti collucens lumine fulsit
 Sideris in morem, postremaque venit ad auras
 Ima in sede latens multoque insignis honore.
 Post hinc digressi, sua quisque & dona ferentes 120
 Telemachum petiere una; cui maximus ultro
 Haec propior laeto fatur Menelaus ab ore:

Tu

Tu reditum ceu mente cupis, sic Juppiter aequus
 Adnuat expediens facilẽm. jamque accipe munus
 Ex opibus, quaecumque meis in sedibus adsunt,
 Et pretio, & formae eximium praestantis honore,
 Hanc pateram signis caelatam: argentea tota
 Ardet, & in summo circum micat aurea labro,
 Vulcani sollertis opus: quam clarus habendam
 Sidoniũ rex ante mihi donaverat, urbem 130
 Quum patriam peterem; tu nunc laetare potitus.
 Sic dicens juvenem prestanti munere donat
 Egregium simul ille, simul cratera coruscum
 Succedens coram Megapenthes ponit. at alma
 Tyndaris in manibus gestans velamina pulcra
 Restitit; ac subito: puer o, mea magna voluptas,
 Accipe & haec manuum, dixit, monumenta mearum,
 Dona, quibus niteat felici tempore quondam
 Nupta tibi: interea genitrix tua cara reponat
 In thalamo servanda. vale o mihi laetus, & oras 140
 I patrias, rursusque tuos invise penates.
 Tantum effata dedit juveni: gavisus at ille
 Dona capit, quae cuncta cavo Pisistratus axe
 Condit, & insigni stupefactus imagine lustrat.
 Hinc alacres in tecta vocat Menelaus, & ultro
 Ducit, ubi foliis circum assedere paratis
 Instratisque toris ambo. dat protinus aureo
 E cyatho manibus lymphas, funditque leberem
 In niveum argento e puro formosa puella,
 Atque eadem sternit mensam; fert altera tostam 150
 In calathis cererem, patulis & lancibus escas
 Expediens mensis large sua munera stipat.
 Parte Boethoedes alia fumantia didit
 Exta secans; miscetque merum generatus Atrida

Ad

Ad cyathum stans ipse puer: mora nulla, paratis
 Accingunt epulis sese, pariterque fruuntur.
 Post ubi potandique amor & compressus edendi,
 Surgens Telemachus, generoso & Nestore natus
 Aeripedes jungunt bijugos, & corpora saltu
 Dant facili, volucrique una super axe locati 160
 Vestibulo excedunt, resonantiaque atria relinquunt.
 It simul Atrides, plenamque nigrantis lacchi
 Fert dextra ex auro pateram, quæ munera libent
 Sacra diis, bijugisque adstans ita farier orsus:
 Salvete, o juvenes, Nelidae & dicite cuncta
 Fausta, precor: genitor veluti me semper amavit,
 Donec apud duræ certatum est moenia Trojæ.
 Dixerat: huic contra referens prognatus Ulysse:
 Omnia, ne dubita, nos hæc narrabimus, inquit,
 Mox reduces tua dicta seni. sic redditus oris 170
 Ipse meis utinam genitori edicere salvo
 Hæc eadem possem; quo me complexus amore
 Scilicet, & quantis voluisti excellere rebus.
 Talia dicenti dextra Jovis ales ab aura
 Adstitit alta volans ingenti e sedibus imis
 Anser correpto: fugientem voce sequuntur
 Raucifona matresque virique. ast ille jugales
 Emicat ante ipsos dextro per inania cursu.
 Gaudent aspectu juvenes, & pectore motus
 Concipiunt varios læti; quos impiger inter 180
 Nestorides regi: dic o, nosne omina divum,
 An potius te certa petunt hæc, maxime ductor?
 Tantum effatus; & ille anceps dum corde volutat
 Multa suo, quæ rite ferat responsa petenti,
 Occupat extemplo dubium pulcherrima Lædæ
 Progenies: adhibete aures; ego monstra docebo,
Ceū

Ceu superi mea corda monent, & fata recludam.
Ut subito e tectis praedam tulit unguibus uncis
Ales ab aërii descendens vertice montis,
Olli ubi stat nidus pullique; ita fortis Ulysses 190
Multa diu passus, multisque erroribus actus
In patriam veniet; fors & jam limine gressus
Intulit insanae molitus funera publi.
Telemachus contra: sic o! sic Juppiter ille,
Horrisona qui nube sedet, tua dicta secundet;
Caelicolum meritas referam tibi vota per aras.
Dixit, & insonuit concusso verberare equorum
Terga super collumque: illi per strata viarum
Corripiunt volucres cursum, campoque potiti
Tota luce rotis agitant volventibus orbem 200
Pulveream rapido glomerantes impete nubem.
Sol ruit, atque viae tenebris densantur opacis;
Adveniunt Pheras, subeuntque in tecta Dioclis,
Quem satus Alphaeo superas emisit ad auras
Orsilochus. placidae per amica silentia noctis
Hospitio in molli dulcem cepere soporem.
Inde ubi purpureo conjux Tithonia ab ortu
Extulit os roseum, juga sub resonantia ducunt
Rursus equos, scanduntque leves post terga relictis
Postibus, & curru praeter longa atria vestī. 210
Instat equis auriga: volat properantibus ultro
Axis, & ad Pylias jam jam venit incitus arces.
Atque ibi Telemachus tum gnato Nestoris inquit:
Pollicitusne dabis, quod te, Pisistrata, poscam,
Quidquid erit? veteri patrum jam foedere juncti
Dicimur, & viridi aequales pubescimus aevo,
Ipsaque concordī magis haec via pectore vinxit;
Ne precor averso ne tende a litore cursum,

Heic

Hic potius me linque ratem prope. namque parentis
 Tecta tui vereor contingere, ne mihi blandus 220
 Tardet iter: celerare fugam res ardua cogit.
 Vix ea: Nestorides huc atque huc fertur, & haeret
 Mentis inops, quae digna ferat responsa volutans;
 Tandem certus equos ad navim & litora flecit
 Proxima. ibi puppis curvata in mole reponit
 Dona Mycenaeus dederat quae maxima ductor
 Aurumque argentumque & pictas murice vestes.
 Tum sic aggreditur cunctantem, ac talibus inquit:
 Vade age continuo properans, nautasque iubeto
 Praecipitare moras, prius alti ad limina tecti 230
 Quam veniens referam longaevo facta parenti.
 Novi etenim, senior quales in pectore sensus
 Impatiens volvat: non te dare vela per aequor
 Ille finet, sed celsa trahens te in tecta vocabit;
 Nec fugies, idem subitas quin surgat in iras.
 Haec ait, alipedumque comantia colla reflectens
 Moenia nota petit, Pyliaque inuestus in arces
 Stat patrias citus ante domos. at litore in udo
 Telemachus contra socios hortatur, & arma
 Ferte agite, o juvenes, inquit, conscendite puppim; 240
 Quamprimum aequoreas pelagi juvat ire per undas.
 Dixerat: illi alacres parent, ac iussa facessunt,
 Ingressique ratem se transtra per ardua fundunt.
 At juveni haec eadem properanti, & vota ferenti
 Palladis ante aram sacris de more litatis,
 Adstitit ex Argo fugiens vir caede peracta
 Vates, a claro deducta Melampode origo
 Cui fuerat. Pylis hic quondam dives in oris
 Ante alios pulcro tenuit penetralia cultu:
 Cesserat at longe fugiens patria arva, ferumque 250
 L 1 Nelea,

Nelea, qui multas olli fortissimus heros
 Eripuit praedatus opes, totumque per annum
 Vi tenuit; vinclis dum contra & carcere saevo
 Ipse domo in Phylaci clausus miseranda luebat
 Supplicia ob Nelci gnatam, clademque nefandam,
 Qua gravis heu miseri praecordia torfit Erinnyes.
 Hinc tamen evasit, Pyliaſque abduxit ad arces
 E Phylaca ingentes tauros, ultusque superbi
 Facta redux Nelci, germano ad limina nympham
 Pulcram duxit agens. subito mox inde profectus 260
 Argos equis aptum venit; nam fata ferebant
 Ingenti Argivos illum ditione tenere.
 Conjugis heic auctus taedis immania struxit
 Teſta ſibi, natoſque habuit, duo fortia corda,
 Mantion Antiphatemque. hic vitae in lumina Oicleum
 Magnanimum fudit; qui te clariffime deinde
 Amphiaræ Jovi carum Phocboque creavit
 Auxilium populis ingens; ſed raptus acerba
 Morte cadis vano corruptae conjugis aſtu
 Miles Agenoream contendere juſſus ad urbem, 270
 Alcmaonque tibi Amphilochoſque e ſtirpe reliſti.
 Mantius at genuit Polyphideaque; Clitumque,
 Aurea quem rapuit correpta cupidine formae
 In ſuperas Aurora domos, loca laeta deorum.
 Egregium contra Polyphidea magnus Apollo
 Gentibus eſſe dedit vatem, poſtquam occidit aëis
 Amphiaras equis vaſto telluris hiatu;
 Qui patri iratus ſe longe Hyperesia ad arva
 Contulerat, populosque illic ventura docebat.
 Ergo Theoclymenus tanto genitore creatus 280
 Telemacho obtulerat ſeſe, puppique ſub ipſa
 Libantem aſpiciens divoſque in vota vocantem

Sic

Sic prior aggressus verbis compellat amicis:
 Hoc quoniam sacris operantem in litore cerno,
 Te per ego divosque rogo; perque ipsa deorum
 Sacra, tuumque caput pariter, comitumque tuorum,
 Dic age quaerenti, nec vano pectore falle,
 Quis genus, unde hominum, quo patre es cretus, & urbe?
 Illi Telemachus: fabor vera omnia, dixit.
 Sum patria ex Ithaca; genitor mihi fortis Ulysses, 290
 Dum fuit heu quondam, tristi nunc funere stratus
 Occubuit; celeri fulcans vada falsa carina
 Illius huc ergo veni, sociosque coëgi
 Nequidquam. vix fatus erat, quum talibus heros
 Excipit Argivus: sic & patria arva reliqui
 Exsul ego pro caede viri, cui plurima late
 Turba viger fratrumque simul comitumque per Argos
 Frugiferum; imperio magno dominantur Achivi.
 Horum permetuens ultricem in funera dextram
 Nunc fugio, fatisque feror procul actus iniquis. 300
 Tu tecum me tolle precor, caedemque nefandam
 Supplicis o prohibe: post me ruet excita pubes,
 Credo equidem, poenam repetens. miseratus at illum
 Solatur juvenis: nec te conscendere quisquam,
 Nec vetat optantem tutas inquirere terras.
 Quin sequere o; potiere, mihi quae copia cumque
 Scilicet est, eademque ambos fortuna manebit.
 Sic dicens ferro praefixum robur acuto
 Suscipit e manibus, curvaque in parte carinae
 Collocat infiliens alte, celsaque recumbit 310
 Puppe super; laterique una comes additur hospes.
 Vincula tum socii laxant: simul ipse parare
 Arma jubet dictis acuens, simul ocius omnes
 In medio attollunt procera ex abjete malum

Hinc atque hinc validis utrinque rudentibus aptum,
 Laxaque suspendunt intortis carbasa loris.
 His virgo optato Tritonia flamine ventos
 Aëra per liquidum resonantes misit, ut undas
 Aequeoreas volucris pinus ruat incita cursu,
 Crunosque, & pulcrum praelabens Chalcidis amnem. 320
 Sol cadit interea, & fuscis nox advolat alis
 Inducens late tenebras; Jovis alite flatu
 Acta ratis linquitque Pheras & praeterit almam
 Elida, ubi fortes late dominantur Epaei.
 Hinc angusta subit crebris freta confixa saxis,
 Spemque metumque inter dubius regit aequeore cursum
 Telemachus, mortemne parent, an fata salutem.
 Parte alia stabuli custos, & dius Ulysses
 Instabant epulis, circumque affusa sedebat
 Vernarum bona turba simul; queis cessit opimis 330
 Postquam exempta fames dapibus, vaser incipit ore
 Sic Ithacus tentans animum senioris amici,
 Longius hospitio vellet gaudere potitum,
 An jubeat celsam potius procedere ad urbem?
 Accipe nunc Eumace, & vos o cara sodales
 Pectora, ait: roseo quum primum crastina furret
 Lux exorta polo, vicinae ad moenia tendam
 Urbis inops, curamque tibi fociusque levabo
 Jam nimium gravis heic. sed tu mihi providus adsis
 Consilio, comitemque pares, qui ductor in urbem 340
 Monstret iter, quaeso: celsas ingressus in arces
 Poculaque hac illac errans frugesque requiram,
 Si miserum quis forte vocet. quin atria regis
 Ipsius haud dubitem vi dura victus adire
 Nuncia Penelopi portans; turbaque procorum
 In media tenuem famulando exquirere victum,
 Dum

Dum plenae recubant laeta inter munera mensae.
 Quo me iussa volent, facilis sequar omnia: fabor
 Namque tibi; (nostris tu dictis pectora & aures
 Nunc adhibe;) haud alijs vafri me numine fretum 350
 Mercurii, cunctis addit qui rebus honorem,
 Vicerit, ingentem sive ignem attollere tempus,
 Robora seu forti diffindere dura bipenni,
 Aut etiam torrere dapes, aut fundere vina
 Expediat, quaecumque obeunt & munera servi
 Divite sub domino. quae postquam dixerat heros,
 Illum torva tuens senior, miseransque ruentem:
 In sua damna, inquit; quisnam praecordia tantus
 Error agit? saevone petas occumbere leto 360
 Sic temere ad juvenes properans turbamque superbam,
 Cujus ad aeratum venit vis improba caelum,
 Sideraque implevit scelerati injuria facti?
 Non illis famuli tales; at vivida pubes:
 Vestibus in puris flavos ornata capillos,
 Formosisque genis adstat; mensaeque renident
 Et cerere & semper plenae fumantibus extis.
 Heic maneat, oro; non his te excedere tectis:
 Invisumque gravemque cupit vel perdere quisquam;
 Non ego, non alius comitum. postquam alma redibit
 Progenies Ithaci juvenis, tum vestibus ultro 370
 Ille novis audum, properas quo tendere, mitter.
 Cui tum voce refert multum jactatus Ulysses:
 Sic utinam carus vigeas, Eumace, Tonanti,
 Ut mihi, quem tristes errando quaerere curas,
 Sponte vetas! gravior clades mortalia corda
 Nulla domat, quam ferre pedes circum alta domorum
 Ostia reptantem. docuit tamen omnia ventris
 Aspera vis perferre, vagum quem durus adegit

In

In varios casus error, variosque labores.
 At quoniam retines, tecumque in sede manere 380
 Nil meritum me tale jubes, age pauca roganti
 Fare Ithaci de matre, atque ipso in limine duri
 Quem senii liquit cedens, patre de Laërta:
 Vivuntne aetherii claro sub lumine solis,
 An periire ambo, stygiasque ivere sub umbras?
 Talia quaerenti senior: certa omnia reddam,
 Hospes, ait. longaevis adhuc vitalibus auris
 Laërtes fruitur, sed magnum in vota precatur
 Usque Jovem invisam cupiens abrumpere vitam
 Artubus edomitis quamprimum. scilicet illum 390
 Hec nimis amissae prolis jam torquet amaror,
 Conjugis & carae luctus, quae funere raptā
 Perdidit una magis miserum, tristemque senectam
 Esse dedit, saevis pro gnato exercita curis
 Horrendum subiens leti genus: o mihi tale
 Dī prohibete malum, casumque avertite amicis!
 Illa quidem dum viva fuit, mihi plurima dulce
 Quaerere, & alternis fuerat sermonibus horas
 Fallere: me pulcra namque ipsa eduxerat una
 Cum Crimena, extremam quam partu enixa creatat: 400
 Huic ego nutribar socius, nec mater honore
 Ipsa suam prolem multo praeferre solebat.
 At postquam roseo simul ambo adolevimus aevo.
 Illa Samum petiit claro deducta hymenaeo,
 Congessitque ingens pro dote parentibus aurum.
 Me vero indutum pictae subtegmine vestis
 Evinctumque pedes ocreis fulgentibus agros
 Incolere hos jussit missum, complexaque semper
 Sollicito carum fovit ceu mater amore.
 Queis nunc indigeo infelix: pia numina tantum 410
 Respi-

Respiciunt curasque meas, & vota secundant
 Omnia proventu magno; satis ipse, sat hospes
 Hinc habuit, nostras quicumque accedit ad aedes.
 Nulla mihi a domina spes est optanda salutis,
 Auxiliumque malis: postquam scelerata procorum
 Infedit pubes, dirum genus; omnibus omnes
 Rebus egent famuli, sed coram dicere mustant,
 Affarique timent reginam. ita poscere victum
 Nec sibi, nec fociis audent submittere in arva,
 Soletur captiva gravem quo turba laborem. 420
 Haec ille; atque heros: quo fato, Eumace, tuaque
 A patria longe carisque parentibus aëvo
 In tenero has demum sedes jactatus adisti?
 Dic age vera mihi referens: hostilibus armis
 Urbisne fuit populata, ubi quondam tecta parentes
 Incoluere tui; an sola te in valle relictum,
 Servantemque greges pecudum niveosque juvencos
 Praedonum avexit pelago manus effera, & oris
 Vendidit his captum domino, pretiumque recepit?
 At senior contra lacrimis ingressus obortis: 430
 Si te tantus, ait, casus cognoscere nostros
 Ardor habet, memori tacitus jam pectore dicta
 Accipe, & indulgens, laeta inter pocula, vino
 Heic placidus reside. tardae nunc tempora longa
 Noctis eunt, somnoque licet componere membra,
 Jucundisque animos narrantium pascere dictis.
 Cur properes in strata? gravis sopor ipse cubanti
 Esse solet nimius. vos o, si corde cupido
 Fert aliter, vos ite viri: dein candida primum
 Quum radiis lux orta diem feret, ante refecti 440
 Hirsutos nemorosa greges educite in arva.
 Nos autem saturique epulis, dulcique lyao
 Gauden-

Gaudentes parvo structi sub cespite tecti
 Alter in alterius luctu haud ignara malorum
 Pectora solemur. quaedam meminisse voluptas
 Est homini, quam multa tulit rerum aspera quondam,
 Jactatusque diu est: & jam ad tua jussa revertor.
 Insula stat ponto, Syrien quam nomine dicunt,
 Ortygiam supra, versos ubi flammeus orbes
 Sol notat, & certis distinguit tempora signis, 450
 Illa quidem non magna adeo, sed divite gleba
 Lanigeras pascit pecudes, armentaque laeta,
 Et Cereri, & Baccho facilis. non finibus illis
 Dura fames populos torquet, non ulla per aegras
 Serpit atrox gentes tristi vis excita morbo:
 Ast ubi felici senuerunt corpora in urbe
 Sedibus e superis delapsi Phoebus & una
 Casta soror jaculis figunt labentia membra.
 Stant geminae heic urbes, divisaque partibus acqui
 Omnia sunt: genitor meus olim rexit utramque 460
 Imperio magno divis par, inclitus heros,
 Ctesius Ormenides. ergo illa ad litora navi
 Phoenices venire vastrum genus, aurea secum
 Munera ducentes variique insignia cultus.
 Juncta meo fuerat mulier Phoenissa parenti
 Pulcra genas habituque ingens, & culta per artes
 Egregias. illam pubes externa fefellit
 Muneribus captam; niveosque in fluctibus artus
 Dum lavat, aggressus juvenis cava robora propter
 Accubuit furtim, dulcique potitus amore est 470
 Mollibus illecebris pervertens, queis proba si qua est
 Femina, victa solet tandem succumbere culpae.
 Haec inter petiitque genus patriamque; neque illa
 Talia quaerentem refugit, sed protinus orsa:

Sidoniis, inquit, sum nata in finibus olim
 Progenies Arybantis ego, ditissimus agri
 Qui fuit in Tyriis: at me per caerulea vesti
 Praedones Taphii venientem e rure tulerunt,
 Captivamque viro heic pacta mercede dedere.
 Tum juvenis furto gaudens: quin vesta per aequor 480
 Nos sequere in patriam, dixit, veteresque penates
 Post longum visura, tuorumque ora parentum;
 Ambo etenim vivunt, gazaque fruuntur opima
 Incolumes. mox illa refert: in me mora nulla,
 Si modo certa fides vobis, jurataque testes
 Numina pollicitis adsint, sine crimine nautas
 Per freta ducturos patrias me rursus ad arces.
 Dixerat: illi omnes jurant, & foedera firmant
 Testati per vota deos. tunc ipsa peractis
 Rite sacris dextraque data sic callida subdit:
 Nunc taciti haec finite, o nautae; nec strata per urbis 490
 Ingrediens aliquis vestrum, nec fontis ad undas
 Audeat affari visam, ne fraude relecta
 Advolet, & famam referat senioris ad aures
 Nuncius. iratus vinclis & carcere duro
 Me petet in primis; vobis dein triste parabit
 Exitium pariter. tacito sub pectore dicta
 Condite, vosque viae quamprimum accingite rebus
 Omnibus instructi. fuerit quum plena carina,
 Ad me aliquis veniat missus: nam protinus aurum,
 Atque aliud potero quodcumque e sedibus altis 500
 Surripiam, mecumque feram. quin majus habendum
 Haud invita paro pretium pro munere vobis.
 Namque domi puer est regali sanguine cretus,
 Ipsa viro nutrix quem servo: haud ille periculum
 Sentiet; hac illac ludens discurrere gaudet

M m

Semper,

Semper, & ante fores temere progressus oberrat,
 Hunc simul adducam vobis: hic maxima reddet
 Praemia in ignotis hinc longe venditus oris.
 Haec effata domos petiit, nautaeque per annum
 Litus apud nostrum rura statione morantes 510
 Mercibus implebant multis cava robora pinus.
 Mox ubi pressa ratis fuerat jam pondere magno,
 Velaque poscebant ventos, sit conscia facti
 Femina. jamque mei veniens ad limina patris
 Nauta vaser flamenti electro auroque monile
 Contextum gestat, seseque interritus infert.
 Turba puellarum gaudet; famulaeque nitore,
 Et pariter mea capta parens, dum lumine spectant,
 Atque manus inter formosaeque brachia versant
 Pollicitae pretium; subito dat perfidus olli 520
 Signa oculis, navimque petit vestigia torquens.
 Illa manu capiens me secum e postibus effert,
 Poculaque in positis circum longa atria mensis
 Invenit, assucti fuerant quæis ducere vina
 Convivæ cum patre meo, sed forte relictis
 Tum dapibus, populo exierant dare jura vocati
 Concilio in magno: raptim tria pocula tollit,
 Absconditque sinu; sequor ipse heu stultus euntem.
 Interea prono densantur sole tenebrae,
 Perque vias nox atra horret; per opaca locorum 530
 Tendimus in portum celeres, ubi conscia pubes
 Sidoniam tuto religarat litore puppim.
 Conscendunt nautae, secumque per humida regna
 Nos procul auctos tollunt: dat Juppiter auras
 Aëria caeli spirans regione secundus.
 Sex adeo luces, totidemque ex ordine noctes
 Effugimus pelago; sed postquam septima caelo

Fulse-

Fulserat orta dies, jaculo confossa Dianae
 Pro scelere infando perfolvit femina poenas:
 Volvitur assimilis fulicae, lapsoque sub ima 540
 Corpore dat strepitum puppi. dein gurgitis illam
 In medios jaciunt fluctus phocisque vorandam
 Piscibus atque feris escam: circumstetit horror
 Corda mihi, lacrimisque genae maduere volutis.
 Hinc autem vento pariterque ferentibus undis
 Venimus in portus Ithaces, ubi venditus auro
 Laërtae cessi imperiis. ita litora primum
 Haec tenui, fixique meos hac sede penates.
 Dixerat; huic heros divum genus: heu mihi quantos,
 O senior, tristi movisti in corde dolores, 550
 Talia dum memoras fatis agitatus iniquis.
 Sed pater ille deum cladem solatus acerbam
 Scilicet est, sedes qui te contingere tandem
 Has voluit, regemque dedit tibi multa parantem
 Commoda: nunc facilem vitam trahis; ipse per urbes
 Advenio multas, & multa per aequora vectus.
 Talibus alterni lenibant pectora dictis;
 Dein somnum petiere brevem: nam lumina terris
 In croceis investa rotis Aurora ferebat.
 At cita Telemachi pubes propiora tenebat 560
 Litora jam cursu, demisso & carbasa malo
 Laxa legens portum remis advecta subibat.
 Anchora de prora jacitur, tortique rudentes
 Impediunt pinum: juvenum manus exsilis arvis,
 Instituitque dapes, & vina ardentia miscet.
 Sed postquam compressa fames, pulsusque bibendi
 Ardor erat, sic deinde viros affatur ovantes
 Telemachus: navem vos hinc deducite ad urbem,
 O focii; servata meis pastoribus arva

Ipse petam, visisque illis operumque labore 570
Vespere mox referam celeres ad moenia gressus.
Mane autem reduces recta intra regia mecum
Excipiam dapibus largis, & debita solvam
Munera, laetitiamque dei, cui talia subdit
Voce Theoclymenus: quonam me tendere solum,
Care, jubes; cujus penetralia celsa subibo,
Anne tuae sistam recto me tramite matri?
At juvenis contra: te nostra ad limina primum
Ultro ego jussissem vestigia ferre, neque ulla
Hospitii tibi cura foret. sed tristior illic 580
Me sine solus eris, nec te mea cara videbit
Fors genitrix: neque enim sese penetralibus effert
Saepe procis visendam; in solo clausa recessu
Usque sedet longum tela solata laborem.
Propterea sedes potius contendere ad altas
Eurymachi moneo, Polybo genitore creatus
Late qui colitur divis aequatus honore.
Quippe animis praestat longe, praeque omnibus unus
Ipse meae sperat genitricis amore potiri,
Atque Ithaci gaudere toro. sed rector olympi 590
Astra scit ille colens, an Parcae extrema minentur
Sontibus, ante suos celebrent quam laeti himenaeos.
Vix ea, quum dextra venit de parte superne
Accipiter, citus ales Apollinis: ille columbam
Ungue tenens vellebat atrox, vulsasque carinam
Telemachumque inter fundebat ab aëre plumas.
Nec mora: secretum a sociis, dextraque prehensum
Subducit juvenem fatorum haud inscius heros,
Et prior alloquitur. non haec sine numine divum
Dextera venit avis volitans; nosco omina pennae 600
Praepetis. imperio sceptrisque potentius oris

Haud

Haud genus his aliud vestro est; immota manebunt
 Regna tuae semper gentis. tum natus Ulyssē
 Accipiens omen: di talia vota secudent,
 Hospes, ait; tantis a me donabere felix
 Muneribus, ditem miretur ut obvia turba.
 Dixit, Piraeumque vocat sic deinde loquutus:
 O Clytida Piraeae, animo fidissime nostro
 Ante alios, quotquot Nelea ad regna sequuti
 Me pelago duxere, tuis penetralibus hospes 610
 Gaudeat hic, meritosque habeat dilectus honores,
 Dum redeam campis. nec plura effatus; & ille
 Continuo reddit: quantum vis tempore longo,
 Telemache, hinc abeas; pro te mihi cura sodalis
 Semper erit, dignisque hospes celebrabitur ultro
 Officiis. dixit; subitoque e litore nautas
 Imperat, ingressus navem, laxare rudentes.
 Certatim insiliunt jussi, validisque locati
 Confidunt transtris; alia sed parte coruscas
 Telemachus plantis ocreas aptavit, & astam 620
 Accepit dextra, quam fixam cuspide athena
 Extulerat puppi. jamque illi vincula solvunt,
 Adnixique humeris spumantia caerula verrunt,
 Inque urbem properant jussi; jam tramite noto
 Ipse pedes celerat, sequiturque per avia cursum
 Ingrediens, ubi densa suum stant agmina septis
 Clausa olli, fidusque senex stabula alta tuetur.



HOMERI ODYSSEAE

LIBER SEXTU SDECIMUS.

Impiger Eumaeus, Trojaeque everfor Ulysses
 Ignibus excitis parvi sub culmine tecti
 Aurora rutilante dapes de more parabant;
 Pastorumque manus discesserat avia in arva
 Cum grege. Telemachum vigilans cognovit euntem
 Turba canum, tenuitque feris latratibus ora
 Adfiliens juvenem circa; Laërtius heros
 Sensit adulantum voces, venientis & hausit
 Pulsa pedum propius resonis vestigia tectis,
 Et subito: huc aliquis se fert, Eumaeae, propinquans 10
 Aut comes, aut certe notus: non excita latrat,
 Sed potius blandita canum custodia gaudet,
 Vicinusque pedum patulas sonus incitat aures.
 Necdum ea finierat, quum limine gnatus in ipso
 Adstitit. obstupuit senior, tectisque repente
 Prosiluit, manibus labuntur pocula, & una
 Vina fluunt effusa. ille obvia brachia regi
 Tendit, & amplexus caris cervicibus haeret,
 Infigitque oculis, ambabus & oscula palmis,
 Et capiti illacrimans. longis ceu finibus anno 20
 Post decimo reducem cupidus jam denique natum
 Quum pater unigenam recipit, quem serus in auras
 Extulit aetherias senio confectus, & aevo,
 Multaque perpeffus: sic illum excepit amicus
 Tum stabuli custos, figensque ardentia saepe
 Oscula laetatur, ceu dira e morte recepto.

Veni-

Venisti o tandem, lux cara! heu salvus ab urbe,
 Quam timui, Pylia ne non dilecte redires.
 Ingredere o felix, longo post tempore visam
 Ut reducem cupido pectus satiatus amore. 30
 Haud etenim gaudes pastorum agrestia testâ
 Incolere huc veniens creber: te scilicet urbis
 Cura tenet, mixtusque procis facta effera spectas.
 Dixerat, & juvenis contra: tibi redditus adsum
 En, ait; has primum sedes te propter adivi
 Praesentis cupiens jamdudum & cernere vultus,
 Et voces audire tuas. penetralia servat
 Carane jam genitrix longis exercita curis;
 An taedas experta novas, aliumque sequuta
 Nupta virum cessit, thalamoque absentis Ulysssei 40
 In vacuo textit sublimis aranea telam?
 Vix ea, quum senior referens: immota penates
 Illa quidem tibi servat adhuc; & pectore contra
 Stat casus obnixa omnes; nec luce dolores
 Nec miserae abstant fera sub nocte gementi.
 Haec ait, & juvenem subito levat impiger, hastam
 Accipiens. subit ille fores, cui protinus ultro
 Ipse suam genitor sedem concessit Ulysses
 Assurgens venienti. ille autem ingressus in aulam
 Abnuat, & contra fatus: confidere praestat 50
 Te nunc, hospes, ait; jam strata sedilia nobis
 Heic aderunt, propiorque venit, cui talia curae.
 Nec plura his, genitor jussus confedit: at olli
 Substravit virgulta senex, villosaque supra
 Tergora conjecit: folio sic fultus agresti
 Sedit Ulyssides inflectens corporis artus.
 Hinc senior properans curvis in lancibus effert
 Servatosque armos, servataque pingua tostae

Terga

Terga suis; nec non calathis cerealia dona
Expedit, & dulci complet spumantia vino 60
Pocula confidens divino adversus Ulyssi.
Incumbunt epulis una: mox acta bibendo
Ut sitis est, dapibusque fames compressa recessit,
Sic bonus Eumaeum dictis affatur amicis
Telemachus. nostris unde iste in sedibus hospes,
Qui nautae advexere, ferunt quo nomine sese:
Caerula spumanti findentes aequora pinu?
Dixerat, & dicta Eumaeus sic voce sequutus:
Nulla mora; expediam jam nunc tibi vera roganti,
Care, ait. e Creta memorat se ducere stirpem, 70
Et spatia immensae telluris obisse vagatus
Per populos, ceu iussa ferunt fatalia divum.
Nunc autem e manibus Thesprorum elapsus adivit
Haec stabula infelix; jamque est tuus ille: quod optas,
Perfice tu misero, supplex te in vota precatur.
At juvenis: nimium saevis mea pectora curis
Figis, ait, senior, quamam illum in sedibus arte
Accipiam teneamque meis? non vivida ab annis
Venit adhuc valido virtus, nec robore fretus,
Si prior incessat quisquam, defendere possim. 80
Contra animum genitrix nunc huc nunc dividit illuc,
In partesque rapit varias incerta; penates
An teneat mecum, saevae convicia famae
Permetuens, veteremque torum & connubia servans;
An potius jam victa uni, qui maxima dona
Praebeat ante alios generosus, denique nubat?
Ergo illi, quoniam supplex tua limina venit,
Intexamque dabo chlamydem, tunicamque recentem
Aeratumque ensē lateri, fulgentiaque addam
Vincula pedum, mittamque ultro, quo malit abire. 90
Quod

Quod si etiam in stabulo tecum vis ipse tenere,
 Haud moror: huc equidem promissaque tegmina mittam,
 Atque epulas, vestro ut parcat jam vivere sumptu.
 Non tamen & miserum patiar succedere turbam
 In mediam juvenum. scelerata haud crimine ab ullo
 Temperet, aut probris cesset; mihi saucia frustra
 Uret corda dolor: multos contendere contra
 Forti etiam durum est, numero vis incita crescit.
 Haec ubi dicta dedit juvenis, tunc acer Ulysses:
 Fas mihi, fas, credo, jam pauca effarier, inquit. 100
 Heu pereo, multoque angor praecordia luctu,
 Talia dum pubi memoras impune procaci
 Crimina te invito coram tantoque licere.
 Dic age, sponte jaces domitusne, an tristia divum
 Supplicia expendis, saevique odia aspera vugi?
 An fratrum incusas animos, queis fretus ad arma
 Prosilis, atque audax vir dura pericula spernit?
 O ego, tam juvenis mentem hanc in pectore haberem,
 Vel satus ex Ithaco, vel longo errore viarum
 Functus & ipse foret, (vota haec mihi numina servant;) 110
 Eripiat nostris caput a cervicibus hostis,
 Ni subito clademque illis & triste pararem
 Omnibus exitium subiens Laertia testa.
 Quod si etiam opprimeret pubes me plurima solum,
 Sedibus in patriis mallem procumbere stratus,
 Cernere quam tales juvenum per testa furores,
 Hospitibusque lares clausos, actasque nefandis
 Flagitiis misere famulas, exhaustaque mensis
 Vina super frugesque meas, atque omnia demum
 Nequidquam heu vasta temere collapsa ruina. 120
 Ad quem Telemachus placido sic ore loquutus:
 Jam tibi nil veritus cuncta, hospes, certa fatebor;

N n

Nec

Nec sum odio populis, vulgique obnoxius irae,
 Nec consanguineos culpo, quæis fretus in arma
 Profilit haud metuens duri vir praelia Martis.
 Omnipotens nostri fecundum Juppiter esse
 Sanguinis ipse genus vetuit: Arceſius auras
 In ſuperas ſolum Laërtem eduxit; Ulyſſem
 Hic genuit contra magnum pater, ille creavit
 Me pariter ſolum, nec longo expletus amore eſt. 130
 Stant autem affuſi noſtris in ſedibus hoſtes
 Innumeri: quot finitimis per caerula regnis
 Dulichioque Sameque altae viridique Zacyntho
 Imperitant clari proceres, quotque aſpera ſcep-
 tris
 Arva regunt Ithaces, noſtrae connubia matris
 Tot juvenes ambita petunt, vaſtantque penates
 Funditus. illa autem nec dedignata petentum
 Vota fugit, nec victa modum ſcit ponere curis;
 Dum furit interea, ſedes populata, juvenus
 Improba, jamque ipſi exitium mihi triſte minatur. 140
 Sed tamen haec divum fatiſ incerta ferantur.
 Interea dilecte ſenex tu nuncius ito
 Penelopi: incolumem dic olli ex urbe rediſſe
 Me Pylia. heic adero, referas veſtigia donec
 Fida redux: ſciat una parens, & nullus Achivûm
 Audiat haec; nam ſæva parant mihi funera multi
 Inſidiis. haec fatuſ erat, quum protinuſ ille:
 Accipio ſapioque, inſit, nec talia mandas
 Igna-ro: tantum Laërtae, an nunciuſ ibo
 Una eademque via, dic o; qui triſtibus olim 150
 Curis heu graviter pro caro fixuſ Ulyſſe
 Spectabatque arteſ operum, mixtuſque ſedebat
 Cum famuliſ vino gaudens dapibuſque paratiſ;
 Nunc autem Pyliaſ ex quo tu remige ad oraſ

Enasti, dapibusque expers & munere Bacchi
 Haud opera invisit, sed flens atque aeger anhelat
 Assiduo gemitu; duris cutis ossibus aret.
 Dixerat; at juvenis: durum est, at juverit, inquit,
 Nunc sinere ingrato miserum tabescere luctu.
 Namque uti arbitrio si qua ratione liceret 160
 Omnibus in rebus, genitor mihi primus adesset
 Redditus optanti. tu vero, ut jussus, abito
 Nuncius, atque iterum recto te tramite siste
 Protinus huc rediens, nec sit cursare per agros
 Cura tibi. matri potius dic, ipsa ministram.
 Clam fidam expediat mittens, quae laeta dolenti
 Haec eadem celerans longaevo nuncia portet.
 Sic fatus jubet ire senem: qui jussa capeffens
 Accepitque ocreas, pedibusque aptavit, ad urbis
 Moenia corripiciens gressum. non ille Minervam 170
 E stabulo egressus latuit: namque ocius altae
 Virginis os pulcracque gerens operumque peritae
 Venit, & assistens foribus se ostendit Ulyssi.
 Non illam sensit coramque adspexit euntem
 Telemachus; neque enim manifesto in lumine divi
 Omnibus apparent. tantum Laërtius heros,
 Et trepidi videre canes, nec faucibus acres
 Raucifonis contra institerunt, sed murmure blando
 Per stabula hac illac profugi petiere latebras.
 Jamque supercilio dat signum: agnovit Ulysses 180
 Nutantem, testique agrestia septa relinquens
 Exsiluit, propiorque stetit, cui diva loquuta
 Haec prior: o Laërtiade certissima magni
 Cura Jovis, gnatum jam nunc affare, nec ultra
 Decipe dissimulans; moliti funera ut ambo
 Nigra procis celeri gressu properetis in urbem.

Ipsa diu haud abero a vobis, pugnare parata.
 Dixit, & aurata subito dea contigit illum
 Permulcens virga: niveas tum pectora circum
 Imposuit primum vestes, humerisque coruscant 190
 Pallam demisit, lumenque & membra juventae
 Reddidit: ambrosius fusco color ardet in ore,
 Depulsaeque genis rugae. stant vertice crines
 Cyanei mentumque pari sublucet honore.
 Haec dea ubi fecit, sublimis fugit: & heros
 Tecta iterum subiit. juvenis miratus at illum
 Obstupet, avertitque oculos praestantia coram
 Numinis ora timens, dubiusque repente profatur.
 Qualis eras nuper? quantum diversus ab illo,
 Hospes, ades, vestesque alias, alia ora reportas: 200
 Certe aliquis divum es caeli stellantis alumnus.
 Sis bonus o placidusque! tibi cadet hostia ad aras,
 Muneraque ex auro stabunt, miserere precantis.
 Talia dicebat supplex; quum maximus heros:
 Non tibi numen ego, quid me caelestibus aequas?
 Sum genitor quin ipse tuus, quem propter acerbo,
 Nate, gemis luctu, vi dura oppressus & armis.
 Sic dicens cupidus caro dedit oscula gnato,
 Effuditque genis lacrimas, complexus & haesit
 Nescius a dulci longum divellier ore. 210
 Telémachus vero (nondum namque ille parentem
 Cernere credebat): non tu Laërtius, inquit,
 Non Ithacus pater ille meus; sed numina caeli
 Hac magis heu miserum vana sub imagine ludunt.
 Haud etenim possit mortalis talia quisquam
 Sic facile, aethera caeli delapsus ab arce
 Ni deus ipse velit juvenis mutare figuram
 Atque senis. tu nuper eras confectus ab aëvo,

Indu-

Indutusque artus foede; nunc corpore verso
 Os humerosque geris similis caelestibus ipsis. 220
 Tum genitor: non fas ita visa in imagine patris
 Attonitumque haerere diu, tacitumque stupere,
 Telemache: haud veniet tibi namque huc alter Ulysses:
 Ille ego sum, passus mala dura, atque omnibus actus
 Casibus in patriam bis deno redditus anno.
 Palladis hoc, quod cernis, opus Tritonidos; illa
 Fecit me qualem voluit, similemque videri
 Cuncta potens inopi jussit, rursusque juventam
 Induit, & pulcro circum dea texit amictu.
 Dis facile est, lati retinent qui culmen olympi, 230
 Et rapere, & dignam mortalibus addere laudem.
 Haec fatus propior confedit. at ille parentis
 Affixus collo lacrimas fundebat, & ambo
 Alter in alterius defixi lumina vultu
 Tristius heu flebant, quam curvis unguibus acres
 Vulturii aut aquilae; fetus queis durus ab antro,
 Aspiciens nido implumes, detraxit arator:
 Pulsa sonant nemora alta & questu implentur acuto.
 Haud aliter luctumque ipsi gemitusque ciebant:
 Et fors occiduas Titan abiisset in undas 340
 Flentibus, affatus tali nī voce parentem
 Rupisset tandem sic longa silentia primus
 Telemachus. qua te, genitor, duxere carina
 In patriam nautae, sese quo sanguine, quave
 Gente ferunt; late pontus nos undique cingit.
 Suscipit heic Ithacus: tibi vera, o nate, roganti
 Dicam equidem; pelago Phaeacum experta juvenus
 Sueta alios etiam, quicumque accesserit illuc
 Indigus auxilii, facili deducere cursu,
 Me tulit, ac placido sopitum in litore liquit 250
 Multa

Multa prius largita aerisque aurique talenta
Intextasque super vestes. haec rite reposta
Omnia nunc antro divum stant credita curae:
Ipse autem huc veni jussu monitisque Minervae,
Hostibus exitium simul ut luctumque feramus.
Quare age & enumerans illos mihi, nate, recense,
Fortunasque, genusque virum, patriamque stat una
Noscere, dein certa rationem evolvere mente,
Num liceat nobis contra contendere solis
Ullius auxilio sine; an & socia arma roganda? 260
Filius haec contra: saepe est mihi cognita fama
Magna tua, o genitor, virtus; teque esse timendum
Audieram dextra pariter structisque per artem
Consiliis. nimium ne sis at magna loquutus
Nunc vereor tua dicta stupens: quid in agmine tanto
Nos duo, quid contra tot possumus aspera corda?
Haud etenim vel dena procum bisdenave tantum
Corpora sunt, multo sed plura; atque accipe porro,
Expediam numerum. duo supra aetate virentes
Quinquaginta alios adsunt, qui moenia celsa 270
Dulichii liquere simul, senique sequuntur
Hos famuli: quatuor venere e divite lecti
Bisdenique Samo juvenes, viridique Zacyntho
Magnanimi pulcro viginti corpore Achivi.
Ex Ithaca vero bissemi viribus omnes
Egregii atque animis adsunt, quibus additus una
Ipse Medon praeco est, & dulci gutture vates,
Expertique epulas famuli duo rite parare.
Omniis his congressi adeo si dura sequemur
Praelia, jam timeo, ne vana audacia cedat, 280
Et graviter commissa luas. sed quaerere praestat,
Si qua via auxilii, si quem tua pectora versans

Inve-

Invenias fidum comitem. tum laetus Ulysses:
 Fabor, ait: mea dicta animo memor accipe; tecum
 Et reputa, nobis dea num Tritonia magno
 Cum Jove sufficiat, comes an quaerendus & alter?
 Dixerat; at juvenis subito: non arguat ullus
 Hos, ait, armorum socios, qui nubila caeli
 Alta colunt, quorum supraque potentia magna
 Est homines, supraque alios supera alta tenentes. 290
 Atqui aberunt multo non illi tempore, Ulysses
 Excipit, a pugna, stabunt quum fortia nobis
 Atque procis una duri certamina martis.
 Tu vero exorti primo sub lumine solis
 I citus ad sedes, turbamque revise superbam;
 Me stabuli custos cras alta ad moenia ducet
 Assimilem miseroque inopique aevoque trementi.
 Quod si dedecorent me turpiter atria circum,
 Duratum obfirmans animum sine foeda parentem 300
 Damna pati; pedibusque trahant me ad limina quamvis,
 Emissisque petant jaculis, ferro omnia gnate,
 Insanoque jube tantum cessare furore
 Mollihus affatus dictis. parere negabunt
 Immemores, namque atra dies turbantibus instat.
 Nunc aliud dicam; memori tu in mente repone:
 Quum bona consiliis auctor mihi pectora Pallas
 Concutiet, tacitus nutanti vertice signum
 Sponte dabo, quod rite notans arma omnia tectis
 Martia tu subito remove, collectaque in unum
 Sub thalami obscuris alte penetralibus abde. 310
 Tum juvenes, si forte petant ac tela reposcant,
 Alloquere incautos, dic fido & pectore fatus:
 Surripui e fumo; neque enim nunc illa videntur
 Quae pater ad Trojam properans fulgentia liquit,
 Ignis

Ignis at horrescunt sordenti afflata vapore.
Quin aliquid majus Saturnius ipse cavere.
Admonuit, ne forte in mutua vulnera vino
Edomitae armentur dextrae, sparsoque cruore
Tristis hymen mensaeque fluant: namque ipsa feroces
Arma trahunt animos, pugnamque laceßere suadent. 320
Sic tu falle procos. geminos at linquere cura
Sit gladios, totidemque hastas, clipeosque sinistrae
Aptandos nobis divûm post sacra peracta:
Illos Pallas aget turbans & Juppiter hostis.
Praeterea hoc etiam moneo super omnia primum:
Si mea tu soboles, nostro si sanguine cretus,
Audiat haud Ithaci quisquam intra limina nomen.
Non id Laërtesve sciat, fidusque repertus
Eumaeus, famulûmque alius, non cara vel ipsa
Penelope. nobis dabitur cognoscere mores 330
Femineos, hominumque etiam tentare licebit
Corda simul, si digna manet reverentia menti,
Vel cessit mutata, tibi nec dantur honores
Promeriti spreto. sic ille; at filius olli
Haec iterum sic pauca refert. mea pectora nosces,
Spero equidem, expertus; nec me vanum arguet error,
O genitor; sedenim non & reor utile nobis
Id fore, nec statues aliter tecum ipse volutans;
Explorare tuum tamen est, quid praestet agendum.
Namque diu campos obiens, longoque labore 340
Singula vix tandem lustrans loca, noscere possis
Quam spem quisque secet; placidi dum sedibus hostes
Interea in nostris vastant sine more feruntque
Omnia. nunc tantum tibi sit muliebria corda
Vestigare labor: quae te spernuntque, nec acquies
Respiciunt animis, diro vel crimine flagrant.

Ast

Ast hominum nolim tentare obscura morando
 Nunc studia: haec tutos olim nos cura manebit,
 Signa tibi si certa deum, si nota voluntas.
 Talia dum vario alterni sermone loquuntur, 350
 Jam ratis, ad Pylias quae longe advexerat oras
 Telemachum sociosque, altam devenerat urbem.
 Et nautae, postquam portu subiere profundo,
 Continuo in siccum nigram traxere carinam,
 Extuleruntque ipsis properi simul arma ministri,
 Muneraque in Clytiae vexere micantia sedes.
 Post etiam praeconem excelsa ad limina regis
 Praemisere, ferat qui laetae nuncia matri,
 Telemachum mansisse agris, ipsumque carinam
 Adnare in portus jussisse; exterrita tristi 360
 Pectore, ne lacrimas regina effundere pergat.
 Jamque eadem praeco, atque eadem tum dicta reportans
 Parte alia senior devenit missus ab arvis;
 Qui simul ingressi quum celsa in sede steteret,
 Ipse prior mediis coram famulantibus insit
 Nil veritus praeco: rediit tibi, maxima, natus
 O regina. alter subiens at cominus, illam
 Edocuit, quaecumque sibi mandata fuere;
 Cunctaque ubi exposuit jam functus munere, gressus
 Ad stabulum vertit properans, & moenia liquit. 370
 Ast animi cecidere procis maerentibus imo
 Pectore, & egressi spatiosae e sedibus aulae
 Ante fores magna maestis assedere corona:
 Quos inter Polybi sic proles martia fatur
 Eurymachus. perfecta, viri, res maxima nostram
 Telemacho spem praeter; iter nunc ille peregit
 Incolumis. quare o celeres deducite pinum,
 Optima quae portu residet, nautasque jubere

Scandere, qui focios moneant dare carbasa retro
 Huc reduces. nondum fari cessarat, in altum 380
 Quum subito Amphinomus conversus lumine portum
 Aspicit & navem, nautas & vela legentes,
 Spumeaque adductis verrentes caerulea remis.
 Tum sic subridens: jam parcite; nuncius, inquit,
 Nullus eat, reduces adsunt: seu forte deorum
 Admonuit quisquam, sive ipsi in gurgite puppim
 Adspexere citam, sed non valere tenere
 Nequidquam adnixa. sic ille: at litora cuncti
 Ima petunt cursu: sicca tellure carina
 Sedit, & arma citi famuli cepere ferenda. 390
 Ipsi in concilium tendunt, properantque frequentes
 Haud alium juvenumve senumve accedere passi
 Cominus: Eupithei soboles dein talia coepit
 Antinous. proh fata deum contraria, ut illum
 Caelicolae solvere malo! per tempora lucis
 Aërii semper ventoso in vertice montis
 Stabant excubiae vigiles; cum sole cadente
 Haud umquam in sicco noctis transegitur umbras,
 At pelago huc illuc vestri, roseamque morantes
 Auroram, insidiis captum tentavimus usque . 400
 Decipere, invisumque caput demittere leto
 Heu temere, heu frustra! nunc en deus attulit ultro
 In patrias sedes. ergo illi heic fata struamus,
 Nec fugiat; neque enim vivo speranda laborum
 Praemia sunt nobis: valet acri mentis & ipse
 Consilio, & cives nos aequo haud lumine cernunt.
 Ite agite, in coetum prius ille ingressus Achivos
 Quam vocet: haud etenim parceret, raptusque furore
 In medios furget, caedemque hanc questus & omnes
 Deteget insidias, fato quas fugit iniquo. 410

Illi autem ardescunt odiis haud facta probantes
 Effera: fors aliquid contra quoque majus adorti
 Finibus instabunt nostris nos pelleri longe,
 Inque alias abigent gentes. quin perdere ferro
 Urbe procul properemus agresti in sede latentem,
 Deprensūve via: tum gaza opibusque potiti
 Ipsius, aequemus nos justis partibus inter
 Omnem divisi praedam, matremque penates
 Incolere, atque illi nubet quicumque, sinamus,
 Quod si aliter placitum vobis, ipsumque juberis 420
 Vivere, & incolumem census retinere paternos,
 Huc simul affusi sic omnia perdere raptō
 Parcite, & optatum sua quisque in tecta profecti
 Connubium donis ambite: hunc victa sequetur
 Penelope, qui plura dabit, quem fata reposcent.
 Postquam fatus erat, fecere silentia cuncti;
 Amphinomus donec surgens exorsus ab ore est
 Regis Aetiae Nisi fortissima proles,
 Dulichii uberibus qui quondam advenerat agris
 Magnanimis dux ipse procis, & carus amantes 430
 Reginae ante alios digno virtutis honore:
 Hic ibi confurgens monuit sic voce sodales.
 Non ego Telemachum jubeo vos perdere ferro,
 O socii: indignum est regali sanguine cretam
 Sternere progeniem; scitanda oracula nobis
 Ante deū. si jura probent & Juppiter auctor,
 Aggrediarque prior, vosque una audere jubebo;
 Sin superi abnuerint, satius desistere coepto est.
 Sic ille: atque aliis eadem sententia sedit,
 Surgentesque Ithaci rediere in regia tecta, 440
 Ac soliis late se composuere coruscis.
 Interea sese violentae ostendere publi

Penelope statuit, nato jam conscia letum
 Triste feri: namque omne Medon recluserat ipsi
 Consilium fraudemque, ergo comitata puellis
 Ingreditur, propiorque viris ut candida venit,
 Constitit ad postes aulae innixa superbos
 Aurea praetendens roseis velamina malis:
 Tum sic Antinoum inerepitans accensa profatur.
 O scelerum inventor, furioso pectore, tene 450
 Antinoë in populo dicunt hoc mente valere.
 Eloquioque bonum? non tu, non, perfide, talis.
 Demens, cur caedemque paras & tristia fata
 Telemacho, spernisque inopes, queis Juppiter ipse
 Testis adest; haud fas heu mutua quacere damna.
 Anne tuum huc quondam nescis venisse parentem
 Vitantem vulgi furias, praedonibus actis
 Quum Taphius etiam Thesprotos percitus ira
 Laeserat alterno nobiscum foedere iunctos?
 Illum autem exirio tristi letoque volebant 460
 Sternere, & extincti raptos populare penates:
 Ardentes Ithacus tenuit, vetuitque furorem;
 Cujus nunc inhias opibus, tentasque potiri
 Coniuge praerepta, gnatumque ad funera poscis
 Improbe, me laesa graviter. sed desine tantum
 Jam furere, atque alios prohibe. cui talia questae
 Eurymachus proles Polybi clarissima reddit,
 Solaturque aegram. fide o pulcherrima nata
 Icarii, talis nec tristi in pectore cura
 Insideat: non est, nec erit, dum spiritus artus 470
 Hos alet in terris, dum solis lumina cernam,
 Telemacho injiciat qui dextram saevus, & arma
 Inferat. edico jam nunc, & dicta manebunt
 Haud vana; illius nostram cruor imbuet hastam

Con-

Continuo effusus, murorum everfor Ulysses
 Impositum genibus me saepe & fovit, & ultro
 Fumantesque dapes vinique rubentia dona
 Largitus puero est. pro quo mihi munere vivit
 Carior ante alios soboles tua: non gravis ergo
 Sors manet a nobis, non illi hinc sacra timenda 480
 Funera; quis caveat vero, quae numina necunt?
 His animum dictis firmans lenibat, & atram
 Interea mortem juveni ferus ipse parabat.
 Illa autem cellae conscendit in aurea sedis
 Limina, ubi gemitu & luctifono ululatu
 Carum maesta virum stebat, languentia donec
 Lumina composuit placido Tritonia somno.
 Jamque adeo senior sub vespere venit ab urbe
 Telemachum patremque petens, qui rite parabant
 Una epulas caeso parvis in sedibus horno 490
 Forte suae. aurata subito percussit Ulysssem
 Stans propior virga Pallas, tactuque potenti
 Et senium, & rursus foedos induxit amictus
 Artubus attritis; stabuli ne scilicet ipsum
 Nosceret aspiciens custos, & nuncius iret
 Penelopi impatiens animi, visumque referret.
 Quem sic Telemachus prior est affatus ab ore:
 Exspectate venis: quatenam altam fama per urbem?
 Jam pelago rediere proci mihi fata minantes
 Insidiis, an adhuc me frustra in gurgite quaerunt? 500
 Huic senior: fuerat non has inquirere curas,
 Nec propere mihi nosse animus, iussisque peractis
 Moenia, quamprimum cupiens discedere, liqui.
 Aduit ipse tuis praeco submissus eodem
 Nuncius a fociis mecum, qui certa parenti
 Dicta tuae retulit prior, & solatus amantem est.

Hoc

Hoc tantum super unum habeo; fors cernere cūti
Obtulit ipsa oculis. quum jam vestigia ferrem,
Mercurii qua parte sacrum nemus imminet urbi
Collē super viridi, labentem ex aequore pinum 510
Intrantemque cavos impulso remige portus
Desuper aspexi. stabat densata juventus
Plurima, & ardebat clipeis jaculisque corusca.
Hanc pubem tunc esse procos rebar, neque quidquam
Praeterea novi. dixit, gnatusque parentem
Adspiciens furtim laeto subrisit ab ore,
Quin senior tacitum videat: dein omnibus actis,
Expediunt epulas mensis, pariterque fruuntur
Appositis: gaudent aequatis partibus omnes.
Postquam autem fuerat compressa sitisque famesque, 520
Accubuerē toris, cepere & munera somni.



HOMERI ODYSSEAE

LIBER DECIMUSSEPTIMUS.

I Am roseo fulgens in nimbo Aurora rubebar,
 Candida quum croceis evinxit crura cothurnis,
 Corripuitque habilem dextra cessurus in urbem
 Telemachus de more hastam; dein talia mandans
 Fatur dicta seni. celerans ego moenia gressu
 Alta petam, coram genitrix ut cara revisat
 Incolumem; neque enim gemitus prius anxia ponet,
 Credo equidem, lacrimisque madentia lumina terget,
 Quam videat reducem: tibi vero haec iussa relinquo.
 Hunc socium tu deinde sequens duc moenia ad alta, 10
 Illic ut properet victum, si pocula quisquam
 Frustraque det cereris misero: non omnibus unus
 Sufficio hospitibus tanto jactatus in aestu.
 Si ferat haec hospes non aequo pectore, magno
 Illi erit exitio potius; me vera profari
 Usque juvat. dixit, contraque exorsus Ulysses
 Excipit. haud equidem retineri heic longius optem:
 Urbe inopi satius, quam victum inquirere campis
 Reptanti hac illac frustra. dabit ille, voluntas
 Quem dare fors aliquid poscenti haud dura monebit. 20
 Non etenim solidae stant vires robore tali,
 Ut valeam in stabulo dictis parere jubentum
 Jam senio domitus. tu vero i laetus; in urbem
 Jussus ager me deinde senex, postquam igne resolvam
 Frigus, & insinuans gelidis calor ossibus ibit,
 Namque aliter cani male tectum frigidus humor
 Con-

Conficiet roris, primo qui faevit in ortu
 Plurimus; ipsa etiam procul hinc urbs fertur abesse.
 Vix ea: Telemachus stabulumque & septa relinquens
 Ingreditur celeri passu, tacitusque volutat 30
 Secum fata procis: postquam alta ad limina ventum,
 Suspenditque ferens ad longam hostile columnam,
 Interiora domus subiit penetralia. nutrix
 Hæc illum fida ante alios, ut forte tegebat
 Pellibus instratis ornata sedilia circum,
 Euryclea prior subeuntem adspexit, & ipsi
 Adstitit uda genas lacrimis, ac deinde frequentes
 Advenere aliae, famulantia corda, puellæ,
 Complexæque haerent humeris, dantque oscula collo.
 Ecce autem idaliæ Venerem Phœbique sororem 40
 Penelope referens thalamo processit ab aureo,
 Brachiaque iniecit nato, complexæque inhaesit
 Multa oculis, multa & capiti dans oscula caro;
 Tum sic illacrimans: venisti o dulce parenti
 Lumen, gnate, tuæ! non te spes ulla videndi
 Jam fuerat, postquam me invita ad Nestoris arces
 Furtim ingressus iter cessisti e litore nostro.
 Dic age, si qua patris famæ vestigia nosti,
 Et quaecumque datum vidisse. ac talia fata
 Conticuit regina: ille imo e pectore rumpens 50
 Dat gemitum, maestisque hæc vocibus insuper addit.
 Ne lacrimas ne quaere meas: quid faucia figis
 Corda mihi, fugi qui vix elapsus ab Orci
 Faucibus, o genitrix? quin tu nunc flumine puro
 Lota manus, niveæque artus circumdata veste
 In superas ascende domos comitata puellis,
 Ferque diis jam rite preces, sollempnia spondens
 Munera, si placidus fors tandem rector olympi
 Adnuat,

Adnuat, ingratumque velit mutare laborem.
 Contra ego nunc populi in coetum progressus abibo 60
 Adducamque virum, qui me simul alta sequutus
 Per maria has tetigit sedes, missusque praeivit
 Cum fociis: illum iussus Piraeus amico
 Hospitio fovit, dum me procul arva tenebant.
 Dixerat; illa autem volucris velut incita penna
 Exsequitur mandata. manus jam flumine sacro
 Abluit, ac pura rutilans in veste per aras
 Vota facit divis, perfectaue munera spondet,
 Auxilium si forte paret, si Juppiter adsit.
 Contra Telemachus se fert e postibus hastam 70
 Concutiens, gressumque canes comitantur herilem;
 Ac Pallas dios oculis afflavit honores
 Lumine perfundens claro. miratur euntem
 Vulgus, & agglomerat se turba affusa procorum
 Laetitiâ vultu simulans, dirumque furorem
 Corde premens. quorum paullatim ex agmine cessit,
 Et qua Mentor erat, quaque Antiphus, atque Alitherfes
 Cum patre jam longo conjuncti temporis usu,
 Parte stetit. varios dumque illi ex ordine casus
 A juvene exquirunt, comitatus ab hospite fortis 80
 Ibat Piraeus, mediisque ingressus Achivis
 Telemachum adversa cernentem e sede petebat.
 Tum sic adstanti loquitur: fate sanguine Uliſſei
 Magnanimo, jam dona meis tibi ferre jubeto
 E laribus famulas, abeunti flavus Atrides
 Ipse dedit quae multa heros. nec plura loquuto
 Telemachus reddit: dubio fortuna periclo
 Pendet adhuc incerta; procū namque effera pubes
 Si patrias populata domos me funere perdat,
 Te potius, Piraece, velim gaudere potitum 90

Muneribus; fin & nobis victoria laudem
Adnuat, atque hostes poenam cum sanguine solvant,
Tunc eadem servata mihi in penetralia ferto.
Sic dicens, dextraque virum, qui pulsus ab Argis
Venerat, accipiens secum alta ad limina ducit.
Quo simul advenere, toris rutilantia ponunt
Tegmina, & exutos lustrant in fontibus artus
Marmoreo ingressi labro. dein flumine lotos,
Atque oleo ut nitidos rursus de more ministrat
Vestibus induerunt pictis tunicaque recenti, 100
E solio egressi se circum ad strata reclinant.
Dat manibus rores, urnaque effundit ab aurea
In niveam argento choncam formosa puella,
Insternitque eadem mensam. fert altera puris
In calathis Cererem, patulis & lancibus escas
Expediens, sua dona ultro servata, ministrat.
At genitrix adversa stetit, foribusque sub ipsis
Nixa toro est, tereti mollissima pollice versans
Stamina, dum gaudent epulis vinoque fruuntur.
Inde ubi pulsa fames, ita voce exorsa profatur: 110
Telemache, infelixne iterum conscendere tristem
Cogar ego in thalamum, lacrimisque cubile rigatum
Usque meis, geminos ex quo comitatus Atridas
Dardanias Ithacus cessit bellator ad arces?
Nec tamen, heu diri quam sese in tecta reportent
Nostra proci, referes certo prius ore loquutus,
Audisti si forte tuum qua parte parentem
Vivere? finierat genitrix, cui talia natus
Orsa refert: equidem, fuerint quaecumque, fatebor,
Mater, vera tibi: Pylias advenimus oras, 120
Contigimusque manus Nelidae Nestoris. ille
Hospitio exceptum diti me ad regia duxit

Limi-

Limina laetatus; gnatumque ut tempore longo
 Accipit absentem genitor, fruiturque recepto
 Obvius exiliens, sic me complexus amore
 Excoluit seniorque simul, generosaeque nati
 Progenies. sedenim miserandi ignarus Ulyssæi,
 Incertusque heros sive ipsum vivere, sive
 Passum extrema putet, Menelai ad moenia jussit
 In bijugo vestum longe contendere curru. 130
 Illic Tyndarida aspexi, quam propter Achivi
 Pergameique duces multos hausere labores
 Caelicolum fato. postquam me vidit Atrides,
 Continuo, quae vis, quae me fortuna tulisset
 In Spartam, poscit. mox illi ut certa roganti
 Exposui, contra mihi talia reddidit heros.
 Proh superi! qua mente viro, quo robore claro
 Eripere imbelles adeo voluere cubile!
 Cerva velut magni si quando in lustra leonis
 Ingreditur, parvosque locans necdum ubere pulsos 140
 Hinnuleos campis it late herbosaeque quaerens
 Pascua per saltus & valles errat: at ille
 Improvisus adest, notoque receptus in antro
 Saevus utrique inhians laceros depascitur artus,
 Visceribusque haerens spumas agit ore cruentas:
 Sic Laërtiades feret illis horrida fata.
 Jupiter o faciat, Phoebusque, & bellica virgo,
 Talem se referat, qualem videre Pelasgi
 Luctantem in Lesbo, quum surgens arduus ictu
 Stravit humi Philomelidem, gavisaque casu 150
 Ingenti est omnis Danaum mirata corona.
 Talem o! se referat, turbamque aggressus inertem
 Eripiat vitamque brevem, & connubia rumpat
 Nequidquam sperata horrendo funere meris.

Illa autem, quae poscis, ego haud mendacia fingens
 Omnia nunc referam, nec te quoque certa latebunt,
 Quae docuit quondam senior me gurgite vasto
 Caeruleus Proteus fatorum haud inficius augur.
 Namque tuum vates vidisse in litore patrem
 Ogygio flentem dicebat, ubi alma Calypso 160
 Sedibus in vitreis invitum detinet. omnis
 Clausa via est; focii defunt, & curva carina,
 Qua freta devesctus pelagi spumantia tentet.
 Haec Atrei soboles, bello Mavortius heros,
 Edidit, hisque actis relegens iter omne redivi
 In patriam, dederuntque auras dî pone sequentes.
 Sic ait, & luctu matris praecordia fixit
 Telemachus, quos inter ab Argis advena fatus
 Cuncta Theoclymenus superis par: o bona Ulyssæi
 Magnanimi conjux, non haec tibi vulneret aures 170
 Fama incerta viri; quin huc advertere mentem
 Ne dubita, tibi namque canens ego vera profabor.
 Audiat haec divûm genitor, mensaeque sacrae,
 Quas adii, sedesque Ithaci, sanctique penates:
 In patria salvus certe Laërtius heros
 Seu graditur, seu forte sedet, scelerisque nefandi
 Conscius exitium publi molitur acerbum.
 Augurium e puppi nam nuper in aethere vidi
 Certum ego, nec tacui monstrans felicia signa
 Telemacho. dixit vates; atque omine laeta 180
 Penelope: haec utinam superi rata vota secudent,
 Hospes, ait; magnis a me cumulabere donis,
 Scilicet ac ditem mirabitur obvia turba.
 Talibus illi inter sese; dum regia circum
 Tecta proci jacto gaudent contendere disco,
 Et jaculo, fas omne obliti ubi ludere fuerant.
 Queis,

Queis, simul ac mensae tempus jam venit, & agris
 Undique pastores lectas de more bidentes
 Adduxere, Medon subito, qui carior unus
 Ante alios pubi convivium laetus obibat: 190
 O juvenes, inquit, sat ludo insistere juvat;
 Ite domum, ac vosmet plenae accingite mensae;
 Dulcius haud epulis quidquam, quum tempora poscunt.
 Dixerat: illi alacres surgunt, parentque vocati.
 Jamque introgressi sinuosa per atria ponunt,
 Exutasque toris vestes rutilantibus aptant
 Maestantes oviumque greges, & pingua circum
 Corpora caprigeni pecoris, taurumque nitentem
 Praeterea, hirsutosque sues. dumque omnia fervent
 Haec dapibus, parte ex alia petere alta parabant 200
 Moenia jam stabuli custos, atque impiger una
 Priamidum ac Trojae domitor; cui talia fatur.
 Sic prior Eumaeus. non te discedere sponte
 Hinc patior, potiusque optem (sic iussa tulissent)
 Tecum partiri curas operumque laborem
 Hoc simul in stabulo. sed enim contraria regis
 Iussa vetant; vereorque, gravi ne concitus ira
 Increpet audentem: dominorum haud mollia gliscunt
 Jurgia. festinemus iter; processit olympo
 Alma dies, seroque riget sub vespere frigus. 210
 Ille autem: mecum praecepi atque ante peregi
 Haec animo; properemus, ait. tu dirige gressus
 Ignotum per iter, baculumque, trementia firmem
 Quo genua innixus, si quem fors offerat aptum,
 Da precor, haud facili quoniam via tramite fertur.
 Continuo haec dicens humeris exstantibus addit
 Sordentem peram, retinet quam tortile lorum,
 Et multis perfossa locis hiat: haud minus olli

Dat

Dar cupido Eumaeus sectam de robore virgam.
Tandem abeunt: stabulum catulique & rustica pubes 220
Interea servant. hic celsa ad moenia regem
Inscius assimilemque inopi, senioque trementem
Ducit, foedumque & vestigia tarda regentem.
Sic adeo propius gressi per scabra viarum
Successere urbi, venere & fontis ad undam
Irrigui, soliti cives quo semper aquari,
Quemque olim struxere Ithaco cum fratre Polyctor
Neritus atque ingens. silvis stat scaena coruscis
Curvata in gyrum, ramisque virentibus alni
Undique pubescunt; tum vivo e marmore circo 230
In medio salit unda, & nymphis alta verendis
Eminet ara super, florentia ferta viator
Ponit ubi, meritoque deas veneratur honore.
Heic Dolii occurrit proles vefana Melantheus
Agmen agens pecudum secum, totoque capellas
E numero lectas avidis in munera mensae
Sueta procis: juvenes ibant duo pone sequuti.
Ergo ut conspexit venientes, dira minatus
Increpuit, movitque duci sub pectore bilem 240
Vociferans temere, fasque omne oblitus: & heus quam
Ecce malum malus ipse, inquit, comitatur euntem!
Caelicolae ut similem gaudent submittere semper
Ad similem! quonam morosum hunc ducis, inepte,
Mendicum, cladem mensarum ac triste venenum
Laetitiae? multis humeros jam postibus adstans
Adteret, haud ullo victor certamine poscens
Captivamque sibi nympham, rutilosque lebetas;
Frustra sed adrosae cereris. quin si mihi dones,
Ut nostra assiduus verrat praesepia custos,
Arbuteasque ferat frondes balantibus hoedis; 250
Ille

Ille sero pingui pascuis protenderet artus
 Magnos, laxaretque femur. sed tempore longo
 Nequitiae addictus non ullum ferre laborem,
 Non opera exercere valet: tantum improbus atram
 Ingluviem quaerens aliena pascere mensa
 In populo hac illac tremulo male corpore reptat.
 Nunc tamen edico, res & mea dicta sequetur:
 Si tecum ingressus Laërtia testā subibit,
 Multa caput circum dextris jaculata procorum
 Scamna humeris laterique adtrito illisa fonabunt. 260
 Dixerat, elatoque femur malesanus Ulyssci
 Calce petit, turbatque via conatus. at heros
 Restitit immotus, secumque in pectore versat
 Inter utrumque anceps, an stricto robore vitam
 Eripiat fonti insiliens, an turbidus alte
 Sublatum illidat diffracto ad saxa cerebro?
 Fert tamen, obduratque animum: tum protinus illum
 Torva tuens, discisq; minans Eumaeus amaris
 Increpitat, tollitque manus, & voce precatur.
 Nymphae Naiades, gnatae Jovis, o bonus umquam 270
 Si qua tulit vobis Ithacus pia munera, & aris
 Pinguis si pecudum fumantia praebuit exta,
 Hoc mihi vos contra faciles persolvere votum:
 Jam redeat dux ille meus, patriosque penates
 Invisat ducente deo. tibi corpore fastum
 Detereret bene compto urbis per strata vaganti
 Assidue, elatoque animis, nitidoque juvena,
 Improbe: pastorum vitio pecus omne petasum
 Interea languet. sic ille, & dicta Melantheus
 Irridens: proh quanta canis, quam mira loquutus 280
 Edidit! hunc equidem mecum per caerula quondam
 Longe Ithaca avectum ducam, multoque carebit
 Nec

Nec via mi pretio: nunc o! sic perdat Apollo
 Telemachum jaculis hodie, vel saeva juvenus
 Sedibus in propriis violento funere sternat,
 Jampridem ut periit; quem frustra poscis, Ulysses.
 Haec ait, & placido gradientes tramite linquit
 Urbis iter celerans, regisque in limina tendens.
 Nec mora longa; adiit postes, seseque locavit 290
 Eurymachum contra, namque hunc ex omnibus unum
 Eximie coluit: famuli dein torrida ponunt
 Exta viro, cereremque ferens dat fida ministra.
 Jamque adeo Eumaeus gradiens, atque acer Ulysses
 Adstiterunt propius, cytharaeque impulsus in aura
 Infremuit sonitus circum, dum carmina nervis
 Phemius aptabat, jamque ipsis dulce canebat.
 Restitit, Eumaeumque tenens: pulcherrima, dixit,
 Regi testa tuo surgunt educta sub auras,
 Aedibus & magno reliquis discrimine praestant.
 Ordine se vario tollunt: heic atria celsis 300
 Porticibusque nitent, septisque, aptaeque coruscant
 Arte laboratae bifores ad limina valvae,
 Quas non ulla virum valeat perfringere virtus.
 Intro etiam juvenes multi convivia ducunt,
 Et genio indulgent: it nidor in aethera cantu
 Cum citharae; sociam dapibus quam numina servant.
 Ille autem reddit: non te sententia fallit
 Haud rerum ignarum; sed qua ratione, quod instat,
 Conferri possit, prius heic statuamus, oportet.
 Si celsas tu forte velis invadere sedes, 310
 Atque procis conferre gradum prior, en age limen
 Ingredere; ipse sequar mox te post terga relictus.
 Sin aliter, paullum subsiste; ego limine gressus
 Anteferam, longo nec tempore deinde moratus

Tu

Tu sequere, heic aliquis ne te speculatus inermem
 Dedecoret, plagisque fuget; juvat ante videre
 Scilicet, atque animo varios expendere casus.
 Illi heros: ne plura, inquit; satis omnia novi:
 Tu prior ingrediare licet, celsisque manebo
 Heic ego pro foribus; didici jam doctus ab usu 320
 Et foedas ignominias & verbera ferre.
 Id quoque nunc veniat: non hoc in pectore frustra
 Stat patiens animus multis jam casibus actus
 Et pelagi & belli, longumque expertus utrumque.
 At vis nulla valet rabiem compescere ventris
 Lucificam, quae corda hominum perferre labores
 Edocuit multos agitans; quam propter & armis
 Horrentes volitant instructo & remige classes
 Indomiti per stagna maris, clademque minantur
 Hostibus, & latos vastant incurfibus agros. 330
 Talia dicebant; quum collum arrexit, & ambas
 Excitus audito sonitu canis ilicet aures
 Argus amor Laertiadae, quem paverat olim
 Ipse fovens, multaue heros eduxerat arte,
 Praemia nec retulit; nam curva in classe profectus
 Ante sacrae petiit surgentia Pergama Trojae.
 Saepe tamen juvenes crebris venatibus illum
 In capras egere feras, damasque fugaces,
 Et lepores. nudo tum forte sub axe jacebat
 Neglectus caeno immundo, foedataque turpi 340
 Membra fimo stratus, quem longe efferre solebant
 Agricolaë, ac magnos Ithaci jactare per agros.
 Heic recubans ricinis exesus turpiter artus
 Argus ut agnovit dominum, caudamque remulcens,
 Et motans utrinque aures spectabat euntem;
 Nec tamen & cupiens potuit vestigia ferre

Cominus. illum autem longe miseratus Ulysses
 Demisit lacrimas, & furtim lumina terfit
 Sic fatus: turpine canem procumbere caeno
 Hunc finire? ingentes artus, formamque decoram 350
 Pulcher habet; non & video, num cursibus acer
 Exstiterit pariter, formaeque aequarit honorem;
 An secus? ignavi quales soloque nitore
 Eximii regum mensis pascuntur opimis,
 Luxuriantque domo. sic ille, atque orsa vicissim
 Excipit Eumaeus, gemitumque e pectore ducens:
 Hic fuerat regi carus, quem flemus acerbo
 Funere nequidquam mersum, canis, inquit; at ipsum,
 Qualis erat forma quondam & praestantibus ausis,
 Trojam quum ductor petiit, si forte valentem 360
 Vidisses, cursuque pedum miratus & acri
 Robore florentem, nosse quid praestitit olim
 Impiger. haud illi nemora inter inhospita dumis
 Effugit fera visa umquam, vestigia late
 Scrutanti, notasque auras per lustra sequenti.
 Nunc domitus jacet ipse malo; mors abstulit atra
 Hinc procul heu misero regem, nec cura relict
 Femineo est generi, dominisque absentibus ultro
 Ignavi cessant famuli, spernuntque laborem.
 Altitonans pater ipse hominem, quem ferre subegit 370
 Servitium, media virtutis parte carentem
 Quippe facit. nec plura his tunc effatus in altas
 Corripuit sedes gressum, seseque procorum
 Intulit in coetum, contra autem aspexit ut Argus
 Bisdenos reducem post annos laetus Ulysses,
 Procubuit nigra fati caligine pressus.
 Eumaeum interea venientem in limine primus
 Telemachus cernens ad se vocat ocus: ille

Adpro-

Adproperat, vacuumque videns, qua membra solebat
 Ponere, qui laetis dissecta & viscera & armos 380
 Portabatque procis, numerumque aequabat in omnem,
 Telemacho propior sedem locat, atque ibi fessus
 Confidit juvenem contra. simul impiger olli
 Fumantesque dapes praeco cereremque ministrat.
 Illum pone sequens sua tandem ingressus Ulysses
 Testa subit, baculoque regens vestigia fertur
 Os habitumque seni similis, quem turpis egestas
 Multa domat: circum membris horrescit amictus
 Sordidus, inque solo non ausus adire sub aulam
 Fraxineo sternit sese, tergumque reclinat 390
 Postibus innixus, quos multa ornaverant olim
 Arte faber cedroque & odorifera cyparisso.
 Heic subito Eumaeum jubet una assurgere, & almae
 Vim cereris multam capiens fumantiaque exta,
 Quae fors cumque tulit manibus: ferto omnia, dixit
 Telemachus, donisque novus fac gaudeat hospes:
 Dic etiam, propius veniens ac munera poscens
 Quemque adeat juvenum: non est pudor aptus egenti.
 Sic ille: Eumaeus paret, tum proximus adstans:
 Haec Ithaci tibi gnatus, ait, dat munera, & ultro 400
 Admonet, ut juvenes adiens ex ordine, quemque
 Sollicitus: neque enim bonus est pudor, inquit, egenti.
 Cui referens Ithacus: faxit jam magnus olympi
 Ille pater, semper felici gaudeat aevo
 Telemachus, voto & numquam frustretur inani
 Omnibus in rebus. simul haec, simul accipit ulnis
 Ambabus data dona, suosque aggesta reponit
 Ante pedes lacerae supra sordentia perae
 Vellera. jamque epulis gaudet, dum carmine vates
 Personat arguto sedes; quum desit heros 410

Vescier, & vates modulari desit una.
Interea magno sonucrunt testâ tumultu,
Plauferuntque proci; quum lapsa ex aethere virgo
Armipotens regem movet ultro, ut quemque procorum
Circum adeat, cereremque petat, visurus aperto
Indicio, cui testâ sedet cuique improba diri
Vis animi, nullum quamquam non poena manebat.
Surgit, & incepit dextra, velut ante petisset
Saepe stipem, tendit supplex ad munera palmas
Undique. dant juvenes miserati, unaque requirunt 420
Mirati, quis & unde venit? queis pauca Melantheus
Caprigeni pecoris custos mirantibus insit.
Audite o juvenes, clarum genus; hunc ego nuper
Vidi ferre gradus, illumque Eumaeus agebat,
Non tamen & quali sit cretus origine, novi.
Dixerat. Antinous tum contra iratus acerbis
Increpat Eumaeum dictis: cur, improbe, in urbem
Hunc etiam ducti? pauci versantur in hisce
Sedibus erroneos nimirum, & cogere pestes
Huc juvat accitas unde undique, triste futuras 430
Excidium regi? super hunc accedere iusti,
Nescio ubi inventum. quem tali voce sequutus
Excipit Eumaeus: quacnam te indigna profanem
Mens agitat? cui tantus amor praecordia versat
Ad mensas accire alium, nisi plurima dignum
Fecerit hunc virtus claras agitata per artes?
Fatidici vates, aut carmina grata canentes,
Insignesque fabri, doctique expellere morbos
Paeonia de gente viri; qua maximus orbis
Tenditur, hi tantum quaesiti in testâ vocantur: 440
Non inopes, non dura animos queis urget egestas.
Tu vero ante alios unus magis asper Ulyssæi

Incre-

Increpitas famulos: meque ipsum laedere gaudes
 In primis. at nulla tui mihi cura minantis,
 Penelope dum vivit adhuc, & numina servant
 Telemachum. dixit senior: tum gnatus Ulysse:
 Comprime jam vocem, neu contra plura reponas;
 Antinous dirae semper convicia linguae
 Laevus amat, cogitque alios assurgere in iras.
 Dixit, & Antinuum cernens: tu me, inquit, amatum 450
 Ut genitor natum curas, qui cedere nostro
 Hunc ferus hospitio cogis. dî talia caelo
 Facta vetent; cape dona manu, largire precanti,
 Haud quidquam invideo; jubeo magis: eja age, matrem
 Nec metuas, nec quemquam alium pro talibus ausis.
 At non iste animus tibi saevo in pectore: mavis
 Ipse vorare inhians, ulli quam ponere partem.
 Huic autem Antinous: quid frustra talia jactas
 Impatiens, didisique tonans heu crimen acerbas,
 Telemache? illi adeo si nunc & cetera tantum 460
 Turba daret, longe tres hinc ex ordine menses
 Exigeret tacitus. dixit, fulcrumque repente
 Corripicns, quo forte pedes innixus habebat,
 Ostentat mensa subter; contraque frequentes
 Dant alii cereremque ultro, dapibusque refertam
 Aggestis onerant peram. quo laetus Ulysses
 Munere rursus adit postes in limine, & adstans
 Antinoo adversus placido sic fatur ab ore.
 Da, bone: namque mihi non ultimus inter Achivos,
 At potius longe princeps, magnoque videris 470
 Assimilis regi: quare te largius aequum est
 Ferre mihi, vastumque ibit tua fama per orbem.
 Ipse etiam tenui quondam regalia dives
 Atria, & errantem, nostrum qui limen adiret

Indi-

Indigus auxilii, quisquis foret advena, juvi.
Multi aderant famuli, rerum vis multa jacebat,
Queis facile vivuntque homines, ditescque vocantur.
Invidit fortuna tamen: sic quippe Tonanti
Visum, cum rapidis qui me praedonibus ire
Impulit heu comitem, longeque Aegyptia cursu 480
Regna sequi, ignotis caderem procul exsul ut oris.
Attigimus portum, placidoque in flumine classis
Jam steterat. socios moneo subducere puppes,
Atque agere excubias; partem conscendere cellas
In speculas, finesque hortor lustrare patentes.
Illi autem elatique animis fastuque superbi
Niliacos subito vastant late undique campos,
Captivasque trahunt matres, puerosque gementes
Per mediam caedem. nec jam mora: rumor in urbem
Ocius advenit, populosque excivit ad arma. 490
Erumpunt roseae sub lumina prima diei
Agmine conferti magno; tremit excita pulsu
Terra equitum peditumque gravi, galeaeque minaces
Solis inardescunt radiis, atque aera coruscant.
Tum pater ipse deum molitus fulmina dextra
Immisitque fugam fociis, trepidosque coëgit
Terga dare: haud ullus firmato pectore contra
Stare valet, certamque intentant omnia cladem.
Pars ferro transfixa cadit, pars viva meorum
Abripitur captiva procul subituraque triste 500
Servitium. Cyprias me vero abducere in oras
Dmetori Isidæ tradunt, qui sceptrâ tenebat
Regia, & ingenti Cyprum ditione premebat:
Illinc advenio sortem perpeffus iniquam.
Talia dicentem jam pridem turbidus ira
Antinous cernens: quinam huc malus attulit istam
Per-

Perniciem deus, exclamat? jam corripe gressum,
 Et mensa hac abiste procul, ne rursus amaram
 Aegyptum experiare tibi, Cyprumque profectus
 Adspicias; tanta est vesanae audacia mentis! 510
 Convivis adstat malus ecce ex ordine cunctis;
 Hi temere effundunt, alienaque perdere nulla
 Aut pietas aut cura vetat: nempe omnibus adsunt
 Omnia fat. vano quae postquam effudit ab ore
 Antinous; retro referens vestigia ductor:
 Haud, ait, est etiam tibi pulcro in corpore virtus,
 Nec facie mens digna. tuis e sedibus hospes,
 Credo equidem, nec pauca salis vel grana referret,
 Nunc mihi quum residens aliena ad pabula sumptae
 Frustra negas cereris plenae inter munera mensae. 520
 Dixerat: ast olli violento in pectore saevit
 Ira magis, torvumque tuens: jam sedibus, inquit,
 Jam reor ex istis actutum pulsus abibis
 Turpiter; ipsa etiam pergis convicia factis
 Addere. sic dicens scamnumque intorsit, & alte
 Impulit averſi in tergum, dextrique supremam
 Partem humeri strinxit. manet imperterritus heros
 In medio, ceu dura flix; nec voce movetur
 Impiger Antinoi, nec jacti roboris ictu;
 Sed tacitus quassat caput, & mala corde volutat. 530
 Mox repetit postes versus, plenamque reponens
 Peram, stratus humi, juvenes, sic orsus ab ore,
 Alloquitur. vos o pulcræ connubia nymphae
 Qui petitis, clari juvenes audite loquentem,
 Quae fert cumque animus. nullus praecordia maeror
 Sollicitat, nullusque dolor, cui vulnus adactum,
 Dum proprias tutatur oves, armentaque pugnans
 Protegit. id vero indignum, quod vulnere laesit

Anti-

Antinous, quem faeva fames, infausta malorum
 Causa, jubet casus animum submittere ad omnes. 540
 At si inopum ultores di sunt, & Erinnyes ullae,
 Antinoum mors ante premat, quam gaudia noscat
 Conjugii. sic ille orans dicebat; at acer
 Eupithei natus: quin vocem comprime, & istheic
 Vel fruiere o placidus partis, vel limine cede
 Longius absistens, ne longa per atria turbet
 Talia jactantem jamdudum exosa juvenus,
 Correptique omnes discerpat protinus artus.
 Sic ait; inque imo contra furor omnibus arsit
 Pectore, jamque aliquis: quae te dementia versat 550
 Perdite, qui miserum telo petis, inquit, acerbo?
 Quid si quis magno missus deus adsit olympo?
 Nescisne, hospitibus similes errantibus ora
 In varia atque habitum versos se ferre per urbes,
 Atque hominum fas atque nefas exquirere divos?
 Talia dicebant juvenes, nec talibus ille
 Turbatur, metuitque scelus. furit anxius isto
 Telemachus sub corde, nec udo lumina fletu
 Spargit, at ingenti curarum fluctuat aestu,
 Demittitque caput quassans; tacitusque minatur. 560
 Interea famam perculsi accepit ut alto
 Penelope in thalamo fidis stipata puellis:
 O utinam sic ipse arcu jaculatus Apollo
 Illum perdat, ait. quin si nunc pondus haberent,
 Excipit Eurynome subito, mea vota, precesque,
 Craftina nulli horum vivo consurgeret Eos.
 Cui rursus regina: mea o fidissima nutrix,
 Haec invisa omnis turba est, assueta nefandis
 Flagitiis, inquit; nigro sed acerbior Orco est
 Antinous. subter lustrans ex ordine mensas 570
 Nescio

Nescio qui vagus hospes, eum namque urget egestas,
 Dona petit: dant multa omnes; hic solus at illum
 Perculit ad dextrum jaculato robore tergus.

Haec dum formosas inter regina puellas
 Maesta sedens queritur, ductor Laërrius altis
 Postibus acclinis curabat corpora victu.

Et jam Penelope propius succedere iussum
 Eumaeum alloquitur, coramque haec protinus infit:
 Vade age, dic hospes veniat: stat quaerere Ulysse
 De misero, si qua est fama olli audita, vel ipsum 580

Viderit errando, multas jactatus ad oras
 Ille etiam, credo, ni vanam ludit imago.

Cui reddit senior: nunc o paullisper Achivi
 Si placidi finerent, per tecta atque alta silerent,
 Quae non ille tibi referens narraret; & o qua
 Pectora mulceret longum dulcedine fando!

Tres illum noctes, totidemque in paupere lucas
 Detinui stabulo, (nam primum advenerat illuc
 Elapsus pelago;) neque adhuc percurrere coeptos
 Expediens casus potuit. miratus ut olim 590

Quis videt afflatum divino numine vatem,
 Attonitusque stupet vulgo miranda canentem
 Carmina, inexhausta semper manantia vena;
 Sic ego pendebam cupidus narrantis ab ore.
 Sese Ithaci veterem primaque ab origine patrum
 Fert socium, Cretamque colit, Minoia regna.

Finibus ex illis haec vectum ad litora duxit
 Sors miseranda ferens: Thesporum vivere diti
 In populo haud longe saluum testatur Ulyssem,
 Immensamque simul gazam deferre parantem. 600

Penelope contra: duc o, duc ocus, inquit,
 Vade, voca: coram juvat illum audire loquentem.

At juvenes variis traducant otia ludis
Ante fores, mediave aula: stant omnia cuique
Tuta domo frugesque, & dulcia munera bacchi,
Queis famuli gaudent: ipsi autem aliena frequentes
Semper tecta colunt, pecudesque armentaque caedunt
Lecta boum, nostrisque epulis, vinoque fruentes
Nequidquam. dilapsa perit res funditus omnis, 610
Nec prohibet quisquam; neque enim est, qui tristitia damna
Arceat a domibus. quod si remearet Ulysses
In patriam, notasque redux contingeret oras,
Ilicet ille suo cum gnato averteret hostes.
Vix ea; Telemachus subito cum murmure magno
Sternuit: insonuit fremitu domus ardua circum,
Lactaque Penelope rursus sic voce loquuta est.
I propera, coramque hospes succedat amicus;
Nonne vides quae fausta mihi dedit omina gnatus?
Haud incerta loquor: non irrita fata minatur
Parca procis; nullus de caede elapsus abibit. 620
Praeterea sciat ille, mihi si vera reporter
Nuncia, pro meritis a me jam digna parari
Praemia, formosas picto subtegmine vestes.
Nec plura: ille citus reginae dicta verendae
Exsequitur, propiorque adstans: te candida, dixit,
Telemachi vocat ecce parens; tot tristitia passae
Quaerere mens olli quiddam de conjugē coram.
Quod si etiam haud vanum, videat sed certa ferentem,
Pulcra dabit cupido pictae tibi munera vestis,
Qua tantum nunc tristis eges, totamque per urbem 630
Haud ingrata petes vacuo solatia ventri,
Quique volent, impune dabunt. cui talia fanti
Heros orsa refert: acturum certa referrem
Omnia, nec tegerem cupidae; quippe aspera novi
Fata

Fata viri, simili fortuna agitatus & ipse.
 Sed metuo rabiem, violentaque facta procorum,
 Quorum etiam tetigit ferratum injuria caelum.
 Et nunc ille malus, quum me nil tale merentem
 Perculit, ac duro jaculatus vulnere laesit,
 Nec mihi Telemachus quidquam, nec profuit alter 640
 Exitium avertens. ergo sua limina servet
 Penelope opperiens, dum sol perat aequora curru
 Occiduo; tunc ultro adero, nec reddere coram
 Abnuero, quaecumque almo de conjugē quaeret,
 Ante focum residens: lacero scis tegmine amictus
 Quam pereō, supplex tua primum limina adivi.
 Dixerat: & dicto parens Eumaeus abibat.
 Atque illum, ut vidit gressus per tecta ferentem.
 Penelope, affata est: cur sic tu solus, & hospes
 Haud sequitur tua jussa; quid ille in pectore versat? 650
 Anne aliquem nimium metuit, refugitque pudore.
 Scilicet indigno captus? male dedecet iste
 Errantemque vagumque pudor. nec plura loquutam
 Excipit Eumaeus: non ille haud aqua profatur,
 Sed prudens quae quisque, cavet qui triste periculum,
 Ac timet audaces scelerata in crimina dextras.
 Expectare jubet, se dum sol mergat in anthe
 Hesperio: melius tibi longa per otia soli
 Tunc dabitur placitas audire & reddere voces.
 Finierat referens; breviterque haec addidit olī 660
 Penelope: non ille mihi sine mente putandus,
 Quisquis hic est; neque enim mortali sanguine creti
 Usquam homines adeo crudelia facta minantur.
 Haec illa: retro senior vestigia vertens
 In medios venit juvenes rite omnibus actis;
 Atque ita Telemacho, ne quisquam exaudiat alter,

Adstans propior fidam dein fatus ad aurem est.
 O juvenis dilecte; ego jam visurus abibo.
 Si quod opus rebusque tuis nunc instet agendum
 Atque meis pariter: tibi sint heic cetera curae, 670
 Teque ipsum serva primum, tibi consule, quidquam
 Ne patiare mali. proceres meditantur Achivi
 Dira tibi, quos o! prius ille hominumque deumque
 Perdat agens domitor, quam nos vis occupet ulla.
 Telemachus contra: sic Juppiter adnuat, oro;
 Interea tu serus abi, primisque redito
 Cum radiis tecum ducens mastanda per aras
 Corpora lecta suum: curabunt cetera divi,
 Atque ego. fatus erat juvenis, seniorque locatus
 In solio dapibus gaudet, rursusque relictus 680
 Maturatque viam, sedesque & plena relinquit
 Atria convivis laeto resonantia cantu
 Et choreis; pronus nam sol vergebat ad undas.



HOMERI ODYSSEAE

LIBER DECIMUS OCTAVUS.

INterea stetit ante fores conquirere victum,
 Undique fuerus homo: vastaque voragine ventris
 Notus inexpleti, cui nullae in corpore vires,
 Nullum & robur erat; tantum se imple forebat.
 Arduus ingenti primis hunc mater ab annis
 Dixerat Arnaeum; post Irum nomine cives,
 Nuncia quod referens ibat; dixere vocantes.
 Is Laërtiaden proprii de limine recti
 Pellere conatus sic ultro incessit acerbis
 Vocibus: eja ultro discede; aut calcibus isthinc
 Abripiere senex pulsus; non ora monentum
 Aspicias en juvenum, plaususque audere jubentum?
 Sed miseret me quippe tui nimis: ergo age surge,
 Ne fera nos inter manibus discordia gliscat.
 Talia jactantem sic contra affatur Ulysses
 Torva tuens: nec te facto, nec voce lacesso;
 Nil etiam invideo, licet uni plurima donent.
 Haec ambos capiet sedes: quid tollere partem
 Invidus alterius certas, oppressus eodem,
 Quo premor ipse, gravi casu? dā forsitan olim
 Respicient utrumque, dabunt & ditia dona:
 At manibus parcas moneo; nec turbidus iram
 Sollicites aliter, quamquam sim fessus ab aevō,
 Pectoraque, & sparso foedabo fracta cruore
 Labra tibi: sic orta mihi lux crastina surgens
 Tuta magis, neque enim pulsus Laërtia rursus,
Credo

Credo equidem, poteris minitando in tecta reverti.
 Haec Ithacus, contraque haec ardens reddidit Irus:
 Proh superi! ut gurgēs hic verba sonantia volvit
 Adsimilis vetulae, fractas quae torret aristas 30
 Garrula, jam faxo, mea brachia sentiat ictu
 Saucius, atque omnes vomat atro in sanguine dentes
 Sus veluti, flavo segetem quum raptat in agro.
 Aggredere: hi pugnam spectent, quid tarda senectus
 Hanc viridem contra valeat sperare juventam?
 Sic odiis animisque adversi limine in ipso
 Certabant. quos vidit ubi sine more furentes
 Antinous, ridens subito est affatus amicos:
 O focii, nova pugna oritur, qua munere divum
 Grator his numquam visa est penetralibus ante. 40
 Ecce hospes, pariterque Irus pugnantia jactant.
 Brachia congressi: jnvat hanc incendere pugnam.
 Dixerat, & magno cum risu protinus omnes
 Postibus exsiliunt altis, circumque frequentes
 Agglomerant sese pugnantibus; atque ibi farus
 Eupithei Antinous proles haec infit ab ore.
 O pubes generosa proci, torrentur in igne
 Viscera caprigeni pecoris, quae sanguine plena
 Et pingui nobis in serae tempora caenae
 Servantur. partem victor sibi praemia pugnae, 50
 Quam velit, exsortem capiat, semperque sub isdem
 Aedibus assideat nobis conviva, neque ullum
 Has inopum mensas alium turbare sinamus.
 Sic monuit, cunctisque eadem sententia sedit.
 Tunc, Ithacus subiens astu, contraque loquutus:
 Haud fas, haud juveni tanto componier aequum
 Me senio fessum longo, curisque gravatum;
 Saeva tamen ventris rabies descendere cogit

Has

Has etiam ad plagas miserum. sed vos ego magnos
 Per divos testor, validis vos parcite dextris, 60
 Neu feriat quisquam saevo me vulnere furtim
 Auxilians Iro: vestro percussus ab ictu
 Conciderem extremum. dixit, jurataque cuncti
 Dicta viri spondent, atque haec super adjicit heros
 Telemachus dicens: virtus in pectore solum.
 Hunc tibi sit praesens contra; non ullus Achivum,
 Quem metuas, heic, hospes, adest: nam laedere si quis
 Audeat, haud uni solvet pro crimine poenas.
 En adsum prior ipse tibi, nec jussa retrecant
 Eupitheo Polyboque sati, praestantibus oris 70
 Egregii heroës. haec ille, eademque probarunt
 Haud dubio assensu juvenes. tunc fortis Ulysses
 Protinus ima sibi circumdedit inguina pannis,
 Exeruitque femur magnum: lata ossa superne
 Stant humeris, pectusque altum, nodolaque circum
 Brachia dura toris; super ipsa valentia regi
 Praesens membra suo Tritonia numine firmat.
 At pubes mirata stupet, mussatque vicissim
 Respiciens: jam non Irum, gravis exitus Irum
 Accipiet; tam plena seni femora hirta patefcunt. 80
 Haec pubes: simul aspectu conterritus haeret
 Irus, & invitus famulis cogentibus aptat
 Tegmina nequidquam circum, ac totos tremit artus.
 Quem tunc Antinous minitans ita turbidus ore
 Increpuit: tibi nulla subest, vanissime rerum,
 Vis animo, hunc adeo si firma aetate vigescens
 Tu metuas fractumque annis domitumque labore.
 Haec tamen edico, quae mox rata cuncta manebunt:
 Si potior te forte senex hic vicerit, ire
 Protinus Epirum freta per spumantia cogant. 90
 Ad

Ad regis muros Echeti, qui saevus & aures
Amputet, & truncas inhonesto vulnere nares,
Atque exsecta super canibus det cruda voranda
Inguina dedecorem turpans. sic fatus, & olli
Hoc magis incubuit trepidis malus artubus horror,
In medioque stetit propulsus: brachia tollunt
Ardua, & elatis assurgunt iñibus ambo.
Heic heros dubia secum sub mente volutat
Sicne manu feriat, collapsum ut vita relinquat
Protinus ad manes fugiens, an temperet iras, 100
Prosternatque solo tantum? sententia visa
Haec melior, ne forte secus noscatur Achivis.
Continuo surgunt: dextro super imminet Irus
Ingeminans iñus humero; furit alter, & aures
Cervicemque domat: sonuerunt vulnere fracta
Ossa, & purpureus defluxit sanguis ab ore.
Jamque solo cadit ille, omnesque in pulvere dentes
Illiditque gemens nequidquam, & calcibus arva
Verberat. excipiunt plausu, risuque sequuntur
Ingenti juvenes tollentes brachia: at illum 110
Vestibulo ex alto rapiens pede traxit Ulysses,
Porticibusque cavis properans perque atria longa
Ante fores statuit subnixum ad septa domorum;
Tum baculum dat ferre manu sic deinde loquutus.
Istheic nunc metuende sede, catulosque suosque
Hirsutos arce foribus; neu dicere leges
Hospitibus miseris ita nullo praeditus ausis
Robore, ne fontem gravior te poena sequatur.
Sic ait, atque humeris sordentem injecit amictum,
Demisitque iterum corroso tergo peram 120
Ex humero, limenque adiens confedit. at omnis
Stat circum pubes, atque implens atria risu

Laeti-

Laetifico didis victorem extollit amicis:
 Juppiter o, superique tibi dent maxima divi
 Munera, qui tantam potuisti avertere pestem
 A populo! Epirum jam jam petet ille per undas
 Supplicia expendens, nullis mortalibus aequi
 Effera ubi surgunt Echeti penetralia regis.
 Talia dicebant juvenes, laetatus & heros
 Omine gaudebat, rapiens dein pingua flammis 130
 Viscera tosta, intus commixto plena cruore,
 Expedit Antinous; nec non duo magna canistris
 Frustra laboratae Cereris correpta dat ultro
 Amphinomus, pateramque ardenti nectare plenam
 Tendit ita affatus: salve o! pater hospes, & alma
 Copia te laetum post tristia damna revisat.
 Cui Laërtiades: magni non laude videris
 Degener, & clara, dixit, virtute parentis,
 Amphinome, eximio Nisus celebratur honore
 Dulichio in pingui, cujus de sanguine ceterum 140
 Te perhibent, justique tenax, & rebus abundans.
 Multa tibi eultrae super & facundia linguae
 Suppetit: huc aures idcirco adverte, profabor.
 Nil hominum fato miserum magis alma creavit
 Terra parens genere ex omni, quod vescitur aura
 Aetherea, reptatque solo, nam tristia sese
 Passuros haud ulla patant, dum numina robur
 Sufficiunt, solidaeque virant in corpore vires.
 Post ubi versa malis divum est mutata voluntas,
 Dura quoque invito coguntur pectore ferre: 150
 Quippe animi motus variis vertuntur, ut ille
 Rex hominum divumque pater sua tempora vertit.
 Ipse etiam felix quondam florentibus annis
 Sic vigui, lactusque opibus, fraterque joventa,

Fratribus & caris, & magni nomine patris,
 Saepe nefas immane ausus, jura omnia sprevi,
 Nunc aliter visum superis: a crimine quisque
 Abstineat, tacitusque deum data munera servet,
 Quae data cumque; procos non ut male fervere cerno,
 Aggressos infanda animis, nec parcere rebus, 160
 Nec thalamo regis, quem non reor abfore terra
 A patria longum; quin & venit ecce penates,
 Gnate, tuos pete, gnate, deo ducente, nec olli
 Obvius i reduci, nota quum sede potitus
 Adstiterit. neque enim credo sine sanguine multo
 Ipsum inter sociosque tuos discordia stabit.
 Haec ait, ac libans nigro de flore lyaei
 Proluit extemplo, ficcataque pocula reddit.
 Amphinomus turbatus abit, curasque volutans
 It tristis, moratque caput; nam triste canebat 170
 Jam sibi mens praefaga mali; nec funera demens
 Fugit. eum validis domuit Tritonia virgo
 Telemachi manibus transfixum cuspide ahenae
 Sed tum, quo cessit, folio consedit eodem.
 Penelopem interea glauco dea lumine pulcra
 Sollicitat, coramque monet se ostendere pubi,
 Alius ut sedcant flammae, gnatique virique
 Non minus eximio laudum celebretur honore.
 Illa invitâ quidem risit, conversaque tali
 Affata Eurynomen voce est. insueta cupido 180
 Nescio quae surgens trepido mihi pectore gliscit:
 Suadet adire procos dirum genus, insuper ipsi
 Consulere & nato, sese ne credat Achivis
 Infidias veritus, vafri qui mollia semper
 Dicta serunt, tacitoque agitant in corde furorem.
 Eurynome contra: sic o, sic numina poscunt;

Vade,

Vade, ait, & gnatum prudens affare vocatum.
 Formosos abluta artus atque unguine odoro
 Sparſa genas: neque enim fletu lacrimisque madentem
 Ire decet. longo quin & tabefcere luctu
 Indignum eſt, cui talis adeſt jam munere diuum
 Progenies, qualem tu natum optare ſolebas
 Purpureas molli ſparſum lanugine malas.
 Vix ea; quum rurfum regina: haud talia curae,
 Ornariſque genas, puroque in fonte lavari.
 Jamdudum ſuperi mihi pulcro e corpore formam
 Abſtulerunt, ex quo ceſſit meus ille per altum
 Infelix conjux inviſa ad Pergama miles.
 Verum age, & Autonoe veniat fac candida, & una
 Hippodamia comes; grefſus quae pone ſequantur;
 Nam prohibet pudor ire & ſolam accedere coram.
 Dixerat; & ſtudio nutrix celerabat anili
 Juſſa ferens, geminaſque vocans per teſta puellas.
 Heic aliud ſubito Pallas molita per artem,
 Icarii natae dulcem per membra ſoporem
 Irrigat. acclinis jacuit, reſolutaque totis
 Artubus incubuit ſtratis; at maxima diya
 Immortale decus, diosque afflavit honores,
 Capta quibus ſtupeat viſis turba omnis amantum.
 Ambroſio primum ſuffudit lumine vultus
 Rore levi luſtrans, quo vittis tempora cincta
 Ungitur alma Venus, properat quum tendere laetos
 In Charitum formoſa choros, & ludere geſtit.
 Exin majoremque habitu, ſuccoque recenti
 Florentem magis eſſe dedit, ſectique elephanti
 Vincere candorem, matutinamque pruina,
 Queis ita perfectis abiit dea magna per iauras;
 Atque aderant contra ſamulae per teſta ferentes

Cum strepitu arguto gressus: excussa sopore
Nympha manu terfitque genas, subitoque profata est. 220

O quae sollicitae curis mihi pectora pressit

Blanda quies! utinam ferat & Latonia mortem

Tam facilem nunc diva, inter ne capere fletus

Affiduos aevum cogar, dum conjugis ardens

Egregii ante alios, quotquot celebrantur Achivi,

Opratumque decus frustra famamque requiro:

Haec ubi dicta dedit, thalamo descendit ab alto

Haud sola: una etenim famulae comitantur ebntem.

Ut vero formosa tulit sese obvia populo

Cominus, auratae stetit aulae immixtae sub ipsis. 230

Postibus, ac tenuem malis demisit amictum;

Hinc atque hinc geminis, media ipsa excepta, puellis.

At juvenes genibusque labant, ac pectore toro

Concipiunt flammās: idem furit omnibus ardor;

Omnes quamprimum optatos cupiunt hymenaeos.

Illa autem carum spectans his vocibus ultro

Telemachum alloquitur: quonam tua, gnate, parenti

Vis abiit sperata? tibi praestantior olim

Mens aderat puero, melioraque vota fovebas.

Nunc adeo jam grandis, & acri in flore juventae 240

Dum vernas, claroque satus de sanguine regum

Obvius appares habitumque atque ora tuenti;

Non pulcro tibi digna tamen stat corpore virtus.

Heu! quam triste nefas praesens impune tulisti,

Passus & hospitii violari es vulnere jura.

Quid? scelere an careas, nostris in sedibus hospes

Si jaceat tam dura pati fastidia jussus?

Nulla dies hoc tantum abolebit dedecus annis,

Ignavusque ibis, turpisque per ora virorum:

Talia dicebat, contra quum talia gatus: 250

Haud

Haud invitus, ait, patior tua jurgia, & iram,
 O genitrix, fas atque nefas discernere novi.
 Nunc equidem melius, quam quondam mollior aevo
 Dum fueram; sed non dicitum tamen omnia posse.
 Terrent namque metu miserum auxilioque carentem
 Hi circum affusi juvenes dirumque minantes,
 Nec tamen haec lrique atque hospitis aspera pugna,
 Ut cupiere, procis cessit: nam victor abivit
 Viribus hic potior: sic o! sic Pallas, & altus
 Juppiter, ac Phoebus nutantem hanc vertice fracto 260
 Disjiciant pubem sinuosa per atria partim,
 Partim intra sedes, & membra labantia solvant;
 Ut nunc ecce caput motans jacet Irus, & artus
 Ante fores, multo domitus ceu pectora baccho,
 Intremittit, ipse quidem nec rectus stare, nec usquam
 Ire valens, retroque domum vestigia ferre.
 Haecenus illi inter sese; quum victus amore
 Reginam Eurymachus sic voce affatus amica est:
 Penelope Icarii o soboles: si Graja per Argos
 Iasum pubes omnis te laeta videret, 270
 Pluribus heic primo streperent convivia mane
 Structa procis. nymphis nam praestas omnibus una
 Et specie, & forma, sollerti & mentis honore.
 Cui tum Penelope reddit: mihi numina caeli,
 Eurymache, abstulerunt mutato corpore formam,
 Quum Danaï Iliacos curvis petiere carinis
 Marte lares, cessitque una mihi fidus Ulysses.
 Nunc etiam rediens si mecum heic salvus adesset,
 Haec quaecumque mei floreret gratia vultus.
 Perdita jam luctu: tot enim male numen amicum 280
 Casibus implicitam domuit, stravitque jacentem.
 Ille quidem cedens patrio quum litore abibat,
 Ample-

Amplexus dextram flenti haec suprema reliquit
 Jussa mihi. haud equidem redituros scilicet omnes
 Innoceus credo Danaos Simoëntis ab unda,
 O mulier; nam dura ferunt ad praelia Troas
 Acres esse vitos, jaculo & fallente sagitta
 Egregios, saltuque altum conscendere tergum
 Fortis equi, ac magna solitos vi cernere Martem.
 Incertum est, reditumne parent, an tristitia fata 290
 Di mihi apud Trojam longe: quare omnia curae
 Sint tibi, longaevusque parens, genitrixque relicta
 Sola domo sine me; nunc his te impensius acquum est
 Consulere. at puerum simul ac flavescere malas
 Aspicies, tu nube quidem tua limina linquens,
 Cui fuerit placitum. properans haec ille monebat,
 Quae nunc certa ferunt: perfecto tempore Parcae.
 Adveniet nox illa ingrati vincula portans
 Conjugii taedasque mihi, cui Juppiter omnem
 Lactitiam rapuit; sed me haec tamen una remordet 300
 Cura magis vellitque animum. quae barbara tellus,
 Quae patria haec usquam vidit? non jura procorum
 Haec fuerant quondam, non mos, quum ducere nympham
 Ingenuaque domo ac diti genitore creatam
 Ambirent studiis sese certantibus inter.
 Ipsi ultro e stabulis tauros accire paternis,
 Lanigerumque pecus laeta in convivia spondae
 Cognatis sociisque, & splendida ferre solebant
 Munera; non impune aliena vivere mensa.
 Talia Penelope dicebat; lactus & heros 310
 Conjugis ingenio gaudet, quod scilicet una
 Donaue captabat juvenum, simulansque per artem
 Mollibus incensos dictis mulcebat amantes.
 Atque heic Antinous subdit: pulcherrima magni
 O nym-

O nympha Icarii proles, age munera Achivum
Accipe, quotquot erunt; neque enim data spernere
dignum.

Nos autem nulla hinc avellet cura, neque ante
Ibimus, uni eadem cedas quam nupta procorum.
Sic ille, & sociis vox circum haec omnibus una est,
Continuoque jubent famulos sua munera ferre 329
Pro se quisque viri; celerant & jussa ministri,
Armiger Antinoo peplum tulit: undique multo
Lumine versicolor fulget; tum fibulae auro
Ingentem e puro bisfenae torquibus ornant.
Eurymacho, flaventi electro auroque monile
Arte laboratum multa, lateque jubar ceu
Solis inardescens, geminas accepit inares
Eurydamas sua dona; illis tres ordine gemmae
Parte ab utraque micant pendentes, claraque jactant
Fulgura daedaleo commissae rite labore. 339

Deinde Polyctorides Pisander protulit heros
Ornatus collo, visu admirabile textum;
Atque alia extulerunt alii, pariterque dedere
Munera certantes: nec longum exinde morata
Penelope in thalamum sese formosa recepit,
Cesseruntque una famulae data dona ferentes,
Illi autem in choreas & dulcia carmina versi
Ludo exercebant sese, dum vesper olympo
Surgeret occiduis qui postquam apparuit undis,
Tres medio accensas nocturna in lumina lecto 349
Lampadas apposuerunt; atque has arentia circum
Ligna dedere foco valida diffusa bipenni,
Miscueruntque faces: stant infelicis Ulyssci,
Alternantque vices famulae, lucemque ministrant.
Quas ita compellat dictis Laertius heros:

O Itha-

O Ithaci absentis famulantia corda puellae
 Ite agite in sedes, & fufis volvite penfa,
 Cafta ubi jam regina fedet. lenite dolorem
 Vel circum affusae, manibus vel fila trahentes.
 Heic vero refidens ego fundam lumina: ad ipfum 350
 Ludere fi cupiant rofeae Titanidos ortum,
 Haud vigilem vincant: patiens fum quippe laborum.
 Dixerat: illum autem pariter rifeꝛe procaces,
 Seque inter vertere oculos. tum pulcra Melantho
 Talibus increpuit dictis, quam protulit auras:
 In superas Dolius, tenerisque eduxit ab annis
 Penelope ut natam jucundo matris amore;
 Nec tamen ingrátam dominae fata ulla movebant
 Triftia, at Eurymachum furtim complexa fovebat.
 Haec Laërtiadem tunc miffo affata pudore eſta: 360
 Quae tam dira, ſenex, te mens, miſerande, fatigat,
 Ut neque in aërato placeat requieſcere teſto,
 Nec coctus celebrare alios? infanda illoquentem
 Hos juvenes inter tantum juvat. uſque morari;
 Nil etiam veritum terret. vel corda Lyaco
 Vinſta geris; vel certe animus tibi peſtore ſemper
 Talis ineſt, vano nequidquam murmure gaudens.
 Fallit te incautum faſtus: ſi forte ſuperbis,
 Indignum pugna nuper quod viceris Irum,
 Jam vereor, ne quiſ potior certamine ſurgens 370
 Ad eava te feriat correptum tempora, & altis
 Poſtibus ejiciat foedatum ſanguine multo.
 Illam immane tuens contra Laërtius heros:
 Jam jam, inquit, faxo ſciat, o canis improba, dicta
 Haec tua Telemachus; jam te ille in fruſta ſecabit.
 Nec plura eſſatus trepidantes voce puellas
 Terruit. eſſugiunt omnes; captisque timore

Genva labant: neque enim minitari falsa putabant.
 Ille autem ad pingues ardenti lumine taedas
 Restitit aspectans circum, volvitque sub imo 380
 Multa agitans animo, quae mox haud vana fuere.
 Nec minus & juvenes furiosa in jurgia Pallas
 Sollicitat stimulis acuens, ut durus Ulyssæi
 Pervadat magis ima dolor penetralia cordis.
 Quos inter prior Eurymachus sic farier infit
 Illum ultro dictis carpens, atque omnia risu
 Incendens: adhibete aures, o quotquot Achivi
 Magnanimi adstatis, meaque haec in pectore dicta
 Figite. non equidem sine divûm numine credo
 Hunc subiisse virum Laërtae regia tecta; 390
 Pro taedis en ipse suo de vertice fundit
 Lumina, decisis nudata in fronte capillis.
 Haec ait, atque Ithacum sic rursus voce sequutus
 Alloquitur: vin' forte meos, non parva laborum
 Praemia laturus, famulari verna per agros,
 Arboribusque solum tegere, & praetendere sepes?
 Illic non cereris largae tibi munera desint,
 Non ocreae pedibus, nec denso e vellere vestes.
 Tu tamen ignavo suetus torpere veterno,
 Instructusque malas artes, haud talia curas 400
 Improbe: stat potius reptanti errare per urbem
 Scilicet, inglaviemque immensi pascere ventris.
 Huic Laërtiades heros: o si mihi tecum,
 Eurymache, in verno foret usquam tempore, dixit,
 Certandum, quum jam longae messoribus ire
 Incipiunt luces; sumptis tum falcibus una
 Experiare velim, quid nostrum possit uterque
 Jejunos primo exercens a sole laborem
 Ad tenebras, horrent ubi spisso gramine campi.

Si vero & pulcros praestanti corpore tauros 410
 Ingentesque acresque & pastos mollibus herbis
 Sub juga ferre pares libeat, glebasque movere
 Indomita cervice, licet se jugera tendant
 Quattuor, ac pressum terra subsidat aratrum;
 Me tamen effoso mirabere limite rectum
 Ducere agro fulcum. sin & Mavortia bella
 Adnuerint superi, clipeumque & bina coruscans
 Tela manu, galeamque geram cava tempora circum;
 Ante alios longe progressum ex agmine cernes
 Caedem ferre viris, nec ventris talia posthac 420
 Objicies mihi probra. at nunc in jurgia saevus
 Turpia nequidquam dementi pectore surgis,
 Teque aliquid fors esse putas, quod mixtus inert
 In turba potior socia virtute superbis.
 Quod si Ithacus patria tellure potitus adesset,
 Hi tibi nunc lato surgentes limine postes
 Protinus angusti fierent, portisque negarent
 Effugium trepido perque atria curva ruenti.
 Sic ille; Eurymacho confurgunt altius irae,
 Horrendumque tuens contra sic turbidus infit: 430
 Ah miser! exitium tibi fata extrema tulere
 Talia jactanti temere nullumque verenti
 Hoc juvenum e coetu: vino tua pectora fervent,
 Praecipiti aut semper turbantur vana furore.
 Anne adeo exultas domitum tumefactus ob Irum?
 Haec fatus capit ipse manu grave robur; & ille
 Ad genua Amphinomi supplex procumbit ab icu
 Effugiens valido. volat actum turbine telum
 Altius, adversique manu praeconis adhaeret
 Infixum: dextra simul olli excussus acutum 440
 Insonuit crater, simul ipse in pulvere foedo

Pro-

LIBER DECIMUS OCTAVUS. 331

Procidit in vultum, gemitumque e pectore traxit.
 Fit strepitus, turbantque horrentia tecta tumultu
 Continuo juvenes, seque inter talia jactant:
 O prius hic longe fatum vagus hospes obisset
 Finibus ignotis errans; non regia tanto
 Instreperet motu. nunc unius exfulis ergo
 Rixamur mensasque obliti & gaudia laeta,
 Sic adeo in pejus vertentibus omnia fatis.
 Atque his Telemachus turbatis farier orsus: 450
 Quis furor, o miseri, tantus? cur vina perosi
 Temnitis, atque epulas? certe vos laeva deorum
 Vis agitat: celebrate dapes, saturique penates
 Ite agite ad proprios, si fert ita corde voluptas;
 Non ego nam quemquam pello. sic ore loquutus
 Conticuit: pressis fremuerunt dentibus omnes,
 Labraque strinxerunt, animos ac verba monentis
 Mirati. surgens tum Nini Martia proles
 Amphinomus medios sic interfatur amicos:
 O focii, nemo contra haud indigna loquuto 460
 Saeviat irascens. violentas hospite ab ipso
 Et cohibete manus, famulis & parcite cunctis,
 Aurea Laërtae quotquot penetralia servant.
 Jamque agite, & celeres ad pocula ferre ministros
 Vina jubete: diis meritum libemus honorem,
 Libatoque domos properemus; at hospes Ulyssæi
 Sub laribus maneat; curam gerat ipsius omnem
 Telemachus, cujus supplex ad limina venit.
 Haec ait, atque eadem placuit sententia cunctis;
 Implevitque mero crateras Mulius heros 470
 Praeco Dulichius, solitus famularier usque
 Amphinomo. fert ille obiens ex ordine circum,
 Infunditque nigros latices, ipsique deorum

-CII

T t 2

Et

Et libant in honore, & dulcia pocula ficiant.
 Inde ubi libarunt, saturi petiere per umbras
 Quisque suos, tarda digressi nocte, penates.



HOMERI ODYSSEAE

LIBER DECIMUS NONUS

I Pse suo dius sub recto restitit heros
 Triste protis magna versans cum Pallade letum.
 Nec mora; Telemachò fatus: Mavornia, gnate,
 Jam nunc tempus adest clausis arma omnia tectis
 Occulere; ac juvenes, eadem si forte reposeant,
 Alloquere incautos, his mulcens pectora dictis.
 Surripui e fumo, neque enim nunc illa videntur,
 Quae pater ad Trojam properans fulgentia liquit;
 Igne adeo sordent nigroque afflata vapore.
 Quin aliquid majus prudens deus ipse cavere
 Scilicet admonuit, ne dira in vulnera vino
 Edomiti armetis dextras, sparsoque cruore.
 Tristis hymen, mensaeque fluant: namque ipsa feroces
 Arma trahunt animos, pugnamque laceffere suadent.
 Dixerat: ille sui celerat mandata parentis,
 Nutricemque vocans ita fidas inquit ad aures.
 O semper mihi cara, altis in sedibus omnes
 Nunc retine famulas, secreta in parte reponam
 Dum thalamo neglecta diu nigrantiaque igne
 Arma patris tenero non id mens ante ferebat 20
 Cauta parum; contra tandem subducere certum
 Omnia, qua nigri nullus vapor aestuat ignis.
 Haec ait; at nutrix: utinam prudentia rerum
 Te capiat, servetque tuos jam rite penates.
 At quis, nate, tibi properanti lumina fundet,
 Si famulas arcere jubes, clausasque teneri?

Hospes

Hospes hic ipse, inquit: neque enim sine parte laboris
 Jam patiar quemquam, nostras qui vectus ad aedes
 Indigus hospitii veniat: sic dixit; & illa
 Paruit, ac versos emuniit objice postes. 30
 At genitor gnatusque instant galeasque comantes,
 Aeratasque hastas, clipeosque umbone coruscos
 Subvestiare citi: juxta Tritonia virgo
 Fundit ab aurato rutilantia lumina lychno.
 Atque hac affatus juvenis tum voce parentem:
 Quae nova lux oculis, inquit, diffusa repente,
 O genitor? jam summa mihi laquearia recti,
 Fraxineaeque trabes, murique, alraeque columnae
 Undique inardescunt flammis, et fulgura volvunt;
 Certe aliquis divum caelo delapsus ab alto est. 40
 Cui referens genitor: ne quaere, o gnate, doceri,
 Sed tacitus monstrata tuo sub pectore conde
 Visa deum; morem hunc caelestia numina servant.
 Tuque adeo nunc strata petens in nocte recumbe,
 Solus ego ut maneam, famulasque, ipsamque parentem
 Experiar coram, quae me flens anxia frustra
 Multa diu quaeret. nec plura effatus Ulysses,
 Quum juvenis cessit, taedis lucentibus, aula
 E media, notoque locans sua membra cubili
 Accubuit gaudens quamprimum cernere solem. 50
 Ille autem caedemque procis & fata parabat
 Pallade cum socia penetrati in sede relictus.
 Penelope interea, pulchrae non illa Dianae,
 Non Veneri absimilis, thalamo veniebat ab aureo
 Candida. cui sellam clavis fulgentibus aptam
 Ex ebore & laevi argento posuere ministrae
 Ante focum, multa quam fecerat arte peritus
 Icmalius fulcrumque pedes, quo sistere posset

Addi-

Addiderat stratum maculosae tegmine pellis.
 Heic se composuit regina, atque undique circum 60
 Turba puellarum venit, semelaeque canae
 Frustra simul Cereris, siccataque pocula mensis
 Sustulit. inde focus calidam de more favillam
 Excussere aliae, rursusque in lumina taedas
 Suffecere novas aliae, flammisque dedere.
 Quarum saeva iterum tali tunc voce Melantho
 Increpuit regem: quid adhuc vagus undique oberras,
 Sera etiam sub nocte gravis, lustrasque puellas
 Improbus? aut foribus discede, & munere gaude
 Jam satur, aut raptō torre hoc expulsus abibis. 70
 Illam torva tuens contra Laërtius heros
 Excipit: infelix! in me cur pectore saevo
 Nequidquam assurgis, miserumque haud carpere cessas?
 An quod & informis, turpique indutus amictu
 Aeger inops (vis namque premit) circum ostia repto
 Per populum, rebus quod solum restat in arctis.
 Ipse etiam felix quondam, laetusque vigebam
 Divitiis, ultroque dabam, quocumque profectus,
 Quisquis & esset, opis nostrae qui testa subiret
 Indigus. innumeri stabant ad iussa ministri, 80
 Multaque vis aderat rerum, queis dives habetur
 Vita hominum. nunc me contra pater ille deorum,
 Quippe aliter visum, miserum sine honore reliquit.
 Quare etiam tu docta cave, decus excidat oris
 Ne tibi, quo socias inter formosa renides;
 Neve gravis regina malas assurgat in iras,
 Aut veniat, necdum spes namque haec cessit, Ulysses.
 Quod si ille heu dulci reditu fraudatus obivit,
 At viget egregius Phoebi sub numine sancto
 Telemachus, quem nulla scelus molita puella 90
 Igna-

Ignarum per tecta latet: jam firmior aevo
 Ipse valet. sic fatus erat, quum pulcra loquentem
 Audiit, & dictis famulam dein talibus ultro
 Penelope incessit: non me, canis improba, tantum
 Ausa scelus fugies, in te quod numina vertant.
 Inque tuum malefana caput. jam nota voluntas
 Nostra tibi fuerat, praesens & saepius ipsa
 Audieras, me velle senem de conjuge multa
 Poscere, si tristes valeam deponere curas.
 Dixit, & Eurynomen subito vocat, atque ita fatur: 100
 Huc age fer sedem, & pictam super injice pellem,
 Carus ubi residens audire & reddere voces
 Hospes amet: coram namque est mihi multa rogandus.
 Jusserrat: illa autem celerans sedemque nitentem
 Extulit, injecitque super mollissima villis
 Tegmina, quois alte fultus confedit Ulysses.
 Cui sic Penelope: mihi primum ediffere verax,
 Quisve, vel unde genus, qua sunt tibi in urbe parentes?
 Huic Ithacus reddit: non te pulcherrima quisquam
 Arguat o mulier, qua late maxima tellus 110
 Funditur: aetherias caeli tua contigit arces
 Fama ingens veluti regis, qui numina divum
 Magna colit populosque regit ditione potenti
 Justitiae rectique tenax. fert ubere tellus
 Hordea, triticeasque dapes, ramique gravantur
 Arborei pomis, tencrosque animantia foetus
 Progenerant; fert pontus item sub gurgite pisces
 Squamigeros, curisque acuit mortalia corda:
 His juvet in rebus vario sermone morari,
 Non sedes patrias, non prima ab origine gentem 120
 Quaere meam, gravior ne cura in pectore gliscat
 Heu nimium memori. fortuna oppressus. iniqua

Exsul

Exsul agor, vitamque traho; sed questubus aeger
 Abstineo, & lacrimis aliena in sede receptus.
 Quippe etiam sine fine nefas lugere; puellas
 Ne qua inter dicat, mea cogere lumina Bacchum
 Fletibus ubertim largis tabescere, tuque
 Fors eadem credas. haec ille; & regia conjux
 Subjicit: heu periit virtusque, & pristina forma
 Membrorumque mihi species, quo tempore Graji 130
 Dardanias petiere domos, unaque sequutus
 Vir meus ipse abiit, proles Laërtia, Ulysses:
 Quem reducem si fata ferent, majorque videri
 Incipiam, pulcroque iterum formosior ore..
 Nunc doleo infelix, adversi numinis ira,
 Pressa malis. quotquot nam late prima virorum
 Dulichiumque Samenque tenent, viridemque Zacynthum
 Atque Ithacam; tot nostra petunt connubia, & urgent
 Invitam longo vastantes omnia luxu. 140
 Hinc mihi & hospitibus non ullam impendere curam,
 Supplicibusque datur, praeconum aut jura tueri
 Publica; sed tristi tabescens anxia fletu
 Irrita pro caro suspiria conjuge fundo.
 At juvenes votis instant, dum pectore verso
 Ipsa dolos, monitusque sequens ac jussa deorum
 Tenvia in immensam disponere licia telam
 Aggredior, juvenesque moror sic fata superbos..
 Magnanimi, mea cura, proci, jam functus Ulysses
 Quandoquidem fato est, spatii ad connubia tantum
 Nostra peto, donec textum properante labore 150
 Perficiam (pereant ne fila exorsa,) quod urgens
 Laërtæ in funus celero, quum tristitia fata
 Ipsius aeterna velabunt lumina nocte.
 Namque pudor me saepe & cura haec saeva fatigat,
 V v Ne

Ne qua mihi in populo mulier convicia jactans
Objiciat nudum, fuerant cui multa, jacere.
Sic ego, & incautae publi res credita; sed quid
Demoror? arguto percurrens pectine telam
Luce operi instabam, mox sera ad lumina texta
Stamina solvebam tres furto laeta per annos. 160
Verum ubi jam quartus venit, labentibus horis,
Annus, & infidae fraudem retulere puellae,
Ingressi juvenes jussere abrumpere coeptum.
Quid facerem? jussum perfeci haud sponte laborem
Victa minis. fors nulla mihi se ostendit amica,
Nec valeo quidquam moliri pectore, taedas.
Quo fugiam has misera, & detestatos hymenaeos.
Ipsi etiam poscunt connubia nostra parentes,
Iratique super gnatus furit, omnia raptis 170
Vasta videns. jam quippe valet Jovis auctus honore
Consilioque domum regere, & curare penates.
Sed mihi fare tuum contra genus, & quibus oris
Vestus ades: non te quercus celebrata poetis
Protulit, aut gelidis in montibus aspera cautes?
Talibus instabat, quum sic exorsus Ulysses:
O magni Laërtiadae pulcherrima conjux
Necdum oblita meam cessas inquirere gentem?
Dicam equidem, quamvis pervellet pectora luctus
Acrior haec fanti: neque enim sibi temperet ullus,
Tempore qui tanto patria procul actus ab urbe 180
Erret inops, quanto jactatus tempore gentes
Per varias fetor ipse, immensa pericula passus.
Nec tamen abnuero parere, nec ulla doloris
Tanti damna fuant, quin protinus omnia pandam.
Stat medio tellus ponto cognomine Creta
Insula dives agri, populisque opibusque superbas

Nonaginta urbes gremio complectitur una.
 Omnibus haud eadem lingua est: sunt intus Achivi,
 Sunt & magnanimi Cretes, mixtique Cydones,
 Et triplici Dores populo, fortesque Pelatgi.
 Cnossus ibi magna se tollit ad aethera mole
 Urbs omni ditione novem regnata per annos
 Minoi, ante alios quem Juppiter aequus amavit,
 Quoque meus genitor claro genitore superbit
 Heros Deucalion. hic me suscepit, & acrem
 Idomenea ducem, qui Pergama ad alta sequutus
 Atridas classe est; Aethon ego dicor, & armis,
 Et natu inferior; me fortior ille, priorque est.
 Heic Ithacum vidi tum primum, atque hospite digna
 Dona dedi: vis namque illum violenta coëgit
 Ventorum insurgens ad Cnossia litora cursum
 Tendere, quum Trojam peteret, diversa per aequor
 Ad loca correptus Maleae spumantibus undis.
 Constitit Amniso in viridi, Lucinae ubi sacrum
 Antrum horret, dubia statione elapsus ab atro
 Vix pelago. e portu subito progressus in urbem
 Idomeneum petiit, cui sese foedere sacro
 Hospitii junctum magnoque ferebat amore.
 At fratrem decimo jam tunc aurora vel ortu
 Viderat undecimo fulcantem caerulea ad altam
 Ilion. ipse autem testa intra regia ducens
 Suscepique virum, fovique amplexus honore
 Ingenti; fociisque super cerealia jussi
 Dona dari a populo, ferrique liquentia vina,
 Mastandosque boves sollemni munere duci.
 Illic bisseos epulati in littore nautae
 Confedere dies; praeceps nam turbine vasto
 Irruerat ponto boreas, camposque per omnes

Pastoresque domosque altas lucosque sonantes
 Straverat infesti violenta numinis ira. 220
 Tertia sed decimam supra quum fulsit Eoo
 Orta dies, ventus posuit, solvitque juvenus.
 Dixerat, ac multa fingit dum callidus arte
 Vera tegens, regina gravi perculsa dolore
 Tabebat, lacrimisque sinum liquefacta rigabat.
 Ac veluti primo summis quum montibus aestu
 Liquitur, atque Euri tepido nix ista vapore,
 Quam zephiri effudere, fluit: rura omnia manant
 Undique, & implentur rivis ferventibus amnes.
 Sic pectus, sic illa genas perfusa nitentes 230
 Solvitur in lacrimas; lugetque ante ora mariti
 Nequidquam adstantis. luctum miseratur inanem
 Ille dolens contra tacitus, nec fronte moventur
 Dura tamen, cornu ceu stent aut lumina ferro:
 Dissimulat, pressoque obnixus temperat imbre.
 Ipsa autem ut primum fletu satiata quievit,
 Rursus ait sic orsa: equidem vera omnia ducō;
 Sed melius cognosse juvat, num sedibus olim
 In patriis Ithacum socia comitante caterva
 Videris exceptum, ceu iactas. quare age fare, 240
 Ne dubitem; quonam per membra indutus amictu,
 Qualis erat dux ipse, sui & vis fida sodales?
 Ille refert: heu dura petis; post tempore tanto
 Vix potero meminisse viri; nam volvitur annus
 Mensibus exactis vicissimus, appulit illuc
 Quum primum veniens, rursusque iter egit in altum.
 Sed tamen, ut memini, dicam. fulgentibus olli
 Purpurea ex humeris late chlamys apta fluebat
 Pulcra, duplex; geminis inerat cui fibula bullis
 Aurea, daedaleo supra variata labore. 250
 Pri-

Prima pedum ornabat patulo canis ore trementem
 Hinnuleum raptans. omnes stupor altus habebat
 Cernentes: auro e rigido squallebat uterque,
 Et tamen hic jugulum rapidus super angit, & haeret
 Dente vorans; pedibus nitens ille ardet abire,
 Subfultatque pavens, & pulsibus ilia tendit.

At tunica indutos artus miranda tegebat

Instar membranaeve croci tenuisve papyri:

Sic adeo mollis, claroque simillima soli

Luce renidebat pura, lateque coruscans 260

Ad sua femineos vertebat fulgura vultus.

Num tamen hos tulerit cultus; num vestibus hisce

In patriis etiam testis assueverit uti,

Aut aliquis socium secum per caerula vectus

Navibus in curvis, aut & donaverit hospes,

Haud equidem novi. multas namque ille per urbes

Clarus iit, paucique ollo se laudibus aequent.

Ipse autem aeratumque ensē, laenamque nitentem,

Formosamque dedi tunicam pro munere ferre

Litus ad extremum cedentem rite sequutus. 270

Ibat & aequaevus praeco comes additus usque

Pone ducem servans; fuerit jam qualis, habeto.

Curvi humeri exstabant; fusco cutis atra colore

In facie horrebat, densique in vertice crines;

Eurybates nomen: fociis ex omnibus unum

Praecipuo hunc heros carum servabat honore

Consiliisque habilem fidis animoque valentem.

Vix ea; quum miserae strinxit praecordia luctus

Rite recordanti, nimium sibi cognita, signa;

Atque ubi vix tandem voci via facta dolore est, 280

Uda genas lacrimis iterum sic voce profatur.

Nunc ego te, licet ante tuas miserata dolerem

Sae-

Saepe vices, toto meritum complectar amore,
 Officioque colam. thalami in penetralibus olim
 Illa ego, quae memoras, velamina nota plicavi,
 Et manibus fuit ille meis superadditus auro
 Circulus e fulvo rutilans, decus inter Achivos
 Effet ut ornato. sed non miseranda revisam,
 Amplectarque virum reducem: laevo ille profectus
 Omine, & infestis petiit dis Pergama, credo, 290
 Pergama, & infandae semper mihi moenia Trojae.
 Cui referens Ithacus: parce o pulcherrima, dixit;
 Neve adeo niveosque sinus patiare, nec ipsum
 Sic animum assiduus tristem tabescere curis
 Usque virum lacrimans. te certe causa doloris
 Iusta premit, fletuque tuo haud irascier ausim;
 Quippe etiam si jure gemit sibi funere raptum
 Nupta virum quemcumque, tori cui foedere mixta
 Progenit dulces, communia pignora, gnatos;
 Quanto Ithacum fas flere magis, caelestibus esse 300
 Quem similem perhibent? paullum sed desine, & ipsa
 Parce tibi, nostrisque adhibe sermonibus aures.
 Nunc etenim haud mendax, de vivo quidquid Ulyssæ
 Theſprotum in populo audiui reditumque parante,
 Expediam dictis. ingens argentumque aurumque
 Ille refert donis auctus, sed perdidit omnes
 Cum navi socios procul hinc in gurgite vasto
 Trinacria excedens. namque illi rector olympi
 Saevierat cum Sole gravis, cui forte juvencos
 Sacrilegi leto dederant in litore nautae. 310
 Ergo omnes periere undanti in marmore: at ipsum
 Applicuit terris haerentem ad fracta carinae
 Robora fluctus agens, ubi pingues ubere glebas
 Securi Phacacæ habent, gens proxima divis.

Exceptum hi magno fovere ut numen amore,
 Multaque donarunt, patriasque reducere ad oras
 Continuo voluere. & jam nota arva teneret
 Redditus huc, animo satius ni forte subisset
 Hinc terras lustrare alias atque undique gazam
 Congerere, usque adeo vincit mortalia corda
 Arte vaser, frustra que olli contendere cetera
 Consilio quisquam. Thesprotum haec ipse loquutus
 Me rex edocuit Phidon, Mavortius heros.
 Quin & juratus libanque in honore deorum
 Addidit, instructamque ratem, sociosque paratos
 Esse viro, reducem patrio qui litore sistant
 At prior ipse abii, properantem nactus ad alta
 Moenia Dulichii, Cereri loca sacra, carinam
 Munera praeterea, quaecumque aggressit Ulysses,
 Omnia monstravit: sat multa nepotibus essent
 Post decimum, reor, illa genus; vis tanta jacebat
 Ipsius in magni penetralibus abdita regis!
 Illum Dodonae in lucos abiisse ferebat
 Ab Jovis aëria scitatum oracula quercu
 Incertum, patrias quo pacto attingeret oras
 Clamne, palamne, absens nimium jam tempore longo.
 Omnia tuta vides: vivit, salvusque redibit,
 Jamque dies properata brevi complexibus illum
 Reddet amicorum. neu dicta haec irrita credas,
 Per tibi ego magnumque Jovem, Vestamque potentem,
 Perque Ithaci juro mensas, quas hospes adivi,
 Dicta oculis perfecta tuis haec omnia cernes,
 Advenietque heros ipso hoc Laërrius anno,
 Hujus in occasu mensis, primique sub ortum.
 Ad quem Penelope: haec utinam rata dicta manerent,
 Et vellem & cuperem: jam jam si nuncia verax

Cer-

Certa mones, virtus quid grato in pectore possit,
Experire auctus donis, populumque per omnem
Divitiis magnaue vigens celebrabere fama.
Cuncta tamen reor esse meis contraria votis, 350
Haecenus ut fuerunt: veniet nec salvus Ulysses,
Nec tu iter expedies; ducibus quippe orba relicta
Testa carent; velut ille fuit (nunc o foret usquam!)
Gnarus & excipere, & pariter dimittere amicos.
Sed vos, o famulae, puro hunc in fonte lavate,
Instratoque super mollissima ponite lecto
Tegminaue & laenas, tepidos queis mulceat artus
Usque sub Aurorae roseum Titanidis ortum.
Prima autem sub luce oleo perfundite lotum,
Ut comes affideat laetae inter pocula mensae 360
Telemacho. quod si juvenum quis laedere posthac
Audeat hunc, mala damna feret; nec flectere mentem
Speret posse meam, licet acri exaestu et ira.
Anne ego femineum vulgi genus una videbor
Vincere consilio, patiar si veste carentem
Sedibus in nostris talem te accumbere? vitae
Terminus haud longae miseris mortalibus instat;
Quisquis & implacido crudelia pectore facta
Saevus amat, vivensque odiis communibus ardet,
Infestisque agitur diris post funeris ignem. 370
At bona quisquis amat bonus ipse, hunc praepete penna
Didita per gentes late ingens gloria tollit,
Multorumque ferunt laudes ad sidera dignum.
Dixerat; atque heros: jamdudum, ait, optima nympha,
Invisaeque mihi sunt denso vellere laenae
Tegminaue, infelix postquam maria alta sequutus
Classe cita Cretae nivibus juga confusa liqui.
Nunc quoque, ut ante cubans, somni sine munere noctes
Spre-

Spretus agam; foedi jam saepe in limine testî
 Compostus vidi croceam consurgere lucem. 380
 Nec mihi nunc placitum menti est perfundere molli
 Rore pedes, nec nostra, reor, vestigia tanger
 Ulla tibi famulans harum per testâ puella;
 Ni qua domo sit anus longaeva, & conscia recti,
 Totque malis jactata, quot ipse exhausta peregi:
 Nil veritus tantum hanc patiar contingere tandem
 Crura mihi. sic fatus erat, mirataque fantem
 Penelope: haud umquam nostra haec ad limina venit
 Hospes, ait, tales qui docto in pectore sensus
 Gesserit, ac sapiens pariter servaverit aequum. 390
 Omnia recta mones: est heic tamen, est mihi nutrix
 Ante alias & fida, & multo grandior aevo,
 Illum etiam regem quae quondam excepit in ulnas
 Ipsa suas, tenerumque aluit, quum lucis in oras
 Edidit heu laevo nascentem numine mater:
 Haec aderit quamquam aegra manus tardante senecta.
 Surge aegesis, regique tuo ne cara morare
 Abluere aequaevum nutrix; fors talis Ulysses
 Illotosque pedes illoraque brachia gestat
 Squallidus heu longoque situ duroque labore; 400
 Ocior angustis homines nam foeda senectus
 Occupat in rebus. quae postquam edixerat, illa
 Sustulit in vultum palmas, lacrimisque volutis:
 Heu miseranda, inquit, sine te sum, gnate, relicta;
 Te superum pater ille odiis crudelibus urget
 Immeritum, tantaque pio tibi suscitât iras
 Nequidquam contra fas omne infestior uni.
 Nam quis lecta boum tot mactans corpora stravit,
 Incenditque Jovi fumantia viscera ad aras,
 Quot tu olim, seniumque tibi non triste precari 410

Suetus, & eximio florentia tempora nato;
 Frustra: nulla viam facilem tibi vota dedere.
 Et nunc illudunt aliena in sede moranti
 Sic misero famulae, dirum genus; ut tibi coram
 Insultant, venerande senex; quarum aspera probra
 Permetuens nullam, me praeter, adesse lavanti
 Nempe finis. sed non ego contra invita iubentis
 Imperio dominae & praelato munere fungar,
 Ablueroque pedes merito, jam parce vereri,
 Penelopen propter teque ipsum exercita luctu 420
 Corda gravi. nullum, quamvis haec limina multi
 Attrigerint errando homines, ego corpore Ulyssi
 Tam similem vidi, quam te vocemque coloremque
 Atque pedes olli similem. tum maximus heros:
 Sic alii, nec vana fides, qui lumine cumque
 Aspexere ambos, multum nos corpore toto
 Adsimiles perhibent, velut ipsa haud inscia reris.
 Nec plura his; rutilum subito longaeva leberem
 Extulit, ac gelidos hautto de fonte liquores
 Rore simul calido miscens infudit ahenis. 430
 At heros, propior ceu forte affederat igni,
 Continuo aversum sese deflexit in umbram,
 Scilicet id metuens, ne clara in luce revivens
 Vulneris antiqui nosset vestigia nutrix,
 Ambagesque dolique resecta fraude paterent.
 Nec minus interea, regem dum proxima circum
 Illa suum non segnibus obit, turgentia signa
 Vulneris agnovit, quod canis dentibus olli
 Fulmineus jam fecit aper, quum frondea celsi
 Culmina Parnassi peteret visurus & acrem 440
 Autolycum, Autolycei & gnatos, quo cara parente
 Orta sua est quondam genitrix. praestantior illo
 Non

Non erat aut jurare, aut furto intexere fraudem
 Mercurii dono gaudens, cui pingua semper
 Exta dabat mactans teneros ab ovilibus agnos,
 Haedorumque grēges: aderat deus usque vocanti.
 Ergo Ithacae hic quondam veniens ad divitis urbem
 Invenit tum forte suae de sanguine natae
 Aetherias puerum submissum lucis in oras,
 Quem parvum Euryclaea ferens post munera mensae 450
 Ipsius imposuit genibus; dein talia fata est:
 Nomine quo dici gaudes, age fare, nepotem
 Autolyce; ille etenim ante alios tibi carior aura
 Vescitur? huic heros: vos, o mea sola voluptas,
 Filia, & alme gener, puero superaddite nomen,
 Quod fabor: multis ego veni huc caussa doloris.
 Invisus pariterque viris pariterque puellis
 Per terras late; quare olli semper Ulyssi
 Ex re nomen erit. post ipsum in regia testā,
 Maternas quum viset opes ad nostra profectus 460
 Moenia Parnassi jam vernans flore juventae,
 Excipiam donis pariter, laetumque remittam.
 Munera quae sperans, patria tellure relicta,
 Contulerat sese juvenis Laërtius illuc.
 Invisurus avum. venientem amplexibus omnes
 Excepere, hilari testantes gaudia vultu,
 Autolycus gnatique simul; tum lacta nepotem
 Amphithea amplectens capiti dedit oscula caro,
 Ambobusque oculis, colloque affusa pependit.
 Instruere hinc epulas senior, mensamque parare 470
 Imperat; ac juvenes non lenti ad jussa parentis
 Quinquennem ducunt praestanti corpore taurum.
 Tergora deripiunt costis, dissectaque membra
 Rite in frustra trahunt, verubusque trementia figunt,

Advolvuntque igni subiecto, ac munera mensis
 Tosta ferunt: dapibus sic tota luce cadentem
 Ad solem indulgent, aequata sorte potiti.
 Inde ubi sol cessit, tenebraeque induxit olympto
 Per thalamos placida compositi pace cubarunt.
 At simul aurato suffudit lumine terras 480
 Suave rubens Aurora, toris excita juvenus
 Venatum parat ire, canesque hortatur ovantes
 Ingrediens, ultroque Ithacus comes additur una.
 Jamque alti superant rapido frondentia gressu
 Culmina Parnassi, penetrantque furentia ventis
 In loca. vix autem radiis fulgentibus arva
 Contigit, oceani linquens sol aureus undas,
 Quum vallem subiere duces. it odora canum vis
 Ante pedes patulis latebrosa cubilia lustrans
 Naribus; Autolyçi soboles quos pone sequuta 490
 Incedit, propiorque Ithacus praecit agmen, & altum
 Ante alios quassat ferrata cuspide telum.
 Heic aper abdiderat sese ingens frondibus atris
 In nemore horrenti, quo nec vis humida venti,
 Nec rutili poterant penetrare ardentia phoebi
 Spicula, non imber sublapsus: ita undique tectum
 Arboribus stabat densis, cumuloque nigrantem
 Subter humum late foliorum oppresserat agger.
 Ille autem strepituque canum strepituque virorum
 Excitus, ut propius turbantes sensit, ab atra 500
 Profiluit silva; rectisque in vertice fetis
 Horridus, atque oculis volvens ardentibus ignem
 Constitit adversus. juvenis, Laertia proles,
 Primus ibi valido torquens hastile lacerto
 Emicat, horrentemque ardet transfigere ferro
 Impatiens animi. dumque it, pernicioꝝ illum

Praeveniens aper ecce genu super occupat ictu
Fulmineo, obliquusque ruens late haurit apertum
Dente femur, non & morfu tamen ossa refringit.
At rabidum juvenis dextro nil territus armo 510
Perculit insurgens: pertransiit aerea cuspis
Per medium, ceciditque nigra resupinus arena:
Volvitur, atque artus cum sanguine vita relinquit.
Advolat Autolyçi proles; pars tollere praedam,
Pars Ithaci vulnus properant constringere vittis
Molliter; utque cruor cantu manare potenti
Desiit, ad patrios una rediere penates.
Heic aegrum auxilio, sollerti atque arte juvare
Insistit Autolycus juvenem; rursusque valentem,
Muneribusque auctum largis dimisit ad oras 520
Dulichias. magna reducem accepere parentes
Laetitia, natiq̃ue ardent dum noscere casus,
Vulneris & causam quaerunt; ille omnia contra
Edocet, ac narrat, venantem ut frondea celsi
Per juga Parnassi, sociis comitantibus ipsum
Autolyçi gnatis, aper acri perculit ore.
Haec eadem tum signa memor post tempore longo
Agnovit tactu nutrix, stupefactaque monstro
Liquit opus, manibusque pedem demisit: at imo
Pes stetit in labro, tynnitumque aera dedere. 530
Vertitur, excussoque liquor defluxit ahenò
Fusus humi; magno simul aegrae pectora luctu,
Laetitiaque simul trepidant, oculique volutis
Implentur lacrimis, voxque ipsa in faucibus haeret.
Ut tandem in sese rediit, vitamque recepit,
Ipsa manu leviter mentum permulsit Ulyssæi
Sic memorans: tune ille Ithacus, carum genus? haud te,
Nate, prius novi, tetigi quam corporis artus

Fon-

Fonte rigans. dixit, subitoque averſa retorſit
Lumina, Penelopi cupiens oftendere ſalvum, 540
Praeſentemque virum. ſed non huic cernere contra
Fas erat: haud quidquam ſenſit; Tritonia mentem
Verterat, atque alio ſenſus abduxerat omnes.
Ille autem dextra compreſſit guttur hiantis,
Ac laeva ad ſeſe traxit ſic ore loquutus:
Perdere quid tantum properas, quem cara fovebas
Ipſa olim teneris immulgens ubera labris;
Quemque eadem, poſtquam biſdenos multa per annos
Dura tulit, patria vix tandem cernis in urbe?
Et quoniam tibi res nota eſt, ac numina mentem 550
Hanc dederunt, fileas oro, neu reſciat alter
Iſta, veto. ſuperi nam ſi mihi ſternere diram
Adnuerint pubem, nutrice iratus ab ipſa
Supplicia expoſcam, nec fallo; ubi triſte piabo
Caede nefas, famulaſque alias ſub Tartara mittam.
Haec ubi ſatus erat minitans: quidnam excidit ore
Gnare, tibi, nutrix ſubdit? ſcis pectore in iſto ,
Qualis ineſt vis dura, animum quam robore forti
Septa feror; ceu muta filex ferrumque tenebo
Omnia. quin aliud dicam, tu mente repone 560
Diſta memor: ſi forte procos demiferis orco
Auspicio facili divum, tete ipſa docebo,
Dedecorant quaecumque malae tua teſta puellae
Flagitiis, verſaeque domus ſcelus omne recludam.
Contra heros: cur tu doceas me talia, nutrix?
Non opus his; vano mitte hanc de pectore curam:
Omnia diſpiciam mecum ipſe, atque omnia noſcam,
Tu modo diſſimula: curae ſint cetera divis.
Tantum effatus; & in verbo veſtigia teſdis
Torſit anus de fonte novos hauſtura liquores, 570
Nam

Nam prior effusus defluxerat. ergo ubi rore
 Laverat, & nitidos oleo perduxerat artus,
 Ille iterum folio propius confedit ad ignem
 Membra fovens, seseque obtento involvit amictu,
 Ne pateat qua parte oculis signata cicatrix.
 Huic tum Penelope: breviter te pauca requiram,
 Ni pigeat, nunc rursus, ait; nam dulcia somni
 Tempus erit tunc dona sequi, quum ceperit aegrum
 Sponte quies affusa; at me sine more furemtem
 Infando voluere dii tabescere luctu. 580
 Quippe dies flendo duco, defessa labore
 Ipsa simul, famulasque urgens data pensa trahentes
 Sedibus in maestis. at nox ubi nigra tenebris
 Irruit, accepitque sopor penetralibus omnes,
 Sola toro jaceo, tristisque in nocte recursant,
 Pervelluntque acri morfu praeccordia curae
 Flentis, & heu frustra crudelia fata querentis.
 Ceu fata Pandareo primi per tempora veris
 Quum viridis densa queritur Philomela sub umbra;
 Illa sedet, ramoque iterat miserabile carmen, 590
 Tristibus & resonas implet concentibus auras
 Maesta gemens natum, furiis quem percita ferro
 Perdidit eripiens patri solatia Zetho:
 Non aliter queror ipsa gravi perculsa dolore
 Huc animum atque illuc versans, utrum anxia caro
 Cum ignato vivamque parens, bonaque omnia servem,
 Captivaque regam famulas, magnosque penates
 Permetuens vulgi famam thalamumque jugalem;
 An sociata sequar, tot lectos inter Achivos,
 Qui meliorque viget factis, majoraque spondet 600
 Praemia? natus adhuc fuerat dum debilis aeco,
 Non me has linquentem sedes est nubere passus;

Gran-

Grandior at factus plenoque in flore juventae
Ultro etiam invitam suadet properare hymenaeos
Externalque sequi taedas, mihi propter Achivum
Flagitia infensus vastataque tecta rapinis.
Jamque age, & ista, meam quae mentem infomnia turbant,
Accipe. ludebat vacuis mihi plurimus anser
Porticibus, totoque aderant bis agmine deni
Assueti rostris puro cerealibus fonte 610
Munera rimari, mea sola & magna voluptas.
Adveniens autem pedibus Jovis ales atuncis
Vertice ab aërio, fractis cervicibus, omnes
Perdidit; exanimes fusi per tecta jacebant
Undique, at ille altum sublimis in aethera fugit.
Ipsa dolens & flere & vocem attollere coepi
Per noctem infomnis: circum venire frequentes
Questibus excitae late undique Achacides almae.
Ecce autem rediens stetit idem in culmine tecti
Ales, & haec hominum vero superaddidit ore, 620
Solatus miseram. fide o clarissima proles
Icarii, vanae non falsa infomnia noctis,
Fata vides sed certa: haec omnis strata volucrum
Turba, proci; qui visus ego tibi nuper adesse
Praepetibus pennis Jovis ales, vir tuus adsum
Redditus ipse procis letum crudele daturus.
Haec ille, inceptusque sopor me sponte reliquit.
In cubitum subnixa, atque auribus aëra captans
Laetantes passim sensi prope gurgitis alveum
Frangere triticeam messem, velut ante, volucres. 630
Talia narranti: non haec, ait ille, per artem
Fas alio regina inflectere somnia: visus
Ipse tibi Laërtiades jam fata reclusit:
Instat certa procis clades, nec funera quisquam
Effu-

Effugiet numero ex omni. sic dixit; & ipsum
 Penelope aggreditur rursus, metuensque profatur.
 Haud facile est nigrae volitantia somnia noctis
 Noscere, nec semper portendunt omina certa.
 Sunt etenim geminae somni portae; altera fertur
 Cornea, perfecto collucens altera contra 640
 Ex ebore: hac veniunt quaecumque effusa, feruntur
 Irrita, & incertis ludunt fallacia formis.
 At volitant quae missa foras per cornea septa,
 Vera monent homines, si quando in nocte videntur.
 Sed non hinc miserae dederunt mihi somnia manes,
 Credo equidem: nimium foret haec fors laeta parenti
 Scilicet & gnato. cedent secus omnia, tuque
 Sensibus haec imis, quae dicam verba, reconde.
 Adveniet lux illa cito, quae saeva revellet
 Invitam ex Ithaci testis; certamen Achivis 650
 Quippe paro: statuam fulgenti ex aere secures,
 In domibus quas ille meus vir ponere quondam
 Bissenas numero, velut orbes ordine longo
 Orbibus adversos; resonum dein eminus arcum
 Intorquens ictu numquam fallente solebat
 Per medias volucrem transmittere saepe sagittam.
 Hoc statuam certamen ego: qui tendere ferrum
 Ante alios poterit melius, teloque secures
 Trajiciet misso talem sortitus honorem,
 Illum certa sequar veteris penetralia linquens 660
 Conjugis heu quondam mihi cara, opibusque superba,
 Quaeque etiam memori per somnum noctis imago
 Saepe feret. cui tunc volventi talia Ulysses:
 Jam jam, inquit, regina, jube contendere; nulla
 Sit mora. namque heros aderit Laërtius ante,
 Quam poterit quisquam nervosque aptare sonantes

Multa movens frustra, metamque adringere ferro.
 Penelope contra gaudens: o! ducere noctem.
 Si juvet his mecum dictis, non ulla quietis.
 Cura foret, fessolve sopor mihi solveret artus. 670
 Haud tamen insomnes miseris mortalibus horas
 Degere fas; late terram namque ire per omnem
 Alternas voluere vices & tempora divi.
 Jamque altum penetrale petam, stratoque locabo
 Membra toro, gemitus audit qui semper acerbos,
 Humescitque mihi lacrimis, ex quo acer Ulysses
 Pergama, & infandae petiit mala moenia Trojae.
 Heic ego: tu vero tectorum in parte cubato,
 Qua placeat; strata vel fors tellure, vel alte
 Fessa super strueto componens membra cubili. 680
 Haec ubi dicta dedit, fociis comitata puellis
 Alta petit scandens thalami penetralia, & intro
 Ut stetit, optati nequidquam perdita flevit
 Fata viri, donec Pallas miserata gementem
 Uda regens dulci perfudit lumina somno.



HOMERI ODYSSEAE

LIBER VICESIMUS.

VEstibulo in primo tecti fortissimus heros
 Accubuit: subter magni bovis horrida stravit
 Tergora, & iniecit florenti vellere multas
 Caesarum pelles ovium super; ipsaque laenam
 Praeterea Eurynome posuit per membra cubanti.
 Heic vigilans & triste procis in corde volutans
 Exitium stetit ille. alia de parte puellae
 Interea tectis ibant, juvenumque petebant
 Gaudia, nocturnis assuetae fraudibus omnes
 Laeta sequi alterno veneris solatia risu. 10
 Exarsere ignes animo, tacitusque repente
 Multa putat secum, praestetne insurgere contra,
 An sinere extremum votoque ausoque potitas
 Misceri per tecta procis? fremit ira sub imo
 Pectore, & insanis acuit praecordia curis.
 Ac veluti, catuli cui parvi ex ubere pendent,
 Si qua ignota viri facies sese offerat ultro,
 Saevit acerba tuens rabidisque latratibus instat
 Mater, & adverso jam se fert cominus hosti,
 Dentibus infrendens contra & concurrere tentans. 20
 Sic olli infremuitque animus tam dira tuenti
 Flagitia, impellensque ambabus pectora palmis
 Haec secum: tacitus quin tu contra omnia persta,
 O anime; his etiam quondam graviora tulisti,
 Quum tibi magnanimos Cyclops immanis in antro

Corripuit socios, saxoque illisa voravit
 Membra ferox, tantum quisti perferre dolorem
 Impavidus, donec te limine mortis ab ipso
 Eripuit, virtusque viam molita per artem est.
 His dictis animum increpitat, nec cedere victus 30
 Ille negat. curis ipse autem ingentibus actus
 Aestuat, ac stratis hac illac volvitur heros
 Sollicitus, flammis ceu quando viscera torret
 Pinguique & multo turgentia sanguine pubes,
 In partesque omnes versat, celeratque laborem
 Ocius impleri cupiens: sic vertitur heros,
 Et volucrem nunc huc mentem nunc dividit illuc
 Secum agitans, quamam saevis congressus Achivis
 Arte queat multos, unus demittere leto?
 Talia volventi delapsa ex aethere Pallas 40
 Venit femineos habitus induta, supraque
 Adstitit, ac tali compellans voce loquuta est.
 O duris homines vincis qui casibus omnes,
 Cur vigilas? jam parta domus tibi, partaque conjux,
 Gnatus & ipse tibi partus, quem vellet habere
 Quisque sibi, sic fata dea est; atque ille vicissim
 Pauca refert: haec, diva, quidem non vana profaris;
 Cura sed illa gravis residens praecordia torquet,
 Solus ego juvenes tot contra insurgere fortes
 Quî valeam? semper conferti haec limina servant. 50
 Id quoque praeterea reputo, si perdere turbam
 Auxilioque Jovis detur mihi, diva, tuoque,
 Quo fugiam? casus omnes juvat ante videre
 Scilicet, atque animo varias expendere sortes.
 Dixerat; huius autem virgo sic caesia reddit:
 Improbe, nonne alii fidunt mortalibus armis,
 Ac sociis, quibus est haud par sollertia menti?

Me diva duce tu, per tanta pericula vestum
Per varias pelagi insidias quae numine nostro
Incolumem duxi, metues? haec accipe porro 60
Dicta prius, penitusque alta sub mente reconde.
Quinquaginta etiam si densis obvia telis
Agmina consistant contra, mortemque minentur,
Nil mecum tibi triste foret; quin omnia vastans
Lanigerosque greges armentaue victor haberes.
Nunc somni cape dona: est durum in nocte tueri
Pervigilem tota; mox aspera fata subibis.
Haec ait, & fesso placidam per membra quietem
Irrigat, inque altum sese dea tollit Olympum
Nubiferos superans per opaca silentia tractus. 70
Ast ubi dissolvit curas huic fusa per artus:
Blanda quies; contra depulso excita sopore
Penelope in thalamo macrens assedit, & ambas
Sparsa genas fletu sic est affata Dianam.
Diva, Jovis proles, magnum Latonia numen,
O utinam perdas transfixo pectore telis
Hanc animam nunc ipsa tuis; vel turbine nimbus
Praecipiti involvat, nigrumque per aëra vestam
Oceanî refluxo jaciens me in gurgite mergat;
Ceû quando immeritas saevae abripuere procellae 80
Pandaridas. ollis divum vis dura parentes
Abstulerat, solaque orbas in sede relictas
Lacte Venus miserata & melle & nectare bacchi
Pascebat. Juno formae praestantis honorem,
Consiliiq; decus teneris afflarat: at alti
Corporis ingentes Latonia fecerat artus,
Addideratque suas operum Tritonia laudes.
Vix autem Cytherca poli sublimis ad arces
Cesserat optatos nymphis latura hymenaeos

Abs

Abs Jove fulmineo; (genitor quippe omnia novit 90
Fortunasque hominum laetas, & tristia facta;)
Quum subito harpyiae miseras rapuere puellas
Horrificae, Eumenidumque jugo pressere superbo.
Sic o! me superi tollant; vel compta capillos
Transadigat cupidam Dyctinna, ut per loca nigro
Senta metu visura abeam sub Tartara Ulysses,
Nec me deterior conjux laetetur adepta.
Triste quidem, fateor; tamen est utcumque ferendum
Nempe malum, cui luce urit praecordia luctus;
Dein placidus sub nocte venit sopor, ille malorum, 100
Laetitiaque ferens jucunda obliviam menti;
At me etiam terrent ipsi per somnia manes.
Namque mihi talis per noctem accumbere visus
In thalamo nuper, qualis, quum Pergama primum
Classe cita peteret, fuerat meus ille vir ipse
Infelix: laetum tentabant dulcia pectus
Gaudia; rem veram, non somnia vana putabam.
Vix ea Penelope; roseoque inceperat ortu
Aurea procedens Tithoni effulgere conjux;
Nec latuere Ithacum gemitus & verba loquentis: 110
Haesit, & occultae ceu jam bene conscia fraudis
Ipsa foret, trepido visa est succedere coram,
Atque adstare caput supra, vocemque ciere.
Profilit, ac laenam villosaque tegmina surgens
In folio ponit, celsisque e sedibus effert
Exuvias tauri; tum supplex voce precatur
Caelicolum regem tollens ad sidera palmas.
Juppiter o genitor, vestro si numine vectum
Per terramque fretumque hanc me voluistis adire
Jam patriam; postquam tam longa exercuit ira; 120
Nunc o! nunc aliquis vigil in penetralibus omen,

Det

Det precor, atque ipso veniat mihi ab aethere signum.
 Talibus orabat dictis; & rector olympi
 Audiit orantem, sonuitque in nocte corusca
 Desuper e nebulis, signum ipater aethere ab alto
 Ostentans: visu subito laetatur Ulysses.
 Nec minus & vocem mulier captiva repente
 Sustulit inclamans penetrali in sede, ubi stabant
 Marmoreae moles tundendis frugibus aptae,
 Quas famulae urgebant bissenae, frangere semper
 Et cererem iussae, baccas & pinguis olivi
 Jamque aliae pensis defunctae corpora somno
 Fessa dabant; sociis tantum haec ex omnibus una
 Aegra magis, necdum cessans, revolutibile saxum
 Continuit, laetumque omen sic edidit ore:
 O regis aeterno qui res hominumque deumque
 Imperio, insonuit cur tanto murmure caelum
 Stelliferum sine nube? aliquem felicia certe
 Signa petunt: jam jam, quod posco munus & ipsa,
 Da pater, extremum heic epulis operata juvenus
 Affideat, longo exercens quae membra labore
 Perdidit, ac vires mihi fracto in corpore solvit
 Dona laboranti Cereris: lux ultima visat
 Ista procos laetis celebrantes munera mensis
 Tantum effata: heros tali simul omine gaudet,
 Terrificoque Jovis sonitu simul; ac ferus ultro
 Sontibus exitium jam certo in corde minatur
 Interea complet famulantum turba penates,
 Sopitumque focis ferventibus excitat ignem
 Surgit & ipse toro fulgentem indutus amictum
 Telemachus, laterique ardentem accommodat lenem
 Et formosa pedum circumdat vincula plantis
 Tum capiens ferro praefixum robur acuto

Limen adit, foribusque adstans ita fatur ab altis.
Dic age, cara mihi nutrix, quem dignus honorem
Nactus habet; thalamone hospes, dapibusque potitus,
An jacuit neglectus humi? non infcia recti
Saepe alios genitrix meritis & laude minores
Nostra viros large coluit; cur immemor unum
Scilicet hunc solito meritum sine honore reliquit? 160
Dixerat, atque olli prudens ita pauca vicissim
Euryclaea refert: ne vero, o gnate, parentem
Inculsa: quantum libuit, se munere bacchi
Proluit heic longum residens nocturnus ad ignem;
Exstinctaque siti nihil ultra saepe rogatus
Poscere se dixit. jamque ut nox prona quietis
Dona tulit, jussitque toros, intextaque poni
Strata parens, queis ipse altus recubaret; at ille
Heu nimium maerens molli requiescere lecto
Abnuit; & cruda nudati in pelle juvenci, 170
Caesarumque ovium male tectus vellere ad ipsum
Vestibulum accubuit; nos laenam iniecimus ultro.
Haec ubi; Telemachus crispans hastile coruscum
Limine procedit; gemini quem pone sequuti
Nota canes fido servant vestigia gressu.
Ille abit in coetu fortes visurus Achivos;
At Pisenoridae creta Opis sanguine claro
Continuo hortatur famulas. mora tarda facessat,
O sociae; sordes testorum everrite, & undam
Spargite, purpureasque toris insternite vestes, 180
Atque aulaea undis properet pars tergere mensas,
Craterasque simul caelataque pocula lustrer:
Pars adeat fontem celerans, atque ocius adsit.
Haud aberunt longum; quin primo ad limina stabunt
Mane proci, festae celebrent ut gaudia lucis;

Sacra

Sacra redit laetis quae civibus orbe peracto.
Dixerat, & iussae properant mandata puellae:
Bis denae fontem petiere, aliaeque frequentes
Rite suos obeunt passim per recta labores.
Haec inter venere proci, subitoque per artem 190
Institerunt valida diffindere ligna bipenni.
Nec minus & reduces aderant de fonte ministrae,
Atque una Eumaeus magnorum horrentia ducens
Corpora terna suum. quos intra septa relinquens
His Ithacum senior dictis compellat amicis:
Mollius aspiciunt tene o, mala pestis, Achivi,
Turpibus an probris velut ante incessere pergunt?
Talia quacrenti suspirans reddidit heros:
Supplicia o! divis utinam pro talibus ausis
Expendant fontes, aliena in sede nefandum 200
Dedecus aggressi; jam jam est pudor omnis abactus.
Alterni haec memorant dum voce, Melanthius ollis
Adstitit ille malus custos ex agmine toto
Munus agens pubi lectas de more capellas;
Pastoresque ibant gemini simul. ipse ubi circum
Atria curva gregem vinclis religavit olentem,
His ultro regem dictis inculcat acerbis:
Pergis adhuc gravis esse, avidus nec poscere cessas
Quemque virum, necdum tete his penetralibus effers?
Haud prius absisites, credo, quam saucius hasce 210
Experiere manus; tanta est injuria, demens,
Qua furis heic, alii ceu nusquam epulentur Achivi.
Dixerat: ille nihil contra, sed turbidus ira
Quassat utrinque caput, graviterque in corde minatur.
Tertius ecce alia se parte Philetius infert,
Caprigenumque pecus, sterilemque a litore vaccam
Ducit: (eum soliti pelago transmittere, quotquot

Z z

Huc

Huc veniunt, curva nautae advexere carina).
Isque ubi porticibus longis armenta revinxit,
Sic prior Eumaeo: dic o, quis sedibus hospes 220
Hic novus in nostris? qua se de gente profectus,
Qua patria, & clara qua sese ab origine jactat?
Infelix! praefert regalem corpore formam;
At superi duro curarum turbine mergunt
Magnanimos etiam reges, quos casibus actos,
Errantesque diu cogunt ferre aspera fata.
Haec ait, & subito dextram complexus inhaesit,
Compellansque senem: salve o pater optime, dixit,
Dique tibi meliora ferant, licet horrida luctu
Te nunc exagitans multo fortuna fatiget. 230
Juppiter, heu divum quis te crudelior alter,
Nil homines miserere, tuum genus: ut semel oras
Hauserunt vitae, gravibus tabescere curis
Sponte finis. gelidus mihi dura per ossa cucurrit
Sudor, ut hunc miserum vidi; lacrimaeque volutae,
Dum memorem domini pietas, dum strinxit imago.
Ille etiam pariter, caeli si vescitur aura,
Phoebeamque haurit lucem, male tectus, & exsul
Scilicet a patria, saevis procul errat in oris.
Sin periit fato, nigrumque abreptus in Orcum est, 240
Heu mihi quid misero restat? me laeta per agros
Ille Cephalenum teneris armenta sub annis
Pascere, me validos voluit submittere tauros.
Nec labor ingratus cessit: stabula alta juvencis
Innumeris jam plena sonant, foeturaque votis
Haud usquam melius domini respondet avari.
Nunc alii ducique boves mensisque parari
Dona jubent, patria gnatum nec sede relictum,
Ultioresque deos metuunt: quippe omnia certant

Di-

Diripere, atque opibus sine rege impune potiri. 250
At mihi curarum vario mens fluctuat aestu
Multa volutanti mecum: discedere longe
Scilicet, atque alias armenta abducere in oras
Indignum est, salvo juveni dum vita superfit.
Durius heic etiam, nequidquam aliena sedentem
Ad stabula infandos longum perferre dolores.
Atque equidem regem, hinc jampridem elapsus, adissem
Ipse alium (neque enim scelerum vis tanta ferenda);
Ni tenuisset amor miseri; ni certa subisset
Spes animum, reducem vastata in sede videndi, 260
Caedentemque armis pubem, crimenque piantem.
Cui referens heros: non te rationis egentem,
Quisquis es, aut animi arguerim; sat pectoris acre
Consilium admirans video: quare accipe contra,
Quae tibi nunc caeli testatus numina dicam.
Audiat haec superum genitor, sociique penates,
Atque arae, mensaeque Ithaci, quas nuper adivi;
Te coram huc veniet proles Laërtia Ulysses,
Aspicietque illum, feret id si corde voluntas,
Sternentemque procos, multaque in caede cruentum. 270
Tantum effatus; at ille: o! jam Saturnius, inquit,
Adnuat, ac nutu firmet tua dicta potenti;
Quid mea vis animi possit, quid dextera, nosces.
Haec eadem Eumaeus, divos per vota precatus,
Orabat, cupiens quamprimum visere regem.
Atque illi inter se congressi talia dictis
Dum jactant, juvenes fatum crudele struebant
Telemacho; utque Jovis venit laeva ales ab aethra
Altrivolans, trepidamque tenens sub nube columbam,
His tunc Amphinomus, cunctis mirantibus, inquit. 280
O socii, haud dabitur votis & caede potiri

Sperata: praestat nunc tandem dulcia mensae
Dona sequi. vix fatus erat, quum laeta juvenus
Paruit, ac celeri subiit penetralia gressu.
Omnes jamque toros atque alta sedilia circum
Purpureas ponunt chlamydes, maestantque bidentes,
Et pingues de more capras, feriuntque rudentum
Colla suum, ingentique addunt his corpore taurum.
Viscera divisi torrent fumantia, & implent
Crateras baccho: tum pocula laeta ministrans 290
Circum obit Eumaeus, cereremque Philetius ultro
Dat calatho e pulcro, vinumque Melanthius haurit.
Incumbunt epulis alacres; nec secius ipsum,
Versans arte dolos, Ithacum confidere jussit
Telemachus celsò bene structae in limine sedis,
Vilis ubi spreto stat sella & mensa parata.
Mox etiam dedit exta viro, laticemque lyaeum
Miscuit aurato in cyatho sic voce loquutus:
Eja age nil metuas; fruire una heic munere bacchi:
Ipse manus rapidas arcebo, & foeda minantum 300
Dicta procum: non haec certe sunt atria vulgi
Publica, verum Ithaci multo mihi parva labore.
Ergo omnes cohibete manus, & jurgia linguae,
Ne qua fuit magno nobis discordia motu.
Haec ille: infremuit pubes, labrumque momordit
Admirans pariterque animum vocemque loquentis;
Ac subito Antinous sic interfatus amicos:
Dura licet sint dicta, tamen ferte omnia fortes
O focii; nimis ille minaci pectore fatur.
Monstra Jovis vetuerè; aliter jam magna sonantem 310
Sedibus in tacitis merisset funere Parca.
Dixerat Antinous; nec talibus ille movetur.
Et jam praecocones sollempnia sacra per urbem

Ibant

Ibant ducentes, populumque ad festa ciebant.
Munera; conveniunt Phoebe jaculantis opacum
In nemus, & molli sternunt se in gramine cives.
Postquam autem pubes totos detraxerat armos;
Paribus aequatis gaudens convivia curat,
Indulgetque epulis. nec non sua dona ministri
Aequa ferunt regi pariter, ceu jusserat ante 320
Telemachus magno proles dilecta parenti.
At non passa diu est juvenes Tritonia foedis
Parcere flagitiis, major quo luctus in imo
Corde furens Ithaci saevas accenderet iras.
Forte aderat mediis, scelus omne audere paratus,
(Cresippum dixere, Samos patria alta superbum)
Ediderat) fretus qui gaza opibusque paternis
Penelopen alios inter poscebat amantes;
Atque is tunc fari socium sic coepit ad agmen.
Accipite haec animis comites, generosa juvenus, 330
Quae dicam: ut meruit, jam pridem forte potitus
Aequali est senior; neque enim fas spernere quemquam,
Telemachi ad sedes quicumque adcesserit hospes.
Hoc super ipse dabo, nostrum testatus amorem
Scilicet; ille autem pro magno munere contra,
Cui libitum toto famulantum ex agmine, donet.
Sic fatus validis intorsit viribus actum
Corripiens de lance pedem bovis, ocus heros
Submisitque caput pronus, torvusque repente
Sardoum in morem risit: super evolat alte 340
Missile, & adverso vires in pariete frangit.
Tum vero alloquitur Cresippum, atque increpat ultro
Telemachus: salvum te fors inopina tuetur;
Haud feriisse datum, avertit sese hospes ab ictu.
Namque aliter ferro medium per pectus adacto

Con-

Concideres, maestusque tibi pro optato hymenaeo
Heic genitor funus, bustumque informe pararet.
Parcite, neu diro sese quis crimine jactet
Me coram; fas omne animo discernere quippe
Atque nefas didici: fueram puer inscius olim. 350
Nunc quoque balantumque greges, armentaque caedi,
Et cererem passim raptari & munera vini
Aspiciens utcumque fero, vi pressus acerba,
Auxilioque carens; tot enim compescere solus
Haud valeo: hostilem at saltem prohibete furorem.
Quod si ardor vos tantus habet me sternere ferro,
Sternite, nil renuo; multoque occumbere praestat,
Cernere quam semper scelerosa atque impia facta,
Hospitiumque fero violatum vulnere, & ipsas
Vexatas sine more mea intra tecta puellas. 360
Vix haec fatus erat, cunctisque silentia facta
Per tacitas late sedes; stupor altus ubique.
Inde Damastorides Agelaus ita incipit ore:
Ne vero vestrum ne quisquam iusta monenti
Audeat irasci, dictis aut obuius ire.
Jam faevas cohibete manus, & parcite quemquam
Laedere, contemptos veriti per tecta penates.
Telemacho vero matrique haec dicta profabor
Haud ingrata ferens, audire invitus uterque
Ni renuat: donec fuerat spes ulla videndi 370
Sedibus in patriis praesentem rursus Ulysssem;
Nil vetuit traxisse moras, & ducere longa
Spe juvenes (satius tibi multo id namque fuisset,
Si patrias genitor salvus remeasset ad oras);
Nunc aliter manifesta fides jam credere cogit.
Quare age & incertam precibus tu vince parentem;
Illa sibi jungat, fuerit cui plurima virtus,

Et

Et majora dabit qui dona: ita laetus avita
Tu potiere domo, patriisque epulabere mensis;
Ipsa novos thalamos, alienaque tecta sequetur. 380
Haec ubi finierat, contra sic natus Ulyssæ
Pauca refert: non matris ego connubia carae
Perque Jovem, casusque mei genitoris acerbos,
Qui procul hinc periit, longis aut errat in oris,
Non, Agelaë, veto: jubeo quin saepe morantem
Nubere, cui malit, cui dent sua praemia laudem.
Sed pudet invitam nostris expellere tectis
Vi dura; vos o! dī talem avertite culpam.
Conticuit vix ille; procis Tritonia risum
Excitat insuetum, mentesque erroribus implet. 390
Ingeminant omnes alienis gaudia malis,
Sanguineasque vorant epulas, turgentiaque una
Lumina stant lacrimis, gliscitque in pectore luctus.
Quos inter magno circum resonante tumultu
Dīa Theoclymenus sic fatis ora resolvit;
Ac subito: heu miseri, quae tanta infania turbat?
En vestrum nox atra caput circumvolat umbris,
Per vultusque affusa horret trepidantiaque infra
Genā metu. quaerulis aër ululatibus ardet,
Volvunturque imbres oculis. jam sanguine muros, 400
Atque trabes, atque alta super laquearia cerno
Sparsa novo. formis simulacra volantia miris
Vestibulumque aulamque implent, ac pallida Ditis
Regna petunt, Erebo loca subdita: purpureo sol
Axe fugit; nigris densantur cuncta tenebris.
Talia dicebat: vasto magis omnia risu
Insonuere. atque heic Polybo genitore superbus
Eurymachus: sine mente furit novus advena; vanum
Ducite continuo e foribus, mediaque locate

Urbe

Urbeciti o juvenes, quando olli heic noctis imago est. 410
Cui vates: mitte hanc pro me de pectore curam,
Ac ducibus jam parce istis. & lumina, & aures,
Incolumesque pedes ambo mihi; stat quoque menti
Vis eadem; his fugiam fretus. vos aspera clades,
Exitiumque manet, quod nulli evadere salvo
Mox dabitur, quotquot juvat his in sedibus ultro
Vimque inferre viris, molirique impia vota.
Haec dicens alto subito de limine cessit,
Piraeumque adiit; laetus qui excepit amicum
Protinus, & multo fovit solatus amore. 420
At juvenes circumpiciunt, risuque furentes
Telemacho magis atque magis succendere pectus
Instant, multa super sociis indigna loquuti.
Atque aliquis: dic o, quis te pejoribus, inquit,
Hospitibus gaudet, fate Ulysse? hunc dira fatigat
Errantem ingluvies ventris, vinique dapumque
Perniciem. non ars olli, non pectore virtus
Ulla subest; tantum stat pondus inutile terrae:
Ille furit vates, ac fata horrentia fingit
In mediis surgens, ac divum nunciat iras. 430
Verum age, si qua fides, non te cessisse pigebit
Jam facilem, ac sero quamvis mea dicta sequentem;
Navibus impositum curvis mittamus utrumque
Trinacrium ad litus; pretium nec vile redibit.
Talibus instabant dictis: nihil ille movetur,
Sed tacitus patrem observat; cupidusque precatur,
Incipiat conferre manus, & surgat ad arma.
Venit & Icarii proles, pulcherrima nympha,
Penelope, ac folio contra subnixa resedit
Gaudens illa quidem juvenum cognoscere dicta. 440
Nec minus hi lautis agitant convivia mensis,

Ve-

Vescunturque epulis, quarum vis strata jacebat
 Plurima. non illa potuit sed caena parari
 Grata minus, fructurus erat quam maximus heros,
 Divaque bellipotens moriturus: quippe priores
 Sunt scelera latque odii ausi certare nefandis.



HOMERI ODYSSEAE

LIBER VICES PRIMUS.

PEnelopi haec inter Pallas Tritonia mentem
 Subdidit, in mediis Ithaci penetralibus arcum
 Ponere, & arma procis, dirum certaminis omen,
 Principiumque simul caedis. tum protinus altis
 Nixa pedes gradibus conscendit limina nota,
 Accepitque manu bene flexam ex aere nitenti,
 Artis opus rarae, clavem, cui parte sub ima
 Lucet ebur, manibus qua se tractata revolvit.
 Hinc subit extremum, sociis comitata puellis,
 In thalamum secreta petens, ubi regia stabat 10
 Gaza, aurique labor, ferrique, atque acce micans aes.
 Letifer heic laxis pendebat cornibus arcus,
 Et pharetra, inque ipsa clades horrenda sagittae,
 Congressus quae dona viro Lacedaemone quondam
 Iphitus Eurytides dederat, caelestibus heros
 Assimilis. varia Messenam e parte profecti
 Devenere duces una, tectisque sub isdem
 Hospitio Hortilochus gaudens exceperat ambos.
 Venerat huc Ithacus pretium multamque reposcens
 A populo: pecudes tercentum averterat olli 20
 Nam patrio e regno pastoresque insuper ipsos
 Effugiens ratibus curvis Messenia pubes.
 Haec repetens heros longinqua per aequora venit
 Tunc etiam impubes: genitor nam jusserat ire,
 Atque alii proceres, magni capita alta senatus.
 Iphitus at contra bissex quaerebat abactas

-OL

Acer

Acer equas, totidemque notho de sanguine pullos,
 Exitii heu causam; Jovis almo e semine postquam
 Magnanimum Alciden adiit, super aethera notum
 Indomita pariter virtute & grandibus ausis; 30
 Qui miserum dulci spoliavit lumine vitae
 Improbus, haud superos veritus, mensamque sacratam,
 Quam posuit venienti, ipsoque in Tartara misso
 Cornipedes violentus equas impune subegit,
 Detinuitque diu clausas praesepibus altis.
 Ille has tum quaerens domibusque exceptus eisdem
 Ferre Ithaco dederat lunatis frontibus arcum
 Ingentem, genitor magnus quem gesserat olim
 Eurytus, & moriens nato post fata reliquit.
 Cui Laërtiades ensaque hastamque vicissim 40
 Fulmineam dederat, praesenti munere firmans
 Hospitium. sed non fociis accumbere mensis
 Post umquam potuere: prius nam proditus heros
 Iphitus Alcidae dextra jura omnia contra
 Occubuit. cujus donum Laërtia proles
 Haud secum extulerat properans Mavortis ad arma;
 Sed cari cupiens monumentum ut semper amici
 Adforet in domibus, suspensum in sede reliquit
 Multas inter opes: solum tellure gerebat
 In patria ornatus quondam juvenilibus annis. 50
 Ergo ubi Penelope tetigit penetrabile repostum,
 Conscenditque altum querno de robore limen,
 Quod faber extuderat, multaue poliverat olim
 Arte regens parili surgentes limite postes,
 Acratoque addens rutilas in cardine valvas;
 Protinus adstrictis haerentia vincula nodis
 Solvit, & obstantes immissa clave removit
 In foribus vestes agitans. tum murmure acuto,

Ceu quum luxurians mugit per prata juvencus,
 Insonuere iſtae patefacto in limine valvae. 60
 Illa ſubit, ſuperatque alte tabulata, ubi clauſae
 Intus odoratae ſtabant ſua munera veſtes;
 Pendentem e celſo capit arcum & pariete dextra
 Indutum vagina, ipſum quae lucida obibat:
 Nec mora: curvatis genibus reclinat, & acri
 Iſta gemens luſtu fulgentem e tegmine ducit.
 Ut vero triſti ſletu ſatiata quievit,
 Egrediens thalamo, celerat veſtigia teſtis,
 Inviſitque procos portans arcumque pharetramque
 In manibus jaculis horrentem. pone ſequuntur 70
 Et ſamulae in calathis perfectæ ex aere ferentes
 Arma, quibus certans olim ſe exercuit heros.
 Quum juvenum propior regina advenit in agmen
 Conſtitit auratae ſolidis ſub poſtibus aulae
 Mollia demittens niveis redimicula malis
 Hinc atque hinc fidas inter media ipſa miniſtras.
 Tum ſubito ſic fata: animos adveſtite veſtros
 His dictis, juvenes, clarum genus, heic male quotquot
 Ducitis affuſi nimio convivia luxu,
 Rege abſente diu; vobis prætexere cauſam,
 Conjugium optatum præter taedasque jugales,
 Haud aliam tanti ſcleris licet, ergo agite omnes,
 Veſtra habeant finem demum hoc certamine vota.
 En arcum: melior quicumque intenderit ipſum,
 Biſſenofque idem miſſo per inania telo,
 Sortitus fortunam oculis, trajecerit orbes;
 Hunc ſequar antiqui tandem penetralia linquens
 Conjugis heu! fruſtra mihi cara, opibusque ſuperba,
 Sæpius ingratae referet quæcunq; noſtis imago.
 Dixerat; Eumæumque vocans jubet ocuus arcum 90
 Fer-

Ferre procis, orbisque simul, quo spicula rendant.
 Ille capit; largoque humectans lumina rore
 Flet simul ipse, simul diversa in parte bubulcus
 Arma videns miseri nimium sibi cognita regis.
 Quos subito Antinous vesana turbidus ira
 Increpuit dicens: o longum nata labore
 Exercere diem gens stulta, agrestia corda,
 Quid miseri fletis, vestroque incendere luctu
 Pergitis heu multis reginae faucibus curis
 Pectora, dilectum rapuit cui Parca maritum? 100
 Vel taciti heic epulis confidite, vel procul ambo
 Ite domo, si flere juvat, si rumpere questus;
 Ponite at arma prius dura in certamina publi.
 Haud facile hunc nostris intendi viribus arcum
 Posse reor: neque enim quisquam nos inter Ulyssi
 Magnanimoaequandus, quotquot sumus. illum ego primo
 Sat memini, vidi puer admiratus in aevo.
 Talia dicebat simulans, tacitoque fovebat
 Spem tamen adversam dictis in pectore, jam jam
 Ipse sibi visus trajecto praemia ferro 110
 Tollere. nequidquam: nam vulnere stratus Ulysssei
 Debuerat sceleri poenas prior, omnibus idem
 Saevior, atque ultro socios incendere fuetus.
 Queis ibi Telemachus subito: mihi Juppiter omnes
 Eripuit sensus animi sine more furenti,
 Credo equidem: genitrix claro comitata hymenaeo
 Ire parat, nostrisque procul discedere testis;
 Lentus ego heic autem falsi inter gaudia risus
 Assideo. o vos felices, queis femina pugnae
 Stat pretium, qualem nec vidit Achaica tellus, 120
 Nec Pylos, ac fortes Argi, ditisque Mycenae,
 Non Ithaca, Epirusque ferax late ubere gleba:

Haud

Haud ignota loquor; coram vos cernitis ipsi.
Sed quid ego matrem laudo? quin ocius arcum
Accipite experti pariter, nec tarda morantes
Impediat vis ulla metu, segnesque fatiget.
Et me etiam tentare juvat: si tendere nervos
Contigerit, missoque orbes transmittere telo;
Haud miserum penitus me deseret optima mater
Connubio sociata novo. solabor acerbum 130
Discidium reputans, vacua quod sede relinquir
Jam potis egregii contendere dona parentis..
Dixit, puniceumque humeris rejecit amictum,
Ac subito ardenti laevum latus exuit ense
Profiliens foribus. primum dein ordine ponit
Quamque suis scrobibus, fossa in tellure, bipennes
Limite agens longo sulcum per recta viarum,
Aggestoque solo firmans. stupet inscia pubes,
Miraturque artem novitatis imagine capta.
Ille autem ingressus stetit alto in limine, & arcum 140
Ter valido conatus ibi subtendere nisu
Cornibus adductis; ter nisu elusus inani
Destitit, ipse quidem sperans restantia fila
Vincere, & intorto metam contingere ferro..
Et jam instans quarto conamine victor abisset,
Ni vaser ardentem nutu vetuisset Ulysses
Uterius tentare. ergo his tum vocibus usus
Stans medio in coetu: proh, dixit, semper ad arma
Aut ignavus ero, aut nondum vis addita ab annis
Firma viget, duram qua possim avertere cladem, 150
Si prior aggressum quis forte incefferit hostis!
At vos, queis solido potior stat corpore virtus,
Vos certare decet, finemque imponere ludo.
Sic fatus posuitque arcum connexa supinans

Ad

Ad talulata solo; supraque volatile telum
 Addidit; ac solita cedens se in sede locavit.
 Tum satus Eupitheo: dextra confurgite parte
 Pro se quisque viri nunc vos, ait, ordine eodem
 Nobis quoque famuli miscent in pocula vinum
 Nec plura Antinous dixit; fremituque secundo
 Assensere omnes, & laeti dicta probarunt
 Surgit ibi ante alios Liodes Oenope cretus
 Fatidicus vates; mens confidere semper
 Interior solitus propter cratera nitentem
 Iratusque procis, totoque ex agmine solus
 Flagitia exorsus; volucrum tunc ille sagittam
 Accipiens arcumque prior processit ad alta
 Lamina, & obnixus multa vi dura trahebat
 Cornua: nec potuit pervincere: quippe laborum
 Inscius, indoluitque manus & mollia fractus
 Brachia; dein medios ita voce affatus amantes
 Non ego non tantum valco: succedat & alter
 Fortunam experiens; capite arcum: & robur & ipsam
 Ille animam rapiet multis occumbere praestat
 Scilicet, elusos voto quam vivere nostro,
 Degimus heic una quod propter tempore in omni
 Solliciti, ac magno correpti pectus amore.
 Sperat nunc aliquis frustra securus, & ardet
 Ducere Penelopen; sed quum tractaverit arcum
 Nequidquam expertus, sibi quaeret Acheidas inter
 Auricomas aliam florenti corpore: at illa
 Nubet, cui meritam sua dona & fata jugabunt.
 Haec ubi dicta dedit vates, in robore laevi
 Ante pedes ponitque arcum curvatus & una
 Infelix telum, folioque residit eodem,
 Unde abiit surgens. quem tunc his excipit acer
Mae-

Maerentem Antinous dictis, atque increpat tulro. *ba*
 Quae tibi, Liode, vano haec vox excidit ore. *liba*
 Stulta, inimica: subit jamque altius ira medullas. *ST*
 Quid? dabit exitio multos, fortissima corda. *p 198*
 Arcus an iste, tibi quod nunc male restitit? *qn 104*
 At non te genuit talem pulcherrima mater, *ulq 104*
 Tendere uti valeas nervo stridente sagittas. *ca 104*
 Impiger: haec alias poscunt certamina vires, *li 104*
 Quas facilis nunc palma vocat. sic fatus; & ignem *1*
 Ocius, o dixit, sopitum accende, Melantheu, *104*
 Admotisque foco foliis villosa superne *104*
 Tergora sterne ferens ingentem huc protinus orbem *104*
 Arvina e pingui, qua cedere discat inunctus. *104*
 Arcus, & incepta trepidos formidine solvat. *104*
 Talia mandabat; jussumque Melanthius ignem *104*
 Excitat, ac densis admota sedilia sternit. *104*
 Velleribus portans ingentem protinus orbem *104*
 Squallenti arvina. juvenum manus ungere coepit, *104*
 Mollitoque arcum pingui distendere: at omnis *104*
 Conatus perit, & tentantum plurima frustra. *104*
 Deficiunt vanae defesso in corpore vires. *104*
 Antinous numero ex omni restabat, & acer *104*
 Eurymachus, nondum experti: praestantibus ambo *104*
 Viribus, & multa ante alios virtute superbi. *216*
 Interea Eumaeus sociusque Philetijs olli *104*
 Additus exivere domo; quos pone sequutus *104*
 Extulit ipse altis Ithacus vestigia rectis. *104*
 Hinc ubi digressi, foribus post terga relictis, *104*
 Constiterunt, medius sic illos inter Ulysses *104*
 Incipit, ac dictis animos portentat amicis. *104*
 Eloquar, an fileam? sed cur morer? ipsa profari *104*
 Me jubet impatiens arrecta in corde cupido. *104*

Ecqua

Ecqua fides vobis? Ithacus quid fidere possit,
Si veniat subito, si quis deus afferat ipsum? 220
Auxilione procis, an contra stabitis olli,
Dicite, & arcanos animi recludite sensus?
Talia quaerenti sic deinde Phileti^{us} inquit:
O pater, o rector superum tu maxime votum
Perfice; jam redeat dux ille, atque afferat ipsum
Huc deus, expertus credes, quid dextera possit,
Quid mea vis, nil non pro rege audere parata.
Haec eadem Eumaeus caeli conversus ad auras
Spondet, & optato dis supplicat omnibus ardens
Pro reditu. at heros, postquam fraus omnis abacta, 230
Amborumque videt sensus & pectora fida,
Certus ait. votis quem vos o poscitis, adsum
En ego. per varios casus, atque aspera rerum
In patriam veni, bis denis exsul ab annis.
Jam video vobis famulantum ex agmine toto
Solis optatus rediisse: haud vota precantis
Ullius audi^{vi} meque in mea regna vocantis.
Accipite ergo animis, quae nunc ego vera profabor
Pollicitus. domuisse mihi genus acre procorum,
Si deus adnuerit, vobis ego dulce parabo 240
Conjugium, multamque dabo pro munere gazam
Tecta meis ponens vicina, ambosque fovebo.
Telemachi ut socios, cognato aut sanguine fratres.
Atque adeo quo certa magis manifesta^{que} vestris
Sint animis mea dicta, haec illa est scilicet ipsa,
Quam mihi venanti Parnassi in vertice quondam
Autoly^{ci} cum prole, ruens obliquus in idum
Liquit saevus aper, signata in pelle cicatrix.
Haec dicens lacerosque genu divisit amictus,
Ostenditque manu vestigia vulneris alti 250

Nota nimis. coram quae postquam agnovit uterque;
 Miratusque oculis hausit, suffusus oborto
 Imbre genas collo regis dat brachia circum,
 Alternosque inter complexus oscula libat
 Affusus capiti atque humeris; nec secius heros
 Ora manusque fovet amborum amplexus & haeret.
 Ac fors occiduas sol flentibus isset in undas,
 Ni prior ille moras vetuisset ducere flendo
 Affatus socios. jam nunc o parcite luctu,
 Egressus ne quis foribus vos cernat, & intro 260
 Nunciet. ite domum sejuncti: limina scandam
 Primus ego, vos deinde; atque haec advertite jussa:
 Adfunt hic juvenes quotquot per tecta, nec arcum,
 Nec pharetram mihi ferre sinent certare volenti;
 Tu tamen o Eumaeae huc atque huc dexter oberrans
 In manibus mihi pone arcum, famulasque puellas
 Ipse jube thalami versas occludere valvas.
 Tum si quis gemitus circum, si quo atria pulsa
 Luctifico resonent strepitu, dic, nulla cubili
 Prospiciat, tacitaeque intus data pensa revolvant. 270
 Sit vero forium tibi cura Philetiae: claude
 Vestibus, & vinclis late ostia cuncta per aulam.
 Haec ubi sic mandata dedit, vestigia testis
 Intulit, ac sese consueta in sede locavit,
 Mente dolum versans. mox illum pone sequuti
 Pastores gemini surgentia limina scandunt.
 Interea Eurymachus rapidum tentabat ad ignem
 Hinc atque hinc arcum versans, inflectere dextra
 Si queat; edomitum quem tandem ut cedere, nulla
 Arte videt, gemitum dedit altum pectore ab imo, 280
 Et super haec graviter suspirans addidit ore.
 Nunc equidem casuque meo turbatus acerbo

Indo-

Indoleo, vestroque, proci; nec, credite, tantum
 Connubii me damna movent, licet haec quoque maestum
 Cura premat; (sedenim sunt & Achaeides ipsam
 Perque Ithacen aliae multae perque extera regna)
 Quantum adeo me luctus habet, quod robore Ulyssi
 Cedimus heu multo, sumptos nec possumus arcus
 Tractare: haec etiam seclis audita futuris
 Arguet indecores fama, aeternumque manebit.
 Dixerat Eurymachus, subito cui talia contra
 Antinous reddit: non haec ita semper abibunt,
 Tuque etiam scis ipse. deum sollemnia sacra
 Vulgus agit, Phoebumque vocat de more per aras,
 Quis domito fidens nunc praemia speret ab arcu?
 Definite: infixae maneant ex aere bipennes;
 Haud erit, heic positas temere qui tollere furto
 Audeat. interea fundant nunc vina ministri,
 Libemusque alacres divis certamine misso.
 Crastina ubi surget lux alma, Melanthius orto
 Jussus agat lectas primo cum sole capellas
 Maestandas Phoebo; sacris ut rite peractis:
 Arcitenens tandem placidus certantibus adsit.
 Haec ait, & cunctis eadem sententia sedit.
 Praecones manibus dant rorem; at vina coronant,
 Craterasque implent pueri, circumque frequentes
 Omnibus invergunt ardentem in pocula bacchum.
 Post ubi libarunt mensis, haustoque lyaeo
 Explevere sitim, sic fraudem in pectore versans
 Incipit incautis heros. vos o manus, inquit;
 Inclita, magnanimi juvenes advertite dictis
 Nunc animos, fabor, quae fert in corde voluptas.
 Eurymachum in primis, teque, o precor, optime ductor
 Antinoë, ingratos arcus cui ponere primo,

Et placuit votis nunc divum exposcere pacem,
 Mane autem tentare, deus cui laudis honorem
 Fortunamque ferat; sit fas mihi munere vestro
 Discere certanti coram, quid robore possim,
 Quid manibus? solido num perstat corpore virtus,
 Quae fuerat quondam membris, an pulsa recessit 320
 Jactatoque vagoque & duris casibus acto?
 Talibus orabat supplex: illi ocius ira
 Infremuere gravi, veriti ne tenderet arcum
 Victor, & insigni gestiret laude superbus.
 Ac prior Antrinous sic olli est voce minatus:
 Jam tibi nulla adbo pars est, miserande, relicta
 Mentis, ait: nec sat nostris confidere mentis,
 Nec dapibus gaudere tibi; quin insuper audis
 Consilia & voces omnes, quas auribus hausit,
 Non alius te praeter inops huc advena vectus: 330
 Jam pridem infanum te melle hic dulcior humor
 Versat agens, alios etiam sic laedere suetus,
 Ultro avidi haud cessant latum qui pandere guttur,
 Eurytiona merum domuit quoque, venit in alta
 Pirithoi quum lecta olim, mixtusque resedit
 Cum Lapithis Centaurus: ibi acri ut pectora baccho
 Percitus incaluit, foedavit crimine mensas,
 Haud impune manus namque indignata repente
 Heroum insurgens inhoneste vulnere nares
 Abscidit, atque ambas, pulso e penetralibus, aures. 340
 Ille dolens captusque animi discessit: at ingens
 Continuo exarsit, magno discordia motu
 Centauros Lapithasque inter, solvitque nefandi
 Ipse prior scelèris turpi cum sanguine poenas.
 Sic tibi, si vanus certaveris, affore magnum
 Exitium edico: nam fando avertere nemo

In populo hoc valet cladem, quin regis ad oras
 Hinc Echeti; facit quo non crudelior alter,
 Missus eas; illic scelerum dabis improbe poenas.
 Quare agi plena tibi tacito sint pocula curae,
 Dum licet; at juvenes inter contendere noli.
 Atque heic Penelope diris incessere probris,
 Antinoë, haud equum est, quisquis dignatus amore
 Telemachi his ulro succedat sedibus hospes.
 An metuis, ne forte abeat certamine victor,
 Ille manu fidens, & me sibi praemia poscat.
 In partiam abducens claro comitatum hymenacho?
 Non ea vis misero, non haec fiducia menti
 Addita; nec quemquam vestrum metus iste fatiget.
 Sollicitum turbans, indigna est causa timoris.
 Dixerat; Eurymachus contra sic farier insit.
 Penelope Icarii pulcro fata sanguine nympha,
 Non ea mens terret, ne spem sibi conjugis ille
 Spondeat, ac taedas; absit: sed fama remordet,
 Foedaque sollicitant vulgi convicia mentem.
 Namque erit, insultans aliquis quum dicet Achivum;
 En quibus est ambita procis, quae nupta marito
 Egregio fuerat: miseri! non vincere nervos
 Imbelli valuerunt manu, quos forte retendit.
 Nescio qui veniens ignotis advena terris.
 Haec aliquis dicet, nostrumque infamia nomen
 Dira premet, sic fatus erat, quum talia rursus
 Icario fata voce refert: jam gloria, & omnis
 Fama prior vobis instantibus omnia luxu
 Perdere, & infontis domipi foedare penates,
 Eurymache, interiit; cur fera haec jurgia terrent?
 Hospes hic ipse quidem magnoque est corpore, & apta
 Mole valens claro sese fert sanguine cœtum
 Arma

Arma viro jam ferte; juvat spectare corona
 Certantem in media. praefens haud irrita dicta 3380
 Haec habeat: si victor erit, si mitis Apollo
 Adnuet huic laudem; tunica donatus abibit
 Et chlamyde insigni, validumque hastile lacerto
 Quo se homines contraque canes defendat, & ens
 Adjungam lateri, pedibusque haerentia vincla;
 Post laetum auxilio, cupiet quo pergere, mittam.
 Sic ea: tum breviter contra sic filius orsus:
 Non alius potior memè est, seu tollere cuiquam
 Sive dare hos arcus placeat: mea prima potestas
 Heic est, o genitrix: quin & quot scepra per amplam 3390
 Aut Ithacam, aut alias etiam late Elida propter
 Cycladas, in manibus gestant, me posse vetare
 Invitum haud sperent, jubeat si certa voluntas,
 Quominus huic arcum donem, propriumque relinquam.
 Tu vero abscedens opera intermissa revise
 Telamque oblongamque colum; tecumque puellae
 Penſa trahant: nobis curae sint arma, mihi que
 Ante alios uni, cui summa heic tradita rerum est.
 Obstupuit genitrix, vocemque animumque loquentis
 Admirata retro torſit veſtigia, & altum 400
 In thalamum ſubiens, fidis comitata miniſtris,
 Solvitur in lacrimas Ithaci memor; humida ſparſit
 Lumina dum miſerae dolci Tritonia ſomno.
 Interea Eumaeus pharetramque arcumque jacentem
 Suſtulèrat; regemque adiens properabat: euntem
 Increpitant juvenes magno turbante tumultu,
 Et contra: quo ferre paras, o ſuete vagari,
 Improbè? mox canibus data praeda ſuilia propter
 Hinc procul ipſe feris raptabere, lenis Apollo
 Si faveat noſtris, ſi cetera numina, votis.

Talibus insurgunt: ille acri voce minantur
Territus ac magno concursu, ponit eodem
Arma loco referens. alia sed parte minatur
Telemachus contra inclamans: quin ocius olli
Ferto arcum; non te parere heic omnibus aequum est.
Ni facias; dura faxorum grandine pulsum
Ejiciam minor ipse aevo, sed robore firmo
Acrior. atque utinam, quot sunt, fera corda procorum,
Viribus & forti sperem sic vincere dextra,
Nunc ego nunc aliquem foedatum turpiter ora 420
Sedibus e patriis turbarem, haud semper inultus
Scilicet: insana versant scelera impia mente.
Haec tum Telemachus: juvenes risere furemtem
Nequidquam, & vanos fundentem pectore questus.
Utque furor posuit primus, clamorque resedit,
Arma capit subito, regemque in limine stantem
Certus adit gressu properante Eumaeus, & olli
Porrigit. inde rapit sese, thalamoque propinquans
Continuo Eurycleam ad se vocat, atque ita fatur:
Interiora domus occludi limina, nutrix, 430
Telemachus jubet ipse; & si quo murmure pulsa
Atria, si gemitu dura sub morte cadentum
Luctifico resonent haec septa, haud ulla puella
Prospiciat; tacitaeque intus data pensa revolvant.
Vix ea jussa dedit senior; nihil illa morata
Postibus inversis clausit penetralia recti.
Nec minus & gressu tacito sese extulit acer
Profilians diversa e parte Philetius, omnesque
Aulae, occlusos emuniit objice postes.
Tum circum Pharium, mediis qui forte jacebat 440
Porticibus quondam nautarum cura, rudentem
Implicuit, retroque ferens vestigia venit,

Ac

Ac folio innixus, quo cesserat ante, refedit
 Observans regem. laetus tractabat at ille
 Huc illuc arcum explorans atque undique versans,
 Ne defueta diu tineisque adrosa fatiscant
 Cornua. respiciunt diversi, ac protinus inquit
 Sic aliquis: viden, ille ut sumpto captus ab arcu
 Haeret miranti similis furtumque paranti?
 Aut ipsi tales fuerant in sedibus olim, 450
 Aut facere & molitur: ita huc atque improbus illuc
 Versat agens torquetque dolis instructus & astu.
 Contra alius juvenum: semper sibi talia posthac
 Praemia conatus referat, ceu flectere duro
 Robora nunc poterit certans immania nervo.
 Haec inter sese dum jactant; impiger heros
 Omnia lustravit postquam tacitusque notavit,
 Quam facile, expertus modulari carmina vates
 Ad citharam, sumpta renovat testudine chordas
 Hinc atque hinc aptans clavo resonantia fila; 460
 Ille arcum immanem nisu fallente tetendit.
 Impulit hinc dextra tentans: at nervus acutum
 Insonuit, fugiens ceu garrula stridet hirundo.
 Indoluere proci graviter, mutataque vertit
 Pallens ora color. tum caeli e parte corusca
 Intonuit pater ipse deum; quo laetus Ulysses
 Omine se firmat, Jovis alto & numine gaudet.
 Jamque capit volucrem vicina e sede sagittam,
 Coram aderat quae nuda; alias curvata tegebat
 Nam phatetra haesuras mox diro in corpore Achivum. 470
 Hanc parte extrema cepit, nervumque sonantem
 Arte trahens pronus, recto per inania cursu
 Intorsit; subito fugit pennata sagitta,
 Transiit atque omnes penitus trajecta secures

Aere

Aere gravis, postquam primum est ingressa per orbem.
 Atque heic Telemachum successu laetus amico
 Alloquitur duxor: non hic te in sedibus hospes
 Dedecorat frustra cessans; nec meta fefellit,
 Brachia nec longo ceciderunt fracta labore.
 Integrum stat robur adhuc, nec pubis Achivae 480
 Vera reor, contra miserum quae iurgia jactat.
 Nunc epulas properare juvat, dum fulgida caelo
 Lux finit; arguto dein praestat gaudia cantu.
 Certa sequi, citharaque: haec sunt solatia mensae,
 Haec eadem dignis hilarant convivia ludis.
 Dixit, & inverso connivens lumine ignato
 Signa dedit: subito latus acri accingitur enses.
 Telemachus, longamque manu capit impiger hastam,
 Et stetit adverso propior late aere coruscus.



HOMERI ODYSSEAE

LIBER VICES: SECUNDUS.

AT vafer ingentes artus nudavit Ulysses;
 Insiluitque altum limen gravidamque pharetram
 Atque arcum manibus retinens; dein aspera tela
 Ante pedes fudit medium sic fatus ad agmen.
 Ardua res perfecta, viri: nunc altera major
 Pugna vocat nulli tentata. hanc tangere metam
 Experiar; si possim, adsitque vocatus Apollo.
 Dixit, & Antinoum contra jaculatus ab arcu
 Intorsit telum. pateram tum forte tenebat
 Ille gravem, signis caelatam, auroquo nitentem;
 Jamque parans explere sitim tollebat & atri
 Exitii & jaculi ignarus volitantis ab aura.
 Nam quis tot comitum sperasset in agmine solum,
 Quamquam animo indomito, magnis & viribus esset,
 Molirique sibi caedem, letumque parare?
 Ast illum in medio fixit Laërtius heros
 Guttur, & averſa fugit cervice sagitta.
 Volvitur extemplo pronus, pateramque remisit
 Saucius excussam manibus: tum naribus ater
 It cruor undanti rivo, revolutaque mensa
 Calcibus impressis; epulaeque ante ora paratae,
 Extā simul, foedoque Ceres stat pulvere. at omnes
 Continuo trepidi, postquam videre cadentem,
 Assurgunt juvenes, atque implent tecta tumultu,
 Luminibusque obeunt tacitis latus omne per aulam.
 Non usquam clipeus, non septis hasta relucet,
 -Oll 300 Quam

Quam capiant; solis irati vocibus instant.
 Tela viros contra quo sic male dirigit, hospes?
 Nulla dehinc cernes vivus certamina; nunc te
 Pernicies infanda manet. nam vulnere stratus 330
 Qui fuit in patriis Ithacae praestantior oris,
 Ecce jacet juvenis; jam jam tua membra vorabunt
 Vulturii. his terrent dictis; nec credere cessant
 Effugisse manu jaculum nil tale volenti;
 Ignari commune necis jam tempus adesse.
 Quos ibi torva tuens furisq; incensus Ulysses
 Alloquitur: fera turba, canes, me limina numquam
 Ad mea venturum reducem sperastis ab urbe
 Dardania, aggressi res omnes vertere fundo,
 Molirique nefas, famulasque in nocte fovere, 40
 Ipsi & vivi thalamos invadere furto.
 Conjuge praerepta? tenuit non ulla deorum,
 Non hominum vos ira sequens; nunc denique venit
 Omnibus atra dies & ineluctabile fatum.
 Dixerat; atque illos trepida formidine pallor
 Occupat; exitiique fugam, qua quisque sequatur;
 Respiciunt: solus contra est sic farier orsus
 Eurymachus. si verus ades, Laërtia proles,
 Ille Ithacus, merito quereris, nec dicta refello
 Multa domi a nobis, multa & male facta per agros: 50
 At jacet ille quidem, fuerat qui causa malorum,
 Antinous; nos tale hic scilicet impulit auctor
 In scelus, haud cupiens animo connubia tantum,
 Ast alium versans, vetuit quem Juppiter aequus,
 Mente dolum; quo regnum Ithaces averteret ipse
 Ad sese, natumque tuum demitteret Orco
 Insidians. nunc jam Parcarum ferrea sensit
 Jura cadens. tu parce tuis: placabimus ultro

Muneribus laesum, quaecumque & perdita luxu
 In domibus periire tibi, pensabimus aequo 60
 Omnia solventes pretio, multamque ferentes
 Pro se quisque boum viginti. ingentiaque aeris
 Pondera praeterea dabimus, rutilantis & auri,
 Dum fuerit mens laeta: nefas irascier ante.
 Talibus ardentem dictis lenibat. at heros
 Reddit acerba tuens: non si vel deferat omnem
 Rem patriam vestrum mihi quisque, & quae bona cumque
 Nunc habet, & quondam sperat sibi forte futura,
 Abstineam manibus furibunda a caede, priusquam
 Flagitia ultrici dextra & scelus omne piaro. 70
 Sors reliqua haec vobis: vel me contendere contra,
 Vel celerare fugam, si cui det Parca salutem:
 Sed non effugiet, credo, fata aspera quisquam.
 Haec ille: intremuere artus, turbataque mens est
 Omnibus extemplo, rursusque ita voce loquutus
 Eurymachus trepidis infit. fidissima corda,
 O focii, non ille gravi jam temperet ira,
 Indomitasque manus teneat; sed limine ab alto
 Spicula torquebit pharetraque arcuque potitus,
 Dum dabit exitio heic omnes. ergo arma paremus 80
 Nos etiam pugnae memores: educite ferrum,
 Ac jaculis una fortes opponite mentas:
 Dein contra valido confecti Marte ruamus,
 Si foribus pulsus, si qua vi limine cedat,
 Exitus & pateat nobis, circumque repente
 Fama volans totam rumoribus impleat urbem,
 Quo nunc extremum calamos in funera spargat.
 Sic dicens ferrum vagina extraxit acutum
 Utrunque, & stricto contra ruit obuius ense
 Horrendum inclamans: ille autem emisit ab arcu 90
 Missi-

Missile, & adversi percussit cuspide mammam
 In jecore infigans telum: fluit aereus ensis
 Lapsus humi e manibus, circumque volutus & ipse
 Incidit in mensam curvato corpore, & omnes
 Effuditque epulas & stantia pocula casu.
 Fronte solum ferit ipse, atque alta sedilia plantis.
 Verberat insurgens; oculis nox ingruit atra
 Hic subit Amphinomus, seque ultro fervidus infert
 Obvius, aeratumque alte confurgit in enses,
 Pellere si foribus valeat conatus: at illum
 Occupat a tergo ferrata cominus hasta
 Telemachus, figitque humeris trans pectus adacta.
 Decidit ingenti strepitu, totaque recumbit
 Fronte solo adlatus, celeri se gnatus Ulysses
 Proripuit saltu, telumque in vulnere liquit
 Permetuens, ne quis cunctantem hastamque trahentem
 Transadigat, prono feriat vel desuper ictu
 Jamque citus referens gressum, stetit ante parentem,
 Ac propior sic voce inquit, jam jam tibi scutum,
 Et duo magna feram praefixo hastilia ferro,
 O genitor, galeamqueabilem, simul induar armis
 Hinc elapsus ego, simul ipse Philetius artus
 Eumaeusque tegent: armari corpora praestat
 Cui genitor fer, nate, inquit, dum spicula in hostes
 Sufficiunt spargenda mihi, ne cedere motum
 A foribus tandem cogant denso lagmine solum.
 Vix ea; Telemachus genitori paret, & altum
 In thalamum conscendit, ubi arma inclusa jacebant.
 Inde capit quatuor clipeos, hastiliaque octo,
 Et galeas quatuor cristaque atque aere coruscas
 Insignes, celeratque ferens ante ora parentis.
 Primus ibi ante alios circum ipse accingitur aere,
 Pasto-

Pastoresque dein ambo; tum fortibus armis
 Agglomerant regi sese, propiusque resistunt.
 Ille autem, donec volucres pugnare sagittae
 Dant nondum insumptae, nunc hos nunc dejicit illos
 Tela manu vibrans non irrita: plurima turba
 Strata jacet, foëdatque effuso in sanguine crines.
 At postquam certo jaculantem spicula nervo
 Descendere, altis acclinem postibus arcum
 Marmorei recti suspendit: nec mora, sese
 Armat & ipse citus, humerisque ingentibus aptat
 Bis duplicis clipei textum, galeamque comantem
 Induit: horrendum nutant in vertice cristae,
 Binaque raptâ manu quatit acri hastilia ferro.
 Limen erat secretum extrema in parte domorum
 Vestibulum a tergo post ipsum, & pervius usus
 Testorum inter se vicique; at robora dura
 Firmabant septum, jussusque adstare sub armis
 Eumaeus propior fauces servabat, ubi arcta
 Sola per angustum ducebat semita callem.
 Ergo illuc socios jubet ire Agelaus, & ultro
 Horratus: nemon vestrum perumpere limen
 Audeat illud, ait; populoque edicere cladem
 Indignam? gliscet subito vox missa per urbem,
 Atque hic postremum nunc spicula tender ab arcu.
 Perditus hortanti sic pauca Melanthius olle
 Voce refert: via nulla datur; stant proxima tecti
 Limina, & angustis arctantur faucibus ora,
 Sufficit unus ubi fortis bellator lin omnes
 Sed vobis nunc arma feram: namque omnia credo
 Haud aliam in partem furtim subduxit Ulysses
 Impiger, atque una proles fortissima ignatus,
 Ni thalami in latebras sic fatus in ardua gressum,

Scala-

Sclaram exsuperans flexus, penetralia tendit;
 Bissenosque rapit clipeos, bissemaque tela;
 Ac galeas totidem setis horrentibus aptas.
 Hinc properans dat habere procis: quos maximus heros
 Vidit ubi armari ferro, dextraque minaci
 Ingentes crispare hastas, turbatus & aeger 160
 Obstupuit, tremuitque artus: tam magna repente
 Objicitur species; ac nato talia satur.
 Aut aliqua heic famulantum, aut ipse Melanthius adstans,
 Telemache, in domibus nos contra haec aspera bella
 Suscitat: huic natus referens sic orsa vicissim:
 O genitor, mea culpa omnis; nec criminis alter
 Auctor, ait: thalami versos ego cardine postes
 Immemor haud clausi: quos nunc speculatus apertos
 Horum aliquis sensit, non furta ad talia lentus.
 I properans Eumaeae, fores atque objice firma 170
 Observans, si qua haec mulier facta improba versat,
 Anne satus Dolio, potius quem suspicor ausum?
 Haec illi inter se jactant, dum rursus adibat,
 Caprigeni custos pecoris penetrale repostum
 Arma procis celerans. quem postquam Eumaeus euntem
 Viderat, his propior dictis affatus Ulyssem est.
 O Laërtiade fate, claro e sanguine divum,
 Ille malus rursus, quem nos jam duximus ipsi,
 In thalamum scandit: tua sit mihi nota voluntas:
 Exstinguine jubes, melior si robore vincam, 180
 An vivum adduci coram, quae plurima fecit,
 Supplicio ut longo tandem scelera omnia solvat?
 Tantum ille; atque heros quaerenti talia reddit:
 Heic ego Telemachusque feros cohibebimus hostes
 Nequidquam urgentes: vos illum brachia captum
 Innexumque pedes thalami in penetralibus alti

Clau-

Claudite ibi celsa pendentem e mole columnae
 Haerentemque ad vincla trabes educite ad ipsas,
 Vivus uti longum meritis det corpore poenas.
 Dixerat: illi alacres parent, & iussa facessunt 190
 Tendentes notum per iter: latere morantem
 Intus, subvesti tacito sub culmina gressu
 Ille quidem latis quaerebat in aedibus arma.
 Hi tecti adstiterunt hinc atque hinc postibus ambo.
 Jamque pedem referens ibat, dextraque ferebat
 Ornatam cristis galeam, clipeumque sinistra
 Squallentemque situ, veteremque, insigne decorum
 Laërtæ quondam juvenis; tunc pulvere stabat
 In medio exilis horrescens undique loris.
 Hæc illum insidiis exceptum limine in ipso 200
 Corripiunt gemini pastores, altaque retro
 Luctantem sub tecta trahunt, maestumque supinant
 Supposita in tellure: pedes dein nexibus artus
 Aversalque manus cohibent; ceu jusserat acer
 Multa diu passus, proles Laërtia, ductor.
 Sic vinctum e celsa suspendunt mole columnae,
 Inque trabes subvestum alte per vincula tollunt.
 Ac subito insultans dictis Eumæus acerbis:
 Nunc, ait, in molli strato jam nocte, Melantheu,
 Excubias tota perages, nec pulcra latebit 210
 Oceani e roseis veniens te fluctibus Eos,
 Quam duces ad læta procis convivia capras.
 Sic ibi sublimem densa inter vincula linquant,
 Armatique iterum forium stridentia firmant
 Robora, & ingressi, qua parte ardebat Ulysses
 Fulmineus, redeunt alacres: stant limine in alto
 Quattuor hi, numero exigui, sed vivida bello
 Pectora, spirantes robur: illi agmine denso

Oppo-

Oppositi sedes intra glomerantur in aula. 218
 Interea sacro Jovis orta e vertice Pallas. 220
 Adstitit hos inter, vocemque & Mentoris artus. 222
 Diva gerens, quam vidit ubi Laërtius heros. 224
 Continuo laetus: fer opem, haud oblitus amici. 226
 Dilecti quondam; nunc & benefacta referre, 228
 Et juvet aequaevo, Mentor, succurrere regi! 230
 Sic orat ratus esse deam: sed turba procorum. 232
 Parte alia ingenti strepitu per tecta minatur, 234
 Increpitatque furens, primusque Damastoreus. 236
 Vociferans: frustra te suadeat, inquit, Ulysses. 238
 Auxilium sibi ferre, & nos insurgere contra. 240
 Namque taliter, postquam leto gnatumque patremque. 242
 Victores dabimus, diro tu funere Mentor. 244
 Stratus & ipse cades moliri talia nobis. 246
 Haud veritus, culpamque tuo cum sanguine solves. 248
 Quin & rapta tibi per nos quum vita recederet, 250
 Fortunaque domosque & servas quotquot ubique. 252
 Largus opes, nullo discrimine habebimus ipsis. 254
 Permixtas Ithaci rebus, non vivere natos. 256
 Sedibus in patriis, tenerasque aetate puellas, 258
 Degere nec thalami sociam patiemur in urbe. 260
 His magis exarsit dictis violentia divae, 262
 Et stimulos regi subdens sic ore loquuta est. 264
 Nec tibi vis eadem, nec idem stat robur, Ulysses. 266
 Quod fuerat quondam, quum Dardana Pergama circum. 268
 Pugnabas magno repetens genitore creatam. 270
 Tyndariden, totosque novem bellator in annos. 272
 Durando ingentes tollebas caedis acervos; 274
 Consiliis jacet ipsa tuis Priami eruta sedes. 276
 Nunc tua de vestus jam tandem ad limina victor. 278
 Abnuis ignavus pugnam, nec inertia contra. 280

Corda ruis. mora nulla in me; quin cominus adstans
 Adspicies quanto tibi munera fœnore Mentor
 Alcimides duro juvenum in certamine reddat.
 Sic satur, necdum plenam Tritonia laudem
 Adnuit illa ducem gaudens extrema sequentem
 Cernere, & egregiam gnati tentare juventam;
 Jamque alte sublapsa solo; mutataque Prognès
 In faciem celsa recti trabe diva refedit.
 Parte alia socios Agelaus ad arma ciebat, 260
 Eurynomusque, atque Amphimedon, Demoptolemusque,
 Pisanderque Polydorides, expertus & armis
 Una ingens Polybus, soli præstante relicti
 Ante omnes longe virtute, ipsaque furentes
 Certabant de vita: alios nam letifer arcus
 Straverat, ac missæ glomerata in caede sagittæ.
 Inter quos Agelaus ibi: dabit, inquit, amici,
 Indomitas dabit ille manus; jam Mentor & ipse
 Discessit vano laudis conatus amore
 Nequidquam miserum succendere. cernite maestos
 Pro foribus stantes, vacuoque in limine solos. 270
 Haud omnes temere vos una effundite tela,
 Sed primum seni tantum, si forte vocatus
 Juppiter ipsum adeo nobis det sternere regem,
 Adnueritque decus, nullo sociâ arma labore
 Fracta cadent, illo crudeli funere caeso.
 Dixerat: hi validis contortas viribus hastas,
 Non secus ac jussi fuerant, jecere; sed omnes
 Bellipotens flexit vanas a corpore virgo.
 Ergo abeunt diversæ; hic altos cuspide postes
 Perculit, ille fores; gravis aere huic fraxinus hæsit 280
 Parjete in adverso nequidquam emissâ lacertis.
 At postquam cecidisse procum tela irrita vidit,

Inco-

Incolumesque suos Ithacus: jam spicula, dixit,
 Scilicet & nobis emittere tempus in hostes,
 Crimina prisca novo qui crimine caedis acerbant,
 Atque ipsam nostro poscunt cum sanguine vitam.
 Vix ea fatus erat breviter: cunctique repente
 Intorsere simul tenues librata per auras
 Tela manu. Demoptoleum jam fortis Ulysses
 Dejicit, Euryaden ingenti vulnere gnatus, 290
 Eumaeusque Elatum, pariterque Philetius acrem
 Pisandrum: volvuntur humi morientibus una
 Artubus, illiduntque admorso in marmore dentes.
 Abscessere alii retro, caecosque recessus
 Praecipites subiere. instant fugientibus illi,
 Infixasque hastas morientum e corpore vellunt.
 Nec minus, in media quamquam jam morte tenentur,
 Rursus in arma proci tendunt, aerataque dextris
 Robora in adversos jactant; sed plurima Pallas
 Irrita deflexit, sparsitque aut fixa sub altis 300
 Postibus, aut aptis resonanti cardine valvis,
 Aut etiam adverso percussa in pariete fregit.
 Telemachi tamen aere manum perstrinxit acuto
 Amphimedon, summamque levi de vulnere pellem
 Hasta furens hausit: nec non exstantia terga
 Eumaei Ctesippus, iter molitus ad oras
 Extremas clipei, terisit: super evolat actum
 Missile, & ingenti demum ferit impete terram
 Hi circa regem densantur, & ordine facto
 Fraxineas jaciunt hastas. cadit ictus Ulysssei 310
 Eurydamas magni telo, cadit Amphimedonque
 Vulnere Telemachi; Polybusque acerrimus armis
 Volvitur Eumaei dextra confossus, & ipse
 Pectora Ctesippi ferit ecce Philetius, illique

Haec super insultans inimico fatur ab ore.
 O Polytherfide, fuerant cui semper amica
 Jurgia, vesano tandem jam parce furori
 Magna loquens, potiusque diis minitancia cede
 Distā ferox, homines quorum vis praestat in omnes.
 Hoc tibi taurino, dederas quem perfide regi, 320
 Pro pede nunc munus refero. sic ille nefandum
 Ultus caede viri facinus dicebat; at heros
 Cominus interea longa Laërtius hasta
 Fata Damastoridi properat, sternitque superbum.
 Mox Evenoridem Leocriton impiger ictu
 Telemachus figit, medioque per ilia ventre
 Transadigit ferrum: penitus fera cuspis adacta
 Haesit, & ille ruens prono sola perculit ore.
 Tunc Dea bellipotens tecti de culmine summo
 Aegida terrificam concussit: frigidus horror 330
 Insinuans turbata procum per pectora gliscit,
 Praecipitesque fugam tentant; ceu territa quondam
 Diffugiunt armenta boum, queis tempore verno,
 Incipiunt longi quum jam procedere soles,
 Asper acerba sonans furias immisit asilus.
 Contra bis gemini heroës palantibus instant
 A tergo, attonitosque metu late omnibus urgent
 Sedibus, ac veluti quum rostro atque unguibus uncis
 Vulturii insiliunt celsis de montibus agmen
 In volucrum, campis hae sese ad nubila tollunt 340
 Praecipites, illi trepidas laniantque premuntque
 Immenſam aggreſſi caedem: via nulla salutis,
 Nulla fuga est, vulſis labuntur ab aethere pennis
 Condensae, praeda gaudet venator opima.
 Sic illi per tecta procos agitantque, tenentque,
 Et caedunt paſſim morientum triftis ad auras

It gemitus, sparsoque exundant sanguine sedes.
 Atque heic Liodes astu subit, imaque Ulyssæi
 Genva manu amplectens effatur talia supplex:
 Dux o magne, sine hanc animam, & miserere precantis; 350
 Non ego vel dictis incessu turbidus umquam,
 Vel turpi famulas violavi crimine; quin &
 Saepe alios vetui vim talem inferre parantes.
 Haud tenuere manus moniti; nunc foeda luentes
 Supplicia expendunt scelerum, caesique recumbunt;
 Quos super ipse quidem, meritus nil tale, jacebo
 Infelix, vatem neque gratia digna sequetur.
 Illum immane tuens contra sic excipit heros:
 His vates si fata olim haud ingrata canebas,
 Credo equidem longum exsilium & crudelia saepe 360
 Funera pro reditu mihi fueras poscere, & idem
 Uxoremque tibi ac dulces promittere gnatos:
 Proin morere, & socios socius ne desere vates,
 Sic fatus dextra correptum sustulit ensẽ
 Ille solo, qui pridem Agelao in caede ruenti
 Exciderat, mediaque actum cervicẽ recondit
 Arduus assurgens, cadit ille, & fracta loquentis
 Immundo cervix commixta in pulvere sedit.
 Terpiades vero letum exitiale tremiscens
 Phemius, illẽ procos cantu mulcere coactus, 370
 Stabat adhuc, citharamque manu retinebat eburnam
 Limine secreto latitans, cunctatur, & aestu
 In vario nunc huc animum nunc dividit illuc
 Anceps, Ercaeide Jovis progressus ad aram
 Marmore de solido structam confidat, ubi exta
 Multa bouum soliti fuerant incendere flammis,
 Laërtesque olim natusque; an cominus adstans,
 Ac genua amplexus precibus pervincere tentet?

Haec

Haec potior dubio visa est sententia; jamque
 Ponit humi foliumque inter rutilantibus aptum 380
 Argento e puro clavis, crateraque magnam,
 Argutam acclinis citharam; dein ipse volutus
 Ante pedes Ithaci supplex ita voce profatur.
 Haec per ego tua te genua oro, maxime ductor,
 Infantis miserere, atque hoc te crimine solve;
 An non ipse tuo tristis cruciabere corde,
 Si dabis exitio celebrantem facta deorum
 Atque hominum vatem? cantus vis infita ad omnes,
 Non ars me instituit, sensusque in pectore fingens
 Versat agitque meos numen, perque omnia ducit. 390
 Tu quoque non impar divis celebrabere nostro
 Carmine, me tantum stricto ne deice ferro.
 Et jam Telemachus tua cara & sola volupras
 Me non sponte tuos dicet subiisse penates;
 Nec pretio aut epulis captum cecinisse, sed una
 Instantumque minis juvenum numeroque coactum.
 Vix ea; Telemachus flentemque & multa precantem
 Audiit, atque adstans genitoris parce, nec hasta
 Hunc; ait; infontem Stygias detrude sub umbras.
 Quin & praeconem libeat servare Medonta, 400
 Cura mei fuerat primo cui plurima in aevo,
 Ni fors Eumaeusve, lacerve Philetus illum
 Perdidit, aut ipsi tibi dira in caede furenti
 Obvius advenit sic ille: at callidus hausit
 Dicta Medon; folio subter nam tergore tauri
 Abdiderat sese reclusus; pavitanisque latebat
 Sed tunc profiluit, densumque exutus amictum
 Telemachi genibus propior stetit, atque ita supplex:
 Ille ego sum quem poscis, ait; tu parce, tuoque
 Dic patri, ne me ferro transfigat acuto 410
 Ob

Ob scelera iratus juvenum, qui vertere recta
 Ipsius institerant, teque heic sprevere furentes.
 Olli subridens pacato pectore Ulysses:
 Fide, ait, incolumem quando hic te a funere servat;
 Jamque animo monitus tu disce; aliisque memento
 Dicere, quam longe virtus a crimine distat.
 Verum agite, egressi foribus confidite foeda
 Ambo a caede procul, tuque & clarissimus una
 Phemius, expediam donec, quod restat agendum
 Finierat dicens: illi recta alta relinquunt
 Vicinamque Jovis magni funduntur ad aram
 Omnia lustrantes circum letumque paventes.
 At contra, fato ne quis subductus Achivum
 Deliteat vivus, testi latus omne pererrat
 Luminibus tacitis Ithacus, videt undique stratos
 Procubuisse omnes nigranti in sanguine & atro
 Pulvere confertos, ceu quando in litore curvo
 Humida lina trahens vitreis piscator ab undis
 Squamigeros fundit pisces; illi aequora frustra
 Optantes late sicca glomerantur arena, 430
 Jamque animam rapuit miseris lux aurea Phoebi,
 Haud aliter per recta proci spatiosa jacebant
 Alter in alterius mactati sanguine & heros:
 Vade age, nate, voca nutricem, dixit, ut adstans
 Audiat extemplo, quae fert mihi corde voluntas,
 Nec plura: ille quidem celerans mandata parentis
 Emovitque fores, talique est voce loquutus
 Huc ades Euryclaea, uni cui tradita cura
 In domibus vigili studio servare puellas,
 Exi agedum, genitor te coram affarier optat. 440
 Tantum effarus, & in verbo vestigia movit
 Egrediens foribus reſerato limine nutrix,
 Tele-

Telemachus qua monstrat iter, ducitque sequentem.
 Cernit ibi medium strata inter corpora regem
 Pulvere sordentem taboque, ut forte leonem
 Digressum de caede boum; cui pectora late
 Sanguinea horrescunt, malaeque utrinque madentes
 Stant sanie immani; metuendus lumine terret.
 Sic Ithacus tunc ipse pedes, sic foeda superne
 Brachia terribilis visu monstrabat: at illa 450
 Funeraque ut vidit glomerata, altumque cruorem,
 Tollere clamorem ac laeto gestire ululatu
 Visu improviso percussa. haud talia passus
 Continuit subito, atque audentem voce repressit
 Heros haec fatus: tacito sub pectore gaude,
 Ac voci nunc parce: nefas in morte virorum
 Bacchari, quos fata deum quosque impia facta
 Abstulerunt; nullum veriti nec honore colente
 Terrigenum, indignus, dignusve accederet hospes,
 Spernebant omnes pariter, quae propter acerbo 460
 Exitio domiti cladem subiere nefandam.
 Sed tu, femineo famulantum ex agmine quotquot,
 Dic age, me temnunt, scelerosaeque furta sequuntur?
 Cui nutrix: equidem dicam vera omnia, gnate;
 Quinquaginta intus famulae, haud ignara Minervae
 Pectora, stant niveas assuetae carpere lanas,
 Et duram longo vitam tolerare labore.
 Quarum bisseae sanctum violare pudorem
 Aggressae nec me dignantur honore neque ipsam
 Penelopen. vixdum natus pubescit, & ante 470
 Haud passa impubem est genitrix dare jura puellis.
 Jamque feram scandens penetrabile haec nuncia ad aures
 Conjugis optatae, cui somnos numen amicum
 Exiit irrorans per membra: haec illa; sed heros:
 Ne

Ne placidam turbes dominam: tibi cogere tantum
 Cura sit huc diro pollutas crimine fervas.
 Haec dederat vix ore; & jam mandata facessens
 Ibat anus, famulasque vocans per tecta ciebat.
 Ipse autem gnatum affatus geminosque ministros
 Ad sese accitos: ite, inquit, corpora caesa 480
 Tollite jam celeres pariter; subeantque puellae
 Triste ministerium: dein pulcra sedilia circum,
 Et patulas lustrate undis & tergite mensas.
 Post ubi compositis steterint rite omnia rectis,
 Sedibus ex altis famulas educite, & inter
 Surgentemque tholum medias inclusaque septa
 Perдите caedentes ferro, dum spiritus artus
 Deferat oblitos venerem, quam saepe solebant
 Exercere, procis nocturna per otia mixtae.
 Dixerat: illae autem coram venere frequentes, 490
 Ac primum institerunt vestire cadavera & una
 Aggerere, aulai qua porticus ampla patebat,
 Sese inter connixae humeris: ferus instat Ulysses
 Ipse operi; hae properant, quamvis non sponte, laborem.
 Mox etiam mensas varioque sedilia cultu
 Rore superfuso lustrant, purgataque tergunt.
 Nec non Telemachus sociique has inter ahenis
 Stringebantque solum rastris, asperaque tabo
 Limina verrebant: raptas illae undique fordes
 Subvehere, atque extra sedes effundere certant. 500
 Tota renidenti postquam luce aula refulsit,
 Femineam educunt turbam, mediisque trementem
 Porticibus subterque tholi testudine cogunt
 Angustum in spatium, nulla unde exire potestas.
 Atque ibi Telemachus: turpi jam funere, dixit,
 Eripiam his animam, capiti quae probra tulere,

E e e
Dira

Dira meo, matrisque, procis accumbere quondam
 Assuetæ furtim per opaca silentia noctis.
 Dixit, & ex alta pendentia vincla columna,
 Summa tholi jaciens supra fastigia, nectit, 510
 Ne terram suspensa pedum vestigia tangant.
 Ac veluti turdi molles variaequæ palumbes
 Insiliunt densos inter quum stantia dumos
 Retia, ubi repetunt consueta cubilia sero
 Vespere; dura quies omnes latitantibus intro
 Excipit insidiis, sic tum cervicibus illæ
 Pendebant longo pronis ex ordine; circum
 Colla premunt laquei misero luctantia fato;
 Jam pedibus tremuere, & vita recessit in auras.
 Post etiam vinctum traxere Melanthion altis 520
 E foribus; truncas cui foedo vulnere nares
 Ense metunt, populantque aures; tum cruda voranda
 Objiciunt canibus dissectis inguina nervis,
 Inciduntque pedes irati & brachia ferro.
 Et jam testa perunt abluti a caede recenti,
 Agglomerantque duci sese, postquam ultima coepto
 Imposita est operi manus, & deferbuit ira.
 Ergo ille affatus nutricem: huc ocius affer
 Sulfuræ, ait, caedis consueta piacula, & ignem,
 Queis valeam suffire domos; mox ipsa vocata 530
 Penelope huc adsit fidis comitata ministris,
 Accedantque omnes, tua cetera cura, puellæ,
 Cui subitoq; Euryclæa refert: certe omnia, nate,
 Digna mones, nec tanta sequi me iussa pigebit.
 Unum addas, oro: sine me tunicamque nitentem,
 Et chlamydem tibi ferre novam; sordentiaque isthaec
 Projice texta, precor, functus jam caede procorum:
 Talem haud esse decet. sic illa orabat; at heros:

I pro-

I properans, ignemque feras ante omnia primum,
 Edico. vix fatus erat; nec dicta retardans 540
 Sulfuraque atque ignem nutrix tulit. haud mora, totam
 Rite domum sanctosque Ithacus adolere penates
 Institit; at celeri rursus penetralia gressu
 Scandit anus, famulasque jubet succedere coram.
 Conveniunt jussae, manibusque ardentia quassant
 Lumina; tum circum fusae regemque salutant
 Osculaque infigunt capitique humerisque decoris,
 Amplexaeque manus prensant. ille ictus amore
 Aestuat, ac gemitus inter lacrimasque volutas
 Ora recognoscit cunctarum & nomina signat. 550



HOMERI ODYSSEAE

LIBER VICES: TERTIUS.

IBat anus refono complens penetralia risu
 Reginae dictura, Ithacum servare penates
 Incolumem. properae genua aegra ipſique vigeabant
 Laetitia ſtudioque pedes; jamque illius adſtans
 Ad caput: o! furgas, inquit, viſura, quod optas
 Noſtes atque dies: tuus ille advenit Ulyſſes,
 Deſertaſque adiit longo poſt tempore ſedes
 Ultus caede procos, auſos vaſtare nefandis
 Omnia flagitiis, atque ipſi haud parcere nato.
 Excita Penelope cui tum ſic ore viciffim 10
 Orſa refert: di te veſano errore fatigant,
 O nutrix, curis etiam qui peſtora ſtultis
 Fallere gnara valent, ſanoſque avertere ſenſus
 Ducentes trepidae ſubito deliria menti.
 Illi te laefere: fuit non haec tibi quondam
 Viſ animi: longo quid luſtu faucia corda
 Ludis vana ferens? quid dulcem abrumpere ſomnum,
 Sopierat miſerae feſſos qui molliter artus,
 Heu properas? numquam placide ſic ipſa quievi,
 Ex quo Dardanias Ithacus diſceſſit ad arces. 20
 Verum age nunc deſcende, atque iſthinc eripe greſſum
 Ima petens: mulier ſi qua haec mihi dicta tuliffet
 Altera, & optatae turbaffet munera noctis,
 Mulctatam graviter retro veſtigia ferre
 Juſſiſſem properata; tibi autem incana ſeneſtus
 Auxilio eſt. ſic illa: at non deterrita nutrix

•••••

Exci-

Excipit, ac tales ultro dat pectore voces.
 Haud equidem fallax illudo: verus Ulysses
 Jam rediit, servatque domos. ille omnibus hospes
 Despectus per testā, ille est; jam noverat ipsum 30
 Telemachus, sed fida patris sub corde tegebat
 Consilia, immanes ut perderet ultor Achivos.
 Vix ea; quum subito laeta inter gaudia stratis
 Prosiluit regina furens, amplexaque collum
 Longaevae, lacrimisque genas suffusa decentes:
 Ergo age, cara mihi verax fare omnia, dixit;
 Ille domi si certus adest, qua vincere pubem
 Arte malam valuit, densos & solus in hostes,
 Irruere, aggressus violento praelia Marte?
 Cui referens longaeva: haud fas aut cernere quidquam 40
 Aut audire, inquit, fuerat; tantum auribus hausi
 Ingentem luctum gemitusque in morte cadentum.
 Ipsa quidem trepidis penetrāli in sede latebam
 Cum sociis; intus cohibebant robore firmo
 Ostia, clausa prius, quam me tua cara propago
 Telemachus, magno missus genitore, vocavit.
 Adstantem heic regem conspexi caede virorum
 In media: strati circum tellure jacebant
 Complexu in misero juvenes; tu laeta cruore
 Horrentem, taboque atro, ceu forte leonem, 50
 Foedatum totis vidisses undique membris.
 Elati vero nunc extra limina prima
 Illi porticibus longis glomerantur; at ipse
 Instat agens suffire domos caedemque piare
 Accensis late flammis; utque excita coram
 Ipsa adeas, huc me primam tibi misit ab aula.
 Quin sequere, amborum suavi ut dulcedine pectus
 Gaudia perfundant post multos laeta labores.

Parta

Parta quidem desiderii jam praemia longi;
Ille domum rediit salvus, teque insuper ipsam 60
Incolumem invenit, gnatumque; ultusque nefandum
Dedecus exegit scelerato e sanguine poenas.
Contra Penelope: ne vero elata superbi
Laetitia heu nimia, dixit, risuque soluto;
Scis nutrix scis ipsa, domi quod carus adesset
Omnibus; at nulli quam nato carior, & mi
Praecipue, si vera forent quae nuncia portas.
Sed non certa fides: aliquis delapsus olympo
Caecicolum stravit juvenes indigna perosus
Flagitia, ac tristes, immania facta, rapinas. 70
Namque hominum nulli parcebant, omnibus aequae,
Qui se cumque dabant coram, mortalibus idem
Infesti; idcirco fontes periire nefando
Supplicio. ille autem reditu fraudatus amico
Hinc procul occubuit, patriam nec Achaeida vidit.
Talia cui fanti nutrix: heu quae, mea, dixit,
Gnata, tibi incauto fugiens vox excidit ore;
Numquamne ad patrios venturum dura penates
Usque virum dices, qui jam tibi redditus adstat
Ante focum; semper mens haec infida resistet? 80
Verum age, ne dubites, jam certa & signa docebo:
Namque ipsa ablutum puro dum fonte rigabam,
Fulminei vidi dentis vestigia, & ipsi
Visa tibi volui narrare; sed ille prehensam
Continuit vaser, & clamantis guttura pressit.
Jamque veni: quod si mendax atque improba fallam;
Haud renuo, infando fontem quin funere perdas.
Haec nutrix ubi fata; haud pronum arcana deorum est,
Penelope excepit, quamvis tibi plurima virtus,
Consilia ac caecos rerum cognoscere casus. 90
Sed

Sed praestat tamen ire, meumque invisere natum,
 Occisosque procos, tantae quis caedis & auctor,
 Noscere. sic dicens tandem descendit ab altis
 Aedibus, & vario curarum fluctuat aestu
 Multa putans animo; dulcemne aggressa maritum
 Eminus inlacet, capiti ferat oscula caro
 An potius coram niveos amplexa lacertos?
 Postquam autem venit, dubiosque in limine gressus,
 Marmoreo posuit, diversa in parte resedit
 Parjetis alterius flammaram exposita nitore 100
 Contra Ithacum. longa subnixus at ille columna
 Dejecitque oculos, vultuque immobilis haesit
 Expectans, qua voce prior, quibus excita dictis
 Incipiat visum jam tandem affariet uxor.
 Ipsa diu sine voce stetit, turbataque pectus
 Obstupuit; noti modo gaudet imagine vultus
 Luminibus lustrans tacitis; modo tegmina foeda
 Sordentesque videns artus ignata moratur,
 Cui tum Telemachus cunctantur turbidus infit:
 O genitrix, mala jam genitrix & robore septa 110
 Indomito, refugis quid patrem averfa, neque instas
 Heu propior notas audire & reddere voces?
 At non sic duro mulier foret altera corde,
 Conjugis aut fugeret vultus, qui plurima passus
 Bis decimo tandem patriam contingeret anno:
 Durius est gelido semper tibi marmore pectus;
 Illa autem: stupor altus habet me, nate; nec ulla
 Aut valeo cupido voces expromere ab ore,
 Aut petere; ipsum etiam nec possum cernere contra
 Quod si verus adest Ithacus, post nosse licebit 120
 Scilicet id melius nos inter; namque tenemus
 Nobis certa unis, alios fugientia, signa.

Hacc

Haec illa. extemplo dius subrisit Ulysses,
Atque ita Telemacho fatus: me me sine mater
Experiatur, ait; jam victa fatebitur ultro:
Noscere nunc lacerum & sordentem turpiter artus
Abnegat, ac spretum nullo dignatur honore;
Danda illi venia est. sed quae peragenda supersunt,
Una consulere, atque animo juvat ante videre
Omnia, uti recte cedant. namque unius acta 130
Saepe etiam quis caede viri, cui sanguinis ultor
Rarus, & auxilio vix est manus ulla relicta,
Exsilio patriam mutat, sedesque relinquit,
Cognatasque animas; quid nos? qui lumina prima,
Totius atque urbis columen demissimus Orco,
Magnanimos juvenes. cui natus talia fanti:
Haec tuus explorare labor, quem maxima tollit
Consiliis habilem virtus mortalia supra
Pectora; non ullus tecum contendere certet
O genitor. jam sponte sequar, quocumque vocabis, 140
Haud virtutis egens, quanta vi tendere possim.
Tum pater: ergo, inquit, dicam sententia surgit
Quae melior. puro vos primum in fonte lavate,
Induite & niveas vestes, pariterque jubete
In domibus pulcro famulas incedere cultu.
Dein etiam citharae digitis resonantia vates
Fila ciens, laetos invitet carmine saltus.
Quo strepitu audito credat celebrari hymenaeum,
Seu quis forte via transit, seu proxima nostris
Tecta colit; ne fama prius vulgata per urbem 150
Incipiat foedae juvenum crebrescere caedis,
Consita quam densis nos una hinc nostra petamus
Arboribus procul arva. illic ea deinde sequemur,
Profore quae divum rector monstrabit olympo.

Dixe-

Dixerat haec: parent omnes, ac jussa facessunt,
 Ablutique artus se quisque recentibus ornant
 Vestibus: effulgent famulae; cava pectine pulsat
 Texta lyrae vates, magnumque incendit amorem
 Omnibus ad choreas & dulcia munera cantus.
 Insonuit domus alta pedum late excita pulsu 160
 Ludentumque virum pariter, zonisque micantum
 Suave puellarum. strepitu quo percitus inquit
 Sic aliquis longe audito: regina superbis
 Illa ambita procis cupido jam cessit amanti,
 Perfida! nec primi clarum servare mariti
 Sustinuit patiens thalamum, si forte redisset.
 Talia quis jactans: sine pondere dicta volabant
 Irrita nequidquam rapidis ludibria cauris.
 Nec minus interea lavit manantibus undis
 Eurynome regem lustrans nitidosque per artus 170
 Totum Palladii succo perduxit olivi
 Purpuream injiciens chlamydem tunicamque superne.
 Atque olli virgo Jove nata in vertice honorem
 Addidit ambrosium formae; majorque videri
 Plenior & solito coepit; tum crispa nigrantis
 Aut foliis violae aut ferruginei hyacinthi
 Caesaries pulcra similis cervice refulsit.
 Ceu quis ubi argento fulvum variaverit aurum
 Arte faber multa, docuit quem Pallas, & ipse
 Ignipotens varias praestantem effingere formas, 180
 Jamque opera admiranda facit. sic plurima venit
 Gratia, sic humeris capitique affusa juvenus.
 Ille autem e folio processit lotus ahenò
 Membra deo similis, seseque ante ora locavit
 Conjugis adversae residens, atque inquit ab ore:
 Indomitum superi tibi olympia tecta colentes

Prae cunctis, mulier, dederunt cor: non ita certe
 Duraque & obfirmans animum sese ulla teneret
 Coniuge conspecto, passus qui plurima ponto
 Bis decimo in patriam salvus pervenerit anno. 190
 Tu nutrix mihi sterne torum, quo languida ponam
 Corpora; stant illi rigido praecordia ferro.
 Penelope contra sedato pectore reddit:
 Non equidem nimium jactor, coramque tuendo
 Aut doleo, aut lactor; tantum sat fida recordor,
 Qualis eras, patrio quum litore vectus abires
 Puppibus in longis. tu vero i, sterne cubile,
 Euryclaea, extra thalami penetralia celsi;
 Instratoque toro supra mollissima pone
 Velleraque laenasque & pictae tegmina vestis. 200
 Vix simulans ea dicta dedit; quum pectore ab imo
 Ille trahens gemitum: cur me tam tristibus, inquit,
 Exanimas miserum verbis? quis tollere lectum,
 Atque alio transferre ausus mihi? callidis arte
 Quisquis erat, durum credo tentasse laborem.
 Vix etiam aethera caeli delapsus ab arce
 Ipse deus facile diversa in parte locasset;
 Ast hominum nullus florenti robore & acer
 Viribus amoto sese jactasset. ibi exstat
 Signum ingens thalamo in structo, visendaque moles, 210
 Ipse meae quondam feci quam munere dextrae.
 Aedibus in mediis oleae succreverat arbos
 Vivida, praelongos effundens ardua ramos,
 Lataque, ceu solida stat rupe excisa columna.
 Hanc circa secto thalamum de marmore struxi,
 Intexique super, posuique in limine postes:
 Et jam frondentesque comas ramosaque ferro
 Brachia ubi secui; tum truncum aggressus & ipsum

Ab

Ab radice instans, rutilo circum aere polivi.
 Laevavique aptans hinc atque hinc, undique rectum 220
 Surgeret ut penitus terebrato robore fulcrum.
 Hinc mihi prima tori fuerunt fundamina; dein &
 Auroque argentoque renidentique elephanto
 Omnia distinxī, taurinaque vellera stravi,
 Quae circum tyrio fulgebat purpura fūco.
 Talia signa inerant quondam; nec dicere possum
 Certus, an haec eadem maneant, an arbore quisquam
 Funditus excisa, mutata in sede locavit?
 Haec ait: illi artus subito tremuere labantes
 Attonitae mentem, dum nulli obnoxia fraudi 230
 Signa recognoscit, secumque audita volutat.
 Non sese tenet illacrimans; ruit obvia collo
 Brachia circumdans, atque oscula dulcia figens
 Haeret inexplerum capiti, & sic ore profatur.
 Non miserae irascare o rebus in omnibus omnes
 Ante homines sollers; molitos tristitia nobis
 Invidisse deos credo, ne laeta juventae
 Dona simul magnumque excrceremus amorem.
 Parce precor, jam parce mihi, facilisque remitte,
 Quod subito, ut primum vidi, complexibus aegra 240
 Abstinui. semper metuens horrensque cavebam,
 Ne veniens aliquis blando me falleret ore
 Insidians; nam vota fovēt immania multi.
 Haud Helena aligero Jove nata Argiva puella
 Scilicet externo cessisset rapta marito,
 Agmina si Danaum metuisset rursus ab oris
 Avestam Iliacis latum ductura per aequor.
 Illam, aliquis superum decepit, triste nec ante
 Flagitium admisit, quo nobis prima malorum
 Incubuit clades, & saeviit aspera luctu. 250

Nunc quoniam manifesta fides, thalamique retexta
 Nostri arcana patent, hominum quae nullus adivit,
 Lustravitque oculis solos nos praeter & unam
 Actorida(huc famulam genitor quam misit habendam,
 Assuetam clauso servare in limine postes);
 Frustra animo obnixam cogis jam cedere victor.
 His dictis lacrimae commotae, atque aestuat heros
 Jam magis atque magis virtutis imagine tanta
 Attonitus, fidaeque stupens in conjugis ore.
 Illa autem, miseris ceu quando litora nautis 260
 Apparent optata procul, quaeis gurgite in alto
 Fluctibus & valido contortam flamine navim
 Caerulei domitor fregit maris; aspera pauci
 Per vada nituntur, terrisque adnare laborant;
 Et jam tabentes artus aspergine ponunt
 In sicco, ac tuta salvi lactantur arena:
 Sic adeo reduci gaudebat laeta marito
 Haud ora, haud removens a dulci brachia collo.
 Fors & sic flendo roseum jubar aurea terris
 Puniceo curru subvecta Aurora tulisset, 270
 Ni Jove nata aliter statuisset numine virgo.
 Continuit longam caelesti in limite noctem,
 Inque mari Auroram prohibens adjungere curru
 Alipedes lucis flammantia tela ferentes
 Fulgentem Phaëtona & Lampura, quaeis dea caelo
 Invehitur croceos inter pulcherrima nimbos.
 Atque heic suspirans iterum compellat amatam
 Penelopen Ithacus: mala multa exhausta peregi,
 O conjux; necdum discrimina vincere cuncta,
 Supremamque datum tamen est contingere metam. 280
 Restat adhuc duri superanda immensa laboris
 Vis alia, ut vates fatorum arcana recludens

Tire-

Tiresias quondam monuit, nigrantia Ditis
 Atria quum subii quaesitum oracula nostro
 Pro reditu, sociumque. at nunc age strata petamus
 Dulcia tranquilli carpentes munera somni.
 Tum regina: tibi penctrali in sede paratus
 Jam thalamus patet ecce, inquit, modo certa voluntas
 Sic ferat, ad patrii postquam te limina tecti
 Incolumem faciles voluere advertere divi. 290
 Sed quoniam memori deus hanc tibi pectore curam
 Subdidit, edicas, oro, quae te aspera rerum
 Sors agitat, quae fata manent? non illa latebunt
 Quondam audita reor, nec vero tristius urent
 Cognita nunc eadem. tum sic exorsus Ulysses:
 Quid misera heu duros cogis vulgare dolores?
 Dicam equidem; laeta sed nec tu gaudia mente
 Ulla feres, nec laetor ego. namque ire per urbes
 Ille hominum multas, habilemque attollere dextra
 Admonuit remum, gentes dum vestus adibo, 300
 Quae mare, quae dulcem fugiunt salis ore saporem,
 Nec videre rates, minio nec perlita rostra;
 Nec remos patulas cymbis volitantibus alas.
 Haec & signa dedit, quae te quoque certa docebo:
 Obvius adverso veniens quum forte viator
 Dixerit alta humeris me ferre valentibus arma,
 Ventilat ad zephyrum iactas queis messor aristas,
 Heic subito jussit terra defigere remum,
 Neptunumque sue tauroque atque arjete caeso
 Placare ad patrii cedentem litoris oras, 310
 Multaque caelicolis ex ordine sacra litare
 Omnibus. aequoreis lentum mihi funus ab undis
 Adveniens fors atra feret, quum longa senectus
 Excipiet fessum, & placidae felicia gentes

Otia

Otia agent circum: sic omniaolvere Parcas,
Ac stabili dixit fatorum numine ferri.
Haec ubi fatus erat ductor Laërtius, olli
Sic breviter conjux: imo o! meliora senectae
Tempora si spondent superi, confidere praestat,
Hos etiam te posse dehinc evadere casus. 320
Hac vice sermonum dum se inter talia miscent,
Eurynome interea nutrixque insternere molli
Veste torum, taedis late jactantibus ignem,
Instabant. postquam solitum stravere cubile,
Laeta suas petiit sedes anus; Eurynomeque
Lampada praepartans ollis venientibus intro
Fida praecit, thalamoque ambos inducit aperto.
Ipsa retro celerans torquet vestigia; at illi
Desueto placiti potiuntur foedere lecti.
Et jam Telemachus pariter focique ministri 330
Plaudere destiterant choreas, famulaeque quierant
Hac illac sub nocte; sopor suus occupat artus.
Ast ubi Penelope, magnorum & ductor Achivum
Optata explerunt avidum dulcedine pectus,
Inter se vario lacti sermone fruuntur.
Illa quidem memorat, quantos experta dolores
Quondam pertulerit, quae viderit impia testis
Facta. procum magno turbantum cuncta tumultu,
Et sese propter tot stratos caede juvencos,
Caprigenumque pecus vastatum, effusaque vina. 340
Ille autem quotquot mortalibus aspera rerum
Intulerit, quotquot perpessus & ipse pericla,
Cuncta refert: pendet conjux narrantis ab ore,
Nec prius ingrato declinat lumina somno,
Accipiat quam laeta omnes ex ordine casus.
Principio domitos Cicones, & pingua narrat

Lotophagum visa arva, ferique indigna Cyclopi
 Flagitia, & sumptas sociorum ob funera poenas,
 Nil veritus quos ille suo laniarat in antro
 Cruda vorans vivo manantia membra cruore. 350
 Aeolias addit sedes, utque Aeolus ipsum
 Ceperit hospitio facili, laetusque remisit
 Incolumem: necdum patrios contingere fines
 Fata dabant; magno sed fervens turbine nimbus
 Lugentemque vagumque irata per aequora vexit.
 Tum Laestrygoniam memorat; caecosque sodales,
 Oppressasque rates saxorum grandine, seque
 Vix una exitio a tanto fugisse carina.
 Nec minus insidias, & monstra horrentia Circes,
 Nigrantisque domos Erebi, quas tristis adivit. 360
 Classe cita, manes certa & responsa petitem
 Tiresiae Thebani; utque omnes viderit, Orci
 Sedibus in tacitis socios, caramque parentem
 Quae tenero niveis immulserat ubera labris.
 Addit & auditas Sirenum ex aequore voces,
 Errantesque docet scopulos, diramque Charybdim,
 Scyllamque innocuis numquam mortalibus aequam
 Solis & infanda violatos caede juvencos
 A sociis narrat, quos propter fulmine navem
 Perculit ardenti nimborum saevus ab arce. 370
 Juppiter: illi omnes periere in gurgite merfi,
 Solus at ipse gravi Parcarum effugit ab ira
 Vectus ad Ogygias cautes, ubi nymphea Calypso
 Protinus exaruit viso, glaucoque sub antro
 Detinuit dapibusque fovens, atque insuper atri
 Pollicita expertem senii letique juventam
 Nec tamen & duros inflexit pectore sensus.
 Post hinc digressus Phaeacum ut litora venit

Multa

Multa mari passus, divumque ut cultus honore
His ducibus tandem tranquilla per aequora Nerei 380
Contigerit patrias sedes data munera portans
Ingens aes aurumque & pictas tegmina vestes.
Talia narranti vox haec fuit ultima: namque
Irruit extemplo fessos illapsa per artus
Alma quies, animumque simul curasque resolvit.
Ast illum postquam placido Tritonia somno
Credidit, ac dulci satiatur conjugis igne,
Jussit ab oceani diversicoloribus undis
Auroram proferre jubar mortalibus aegris.
Illa deae monitis parer: simul excitus heros 390
Emicat e thalamo surgens, ac talia fatur.
Plurima durando conjux mala sensimus ambo,
Pertulimusque vices, tu nostros anxia plorans
Heic reditus, contra violento numine divum:
A patria longe duris ego casibus actus.
Nunc vero ambobus quoniam data copia rursus
Connubii optati, vigil o penetralia serva,
Divitiasque omnes, quae sunt mihi cumque relictæ.
Mox pecora immani juvenum consumpta rapina
Multa ego praedabor, multa & pro munere Achivi 400
Sponte dabunt; plenis ludent in ovilibus agni.
En ego longaezum patrem luctuque dolentem
Assiduo virides ibo visurus in agros:
Haec porro tibi mando haud corda ignara gerenti.
Alta novo cum sole ibit nam fama per urbem,
Vulgabitque necem juvenum; tu limina celsæ
Interiora domus conscendens parce morando
Aspicere aut quemquam, causas aut quaerere fandi.
Dixerat, ac rutilis humeros circumdatus armis
Telemachum hortatur subito geminosque ministros 410

Arma

Arma manu capere & sumptis procedere telis.
 Nulla mora est; parent alacres, atque aere corusci
 Impulsas liquerè fores; dux anteit heros.
 Et jam pulcra novo spargebat lumine terras
 Orta dies, illos quum celsa eduxit ab urbe
 Pallas, & obscuro gradientes aëre sepfit.



HOMERI ODYSSEAE

LIBER VICES: QUARTUS.

PArte alia genitus Maja Cyllenius ales
 Caeforum juvenum fimulacra excita vocabat:
 Aurea virga manu rutilat, qua lumina mulcet,
 Quum vult, atque adimit fomnos. hac fretus agebat
 Ille levem turbam magno ftidore fequentem.
 Ac veluti volucres, queis vefper nomina fecit,
 Lucifugae ingentis latebrofo rupis in antro
 Hac illac ftidunt; fi qua vi protinus actae
 Exceffere, cavi conpexae ad limina faxi,
 Haerentes feffeque inter: fic illa per umbras 10
 Stridebat glomerata volans magno agmine turba,
 Mercurius qua monftrat iter per opaca locorum.
 Jamque ubi & oceani fluxus, & Leucada rupem,
 Ac folis liquere fores, & fomnia nigra,
 Continuo fubiere virentia gramine prata,
 Queis volitant manes fimulacra carentia vita.
 Heic tenuem folido formam fine corpore Achillei
 Inveniunt, carique etiam poft fata Patrocli,
 Antilochi, Ajacifque, omnes qui magnus Achivos,
 Pelida excepto, formae fuperabat honore. 20
 Ibant affufi circum: queis cominus ingens
 Atridae veniens Agamemnonis adftitit umbra
 Trifte dolens. fremitu denfo comitantur euntem
 Quotquot in Aegifthi perierunt fedibus una.
 Cui prior Aeacides: Atrida o maxime regum,
 Heroas quondam ante alios magis effe putabam

Te

Te superum regi, gaudet qui fulmine, carum,
 Imperiis quod multa tuis fortissima bello
 Agmina parebant. Xanthum Simoëntaque propter
 Dardanium, duros passa est ubi Graecia casus.
 Tene etiam saevo Parcarum ferrea leto
 Vis domuit, nullus valuit quam fallere in oras
 Editus aetherias? o primo insignis honore
 Stratus apud validae cecidisses moenia Trojae!
 Ingens staret ibi moles aggesta sepulcri
 Omnibus a Danaïs, natumque ea fama maneret
 Inclita: nunc tristis fors funere merfit acerbo.
 Dixerat. Atrides contra: ipsis o superis par,
 Felix sorte tua, Pelei sate sanguine, Achilleu,
 Cui procul a patria tellure sub Ilio alto
 Oppetiisse datum. de te late undique magni
 Certantes Danaïque simul Troësque cadebant;
 Dum tu ingens spatio ingenti sub nube jacebas
 Pulverea stratus volucrumque oblitus equorum.
 Totam per lucem stetit aspera pugna, nec ante
 Martius armorum cecidit furor, horrida nigro
 Ab Jove tempestas acies quam terruit ambas.
 Post ubi digressi bello te ad litora nota
 Detulimus, positum stratis et rore repenti
 Corpus et unguentis lustravimus. agmine denso
 Maerentes circum Danaï calida ora rigabant
 Fletibus, et longos tondebant vertice crines.
 Venit & aequoreis mater comitata deabus,
 Ut vitreo sensit famam sub gurgite: pontus
 Insonuit clamore alto, subitoque Pelasgi
 Intremuere metu concussi. & jam cava gressu
 Robora scandebant; longo quum doctus ab aevo
 Plurima, continuit trepidos Neleius heros

Consiliis habitus semper fidissimus auctor:
Qui tum sollicitos sic interfatus amicos: 60
Stato viri, nec terga fugae convertite, dixit;
Caeruleo e pelago nymphis sociata marinis
Mater adest gnati funus visura supremum.
Haec ille, & pulsa cessit formidine terror.
At circum adstiterunt glauco genitore creatae
Nereïdes maestum flentes ac vestibus artus
Ambrosiis niveos cinctae; quas inter & ipsae
Alternos tum voce novem coepere sorores
Dulcisona questus: tristi rorantia Achivum,
Quotquot erant circum, vidisses lumina fletu: 70
Tale deae querulo fundebant carmen ab ore!
Bis septem triasque super noctesque diesque
Flevimus immixti divis: octava ubi fulsit
Post decimam lux orta, rogo supponere flammam,
Lanigerumque gregem & nigros mactare juvencos
Institimus: tu pulcro humeros velatus amictu
Ardebas dulci in melle & beneolenti unguento.
Flammantem circa heroës, Argiva Juventus,
Decurrere pyram cincti fulgentibus armis
Certatim peditesque equitesque: ululatus ad auras 80
Ibat, & ingenti resonabant cuncta fragore.
At postquam in cinerem vis te Vulcania vertit,
Mane novo puro candentia legimus ossa
Sparsa mero & pingui succo. portaverat urnam
Ipsa tibi ex auto genitrix, praestantia Bacchi
Munera, quae multa caelarat Mulciber arte.
Hac tua, Pelide, recubant, immixtaque cari
Ossa Menetiadae Patrocli: distincta peremptum
Antilochem tegit urna, aliis magis omnibus unum
Quem Patrocli post fata tuo dignatus honore es. 90

Lito-

Litore in aërio, qua panditur Hellepontus,
 Aggesta tellure Argivum exercitus omnis
 Heic tumulum late magnum, molemque superbam
 Struximus eductam caelo, quam navita longe
 Adveniens pelago semper miretur ab alto.
 Tum genitrix in vota deos ubi blanda vocavit,
 In medio Graiis posuit certamina circo
 Maxima. vidi equidem multorum funera praesens
 Heroum, extincto quondam quum rege juvenus
 Cingitur, ac variis exercet corpora ludis; 100
 Sed non ulla magis miratus dona palaestrae
 Obstupui, quam quae niveis argentea plantis
 Alma Theris posuit; magno dilectus amore
 Quippe deis fueras. extincti gloria, & ingens
 Haud periit nomen, quin fama aeterna manebit.
 At mihi quid prodest gessisse horrentia bella,
 Juppiter exitium reduci quum triste parabat
 Aegisthi manibus, scelerato & conjugis auso?
 Talibus inter se dictis curisque morantur,
 Quum propius caesi domitor deus adstitit Argi 110
 Agmen agens juvenum, quos funere stravit Ulysses.
 Ut videre illos, subito venientibus ardent
 Mirati conferre gradum, primusque Melanhteo
 Amphimedonta fatum cernens agnovit Atrides,
 Hospes erat namque olli Ithacae dilectus in oris.
 Quem sic Atrides prior est affatus ab ore:
 Quae vos, Amphimedon, fors dira subire coëgit
 Haec nigro loca senta situ? par omnibus aetas,
 Lectaque vis: claram fortissima pectora pubem
 Non aliam plena quisquam legisset in urbe. 120
 Obruit an pelago Neptunus, flamina saeva
 Ventorum longosque ciens ad litora fluctus?

An

An domuere viri vos arva aliena prementes
 Vastantesque armenta bouum raptasque bidentes?
 Saevane pro patria pugnando vulnera passi,
 Conjugibusque? age fare; tibi sum foedere junctus
 Hospitii, servasque memor; me sedibus olim
 Successisse tuis flavo cum fratre vocantem,
 Iliacas Ithacum pelagi per caerula ad arcēs.
 Aequoreum permenſus iter ſemel orbe peracto 130
 Fulgentis lunae veni, vix ad mea vota
 Impulſo Laërtiada. ſic dixit Arrides;
 Atque olli Amphimedon referens: o ductor Achivum
 Optime, ait; memori cuncta haec in pectore ſervo
 Scilicet, & duri cauſſam nunc funeris addam.
 Connubio Icarii natae, thalamoque potiri
 Inſtitimus longum nequidquam abſentis Ulyſſei
 Nos omnes, quos cernis acerbo turbine ſtratos.
 Illa quidem inviſos nec dedignata hymenaeos,
 Noſtra ſequens nec vota, horrentia fata parabat. 140
 Omnibus, ac talem meditata eſt pectore fraudem.
 Tenvia ſubnectens immenſae licia telae
 Inſtitit ordiri, ſimulata & mente loquuta:
 O juvenes mea cura proci, jam vir meus, inquit,
 Quandoquidem periit, ſpatii ad connubia tantum
 Certa peto, donec valeam pertexere textum
 Nempe meum, (pereant ne fila exorſa) quod aegro
 Laërtæ in funus propero. quum triſtia fata
 Ipſius urgebunt aeterna lumina nocte,
 Ne qua mihi in populo mulier convicia dicat. 150
 Increpitans, nudum, vivus qui divite gaza
 Floruit, abjectum terra ac ſine honore jacere.
 Sic illa, & facile ignaris res credita nobis.
 Interea arguto percurrrens peſtine telam

LIBER VICES: QUARTUS. 423

Luce operi instabat: mox sera ad lumina nocte
 Stamina dissolvens totos tres vltra per annos
 Distulit in longum speratae gaudia tædæ.
 Verum ubi jam quartus venit labentibus horis
 Annus, & ignaros mulier bene conscia fraudis
 Admonuit, nos & demum deprendimus ipsi
 Texta retexentem, jussa est invita laborem
 Perficere, ostenditque palam. manus ultima postquam
 Imposita est, puroque abluta in gurgite palla
 Splenduit assimilis Triviae Solisque nitore,
 Tunc Ithacum in patriam duxit male numen amicum
 Dissita ad arva procul, senior quæ fidus habebat
 Setigeri pecoris custos, devestus eodem
 Contulerat sese Nelea parus ab urbe.
 Hæc ubi perniciem nobis, clademque pararunt,
 Composito subeunt urbem: tardatus Ulysses
 Posterior, gnatusque prior se moenibus infert,
 Illum autem lacero sordentem corpus amictu
 Ipse suum custos inopi seclisque gravato
 Assimilem, ac baculo vestigia tarda regentem
 Duxit agens, miseros foedatum turpiter artus
 Non juvenis potuit venientem agnoscere quisquam,
 Non senior: coram sic sese ante ora repente
 Obrulit, & curam spectantum elusit inanem.
 Nos caeci instamus dictis incessere spretum,
 Et jaculis pariter; nullis contra ille movetur
 Vulneribus patiens, aut verba minacia curat.
 At simul ac tacitum monuit pater ipse deorum,
 Telemachi auxilio fulgentia sustulit arma
 In thalamum, versosque emuniit obijce postes.
 Mox etiam jussit recti e penetralibus arcum
 Penelopen efferre; & leri ponere causam,

Prin-

Principiumque necis, duri certamina ferri.
Haud ullus valuit forti contendere nervo
Spicula; deficiunt vano conamine vires
Infraetae, voti longe dum meta recedit. 190
Heic Ithacus juvenum cupiens tractare laborem
Cepit & ipse arcum: nos contra insurgere dictis,
Et prohibere omnes optantem & multa rogantem;
Nequidquam: namque ipse animos ultro addidit olli
Telemachus sumpta hortatus certare sagitta.
Ergo habilem dextra rapiens multo sine nisu
Intenditque arcum, misitque volatile ferrum
Per medias ictu nusquam fallente secures.
Tum stetit adverso sublimis limine, & omnes
E pharetra effudit calamos ardentia volvens 200
Lumina, & Antinoum jaculatus vulnere stravit.
Hinc alios contra spargit volitantia certa
Tela manu, figitque ardens: cadit ista juvenus
Plurima, & aggesta densantur funera caede.
Nec dubium, major quin vis excita deorum
Auxilio steterit: namque omnibus undique testis,
Qua ducit furor intus agens, trepidantia passim
Corpora procumbunt. morientum it luctus ad auras
Excitus, & fractis cervicibus alta resultant
Atria, tum sparso natat omnis sanguine tellus. 310
Haec nos fata neci dederunt, inhumataque longe
Membra jacent Ithaci in domibus sine honore relicta.
Necdum etenim luctus fidis auditus amicis,
Qui sanie ac tristi nigrantia vulnera tabo
Rore lavent lacrimas inter, decorantque supremis
Muneribus, qui dignus honos Acheronte sub imo est.
Talia finierat referens. miratus Atrides
Exclamat, gemitumque imo de pectore ducens:

For-

Fortunate, inquit, proles Laërtia, Ulyſſeu,
 Maſte tuæ magna virtute o conjugis! uni 220
 Di dederunt talem diro ſine crimine mentem
 Penelopi, in ſolo flagrans quæ ſemper Ulyſſe
 Certa fidem tenuit. dignæ virtutis imago
 Numquam tanta cadet, nec fama oblita peribit
 Dis etiam celebranda iſſis, qui carmina condent
 Illius in laudem tardos manſura nepotes.
 Non ita Tyndaridi placitum: ſcelus auſa nefandum
 Ipſa virum exſtinxit, letoque in Tartara miſit
 Inſontem. tanti ſemper monumenta vigeant
 Flagitii, quin & nomen muliebri per omne 230
 Fama eadem indignæ labis contagia ſparget,
 Si qua etiam exſtiterit ſtudiis præſtantibus apta.
 Talia jactabant nigris in ſedibus Orci
 Suppoſiti tellure alta; per moenia grefſu
 Dum celeres illi properant. jamque arva tenebant
 Laërtæ, multo ſenior quæ culta labore
 Ipſe ſibi, preſſus curarum a mole, pararat.
 In medio domus alta fuit, circumque patebant
 Atria, quæis epulas celebrare & carpere ſomnos
 Per noctem aſſuerat famulantum operoſa juventus. 240
 Heic etiam, quæ fida ſenem curabat in agris
 Urbe procul, ſtabat Siculis anus edita terris.
 Atque ibi tum ſociis natoque ita ſatus Ulyſſes:
 Ire, ait, o properi in ſedes, epulaſque parate
 Maſtantes de more ſuam, qui pinguior errat:
 Experiâr, memori percuſſus imagine noſcat
 Mene pater, ſubito cernens adſiſtere coram;
 An multo abſentis jam tempore neſciat ora?
 Sic dixit, famuliſque dedit ferre arma vocatis
 Martia: jamque illi properant ad limina; at heros 250

H h h

Si

Si quos inveniatur, viridem descendit in hortum.
 Non Dolium reperit loca late confita lustrans
 Non gnatos Dolii, vernasque: una avia longe
 Vellebant dumeta omnes vepresque futuris
 Sepibus, ipse suum senior dux egerat agmen.
 Solum ibi. Laërten aerata falce prementem
 Arboris eductae ramos invenit. amictus
 Sordidus ex humeris pendet, taurinaque furis.
 Vincula dant ocreas & sentes tegmina in aspros
 Hinc apta atque illinc manibus, ne vulnera laesus 260
 Accipiat; capitis tum summo in vertice squallet
 Horridus heu miseri caprina e pelle galerus.
 Sic ubi cognovit senio curisque gravatum
 Ingenti subito percussus corda dolore
 Sub celsa stetit ille piro lacrimasque profudit.
 Dein tacita secum defixus mente volutat,
 Amplexusne petat, circumfususque repente
 Expediat casusque suos reditumque parenti?
 An prius exploret sensus, ac singula tectet
 Ingressus vario sermone? haec exigit heros 270
 Dum secum, satius visum est illudere primum,
 Paullatimque senem gnati succendere amore.
 Jamque illum sic certus adit, dum vertice prono
 Curvatus senior stirpes tegit arboris altae
 Effossa tellure; & sic effatur ab ore
 Stans propior. te nulla fugit sollertia foetus
 Vitigenos curare, senex; heic omnia late
 Culta nitent. non stirps, non dulci ficus abundans
 Nectare, non Bacchi vites, non Palladis arbor,
 Non pirus, ulla tibi non est neglecta per hortum 280
 Arcola. hoc tantum dicam, tu parce moveri:
 Te cultus non iste decet; simul aegra senectus

Sol-

Sollicitat fessum, simul horres turpiter artus
 Nudus inops. nec te cessantem durus, opinor,
 Spernit herus, nec forma tuo servilis in ore;
 Inque habili membrorum habitu: par omnia regies;
 Et jam tarda senem lotumque epulisque refectum
 Ad placidos poscunt tranquilla per otia somnos
 Tempora; defunctum curis, operumque labore.
 Quin age, fate mihi, cuinam famularis in agro, 290
 Florentesque hortos curas? dein insuper adde,
 Haecne Ithacae tellus; venienti ut cominus adsans
 Nescio quis nuper dixit, nec pectore fido,
 Nec sat mente valens. neque enim mihi certa ferebat,
 Audibatque meas voces, dum plurima quaero
 Hospite de caro; superis num vescitur auris;
 An leto domitus crudelibus occubat umbris?
 Quondam, fabor enim (tu corde audita reponere
 Dicta memor) patriae devectum ad limina sedis
 Excepisse virum memini; quum finibus illis 300
 Nondum alius nostris successerat advena tectis:
 Sese Ithaca e patria multa cum laude ferebat.
 Laërtisque Arcisiadae de stirpe creatum.
 Illum ego suscepique volens, blandoque receptum
 Hospitio fovi, divesque & rebus abundans
 Dona dedi, nostri monumentum ac pignus amoris,
 Ex auro septem caelato ferre talenta;
 Argentoque gravem & signis cratera coruscum,
 Bissenasque super laenas, totidemque tapetas,
 Actotidem chlamydas, tunicasque auro intertextas. 310
 Praeterea quatuor praestanti corpore servas
 Haud operum ignaras, sibi quas delegerat omni
 E numero exsortes. vix haec tum fatus Ulysses
 Quum genitor lacrimans: Ithacam quam poscis, adisti,
 H h h 2 Hospes,

Hospes, ait, gentes habitant, immania corda.
 Quae vero memoras data quondam, heu perdita frustra
 Dona abiere tibi. namque ille heic vivus adesset
 Si patrio in regno, meritis dimitteret auctum
 Muneribus, ceu iura petunt, nec parva maneret
 Gratia apud memorem. nunc autem effare vicissim, 320
 Quot magni revoluti orbes labentibus annis;
 Ex quo initum hospitium, ac primum tibi dextera amico
 Juncta tuo est, caro quondam, sed non mihi vivo
 Nunc etiam gnato: patrio quem litore longe
 Heu miserum saevi raptant aut gurgite pisces,
 Aut lanianda feris latos data praeda per agros,
 Alitibusque jacet. non mater flevit ademptum
 Veste regens, non ipse pater, non optima conjux
 Penelope in viduo ploravit funera lecto,
 Exstinctique manu languentia lumina clausit 330
 Justa ferens de more atro solatia leto.
 Verum age sis, verax etiam haec ne mitte docere;
 Quisve, vel unde hominum, qua te genuere parentes
 Urbe satum, qua parte ratis, fidique sodales
 Constiterunt? puppine aliena advectus adisti
 Haec loca, teque procul nautae cessere relicto?
 Talia Laërtes; at contra filius orsus.
 Sum patria ex Alybante, ubi recta ingentia servo,
 Regis Aphidantis Polypemonidae genus altum
 Egregii, sed nomen Eperitus. appulit oris 340
 His deus invitum Lylibeïa regna petentem;
 Stat ratis aversi procul urbe in litoris acta.
 Ast Ithacus, fugiens jam quintus volvitur annus,
 Ex quo nos adiit, nostrisque abcessit ab arvis
 Infelix. dextrae spondebant fausta volucres
 Omina, queis firmans animos solabar cuntem,

Lactus

Laetus & ipse ibat: spes ingens ceperat ambos
 Hospitio misceri iterum, donisque potiri.
 Dixerat: ast illi nigra caligine luctus
 Incubuit, sparsamque ardenti pulvere foedans 350
 Canitiem gemitu mixto suspiria traxit.
 Non tulit hanc heros speciem, narsque per ipsas
 Vis animi prorupit, iter molita sub auras,
 Affususque interque amplexus dulcia libans
 Oscula sic dictis genitorem affatur amicis.
 En quem poscis, ego post annos denique veni
 Bifidenos patrias, genitor, tibi salvus ad arces;
 Parce pio fletu, tristemque heu comprime luctum.
 Magna fero, celerare juvat: jacet aedibus altis
 Strata omnis jam turba procum, clademque piavi 360
 Luctificam, exstinxique nefas crudele domorum.
 Cui genitor: si sanguis ades meus, inquit, Ulysses
 Redditus huc, da signa, quibus confidere tuto,
 Ac valeam certam dictis adjungere mentem.
 Tantum effatus, & ille: haec vulneris aspice primum
 Nota tibi, dixit, vestigia, quae ferus olim
 Saevo dente ruens in verticibus Parnassi
 Liquit aper. tua jussa sequens caraeque parentis
 Autolycum visurus avum, promissaque dona
 Capturus juvenis quondam hoc de litore cessi. 370
 Quin age & enumerans nunc dicam ex ordine plantas,
 Quas mihi tu puero dederas. ego nomina quaeque
 Parvulus ardebam tua post vestigia reptans
 Discere; tu vero gradiens per amoena vireta
 Singula monstrabas, & me tua dona docebas.
 Bissenas mihi sponte puros unamque dedisti
 Praeterea, malosque decem, ficosque feraces
 Quadraginta, aequo plures tum limite sulcos.

Quin-

Quinquaginta ipsi, si rite recorder, & omnes
 Frugiferi: varioque illic in palmite turgent, 380
 Quum Jovis incumbit tempestas laeta, racemi.
 Vix ea. Laërtae, dum certa in mente volutans
 Signa recognoscit, collapsi protinus artus
 Diriguere omnes trepido, resolutaque virtus,
 Ac nati collo circum dat brachia: at ille
 Excipit exanimem, labentemque erigit ultro.
 Ut voci via facta, animusque in pectore venit,
 Continuo has rupit voces: o Juppiter alme,
 Et vos caelicolae magni regnatis in arce
 Siderea; jamjam credo, cogorque fateri, 390
 Si meritas tandem poenas dedit effera pubes.
 Id vero graviter metuo, ne concita contra
 Irruat huc Ithacae manus omnis, & improba longe
 Fama Cephallenum rumoribus impleat urbes.
 At natus: fide, o genitor, nec talibus, inquit,
 Sollicitis curis animum: quin testa petamus,
 Telemachus praemissus ubi geminique sequuti
 Pastores properant jussis convivia mensis.
 Talia ubi dixit, gressus ad limina torquent,
 Atque introgressi penetrali in parte domorum 400
 Telemachum sociosque vident in frustra secantes
 Ingentes armos, miscentesque humida vina.
 Magnanimum interea Laërtem in sedibus altis
 Lavit anus Sricula, & pingui perduxit olivo
 Injiciens chlamydem fulgentem. at candida Pallas
 Adveniens propior terfit squallentia regis
 Membra austans, pulcrumque magis magnumque videri
 Jussit, & ambrosios cervici afflavit honores.
 Nec mora, processit solio: miratur Ulysses
 Aspiciens pulcro similem caelestibus ore, 410
 Et

Et subito: o genitor, quis te deus aethere lapsus
 Mutat, & eximiis clarum decus artibus addit?
 Cui tum Laërtes palmas ad sidera tollens
 Voce refert: o rerum hominumque aeterna potestas,
 O Jove nata, o Phoebe, utinam jam munere vestro
 Qualis eram quondam, cepi quum Nericon altum
 Litore in adverso ducens victricia bello
 Signa Cephallenûm, nostris hesternus adessem
 Talis ego in domibus, pugnamque aggressus Achivûm
 Issëm per medios cinctus fulgentibus armis. 420
 Multorum haec ardens stravisset corpora leto
 Dextera; tuque tua sensisses gaudia mente
 Miratus tum, nate, ingentem caedis acervum.
 Haec illi alternis dum jactant vocibus; omnis
 Perfectusque labor, mensaeque ante ora paratae
 Jam dapibus stabant: ergo discumbere pictis
 Festinantque toris omnes, epulisque parant se.
 Nec minus & senior Dolius stipante corona
 Gnatorum advenit, multo defessa labore
 Membra trahens. illum properans exciverat agro 430
 Suerat anus & vernas curare & fida fovere
 Omnibus officiis longaezum in sede parentem.
 Hi simul ac Ithacum mensa videre cubantem,
 Artoniti stupuere animo. quos mollibus heros
 Compellat dictis, atque haec mirantibus infit.
 O senior, vosque o juvenes accumbite mecum
 Una omnes jamnunc, mirari & parcite. namque
 Heic nos jampridem cupidos habet ardor edendi,
 Cessamusque tamen, reduces dum testa petaris.
 Dixerat; ac Dolius palmas utraque tetendit 440
 Ad regem, amplexusque manus & dulcia libans
 Oscula conclamat. spes o fidissima nostrum,
 Veni-

Venisti tandem, tuaque exoptata tueri
Ecce datur, nobis nil tale putantibus, ora.
Incolumis quando, dīs te huc ducentibus, aditas,
O salve, aeternumque mihi, rex optime, gaude,
Multa tibi superi faustae dent praemia vitae.
Quin & fare precor, num laetae conscia sortis
Penelope sensit reducem te numine divum;
Nuncius anne jubes, ferat haec praemissus ad aures? 450
Cui Laërtiades: quidnam haec te cura fatigat,
O senior? jam nota, inquit, sunt omnia, meque
Adspexit regina. haec tantum effatus, & ille
Paruit haud quidquam referens folioque resedit.
Heic etiam proles Dolio generata salutat
Circumfusa ducem, dextramque attingere gaudet
Laeta animis. omnes quo tandem munere functi
Hinc atque hinc patrem circa de more recumbunt.
Interea hi celebrant structis dum gaudia mensis,
Nuncia fama volans totam rumoribus urbem 460
Excierat spargens horrentia fata procorum.
Queis dictis cives turbati huc protinus atque huc
Cum gemitu strepituque ruunt ad limina Uliſſei,
Corporaque exportant tectis, & fleta suorum
Pro se quisque viri condunt frigentia membra:
Ast alios alias properant deducere ad oras
In patriam celeri vectos per caerula cursu
Luctum infelicem lacrimasque parentibus orbis.
Ipsi in concilium perculsi pectora curis
Processere; ingens stimulat dolor ossibus ardens, 470
Praecipitatque moras. postquam venere frequentes
Surgit ibi Eupithes; namque huic praecordia luctus
Acrior intus habet dilecti ob funera gnati
Antinoi, primum quem vulnere stravit Ulyſſes:
Isque

Iſque ibi tum lacrimans ita voce ſilentia rupit.
 Horrendum exitium, cives, & funus acerbum
 Unius a furiis tulimus, qui Dardana primum
 Claſſe cita juvenum multos ad Pergama duxit,
 Amiſitque rates, ſociosque in gurgite merſit;
 Dein alios rapuit veniens, & lumina ſævus 480
 Prima Cephallenûm Stygias detruiſit ad umbras.
 Ergo agite, atque prius Pylias quam tendat in oras,
 Elidis aut urbes, regnataque litora Epacis,
 Feſtinemus. an & tristes & ſemper inertes
 Sic erimus? quæ fama, viri, nos deinde ſequetur,
 Natorum fratrumque ulți ni dira piemus
 Funera? jam cæli ſuperis haud veſcier auriſ
 Dulce mihi; præſtat manes descendere ad imos.
 Sed celerare juvat, ne quam fortuna ſalutem
 Ocius oſtendat fugientibus. atque ita ſatus 490
 Demiſit lacrimas, luſtuque incendit Achivos.
 Hos inter motus, medio flagrante tumultu,
 Ecce ſuper linquunt Ithaci penetralia celſa
 Servatuſque Medon, & clarus carmine vates.
 Succedunt ambo propius: ſtupor omnibus ora
 Occupat, ut denſa ſtantes videre corona.
 Queis prudens hæc voce Medon tum farier orſus:
 Magnanimi audite, o cives: non iſta vel auſus
 Vel potuit, ſancto divum ſine numine, Ulyſſes.
 Ipſe ego Mentorea vidi ſub imagine juxta 500
 Stare deum, regis nunc ſævo in pectore robur
 Ultro incendientem, nunc teſta per alta cientem,
 Turbantemque procos. infelix luſtus ubique
 Inſuetuſque pavor, confertaque turba cadebat.
 Hæc dederat vix dicta Medon; exterrita pallor
 Omnibus extemplo trepidantibus ora notavit.

Atque his tum senior pavidis heros Halirherfes
 Mastorides, unus sollerti pectore gnarus
 Cernere, quae fuerunt, quae mox ventura subibant,
 Incipit, ac verbis animos permulcet amicis, 510
 Haec fatus. dictis adhibete o pectora, cives;
 Omnia contigētunt vitio haec & crimine vestro,
 Vos caussa exitii; vos olim multa monentem
 Mentora non passi meque ipsum audire jubentem,
 Actutum infanos juvenum conspescere motus,
 Qui scelus aggressi dirum res vertere fundo
 Institerant omnes, thalamoque abducere sponfam
 Ipsi heu regis sperabant: funere raptum
 Scilicet haud umquam rediturum in recta putabant.
 At contra evenire: ergo patere volentes, 520
 Nec properate viri, ne quis det sanguine poenas
 Sponte ruens. vix fatus erat; pars maxima vulgi
 Exsiluit magnas rollens ad sidere voces:
 Atque alii e populo mansere in sedibus isdem
 Condensi. neque enim sub pectore dicta probant,
 Eupithei sed iussa timent, parentque coacti.
 Saevit amor ferri subito; capit arma juvenus
 Impia, & ardescens inimica in praelia fertur.
 Atque ubi fulgenti se quisque incluserat aere,
 Una omnes campo ante urbem coiere patenti 530
 Agmine conferto. dux ipse hortatur ovantes
 Eupithes, gnati funus qui triste minatus
 Ulcisci demens, reditu cariturus abibat
 Jam Stygiae aeternum nocti damnatus et Orco.
 Haec cernens tali affatur Tritonia virgo
 Voce Jovem: summis o qui regis omnia solus
 Imperiis, genitor, quae nunc sententia surgit?
 Num patere prius duro concurrere Marte

Hos atque hos placido quam jungas foedere dextras?
 Cui tum nimborum rector sic ore vicissim 540
 Orsa refert: quid, nata, iterum me talia poscis?
 Non tibi jamdudum nota haec mea certa voluntas
 Scilicet est, Ithacus rediens ut triste rependat
 Caede nefas? quidquid placitum super, ipsa sequare
 Sola licet: dicam tantum quae fata manebunt.
 Quandoquidem diros juvenes est ultus Ulysses,
 Ille diu patria laetus dominetur in urbe
 Pace regens stabili populos; nos numine nostro,
 Ne qua fuat rursus trepido discordia motu,
 Natorum fratrumque peractae obliviae caedis 550
 Ducamus. cessent illi velut ante quieti
 Legibus inter se justis, tum copia semper
 Fundat opes, roseoque adsit pax candida vultu:
 Sic fatus stimulos accenso in corde Minervae
 Subdidit. illa volat rapido per inania lapsu
 Vertice descendens niveo stellantis olympi.
 Ast heros, postquam mensarum expleta voluptas,
 Hortatus socios: jam nunc e sedibus, inquit,
 Profiliens aliquis videat, ne cominus hostes
 Improvisi adsint. nec plura his dixerat, unus 560
 Natorum Dolii surgens mandata capeffit.
 Isque ubi contigerat limen, venientia cernit
 Agmina, & inclamans fatur dein talia regi:
 Arma manu, capite arma omnes, jam jamque propinquant.
 Dixerat: assurgunt celeres, atque aere coruscant
 Induti fidi quatuor cum rege sodales,
 Ac seni juvenes Dolii genus; ipse senecta
 Jam gravis heu multa, quando vis ultima cogit,
 Cum Dolio sumptis Laërtes ardet in armis.
 Hinc ubi cinxerunt rutilanti corpora ferro, 570

Postibus emotis procedunt: agmen Ulysses
 Ducit agens, laterique Jovis de vertice nata
 Mentoris os vocemque gerens stat bellica virgo.
 Quam simul adstantem vidit Laërteus heros,
 Telemacho sic laetus ait: nunc vivida bello
 Pectora, nunc vires, o gnate, ostendere tempus,
 Spectat ubi Mars quemque virum. neu magna tuorum
 Facta genusque patrum, quos ingens gloria tollit
 Per terras late claros praestantibus oris
 Degener heu patiare tua fordescere culpa. 580
 Tum natus: jam tu genitor, tu maximus ipse
 Testis eris, generi si tanto hoc dedecus addam,
 Quod meruis, patiarque tuum vilescere nomen.
 Vix ea; quum senior tollens ad sidera palmas:
 Di magni, exclamat. laetus, quae candida fulget
 Lux haec orta mihi, quae mentem gaudia tanta
 Sollicitant? una certant natusque neposque
 Succensi alterno pulcræ virtutis honore.
 Talia Laërtes, Tritonia cominus adstans:
 O Arcifiae, fociis magis omnibus, inquit, 590
 Care mihi, fer vota Jovi, innuptaeque Minervae
 Protinus, ac validis intorque hastile lacertis.
 Haec dea, & inspirat magnum acri in pectore robur.
 Ille Jovem natamque Jovis per vota precatus
 Ingentem totis contorquet viribus hastam,
 Ac ferit Eupithen galeae per ahenea texta.
 Dissiluisse ictu perfossa; & cuspis adacta
 Transiit adversi per tempora: volvitur ille
 Frigidus, horrendumque super dant arma fragorem.
 Contra autem primis pugnantibus incidit heros 600
 Cum gnato immixtus, telisque atque ensibus ambo
 Obvia utrinque metunt, & late corpora sternunt.

Et

Et jam omnes tristi domuissent funere mersos,
 Armipotens ni diva inclamans voce per auras
 Jussisset subito totum consistere vulgus.
 Quo miseri ruitis cives? jam ponite bellum;
 Et properate fugam, duraque abscedite pugna
 Sanguinis expertes. haec diva; & pallida tinxit
 Omnibus ora metus, trepidisque excussa repente
 Arma fluunt manibus, tellure & cuncta residunt, 610
 Horrendum clamante dea; tum moenia cursu
 Fida perunt, gaudentque fuga reperire salutem.
 Terrifico clamore Ithacus fugientibus instat,
 Attollitque leves saltus, ceu praepete penna
 Insequitur caelo praedam Jovis ales aperto.
 At pater omnipotens contorsit fulmen ab arce
 Flammata, ceciditque deae Tritonidis ipsos
 Ante pedes, regem quae tunc affata furentem est.
 O Laërtiade fate clara e stirpe deorum,
 Define; neu saevas procedere longius iras 620
 Indomito sic Marte linas, ne rector olympi
 Saeviat horrida molitus fulmina dextra.
 Dixerat. ille deae parat jam victor, & imo
 Pectore laetatur gaudens: tum foedera certa
 Inter utroque ferit Jove nata ipsa inclita Pallas
 Mentoream referens & voce & corpore formam.

F I N I S.

I LIBER; ATQUE SACRO DIGNUM QUI NOMINE FECIT,
 AUSTRIADES UTINAM PLACIDO TE PERLEGAT ORE.

INDEX RERUM

MAXIME MEMORABILIMUM.

Prior numerus librum, posterior ejus libri versum indicat.

- A**
Achillis anima Ulysses alloquitur XI. 493. Ejusdem exequiae XXIV. 58.
 Achivi convocari Telemacho II. 10.
 Achivorum dissidium III. 169.
 Aeolia regio X. 3.
 Aeolus rex dat Ulyssi utrem ventorum X. 24 quo soluto, venti emittuntur a focis per imprudentiam. 47. revocant Ulysses indignabundus expellit 74.
 Agamemnonis exitum narrat Nestor III. 264. ejus interitum IV. 623. ejus umbra laum exitum refert XI. 426. Amphimedonti loquitur XXIV. 117.
 Agelaus procos hortatur, ut nuptias maturent XX. 363. jubet, ne Mentor Ulysses juvet XXII. 228.
 Ajacis Oilei exitus IV. 580.
 Alcinoi regis domus describitur VII. 89. ejus haeci 125. idem Phaeaces de hospite Ulysses alloquitur 210. offerre Ulyssi filiam in matrimonium 355. promittit Ulyssi auxilium 363. Phaeaces hortatur ut Ulysses juvent VIII. 26. parat convivium 61. hortatur Phaeaces ad ludorum certamen 109. Ulysses ab Euryalo lacessitum placat 266. Phaeaces monet, ut Ulyssi dent munera hospitalia 430. quaerit Ulyssis fortunas omnes 632. Ulysses abiturum, se Phaeaces alloquitur XIII. 2.
 Amor patriae IX. 26.
 Amphimedontis anima procorum interitum narrat Agamemnoni XXIV. 133.
 Amphinomus procos a Telemachi nece dehortatur XVI. 433.
 Anticleae matris Ulyssis umbra XI. 88. eum alloquitur 165.
 Antilochus a Memnone occisus IV. 22.
 Antinous Telemacho respondet I. 419. Telemachum alloquitur II. 96. procos alloquitur IV. 889. XVI. 394. succedet Fumaco propter mendicium Ulysses XVII. 436. mendico respondet 506. eumque scabello perit 525. Ulysses arcum experiri petentem increpat XXI. 325.
 Antiphates rex Laestrygonum X. 169.
 Antrum Polyphemi IX. 190. antrum Nympharum in Ithaca XIII. 104.
 Arces Ulyssis XXI. 42.
 Arete uxor Alcinoi VII. 66. Phaeaces alloquitur XI. 355.
 Argelaus procos hortatur XXII. 265.
 Artacia domus X. 112.
 Atreidis anima Achilli loquitur de ejus funere XXIV. 40.
 Augurium aquilae II. 172. XV. 594.
 Aurolycus Ulyssis avus XIX. 441.
- B**
Bovis mactatio ad sacrificium Pal-ladis III. 499.
- C**
Callio Phaeacum fluvius ad nau-fragi Ulyssis preces fluxum si-stit V. 499.
 Calypsus specus V. 60. ea alloqui-tur

rur Mercurium 94. indignatur in
 deos 128. cum Ulyſſe loquitur 170.
 eique jurat nullum illaturam dam-
 num 197. prandent apud illam
 Mercurius: & Ulyſſes 210. ſpon-
 det Ulyſſi immortalitatem 220
 Campus Elifius IV. 657.
 Caſſandrae caedes XI. 442.
 Charybdis XII. 108.
 Cicones IX. 39.
 Circe in porcos vertit Ulyſſis ſocios X.
 250. Ulyſſem alloquitur 335. ejus
 ſocios reſtituit priſtinae formae 400.
 praedicat Ulyſſi iter ad inferos 508.
 & futura pericula XII. 40.
 Circus genus accipitris. XIII. 92.
 Creta nobilis nonaginta urbibus XIX.
 187.
 Cyclopes deorum contemptores IX.
 287. eorum inſula fertilis 130.

D

D Anaorum animae XXIV. 5.
 Demodocus cantor VIII. 47.
 Ulyſſi ſictum movet 91. canit fa-
 bulam de Venerę ac Marte de-
 prehenſis. 300. equum Trojanum
 cantat 540.
 Dolius Penelopes ſervus IV. 851.

E

E Chetus rex Epiri crudeliſſimus
 XVIII. 91.
 Edothea ſeu Idothea Protei filia Me-
 nelao erranti dat conſilium IV.
 432. hortatur ut ſuum patrem
 capiat 454. dolos edocet Protei
 patris 486.
 Elpenoris caſus XI. 55.
 Enipeus fluvius XI. 248.
 Eumaeus nobilis ſubulcus XIV. 4.
 ejus domus, ad quam divertit
 Ulyſſes 52. eum humaniter excipit
 60. & eumdem non cognoscens
 periſſe conqueritur 74. Eumaeo
 reditus. Ulyſſis non perſuadetur
 400. reſpondet Ulyſſi 183. in ad-
 ventu hoſpitis ſacrificaturus ſuam

maſtat 465. ei laenam pollicetur
 571. parat eidem ſtratum 580. Eu-
 maei & Ulyſſis colloquium XV.
 334. fatum ſuum nactat 448. Te-
 lemachum reducem excipit XVI.
 24. ei nunciat procos ab inſidiis
 rediſſe 510. impudenti Antinoo
 obloquitur XVII. 433
 Eupirthes cum Achivis conſpirat in
 Ulyſſis mortem XXIV. 472. a Laër-
 te occiditur 596.
 Euryalus Ulyſſi indignatur VIII. 17.
 3. illum enſe donat 447.
 Euryclea accerſitur, ut Ulyſſem la-
 vet XIX. 397. illum agnoſcit 427.
 nunciat Penelopi Ulyſſem. rediſſe
 XXIII. 6 Penelopem alloquitur 28.
 Eurydice Neſtoris uxor III. 505.
 Eurylochus dux ſociorum Ulyſſis ad
 Circe vadit X. 214. obloquitur
 Ulyſſi 276. indignanter Ulyſſi re-
 ſpondet XII. 292. ſuaſu Eurylo-
 chi praeceptum Ulyſſis de non
 tangendis ſolis gregibus violatur
 360.
 Eurymachus Telemacho reſpondet I.
 428. Halitherſis varicinum ele-
 vat II. 215. ejus oratio ſubdola
 XVI. 468 Penelopi iratae obſcæ-
 ſum hoſpitem reſpondet XVIII.
 268. Ulyſſem laceſſit 387. & ſca-
 bello petit 436. impar arcui ten-
 dendo dolet XXI. 282. ſupplicat
 Ulyſſi, culpamque omnem in An-
 tinoum vertit XXII. 48. procos
 hortatur ad deſenſionem 77. pec-
 ditur 90.
 Eurymedusa nutrix Nauticae filiae
 regis Alcinoi VII. 8.
 Eurynome Penelopis miniſtra XVIII.
 180.
H Alitherſes prociſ pericula in-
 minere indicat II. 191. diſua-
 det Ulyſſis caedem XXIV. 511.
 Helenae ornatus IV. 146. cum Me-
 nelao de advenſis colloquitur
 de Ulyſſe & ſui excidio
 rat 280. equo Trojano iactos
 nomi-

nominatim vocavit 329. Telemachum munere donat eximio, & augurium interpretatur XV. 135. 186. Hercules XI. 631. Ulysseni alloquitur 648. proditor hospitii XXI. 31. Heros Aegyptii II. 20. Hospitem invitum detinere inurbanum est XV. 72.

I

Iafon inter Scyllam & Charybdim salvus navigat XII. 174. Iafion a Jove fulmine percussus V. 136. Inferorum locus XI. 15. Injuste in malis dii accusantur I. 37. Iphitus Eurytides XXI. 15. Irus Ulysssem jurgiis incessit XVIII. 10. & in certamen provocat 29. sed vincit Ulysses 110. Ithacae insulae qualitas IV. 710. XIII. 260. Ithacensium conspiratio in Ulysssem XXIV. 462. pugna 600. Jupiter in deorum concilio verba facit I. 37. hospitalis IX. 282. dat caelo signum Ulyssii procorum caedem meditati XX. Jurare stygiam paludem, gravissimum diis jusjurandum V. 200.

L

LAercus faber aurarius III. 478. Lamus conditor Lestrygoniae X. 84. Lampus & Phaethon equi aurorae XXIII. 275. Lampetia filia solis XII. 397. Liocritus Mentori pro Telemacho loquenti respondet II. 291. Liodes arcum tendere nequit XXI. 162. supplex orat Ulysssem XXII. 347. occiditur 363.

M

MAlorum sibi homo causa I. 40. Medon Penelopi nunciat Telemachum navigasse IV. 788. pro-

cos hortatur ad caenam XVII. 188. Melanthius Ulysssem increpat XVII. 240. & calce ferit 262. impudenter Ulyssii loquitur XX. 208. armis procos instruit XXII. 150. vincitur a subulcis ad trabes XXII. 202. trucidatur 519.

Melanrho famula lacescit Ulysssem XVIII. 354. ei minatur verbera, nisi exeat domo XIX. 66.

Mendico pudor inutilis XVII. 652.

Menelaus Telemachum & Pisiſtratum hospitio suscipi jubet IV. 32. his labores suos narrat 411. dolet Ulysssem absentem 116. quaerit ex Telemacho causam itineris 366. ejus navigatio 92.

Mentor Ulyssii socius II. 268. Telemachum tueri studet 273.

Mercurius mittitur ad Calypso V. 28. ejus descriptio 44 & nuncium 105. ei ultimo libari consuetum VII. 156 Ulyssii remedium indicat contra Circes pharmaca X. 291. procorum animas ad Inferos deducit XXIV. 1.

Minerva pro Ulyſſe Jovem orat I. 50. ejus responſum 93. similis Mentae regi Taphiorum cum Telemacho colloquitur 797 cum jubet vetrigare patrem 301. iter properare hortatur II. 470. ejus sollicitudo pro Telemacho 487. Telemacho loquitur III. 18. Nestorem alloquitur 404. disparet 421. sub Iphitimae persona solatur Penelopea IV. 912. in concilio deorum pro Ulyſſe intercedit V. 7. Nauticaam alloquitur VI. 28. formam mentita adolescentulae Ulyssii sit obivium VII. 20. Ulyssii apparet in Ithaca XIII. 242. eum dissimulantem increpat 315. ac docet de procos occidendis 422. mutat ejus habitum 459. ad Telemachum in Spartam proficiscitur 470. eundem hortatur ut Ithacam redeat XV. 11. Ulysseni monet, ut filio se manifestet XV. 183. eundem acuit in procorum caedem XX. 55. procos demen-

INDEX

dementes reddit 390. Mentori assimilata Ulyssii adit 219. a Jove euentum seditionis Ithacensium sciscitatur XXIV. 535. dirimit bellum, & pacem conciliat 606.
Minos Cretae rex XI. 594.
Moly herba, ejusque usus X. 317.

N

Nausicaa Alcinoou patrem alloquitur VI. 68. & ministrae simul lavantur, luduntque pila 110. comparatur Dianae 117. ejus famulae rerrentur viso nudo Ulyssce 156. respondet Ulyssii 215. illi parris domum describit, quoque modo in urbem adveniat 290.
Neptunus Ulyssii infensus I. 23. cum tempestate quatit V. 310. in eundem saevit 411. indignatur Ulysssem redditum esse patriae XIII. 136.
Nestor benevolus erga hospites III. 74. Telemacho respondet 110. ejus filii Minervae sacrum apparant 492.
Nulli suus pater notus I. 234.

O

Orestes patrem ulciscitur III. 344.
Orion a Diana interemptus V. 131.

P

Pandarei filiae XX. 80.
Penelope dolis procos ludit II. 100. Medoni loquitur de procis IV. 792. dolet clam se profectum esse filium 819. audit Telemachum rediisse XVI. 366. mendicium Ulysssem advocari juber XVII. 579. ad procos itura XVIII. 180. increpat Telemachum ob verberatum hospitem 237. cum Ulyssse ignoto colloquitur XIX. 130. illi narrat, ut procos sefellere 147. quaerit ex hospite genus 107. narrat Ulyssii somnium 606. Dianam precatur

RERUM 441

XX. 74. procis certamen proponit XXI. 70. depromit Ulyssis arma 60. Antinoou objurgat, quod Ulyssii molestus 340. Ulysssem rediisse non credit XXIII. 68. nutricem alloquitur 88. subdubitan ad Ulysssem accedit 97 illum agnoscit 230.
Perpauci filii patribus similes II. 338.
Phacacensium origo VI. 4. certamen, cursus &c. VIII. 102. lusus pilae 414. saltatio 420. naves sentiles 616. navis in saxum convertitur XIII. 178.
Pharmacum Helenae discutens tristitiam IV. 260.
Pharos IV. 419.
Phemius canit reditum Achivorum I. 350. reprehensus a Penel 360. canit procis XVII. 297. Ulyssii supplicat XXII. 383. ipte & Medon a Telemacho servantur 397.
Philetius heri Ulyssis dolet infortunium XX. 236. ei mandatur januae custodia XXI.
Phorcynis portus XIII. 100.
Phrontis naucleri obitus III. 318
Piraeus Theoclymenum hospitatur XV. 613. Telemacho reduci loquitur XVII. 83.
Pisenor praeco II. 44.
Polyphemus Neptuni filius I. 81. ejus antrum IX. 190. advenas interrogat 263. duos socios Ulyssis devorat, & mox alios 302. oculus illi eruitur ab Ulyssce 401. Cyclopes advocat 422. arictem alloquitur 474. imprecatur Ulyssii 558.
Proci epulantur I. 160. Telemachum navigaturum cavillantur II. 387. de Telemacho colloquuntur IV. 772. ac de eo occidendo consultant 890. parant navem ad insidias 894. enavigant 900. ab insidiis redeunt XVI. 390. Ulyssii & Iro certaminis praemium constituunt XVIII. 50. mirantur Penelopis pulcritudinem 269. ei dona adferunt 322. illorum ultimo adventui instruitur domus XX. 180. sinistro omine a Tele-

Telemachi caede deterrentur 278. dira portenta in procos 390. viribus impares arcui tendendo XXI. 289. eorum caedes XXII. 340. ultimus conatus 270. post ipforum caedem simulantur in aedibus nuptiae caussa evitandi tumultus XXIII. 148.

Proteus captus a Menelao in Aegypto IV. 530. disparet 667.

S

SCylla XII. 89. fex Ulyssis socios devorat 259.

Sisyphus XI. 624.

Solis grex ab Ulyssis fociis devoratur XII. 380. ejus indignatio 398.

Syria insula, in qua natus Eumaeus XV. 448.

Somni portae XIX. 639.

T

TAntalus XI. 611.

Telemachus in loquendo vererecundus I. 173. matrem reprehendit 310. Eurymacho loquitur 445. Achivos convocat II. 5. quibus suam fortunam exponit 46. Antinoo respondet 148. loquitur ceteris prociis 250. Minervam precatur 319. minatur prociis 373. Eurycleam alloquitur 413. & solatur 436. socios alloquitur 476. navigat Pylum 494. Minervam alloquitur III. 26. respondet Nestori, eumque interrogat 85. proficiscitur ad Menelaum 540. Spartam venit IV. 1. Pisistratum ibi alloquitur 78. Menelao loquitur 343. patriam repetiturus loquitur Pisistrato XV. 49. & Menelao 68. a quo proficiscitur 197. socios ad iter hortatur 239. Theoclymenum in navem suscipit 308. Ithacam redit 560. ad Eumaeum venit 625. quaerit de hospite, & patrem non agnoscit XVI. 65. cui ignoto loquitur 113. Eumaeum mittit ad matrem 142. pa-

trem alloquitur 343. eique recenset numerum procorum 261. profectorum patrem relinquit XVII. 30. redux excipitur a suis 34. matri narrat expeditionis capita 111. domus illi tota ardere videtur XIX. 36. monet Eurycleam, ne hospitem negligat XX. 155. prociis edicit, ne hospitem infestent 300. Ctesippum oburgat 342. experitur vites arcu Ulyssis XXI. 120. matrem procos oburgantem alloquitur 370. Amphinoium interficit XXII. 100.

Tempestas ob solis armentum violatum XII. 431.

Telemus Cyclopium vates IX. 539.

Theoclymenus vates ad Telemachi navem confugit XV. 244. ejus genus 247. petit opem 284. interpretatur augurium 599. vaticinatur Penelopi de Ulyssse XVII. 170. instante procorum caede exit ex Ulyssis aedibus XX. 418.

Trinacria insula solis XII. 133.

Tiretiae umbra Ulyssis omnem itinerrum successum praedicat XI. 105.

Tityus XI. 603.

Tyro Crethaei uxor XI. 245.

U

Ulysses in equo Trojano IV. 319. parat navem apud Calypso V. 264. excurrit e rate vi tempestatis 400. naufragus a Leucothea juvatur 365. ad Phaeacenses defertur 470. exponitur terra 502. Nauficaam supplex alloquitur VI. 170. a Minerva in aedes Alcinoi perducitur VII. 47. Aretem supplex orat 164. clementer ab Alcinoos excipitur 190. interrogatus Aretae suos narrat labores 274. importuno Euryalo succenset VIII. 181. disco omnes superat 210. ejus pericia 227. illi feruntur xenia a Phaeacensibus 457. Nauficae gratias agit 507. labores suos Alcinoos narrat IX. 38. infelix praelium cum Ciconibus 61. defertur ad Lotophagos

gos 90. ingreditur antrum Polyphemi 225. concilium capir 333. Polyphemo vinum offert 364. & oculum eruit 403. ejus astutia 450. Polyphemo insultat 504. ab Aeolo expulsus X 74. venit Laettrygoniam 84. ad Circeem divertit 141. cervum configit 160. ad Circeem ingreditur 326. redit ad navem 420. socios ad Circeem ducit 443. ad Cimmerios divertit XI. 12. mortuos evocat 40. quaerit ex matre conditionem uxoris, filii, & patris 174. videt Antiopen 270. Alcemenam 277. Megaram 280. Epicaften 282. Chlorin 293. Pero 301. Ledam 311. Iphimedian 318. Orum & Ephialem 321. Ariadnam 337. Eryphilen 343. ab Alcinoos discedendi copiam petit 350. ad Ajacis umbram verba facit &c. 579. redit ab Inferis ad Circeem XII. 3. Sirenas praeternavigaturus socios alloquitur 162. appropinquat Scyllae & Charybdi 246. Eurylocho respondet 311. monet socios ut a solis gregibus abstineant. 313. in Charybdi impellitur 458. inde ad Calypso defertur 483. ab Alcinoos digreditur XIII. 67. dormiens reducitur a Phaeacensibus in Ithacam 83. non cognoscit patriam 265. Minervae dissimular genus 278. Ulyssis divitiae & possessiones XIV. 110. conatur Eumaco Ulysses rediturum persuadere 175. scite fingit historiam adventus sui 226. quaerit Eumacum de matre & de patre Laërta XV. 382. & ejus generis conditionem 421. Telemacho loquitur XVI. 100. filio se prodit 206. eumque instruit, quid faciendum cum prociis 284. urbem petit XVII. 220. eam ingreditur mendicus 225. ab Argo cane agnoscitur 331. aedes suas ingreditur 385. mendicatum adire procos 420. Antinoom alloquitur 469. a quo petirus scabello conqueritur injuriam 535. Irum vincit XVIII. 110. Am-

phinomum monet infortunii 137. Ulyssis discedentis ad Trojam verba ad uxorem 284. Telemacho jubet, ut arma abscondat XIX. 2. fingit se venisse e Creta 185. ab Euryclea agnoscitur ex Cicatrice 436. adolescens ab apro vulneratur 507. Eurycleam prohibet, ne se ipsum prodat 546. versat noctu varia secum de caede procorum XX. 38. Philetio loquitur 262. ipsi & Eumaco se manifestat XXI. 220. petit experiri arcum 300. qui tandem ipsi asseritur 400. Antinoom sagitta interficit XXII. 16. prociis se manifestat 37. sese armat 130. post caedem procorum Eurycleam accersit jubet 433. & mortuos efferri 490. ac impudicas famulas laqueo suspendere 504. igne & sulfure illustrat aedes 527. uxorem victor alloquitur XXIII. 186. lectum conjugalem describit 216. ite cubitum cum uxore 329. eidem narrat breviter suos labores 341. egreditur ad patrem 433. eum compellat XXIV. 276. patri se prodit 356. Dolio loquitur 435. in eum Achivi conspirant 470. adventus hostium ei nunciatur 564. pugna 600. quam dirimit Pallas, & pacem firmat 620.

Uxori non temere credendum XI. 463.

Vener multorum malorum causa XVII. 540.

Viaricum paratur navigaturo Telemacho II. 446.

Vinum Maroneum quale IX. 212.

Volente deo nihil difficile III. 256.

Vulnera incantari solita XIX. 516.

X

Xenia dantur Telemacho IV. 720.

Z

Zacynthus insula I. 267. & alibi &c.

F I N I S.

	ERRATA	SIC	CORRIGE
Pag. XXIV. lin. 27.	inquit	inquis	
Lib. 5. v. 345.	adverso	adversa	
Lib. 6. v. 366.	verberae	verbere	
Lib. 7. v. 177.	Phaeacas	Phaeaces	
& 8. 429.			
Lib. 8. v. 183.	capere	carpere	
Lib. 8. v. 242.	stat valet	valet, stat	
Lib. 9. y. 271.	ora	oras	
Lib. 10. v. 197.	resonant	resonent	
Lib. 12. v. 107.	potulis	patulis	
Lib. 13. v. 349.	Phaeaces	Phaeacas	
Lib. 13. v. 478.	patulas	patulos	

Si quae sunt alia, Typographus te, humane Lector,
ut ignoscas sibi, ac tute facile emendes, orat.

MAC 201854







